

汪蛟門懋麟年譜初稿

大平桂一

蛟門名懋麟。姓汪氏。字季用。號蛟門。江都人。其先出唐初歙州總管汪華。數徙而家揚州。遂著籍江都。高祖克臣事蹟無考。曾祖天澤。世以軍功襲錦衣衛千戶。祖遠。獨向儒術。太學生。父如江。母李氏。有四子。長振麟。次兆麟。三耀麟。季即懋麟。如江副室某氏。生起麟。懋麟次第五。

資治通鑑卷一百八十九。隋末歙州賊汪華據黟歙等五州。有衆一萬。自稱吳王。甲子遣使來降。拜歙州總管。

按。史書稱汪華爲歙州賊。懋麟甚有不滿。參見百尺梧桐閣文集以下省稱文集卷七告祖文。

進士三代履歷便覽以下省稱便覽。康熙六年丁未科會試進士三代履歷。曾祖天澤。錦衣衛千戶。祖遠。太學生。父如江。冀州別駕施閏章汪覺銘無此記載。

按。高祖克臣。曾祖天澤。疑爲行鹽於揚而以捐納封爲錦衣衛千戶者也。

父如江。字觀瀾。先世新安。後家江都。少慕交游。重然諾。負幹濟才。屢徵不出。生平持躬砥行。有長德之風。鄉里咸尊尚之。舉

汪蛟門懋麟年譜初稿

鄉飲賓。人謂不媿。子懋麟成進士。爲世名賢。如江卒。遠近之會甲者。如臨陳仲弓喪乾隆八年修光緒七年重刊江都縣志卷二十二人物篤行。生于萬曆十四年正月二十一日。卒于康熙十五年十二月五日。年九十一生卒年據施閏章撰墓誌銘。兄起麟。如江第一子。事蹟無考。

按。告先考文文集卷七。起麟懋麟俱已有子。耀麟四子。不幸折其二。餘二子日長知讀書。自後起麟力於田。耀麟力於書。以冀萬一之獲報吾父母未盡之志。蓋勤於農者也。

兄振麟。如江第二子。早卒。按。告先考文文集卷七。而此二十年之初。既遭流寇之震驚。罹南渡之

屠掠。蕩家破產。萬死一生。痛二兄之就戮。歎家室之凋零。又。劉莊場感舊詩百尺梧桐閣詩集卷六以下省稱詩集。揚州甲申歲。：中兄死兵革。

兄兆麟。字公趾。如江第三子。幼好奇。負大志。不喜讀書。喜騎馬握刀。調弓弄矢。吹簫彈絃。各擅其妙。不飲酒。喜挾斜。好遊每出門。駕大船。牽名馬。載一切玩弄具。所至少年詠調遊談技能之子滿座上。名娼雜沓。暇則之原野。騎射角勝笑悅爲樂。雖空無不計也。生于崇禎六年。卒于康熙十一年。年四十文集卷五亡兄汪公趾墓誌銘。

三五九

兄耀麟。字叔定。號北阜。如江第四子。江都貢生。著抱耒堂集。南徐唱和詩。愛園唱和詩江蘇詩徵卷七十一。

崇禎十二年己卯正月二十六日 懋麟生

王士禎汪比部傳蠶尾集卷六。大笑呼奇絕而逝。實康熙二十七年四月十一日也。年止五十。又。陳廷敬崇禎十三年生十二月二十六日湘北船上幼華蛟門見過用東坡饋歲別歲守歲韻三首之三年亭集卷七。自注。蛟門長余一歲。則懋麟生在崇禎十二年也。

按。劉莊場感舊詩詩集卷六。揚州甲申歲即崇禎十七年。余時方七齡。則懋麟生應在崇禎十一年。然而城南山莊畫像記文集卷三。予庸碌無狀。齒僅少陳公敬一歲。又。聞生子消息四首之三詩集卷九。忽忽過三十。飄飄又一年。則生應在崇禎十四年。懋麟自述生年。如此參差。固不可靠。便覽康熙六年丁未科會試進士三代履歷。汪懋麟。丁亥年順治四年正月二十六日生。懋麟身歷甲申之亂。作詩記之。可知便覽誤甚。徐乾學刑部主事季角汪君墓誌銘檀園文集卷二十九。年僅四十有九。康熙二十七年四月十八日卒。則懋麟生當在崇禎十三年。但徐氏之撰文也。如云康熙十二年當作二年鄉試中式。紀年時有非確。午亭漁洋。閉門造車。出門合轍。今從王傳。

又按。生日答豹人見贈二首排在詩集卷六開頭。則懋麟生日似在正月。姑從便覽。

崇禎十三年庚辰 二歲

崇禎十四年辛巳 三歲

崇禎十五年壬午 四歲

崇禎十六年癸未 五歲

崇禎十七年清順治元年甲申 六歲

三月。李自成陷京師。十九日。崇禎帝自盡於煤山。

夏四月。清兵入關定鼎。終旬。高傑兵縱掠揚州。揚人大懼。登陣拒守。父如江亦與焉。時如江令母李氏。兄耀麟。懋麟等避海瀕居劉莊場。亂後始還家。兄振麟死於亂。

劉莊場感舊詩詩集卷六。揚州甲申歲。夏四月終旬。城頭箭如雨。城內夜殺人。余時方七齡當作六齡。歷歷記猶真。吾翁守空城。遣家避海瀕。提攜仗老母。跋涉嘗艱辛。四兄年十餘。相依走踈蹤。託迹到劉莊。主人情舊親。主人指劉莊場富民某參見明年譜。謂余父有造。報恩在茲辰。移堂讓我居。汲水濯我塵。老婢來執爨。送米兼宰牲。室有二嬌女。鶯燕往來頻。兒戲無嫌猜。慰母時諄諄。中兄死兵革。季兄陷營屯。老母日夜泣。枯口復焦脣。小時不曉事。索食遭母嗔。亂後始還家。一一向父陳。雍正十一年重修嘉慶十五年刊揚州府志以下皆稱揚州府志卷十六都東臺縣

劉莊場。是歲。懋麟始入小學。穎異殊常見汪比部傳。時父如江教懋麟誦唐人五七言。斷句上口不忘文集卷二見山樓詩集序。

哀詩十首詩集卷十一之五。吾母生兒當六齡。戴兒角巾衣兒青。教兒入塾勤一經。却前誦書母夜聽。啖兒棗栗兼醃醢。依母不離影與形。豈意三載同飄游。兒今歸兮長伶仃。

順治二年乙酉 七歲

是歲。清兵下江南。四月終旬。揚州城破。史可法等死之。

始揚州被兵時。母李氏自投井中得不死。父如江薙髮匿僧廬。兵至。驅諸僞僧盡殺之。獨留如江。又得不死。不久。劉莊場富民某自操輕舟冒鋒鏑入城。訪如江夫婦所在。載歸其里。時時供餽不絕。亂定後還家。

哀詩十首之七詩集卷十一揚州乙酉亂。殺人無遺黎。城中火夜起。新

鬼啾啾。吾母志凜烈。甘爲井中泥。井中水深一百尺。兩日不死神扶持。

施閨章汪覺非先生墓誌銘施愚山先生學餘文集卷二十劉莊富民某訟繫於官。出數

百金屬援。尋事解。還其金。某愕然。公曰。實無須多金也。卒還之。某感泣。後王師屠揚城。某先掉小舟。冒白刃徧索城中。載公

歸居其里。時時供餽不絕。

順治三年丙戌 八歲

順治四年丁亥 九歲

順治五年戊子 十歲

順治六年己丑 十一歲

順治七年庚寅 十二歲

順治八年辛卯 十三歲

是歲。始學爲詩。

文集自序。余生十三四年。背塾師學韻語。謬爲詩。見人家屏幃紈

素間跡。輒善者記之。否者掩鼻走笑。先生長者目爲妄童子。

順治九年壬辰 十四歲

順治十年癸巳 十五歲

是歲。始從事學子業。

見山樓詩集序文集卷二十五以後。從事時文。非性所專好。間游獵他

書。恣情聲律。所師謂與時文妨也。禁不許。更潛習不肯輟。

時如江爲治與嚴寺北樓。令與兄耀麟讀書其中見山樓詩集序

按。興嚴寺。今無可考。

順治十一年甲午 十六歲

順治十二年乙未 十七歲

順治十三年丙申 十八歲

順治十四年丁酉 十九歲

順治十五年戊戌 二十歲

順治十六年己亥 二十一歲

是歲。王又且登第時年十四。布衣革帶。抱書南遊至揚州。懋麟始識又

且之名文集卷三王氏祠堂記

王又且。字幼華。別字黃湄。陝西郃陽人。順治十六年進士。居二

甲九十名。康熙七年。選授潛江知縣。補吏科給事中。轉戶科掌印

給事中。二十三年。典廣東鄉試。事畢。偕屈大均登羅浮山。既歸。

詩卷外無長物也。未幾。卒於官。生于崇禎九年十月十九日。卒于

康熙二十六年。年五十二。其詩兼綜唐宋人之長。獨不取黃庭堅。

著有黃湄詩十卷朱彝尊曝書亭集卷七十五儒林郎戶科給事中郃陽王君墓誌銘

順治十七年庚子 二十二歲

是歲。王士禛調選得揚州府推官時年十七。三月到官。懋麟尋從士禛受

業。

見山樓詩集序文集卷二。今國子祭酒濟南王先生。時為揚州推官。因小試得以詩為質。先生加獎焉。反復所以為詩之道。又時時齒余兄弟名於通儒大人之前。

王士禛。字子真。一字胎上。號阮亭。山東新城人。順治八年。舉於鄉。十二年。會試中式。不與殿試。十五年。成進士。居二甲三十六名。調選得揚州推官。於揚與名士文譙無虛日。官揚五年。遷禮部主客司主事。康熙十一年秋。典四川鄉試。歸途丁母艱。服除。補戶部四川司郎中。十七年。特旨授翰林院侍講。十九年。遷國子祭酒。二十三年冬。遷詹事府少詹事兼翰林院侍講學士。十一月。奉命祭告南海。尋丁父艱。服除。二十九年。遷都察院副都御史。

三十七年。晉都察院左都御史。三十八年。遷刑部尚書。四十三年。罷歸。按清詩紀事初編卷六王士禛條云以王五一案失出革職蓋士禛與廢太子唱和借題逐之。生于崇禎七年閏八月二十八日亥時。卒于康熙五十年五月十一日酉時。年七十八。其為詩備諸體。不名一家。自漢魏以下。兼綜而集其成。而大指以神韻為宗。文亦出入史漢八家。兼及六朝。著有帶經堂全集九十二卷。漁洋山人精華錄十卷。宋學西陲類稿卷三十一刑部尚書阮亭王公鑒配張宜人墓誌銘

順治十八年辛丑 二十三歲

康熙元年壬寅 二十四歲

是歲。土人以平山堂參見康熙十三年譜變制為寺。懋麟時為諸生莫能奪。徒嘆

惜之文集卷三平山堂記

揚州畫舫錄卷十六蜀岡錄。本朝元年改為寺。

康熙二年癸卯 二十五歲

夏七月。應試金陵。中式第七十二名舉人。正考官編修王昶時年五十六。副考官工科給事中王曰高時年三十三。

王昶。初名世約。字灌亭。順天大興人。順治五年。舉於鄉。十六年。成進士。居二甲一名。授翰林院庶吉士。十八年。散館授編修。康熙二年。充江南鄉試正考官。拔馬晉錫等七十八人。在翰林。纂修世祖章皇帝實錄。官止編修。生于萬曆三十七年。卒于康熙二十二年。時年六十五。據國朝耆獻類徵初編卷一百十六王崇簡王曰高。字鑾茲。號北山。山東茌平人。順治十五年。成進士。居

二甲十七名。康熙元年。授工科給事中。二年。充江南鄉試副考官。歷兵戶二科給事中。遷禮科都給事中。賜對稱旨。遷京卿。以候補歸。遭疾卒。生于崇禎元年四月八日。卒于康熙十七年七月。年五十一。曰高詩學唐賢。與王士禛唱和。著有槐軒集詩四卷文四卷。據國朝耆獻類徵初編卷一百三十四邵長蘅代。莊澹庵撰哀辭清詩紀事初編卷六王曰高小傳

冬。懋麟偕劉梁嵩。韓弋等北上赴京師。除夕同劉玉少祥其韓熊師旅舍對酒詩詩集卷一。莫問此何夕。狂歌好醉眠。客心千里外。鄉思一鏡前。栢葉迎新歲。梅花憶舊年。雞聲何迫促。相對理銀鞭。

劉梁嵩。字玉少。江蘇江都人。幼傳其父之學。有文名。康熙二年。舉於鄉。三年。成進士。居二甲十四名。授江西崇義知縣。十三年。賊犯孤城無援。嵩募義勇。身先士卒。登陴固守。擒賊七十餘人。城得不陷。境內以安。以勞瘁卒於官。江都縣志卷二人物完續

韓弋。字熊師。江蘇江都人。康熙二年。舉於鄉。官四川名山知縣

江蘇詩徵
卷三十四

按。是歲所作秋柳詩和王阮亭先生韻四首。中秋秦淮夜步。木末亭。

桃葉渡。舊曲。燕子磯懷古。夜發諸詩皆收在詩集卷一。頗似王士禛同時

之作。如桃葉渡詩云。江干寒雨夜瀟瀟。谿上新增幾尺潮。雙槳盪

來如鏡裏。綠楊斜覆大中橋。

康熙三年甲辰 二十六歲

春。會試被落。時陶澍在京師。以詩留別。

留別陶季詩詩集卷二。我來長安忽三月。萬樹宮花覆宮闕。豈知上策不

見收。一夜東風變華髮。賴有清尊與故人。故人此別知幾春。江南

薊北各千里。可憐聚散如飄塵。牽衣掄淚各分手。明日東門折楊柳。

季子無金人欲欺。張儀有舌君知否。丈夫遇合原有由。何用南冠相

對愁。據鞍上馬且歸去。易水蕭蕭空北流。

陶澍。字昭萬。又字季深。身當末造。以季自稱。遂以字行。曰陶

季。江蘇寶應人。澍少負異才。究心經史百家之學。崇禎十五年。

補縣學生。福王南渡後。不治舉子業。肆力詩古文詞。舉博學鴻詞。

澍在京師。辭不就。以逸民終。澍耽遊覽。所著詩多於舟車得之。

因名舟車集文集卷二有陶季舟車集序。年八十六。卒於家。著有湖邊草堂集今佚。

舟車集二十卷後集十卷。碑傳集補卷三十。

旋與王頊齡時年二十三。喬萊時年二十三。南歸。

華黍樓詩序文集卷二。憶癸卯康熙二年之秋。與王子瑁湖舉省試。觴宴於中

山舊園。志意投合。即歡如平生。明年試禮部下第。並馬南歸。止

頓舍。與喬子石林解鞍脫帽臥酒罈。看濟南東蒙諸山。譚諧放浪。

汪蛟門歷麟年譜初稿

相顧殊自豪。未嘗幾微有行旅放廢之色也。

王頊齡。字顯士。號瑁湖。江蘇華亭人。康熙二年。舉於鄉。十五

年。成進士。居二甲八名。授太常寺博士。舉博學鴻詞。授編修。

纂修明史。二十年。充日講起居注官。二十二年。遷右贊善。二十

三年四月。遷侍講。充福建鄉試正考官。十一月。提督四川學政。

遷侍講學士。累遷擢工部尚書五十三年。典會試。五十五年。授武英殿

大學士。雍正元年。致政歸里。生于崇禎十五年。卒于雍正三年八

月。年八十四。諡文恭。著有世恩堂集三十五卷清史列傳卷十。

喬萊。字子靜。號石林。江蘇寶應人。父可聘。明末官河南道御史。

有廉直聲。萊自幼英敏。康熙二年。舉於鄉。六年。成進士。居二

甲二十三名。授內閣中書舍人。十一年。同考順天鄉試。舉博學鴻

詞。授翰林院編修。與修明史。二十三年。充廣西鄉試正考官。還

朝充太祖高皇帝實錄纂修官。二十四年。大考列高等。充日講起居

注官。尋擢中允。遷侍講。轉侍讀。未幾。中蜚語罷歸。三十三年

春。有旨召萊入京師居住。人疑上意不測。入都數月病作。遂卒。

生于崇禎十五年二月四日。卒于康熙三十三年七月二十一日。年五

十三。著有易俟二十卷。縣志二十卷。直廬集一卷。歸田集一卷

據潘耒遂初堂文集卷十九翰林侍讀喬君墓誌銘。朱彝尊曝書亭集卷七十三翰林院侍讀喬君墓表。

初秋。移居愛園。

移居愛園二首詩集卷二之一。豈為耽林壑。娛親更卜居。種花深復淺。

刪竹密還疏。月靜閒調鶴。秋清夜讀書。歲時良足念。不懂愛吾廬。

之二。高臺雲外迴。杖履好追攀。香細琴書靜。窗虛鳥雀閒。城頭

看落日。樹杪見青山。只此常栖息。何須五嶽還。

揚州府志卷三十古蹟志一。江都縣。愛園。汪耀麟之居。耀麟有愛園唱和詩。

秋。由鎮江游安徽宣城縣。王士禛以詩送之。

王士禛送汪季角之宛陵詩漁洋詩集卷十六甲辰稿。汪生開美度。詩似謝元暉。

解道澄江練。知音絕世稀。陵陽秋色遠。春穀晚鐘微。相送揚州郭。

蕭蕭南雁飛。

八月九月之交。游敬亭山。

敬亭山詩集卷二。步登敬亭阪。遠近松柏齊。謝公昔游覽。謫僊曾羈

栖。樓臺類衆岫。巖壑陵亂谿。麻姑自隱見。句宛仍高低。不聞人

語響。唯聽鳥雀囀。天風何凜凜。陰雲常淒淒。杖策履絕頂。江色

連故蹊。怳與霄漢接。穆然心神迷。兩峰各環抱。一徑煩登梯。愛

此莫能去。今古理無睽。

九日。臥病於宣城縣旅舍。

九日臥病詩集卷二。佳時偏臥病。寒雨更瀟瀟。山落初稀葉。江添欲

退潮。百端秋思起。一目鴈書遙。那復登臺興。黃花也寂寥。

晚冬。梅清詩年四贈山水畫。以詩謝之。

畫山水歌贈梅淵公詩集卷二。硯壘山人才實奇。置身丘壑稱畫師。一

水一石非人知。贈我尺幅光淋漓。懸崖列嶂多紛披。中有古松垂高

枝。老人童子相追隨。南宮北苑兼有之。筆蹟豈但摹迂癡。令我睇

視發狂叫。梅兮梅兮何意放筆能爾爲。

梅清。字淵公。別字壘山。安徽宣城人。順治十一年。舉於鄉。再

赴會試不第。往還周覽燕齊梁宋之間。士大夫多與之交。王士禛。

徐元文。尤傾服焉。主盟騷壇最久。後學多藉以振起。生于天啓三

年。卒于康熙三十六年。年七十五。著有天延閣前後集二十六卷

據國朝書獻類徵初編卷四百三十國史館本傳。

朱琯撰梅清傳清詩紀事初編卷五梅清小傳。

歲暮。抵里。

喜達里門詩集卷二。幾月滯山郭。一朝歸舊林。鏡前無限語。總是別

家心。

康熙四年乙巳。二十七歲

歸自宣城縣後久病。元日。初起。

元日見山樓曉望二首詩集自注。時歸自敬亭久病初起。之二。耳目

久枯寂。春來病始蘇。自憐馮榼立。猶欲倩人扶。凍草經晴輒。寒

雲借暝驅。風光堪燕賞。及此酒頻呼。

病中。王士禛過問。

病中阮亭先生過問時揮儀曹將赴京詩集卷三。尺素時相問。高車今再

過。藥囊看漸減。蓬戶隔如何。病態詩中滿。春愁鏡裏多。卻聞宣

室詔。惆悵是臈歌。可知兩人過從甚密。

二月十六日。同杜濬詩年五。孫枝蔚詩年四。王賓詩年三。魯衷淑。汪

士裕。兄耀麟等飲華委春草堂。

集春草堂限韻詩集卷三。病起春將半。春風去漸遙。鶯囀近寒食。雨

過已花朝。聚散幾曾定。芳菲容易凋。請君看階草。無語自蕭蕭。

孫枝蔚花朝後一日同杜于皇黃兩相王仔園魯紫漪汪復巖叔定季角飲

華龍眉春草堂詩集卷六乙巳。難得春長好。何愁老易孤。病身畏文字。

名士重歡娛。日落收棋局。城高對酒壚。尋花重有約。藜杖待相呼。

杜濬。字子皇。號茶村。湖北黃岡人。明季爲諸生。避張獻忠之亂。

流至金陵。遂久客焉。金陵爲四方冠蓋往來之衝。諸公貴人求詩名

者湊至。杜濬謝不與通。時時往來維揚間。與諸名士相唱和。康熙

二十五年。渡江至揚州。數月竟客死於此。生于萬曆三十九年正月

十六日。卒于康熙二十六年六月。年七十七。著有變雅堂文集五卷

茶村詩三卷。據方苞望溪先生文集卷十三杜茶村先生墓碣清詩紀事初編卷二杜濬小傳。

孫枝蔚。字叔發。號豹人。陝西三原人。年十五。補三原附學生。

李自成起關中。枝蔚倡集鄉里義勇數百人。清師入關後。散衆棄諸

生。將妻子趨揚州。從賈人遊。行鹽。三致千金。三散去。既而閉

戶讀經史。肆力於古文辭。名噪海內。舉博學鴻詞。以年老授中書

舍人。放歸。生于萬曆四十七年四月十九日。卒于康熙二十六年正

月八日。年六十八。其爲詩。初喜六朝。繼歸漢魏。于唐宋元人全

集。莫不手批心識。故不能名其爲何代何人之詩。自成爲孫子詩也。

其爲文偏喜晉宋齊梁間作。不肯盜竊宋人。其爲詞專摹東坡稼軒。

一往雄肆秦風之餘也。著有灑堂前集九卷。續集六卷。文集五卷。

詩餘一卷。據文集卷八徵君孫豹人先生行狀江都縣志卷二十六人物清詩紀事初編卷二孫枝蔚小傳。

王賓。字賓王。號仔園。先世爲陝西涇陽人。行鹽於揚。遂爲揚州

人。康熙二年。舉於鄉。後歷年不第。其家故饒。至此金殆盡。二

十一年春。就會試。聞父之喪。發聲悲號。狀如狂人。五日而卒。

生于崇禎元年。卒于康熙二十一年二月二十一日。年五十五。前娶

孫氏。繼姚氏。俱賢而有才。賓癖有他好。不入臥內者幾二十年。

故卒以無子。文集卷五仔園王君墓誌銘。

魯衷淑。字紫澹。江蘇江都人。康熙十七年。舉於鄉。官峨嵋知縣

江都縣志卷十二選舉志。

汪士裕。字左巖。一字容庵。先世微之休寧金村。祖心一。始寓揚

遂籍江都。康熙二年。舉於鄉。尋授太湖教諭。艱歸。補沛縣。擢

廬州府教授以終。是時。其宗人之在揚者。有汪耀麟。懋麟。楫。

皆以詩文名海內。孫枝蔚攜家僑居。吳嘉紀亦不時至郡。左巖唱酬

贈答。因以盡交海內名人。吳嘉紀詩箋校卷二廣陵過嘉樹堂贈汪左巖孝廉詩箋引秦賢園先生傳。

華菱。字龍眉。江蘇江都人。江蘇詩徵卷一。

揚州府志卷三十。古蹟志一。江都縣。春草堂。華菱之居。

繼而偕杜濬。孫枝蔚。王賓。汪士裕。兄耀麟重集華菱春草堂。

孫枝蔚同杜于皇王仔園汪叔定較門左巖重集華龍眉春草堂詩。灑堂前集卷八。

乙。幾處鶯花潦倒中。心情兄弟畧相同。城隅更得論文地。天末長

爲病酒翁。暮雨霏霏棲燕子。春光冉冉長梧桐。流連景物須無厭。

明日還逢溝水東。

上巳。杜濬。吳嘉紀詩年四。孫枝蔚。華菱。王賓。夏九紱。魯衷淑。

汪濬。汪士裕。兄耀麟。汪楫詩年三十等宴集於汪氏見山樓。

上巳杜于皇吳賓賢孫豹人黃雨相華龍眉王仔園顧思澹夏次功魯紫澹

家秋澗左巖叔定舟次諸兄集見山樓詩。詩集卷三。是日春氣佳。惠風散園

圃。登樓肆遠眺。青山沐朝雨。芳辰正寂寥。客至日初午。歡然共

斟酌。不知賓與主。既醉還復歌。歌罷行且舞。人生重行樂。胡爲

常辛苦。卓哉蘭亭賢。高文足千古。

吳嘉紀上巳集汪叔定季角見山樓。分得詩吳嘉紀詩箋校卷三。來登汪氏樓。眺

望春城中。開襟向遠山。悠然來清風。令節因命酒。發興有羣公。
鳥歸靈囿暮。烟暖櫻桃紅。行樂及芳時。此意古所同。勞勞百年內。
況予成老翁。

孫枝蔚上巳日同于皇賓賢湛若龍眉舟次仔園覓巖諸子集汪叔定季角
愛園登見山樓詩概堂前集卷二乙巳之二。自笑高陽徒。醉中白髮新。平生懶

應接。閉戶養天真。汪氏好兄弟。往還情最親。有園即吾園。到門
無逡巡。石移洞庭山。花勝洛陽春。結交天下士。以此娛心神。學
成意益恭。自然德業純。之二。離離新竹粉。湛湛餘花露。僮僕立
其間。捲簾圖畫具。歷歷江南山。是我舊遊處。登樓忽相見。一鳥
雲中去。着屐復何時。風塵多苦趣。之三。宴會亦有時。今朝好風
日。蜜蜂與蝴蝶。爭向花圍出。客多四方人。安得常聚膝。緬想蘭
亭內。少長爲儔匹。慨嘆從中來。美哉羲之筆。行樂不及茲。堂堂
春去疾。

吳嘉紀。字賓賢。一字野人。江蘇泰州人。初學科舉。後遂棄去。
閉門窮居。蓬蒿土室。名所居曰陋軒。終日一卷自娛。以窮老終。
生于萬曆四十六年九月二十二日。卒于康熙二十三年三月。年六十
七。文集卷五。其爲詩。工爲嚴冷危苦之詞。所撰今樂府。尤淒急幽
異。皆變通陳跡。自爲一宗。周亮工。王士禛。極推之。其見知於
周王。則汪楫延譽之。著有陋軒詩六卷。陋軒詩十二卷。續集二卷

清詩紀事卷初編
一吳嘉紀小傳

夏九敘。字次公。江蘇江都人。康熙十六年。舉於鄉。著有綠雪堂
詩據國朝詩鐸詩人名氏爵里著
作目江都縣志卷十二選舉志

汪濬。字秋澗。事蹟無考。參見吳嘉紀詩箋卷一贈汪秋澗詩箋。
汪楫。字舟次。別字悔齋。先世安徽歙縣人。曾祖某遷江都。少時
補學官弟子。而屢試有司不遇。以貢署贛榆儒學訓導。舉博學鴻詞。
授翰林院檢討。充明史纂修官。二十一年。冊封琉球正使。尋授河
南知府。有治績。三十二年。擢福建按察使。三十四年。遷布政使。

三十七年。召入京師。便道歸里。以疾卒。生于崇禎九年。卒于康
熙三十八年。年六十四。楫好學工書。尤長於詩。少與孫枝蔚。吳
嘉紀齊名。襲鼎孳。周亮工尤推重之。著有中山沿革志二卷。山聞
詩一卷。續集一卷。朱彝尊曝書亭集卷七十三通奉
揚州府志卷三十一古蹟志二。百尺梧桐閣。在東關大街。中有見山
樓諸勝。

暮春。游白田。宿喬萊陶園。

宿喬子靜陶園四絕句詩集卷三之一。楊柳樓頭小燕忙。芙蓉池畔芷萍香。
游人到此不歸去。醉倒君家毒冒牀。之二。開偏平章宅裏花。雙童
翦燭醉流霞。洛陽勝事應如此。不數姚家與魏家。之三。三月湖瀨
水氣寒。黃鸝嗚徹怨春殘。生憎夜半催花雨。厭損亭亭紅藥蘭。之
四。絲絲細雨晚煙暝。小閣深燈漏乍停。欲煮頭綱消夜話。碧紗厨
外喚樵青。

揚州府志卷十六都里實。白田鋪鎮。在城南十里。

揚州府志卷三十四古蹟志五。陶園。喬可聘即喬萊父晚年築以課子。

丘象升時年三十七。時寓陶園。與懋麟小飲。遂定交。

丘象升喬石林招寓陶園適汪季角見訪留同小飲詩南齋詩集。清和節近綠

陰齊。步履閒來花滿蹊。蝶翅翻殘紅藥亂。鶯聲啼老碧楊低。風流何必懷江左。歌吹于今遺竹西。共愛主人情爛熳。不須明日更招攜。丘象升。字曙戒。江蘇山陽人。年十五。爲諸生。兵亂定後。發憤讀書。旁及詩歌。古文有神解。與弟象隨齊名。號爲二丘。順治十一年。舉於鄉。十二年。成進士。居二甲三十一名。改庶吉士。十四年。授編修。十六年。進侍講。十七年。調瓊州府通判。康熙五年。補武昌府通判。九年。以內艱歸。十七年。起補大理寺左寺副。二十一年。以父年老歸里。二十五年。父棄養。象升甫終制。病遂不起。生于崇禎二年七月二十二日。卒于康熙二十八年。年六十一。著有南齋詩集不分卷附錄一卷。王士禛蠶尾集卷四承德郎大理寺左寺副前翰林院侍講丘公墓誌銘初夏。與兄耀麟。汪楫。飲汪士裕宅。

同叔定舟次兩兄飲左巖兄宅詩集卷三。兄弟別殘春。相逢夏木新。一壺深夜酒。兩地遠歸人。月影下階緩。清言相對真。所嗟隔風雨。難得是閒身。

揚州府志卷三十。古蹟志一。江都縣。嘉樹堂。醉白堂。並汪士裕之居。五月六月之交。方文。時年五十四來揚州。訪孫枝蔚。汪楫。即飲楫宅。汪士裕。懋麟。續至同飲。

方文揚州訪孫豹人汪舟次即飲舟次宅令兄左巖季角續至詩。崑山續集卷三一。江關纓繫艇。先訪故人家。董子祠邊柳。園公巷裏花。相逢那忍別。有酒不須除。坐待炎曦匿。歸林數暮鴉。之二。重陰覆庭院。終日閉烟蘿。不許纖塵入。惟聞二仲過。弟兄風雅並。山水唱酬多。雨後期同載。芳洲采芰荷。

汪蛟門懋麟年譜初稿

孫枝蔚滯暑同方爾止王正子過汪舟次園中留飲值令弟復巖季角偕至分得鴉字蘿字詩。慨堂前集卷六之一。主人方避暑。相對紫薇花。有客尋三徑。因君破五車。談深揮白羽。坐久噪烏鴉。止飲身衰後。惟貪陸羽茶。之二。豈但樽能滿。弟兄賢且多。飛騰俱不後。放蕩幸無訛。老友頻年別。長江六月波。淹留莫相負。歸路想藤蘿。

方文。字爾止。號崑山。安徽桐城人。爲方以智堂房六叔。關係密切。任道斌方以智年譜天啓末諸生。少有文名。因世變不就博士弟子試。銳志著述。交游四方。名流人士。無不與交。一時耆宿若錢謙益。龔鼎孳。施閏章。林古度。孫枝蔚。紀映鐘。宋琬等。皆盛相推許。以爲必傳。客死於無錫。或云入鄂道卒。生于萬曆四十年。卒于康熙八年。年五十八。著有崑山集十二卷續集四卷再續集五卷。清詩紀事初編卷一方文小傳。

尋偕方文。孫枝蔚。夏九敘。兄耀麟。集飲華齋中。孫枝蔚夏日同爾止次公叔定季角集飲龍眉齋中詩。慨堂前集卷六論文桐樹下。天氣似秋初。雨過頻移席。風來易滿廬。愁添除得酒。喜把讀殘書。不信貧爲累。閩中善養魚。

六月十七日。方文與孫枝蔚飲王賓宜樓下。值華袞。兄耀麟。懋麟繼至。因請方文說杜詩。方文細講杜甫遊何將軍山林十首。舉座解頤。孫枝蔚同爾止飲仔園宜樓下值龍眉叔定蛟門繼至諸子因請爾止說杜詩賦得聽詩靜夜分詩。慨堂前集卷八入座誰非靜者流。炎天愛客倍綢繆。預因倦態鋪青簟。轉爲高談訝白頭。多事舊嫌虞趙註。開懷忽與鄭何遊。自注云爾止細說遊何將軍山林十首舉座解頤竹西入夜驕歌舞。肯信詩名萬古留。

方文六月十七日夜社集王仔園齋頭賦得聽詩靜夜分詩命山續集卷四。舊京風雅蕭條甚。忽覩燕城氣象新。日日水邊多勝事。家家樓上有詩人。客來長夏尊偏滿。話到中宵意轉親。敢謂知言似匡鼎。羣公亦覺解頭頻。

六月末。汪士裕招懋麟同方文。孫枝蔚。夏九敘。汪濬。兄耀麟。汪楫。汎舟城西紅橋。觀水漲。將抵平山時。狂飈自北來。孫枝蔚舟中憂且懼之。乃中道而返。

城西陂觀漲同方爾止豹人次功家湛若左嚴叔定舟次作詩集卷三。夏雲欲

盡天清爽。谿頭壅水時時長。葛巾攜客游西陂。同上畫船盪雙槳。

城西一綫浮紅橋。琉璃千頃馮夸驕。波沈楊柳翠葉落。風卷芙蓉紅

粉凋。事殊與極轉惆悵。驟雨驚風謹白浪。邨邊楚哭何啁啾。船裏

笙歌尙嘹亮。須臾天霽落日斜。青簾白舫衝平沙。更聽妖童吹玉笛。

還看少婦采蓮花。蓮花采盡西風起。澤國稻苗半欲死。紛紛揚州輕

薄兒。猶道城西看秋水。

方文汪左嚴招同孫豹人汪秋潤及令兄舟次叔定季月汎舟紅橋作命山續集

卷二。蕪城之東河水漲。浮查直出隋堤上。主人好客移尊罍。畫舸乘

風入清曠。須臾打槳過紅橋。浦溼平分十里潮。楊柳菰蒲皆浸沒。

藕花蓮葉未飄搖。暫憩重陰法海寺。無數蘭橈先後至。朱簾乍捲見

青娥。赤日當空下秋翠。老夫豪飲興悠哉。倏忽狂飈自北來。却笑

秦翁憂且懼。便令舟子放舟回。君不見主人情繾綣。欲去平山中道

返。稍涼再作蜀岡遊。小艇沿谿莫辭遠。

孫枝蔚汪食巖招同爾止湛若次功令弟舟次叔定季月汎舟城西值河水

初漲詩概堂前集卷三。汪生高趣嘗自許。一見勝流忘爾汝。不言月下喜開樽。但道船中堪避暑。雨聲半月不曾無。今朝歡喜到羣鳥。丹青况有倪黃手。便可相煩作畫圖。之二。六月荷花香復鮮。樓臺何處不可憐。近岸忽添水一丈。漁翁失色蛟龍前。老夫慣作江湖客。笑聽風濤意灑然。座中豈少謝安石。便輕開口勸回船。之三。故鄉

風景亦不惡。平生未得見漢陂。一臥江城歲復歲。變化頭毛如鷺鷥。暮景但愁減酒盞。家山誰能無別離。況遇主人能作達。岑參兄弟未

爲奇。之四。方老久家桃葉渡。勸人祇合無城住。李白杜牧皆奇才。

鬪雞臺望鳳凰臺。君言邢顧歸地下。舊京來往少風雅。俊人今日滿

維揚。我獨何幸客此鄉。之五。揚州女兒意態多。日中流採菱荷

簫聲將發待明月。風急船回奈爾何。片時惆悵復無益。諸君笑我頭

全白。苦遭喪亂喜繁華。此地當年厭金華。

揚州畫舫錄卷十虹橋。徐鉉曰。虹橋在平山堂法海寺側。胎上司理

揚州日。與諸名士遊讌。于是過廣陵者。多問虹橋矣。

七月初。與許承宣。許承家。汪楫。陪王士禛登康山。

同許力臣師六家兄舟次陪阮亭先生登康山詩詩集卷三。百尺康山蔓草生。

秋來送客一披荆。居人猶解譚遺事。郡志何爲竟失名。繞戶濤聲常

浩渺。隔江山色自分明。武功樂府誰堪問。想像鳴絃綽撥聲。

許承宣。字力臣。江都籍歙縣人。便覽康熙十五年丙辰。康熙十五年。科會試進士三代履歷。

成進士。居二甲三十一名。改庶吉士。尋授工科給事中。二十年。

充陝西鄉試正考官。後假歸卒於家。三十九年。與兄承宗並祀縣學

江都縣志卷十。五人物鄉賢。

許承家。字師六。少與兄承宣齊名。康熙二十四年。成進士。居二甲六名。改庶吉士。二十六年。散館授編修。三十年。充會試同考官。未幾。念兄方里居。亦請假歸。著有獵微閣詩集六卷。江都縣志卷二十三文學人物。

江都縣志卷四。康山。在新城內東南隅。又。懋麟詩自注。山在郡內。康對山先生被放後來揚州所嘗游頽彈琵琶處也。郡志失載。

七夕。同孫枝蔚。吳嘉紀等諸名士集禪智寺碩揆房。送王士禎北上入京師。時士禎內遷禮部主客司主事。有禪智偈和集。

漁洋山人自撰年譜卷上。七月。登舟北行。諸名士祖道於禪智寺碩揆禪師方丈。有禪智偈和集。初名禪智錄別

七夕禪智寺碩公房送阮亭先生入京詩。詩集卷三。秋草被原莖。涼風動古寺。送遠停車輪。登山入蒼翠。斟酌蜀岡泉。摩挲蘇公碣。先後賢無殊。今古理不異。留連山徑晚。明月光在地。今夕重歡娛。勿復作別意。

孫枝蔚七夕復集禪智寺碩揆上人房送別阮亭儀部詩。灑堂前集卷二。彩鷁停南浦。斑馬鳴孤岑。濟濟四方彥。蕭蕭祇樹林。纏綿日復夕。鐘魚起清音。上方久寂寞。殘碣一披尋。居人惜離別。行者重登臨。瞻彼雙星爛。聽此白頭吟。欲問忘情老。何名共命禽。難言無所住。齊有淚盈襟。

吳嘉紀七夕送王阮亭先生詩。吳嘉紀詩箋校卷三之二。黃河新秋時。涼風吹去舫。帆底宦遊人。欲發重惆悵。月高銀漢斜。雙星默相向。回首望廣陵。烟樹浮新漲。一鳥失其羣。雲霄自飄颻。之二。官閣風自清。

塵務日以寡。俸米用不足。時時向人假。清廉聞玉墀。琴書赴金馬。劉侯不可留。耆老淚盈把。臨行取一錢。贈與釣魚者。又。七夕同諸子集禪智寺碩公房再送王阮亭先生詩。吳嘉紀詩箋校卷三之一。蒼惶不肯別。送送多纏綿。泊船尋古寺。秋螢飛野田。草深去途隱。處處生寒烟。山僧惜離人。殷勤煮石泉。今夕且歡會。新月正娟娟。之二。蘇公送客處。高岡滿荆棘。今日別離人。於此重攀陟。入戶訪詩碣。塵埃試拂拭。作者時已遠。宛如見顏色。江山重文章。斯道迹久熄。出處雖不同。吾曹各努力。

王士禎七夕諸公集禪智寺祖道留別二首。漁洋詩集卷十八之一。傾城相送罷。日暮到禪扉。月出星河淺。山空人迹稀。清江去淼淼。徒御情依依。緬想東林事。風塵未息機。之二。昔送日南史。今歸天北人。諸公復高會。片石悟前因。星影依雙樹。鐘聲絕四隣。誰言竹西路。相望是天津。

碩揆。江蘇鹽城人。儒者也。有託而隱於浮圖。久主靈隱。有議於當事者。留揭而去。著有借巢。正續堂諸集。據吳嘉紀詩箋校卷三七夕送王阮亭先生詩箋引王弘撰西歸日札寄碩揆上人詩註鄧孝威詩觀

江都縣志卷十七。觀。禪智寺。在城北五里。即上方寺。本隋煬帝故宮。一名竹西寺。內有石刻唐吳道子畫寶誌公像。李白讚。顏真卿書。謂之三絕碑。又有石刻宋蘇軾送李孝博詩。寺側有井。曰蜀井。前有橋。曰月明橋。

立秋日。兄耀麟。懋麟。招方文。張璫。宴集於愛園。方文立秋日汪叔定季角招同張韞中飲愛園詩。崑山續集卷一。江城風雅盛。

唱和非一人。君家好兄弟。臭味尤相親。况我所寓居。適與芳園鄰。園中多竹樹。密蔭絕囂塵。今日是何日。秋氣方鮮新。置酒北樓下。嘉招無雜賓。射陂隱君子。苦節同松筠。與我別離久。此會怡心神。愛園名甚佳。四時皆陽春。春暉被連理。權樂難具陳。先是采風者。歌詠何紛綸。我老無餘詞。鄙樸道其真。

張璠。字韞仲。江蘇寶應人。崇禎十六年。舉於鄉。十七年。下第後。不復赴公車。最後有仇璠者。璠不得已會試至京師。同試者以為疑。問曰。先生出處何如。璠出憶梅詩相示。有十年留得冰心在。

一任寒風徹夜吹之句。果以墨塗卷而歸。終身不仕。著有嘉庵集。碑傳集補卷三十。六劉寶楠張璠傳。

晚秋。懋麟兒子某卒。

哭兒六章詩集卷三之一。鳥生二三子。舖雛無晨宵。倏忽一雛死。悲鳴空嗚嗚。之二。蓮葉搖江風。蓮子映江水。豈意風水多。搖落傷我子。之三。橫笛與短簫。是兒手戲弄。昔聞心則喜。今聞聲則痛。

之四。憶兒雙總角。魁梧鮮癡態。早起呼孃梳。梳成索花戴。之五。讀書知關雎。吟詩愛供奉。四言與五言。三過即成誦。之六。兒行百花前。揚鞭騎竹馬。從此覓行蹤。鳥嘯百花下。

按。懋麟配張氏。子一。女八。是歲。王又且來揚州。與懋麟定交。

城南山莊畫像記文集卷三。乙巳得交邵陽王公。

康熙五年丙午 二十八歲
春。正月二月之交。吳綺時年四十八出知湖州府。以詩送之。

送吳園次守吳興詩詩集卷四。吳興山水地。襟被正堪攜。花放蒼雲嶺。

鶯囀畫谿。碧瀾基尚在。白練字重題。王杜稱賢守。清名好共齊。

吳綺。字園次。其先由歙徙揚之江都。遂為江都人。順治中拔貢生。

授中書舍人。順治十五年。遷兵部主事。歷工部郎中。康熙五年。

出知湖州府事。八年。被劾去官。三十三年夏。微有腹疾。不數日

而卒。生于萬曆四十七年。卒于康熙三十三年。年七十六。綺尤工

駢體。時與陳維崧齊名。著有亭皋集。藝香詞。林蕙堂文集等碑傳集補

卷二十一王方。岐吳園次後傳。

二月。偕沈泌。王賓。饒眉。兄耀麟等。汎舟紅橋。

同方鄴仔園表長齡饒白眉家兄叔定紅橋汎舟詩詩集卷四。春湖欲澁長春

潮。鏡裏雙橋緩緩搖。煬帝宮前還種柳。絳樓樓下不聞簫。誰憐遺

迹成今古。祇有風人感寂寥。山水何曾屬楊李。好沽綠酒醉紅橋。

沈泌。字方鄴。安徽宣城人。有雙羊集感舊集卷十。

饒眉。字白眉。江都諸生。著芝山集江蘇詩徵卷三十九。

六月七月之交。方文歸金陵。以詩送之。

送爾止歸白下時將游閩粵詩詩集卷四。江海飄蓬已白頭。常將生事託孤

舟。衰年未遂還山願。尚欲辭家萬里游。

七月初。與孫枝蔚。韓魏。兄耀麟。陪丘象升汎舟城西。遊諸園林。

過紅橋觀荷。晚登平山堂。

丘曙戒侍講招同約人醉白家兄叔定汎舟登平山堂用山色有無中為韻

分得無字詩詩集卷四。涼風扇素節。霖潦盈江湖。客行自淮水。幽興耽

平蕪。招攜登楚航。二三皆酒徒。金魚不自惜。美醞從我沽。盪槩

越城郭。沿渠足菰蒲。蓮葉結淺翠。蓮花耀深朱。顧此樂無極。陶然傾一壺。橫舟版渚下。策杖平山隅。密雲蔽陽景。回飈生高梧。歐公雖云沒。綠楊猶未枯。山川賴人傳。文章安可無。

孫枝蔚初秋同汪叔定季角韓醉白陪丘曙戒太史汎舟城西遊諸園林過紅橋觀荷晚登平山堂時河水大漲分韻得山色有無中五首概堂續集卷一丙午

一。秋水如明鏡。秋荷若紅顏。久爲此邦客。未覺頭毛斑。隋皇行樂處。對之亦等閒。悔不家西湖。復欲住鍾山。人願苦不足。吾豈異愚頑。丘公淮上來。命楫每忘還。對酒忽太息。浮沈京雒間。可憐謝安石。蒼生勞追攀。他時鸚鵡洲。引領茱萸灣。之二。風急船勢斜。日午樓陰直。歌吹亦易終。蟬聲苦不息。節序暗中催。使我心悽惻。園中一老人。面如陳梨色。自從少小來。紅裙不離側。養

生有恒理。荒淫非正則。寧學中聖人。還住衆香國。流連簪珥中。此樂安可極。之三。簾捲寺橋邊。舟行河漲後。風起波鱗鱗。遠連滄江口。古塚飛白鷺。遊魚戲枯柳。欲寫雲水姿。安得丹青手。晚荷開更佳。惜不盈十畝。沒入銀濤中。嗟嘆動漁叟。隣邑地最卑。水患頻年有。雷雨竟何意。獨與蛟龍厚。之四。携妓平山堂。折花

邵伯湖。此事亦偶然。千載名難俱。賢守古所重。風流世豈無。請看迷樓側。往來梵王徒。回視隋天子。指作一庸夫。金石貴不朽。歌舞何足娛。努力二三子。德與昔人符。羊祜登岵山。悲傷良不迂。之五。歸舟何所見。明月在樓中。回首法海寺。烟樹漸迷濛。稍厭

箏笛喧。不使鐘鼓通。因思一日內。哀樂意無窮。偶聚忽已散。有如雲隨風。諸君皆盛年。惟吾稱老翁。妄想李八百。刀圭救微躬。

汪蛟門懋麟年譜初稿

作詩動秉燭。深愧類飛蓬。

韓魏。字醉白。號東軒。先世臨汾人。江蘇江都監生。著有焉文堂集。子一鶚。爲懋麟之壻。江蘇詩徵卷三十四

七月九日。丘象升訪耀麟。懋麟於愛園。

丘象升七夕後二日過愛園贈汪叔定季角詩南齋詩集。秋氣散林塘。踈襟

愛辟疆。青莎分石逕。翠篠隱花廡。好客浮三雅。能文過七裏。不徒雙綵袖。丘壑奉高堂。

不久。丘象升與王士禛時年四十一訪耀麟。懋麟於愛園夜話。

丘象升愛園樓上與西樵汪叔定季角夜話時西樵先別悵然作南齋詩集。晚涼不惜醉。更上最高樓。樹隱星光動。花明露氣稠。幽談清萬籟。散坐爽初秋。獨恨山公去。誰同秉燭遊。

王士禛。字子底。自號西樵山人。爲士禛兄。山東新城人。順治十

二年。成進士。居三甲二百二十一名。就萊州府教授。尋遷國子助教。擢吏部考功員外郎。康熙二年。出典河南鄉試。旋以磨勘權吏

議下獄鍛鍊。久之昭雪。則跳身之吳越。偕諸名士交游。嗣仍以原官補用。踰年聞母訃。奔喪歸里。哀毀成疾以卒。生于天啓六年。

卒于康熙十二年。年四十八。生平撰著最夥。王士禛取蘇軾語評其詩曰。出新意於法度之中。寄妙理於豪放之外。著有十笏草堂詩選

九卷國朝名家詩鈔小傳

之後。丘象升赴武昌府通判之任。以詩送之。

送曙戒侍講出判武昌詩詩集卷四。遷客分符下武昌。不須苦憶舊明光。

洲前細草尋鸚鵡。山外浮雲想鳳皇。赤壁停舟波浩渺。南樓把酒月

蒼涼。江頭父老還迎拜。太守流風在漢陽。

晚秋。偕韓魏由鎮江至安徽宣城縣。九日。重游敬亭山。

九日同醉白重游敬亭山五首詩集卷四之一。舊游經兩水。再渡認雙橋。

兩足連青楚。峰頭上碧霄。幽懷誰共往。朋好幸同招。十里看山近。

籃輿去未遙。之二。爽氣迎重九。秋光四望清。莖花如晚菊。谷鳥

當春鶯。解珮沾邨酒。尋僧煮菜羹。松門聊憩足。策杖入山行。之

三。石磴何紆折。攀崖力不搯。松高寒蔽日。泉響曲通池。絕頂行

難盡。前峰望未知。霜風吹柏葉。交蔭自紛披。之四。禪房常寂歷。

客到即亭泉。屋角垂黃橘。谿旁長白縣。此真栖隱地。不用買山錢。

靜裏看人事。浮雲過遠川。之五。落日催行客。歸程可奈何。晚煙

邨舍起。晴翠暮山多。不醉還騎馬。悲秋且放歌。更聞楓葉好。霜

後欲重過。

十月初。同梅清。蔣平階。鄒祇謨。沈泌。梅庚等諸名士宴集於敬亭

山。

梅清冬日招同橋李朱潔湘楊天培五琅陳散木雲間蔣大鴻左鏡丹陽賀

天士毘陵鄒程村白祇常廣陵汪蛟門同郡唐耕塢沈方鄴家素五耦長敬

亭山讌集分賦詩天延閣刪後詩卷九。良約既已逾。出戶不可得。經旬積寒威。

天南勝天北。破凍招同遊。爲歡必努力。詎知出郭門。冬曦放春

色。嵐光一以開。相看與何極。始信勝友聚。天亦助登陟。古徑雖

崎嶇。眼中掃塵域。千峰眞故人。迎我如相識。登樓一長嘯。凌空

生羽翼。群公命世才。到此念棲息。醞酒呼古人。悠悠渺難卽。古

人豈不遙。今昔互相憶。孤雲自南歸。徘徊宿巖側。向晚一聲鐘。

諸天乍昏黑。

蔣平階。字大鴻。江蘇華亭人。少孤。其祖命習形家之學。十年。

始得其傳。徧證之大江南北古今名墓。又十年。始得其旨。又十年。

始窮其變。平階生於明末。兼以詩鳴。清初諸老。多與唱和。地學

爲一代大宗。所造羅經。後人多用之。稱爲蔣盤云。著有東林始末

一卷。地理辨正等據清史稿卷五百二蔣平階傳四。庫提要卷五十四東林始末條。

鄒祇謨。字訆士。江蘇武進人。順治十五年。成進士。居三甲三十

一名。性穎特。過目不忘。自經籍子史及天文百家之書。古今人爵

里姓氏世次年譜。靡不悉記。妙於言語小詞單文。令人色飛神豔。

古文辭與陳維崧。董以寧。黃永稱毘陵四子。嘗見寧都三魏文。歎

曰。今乃有如是文乎。逢人輒稱道。海內知有三魏者。實自祇謨始

也。王士禛在揚州。祇謨與撰倚聲集。以繼卓珂月。徐野君詞綜之

後。著有遠志齋集。麗農詞清史列傳卷七。十鄒祇謨傳。

梅庚。字耦長。號雪坪。安徽宣城人。康熙二十年。舉於江南鄉試

爲朱彝尊所得士。游王士禛門。屢不第。士禛主禮闈。復被黜。尋

知浙江泰順縣。以經術佐吏治。有政聲。庚位任五年。累不及民。

民德之。未幾以老告歸。卒。庚善八分書。間作畫曠逸有雅韻。尤

長於詩。同里施閏章一見稱賞。引爲忘年交。著有天逸閣集清史列

十梅庚傳國朝耆獻類徵初編。卷二百二十二朱琯梅庚傳。

旋歸揚州。

十二月。北上。至寶應縣。飲於喬出塵留雲草堂。

留雲堂別喬雲漸醉歌詩集卷四。留雲堂前霜月涼。新開酒瓮蒲陶香。舉

栢對月那能別。爲君一飲傾十觴。黃河以北酒味薄。雪壓狐裘冷難著。感君纏繆贈一壺。側掛車旁細斟酌。東門相送意氣真。看余上馬飛紅塵。明日解鞍宿茅店。應把芳尊思故人。

喬出塵。字雲漸。明御史可聘之從孫也。江蘇寶應人。父蔭有善行。鄉黨稱之。出塵孤介絕俗。雲水相娛。出而禮人恭敬簡默。賓至。

陳書畫琴棋之屬。分曹款之。酒量不盈掬。喜人酣飲。每堅坐忘夜丙。著作不求人知。子演固請。乃付梓。有疑庵集卷碑傳集補卷三十六。

揚州府志卷三十四古蹟五。留雲草堂。喬出塵之居。參見文集卷三留雲堂記。

至濟南。飲於山東提督楊捷時年。

飲濟南楊少保幕府詩集卷四。幕府張筵夜。轅門畫角鳴。軍容先舞劍。

邊曲善擲筆。渤海全無恙。嫖姚舊有名。不須譚戰伐。慙媿作書生。楊捷。字元凱。義州人。先世居寶應。明初。以軍功援後屯衛指揮使。世襲。遂家焉。捷初爲明裨將。順治元年。來降。授山西撫標

中軍遊擊。累遷至順治十六年擢江南提督。會鄭成功陷鎮江。窺江寧。加太子少保。充江南隨征左路總兵。駐揚州。防江北要汛。十

八年。命署廬鳳提督。尋調山東。康熙十二年。調江南。十七年。

鄭錦攻漳州。陷海澄。調捷福建。轄水陸各軍。進少保兼太子太保。十九年。以老病乞罷。命還任江南提督。進世職三等阿達哈哈番。

卒於位。生于萬曆四十五年。卒于康熙二十九年十月二十七日。年七十四據碑傳集卷十四張玉書達哈番蓋敏壯公。捷墓誌銘清史稿卷二百六十一楊捷傳。

康熙六年丁未 二十九歲

汪蛟門懋麟年譜初稿

正月。入京師。時與徐乾學時年三十七定交。

城南山莊畫像記文集卷三。丁未得交崑山徐公。

徐乾學。字原一。號健菴。江蘇崑山人。順治十七年。舉於順天鄉試。康熙九年。成進士。居一甲三名。授編修。十一年。順天鄉試

副考官。會以給事中楊雍劾奏副榜遺取漢軍卷降一級歸。十四年。復原官。十五年。陞右贊善。二十一年。以左贊善充明史總裁官。

二十二年。遷翰林院侍講。二十三年。陞侍講學士。尋陞詹事府詹事。二十四年。陞內閣學士。充大清會典一統志副總裁。教習庶吉

士。二十五年。授禮部侍郎。尋充經筵講官。二十六年九月。陞都察院左都御史。二十七年二月。充會試正考官。改刑部尚書。與明

珠。余國柱等角黨相爭。五月。解任。仍領修事總裁事。二十八年。以年老乞歸。帝允之。命攜書籍即家編輯。三十三年。王熙等薦乾

學與王鴻緒高士奇命來京修書。未聞命而卒清詩紀事初編卷三徐乾學不測禍福遂卒蓋慘死也。生于崇禎四年十一月初二日。卒于康熙三十三年七月

十七日。年六十四。著有讀禮通考。憺園集據碑傳集卷二十韓炎資政公乾學行狀清史列傳卷十徐乾學傳。

二月六日。會試。中式第二十一名貢士。正考官戶部尚書王弘祚時年六十五。

禮部尚書梁清標時年四十八。副考官吏部侍郎馮溥時年五十五。祕書院學士劉

芳躅時年三十五。會元黃仍緒時年三十八。王弘祚。字懋自。號玉銘。雲南永昌人。崇禎三年。舉於鄉。自蘇州知州遷戶部郎中。督餉大同。順治元年。授尚嵐兵備道。二年。以才能召京師。仍授戶部郎中。弘祚博通掌故。尤善強記于天下州

郡錢穀之數。一見能識不忘。久任纂修賦役全書。歷官至十年。擢戶部右侍郎。十二年。充殿試讀卷官。十五年。晉戶部尚書。康熙二年。補刑部尚書。未幾復調戶部尚書。六年。充會試主考官。八年。改兵部尚書。九年。以年邁乞休得請。南歸感疾寓居金陵。旋以疾卒。生于萬曆三十一年。卒于康熙三十三年。年七十二。據清史稿卷二百六十三王宏祚傳碑文集卷十張英字告光祿大夫太子太保兵部尚書王宏祚墓誌銘清代職官年表

梁清標。字玉立。號蕉林。又號蒼巖。直隸真定人。崇禎十五年。

舉於鄉。十六年。成進士。居二甲五十四名。授翰林院庶吉士。順

治元年。補原官。尋授編修。累遷禮部侍郎。十二年。調吏部右侍

郎。轉左侍郎。十三年。遷兵部尚書。康熙五年。調禮部尚書。六

年。充會試正考官。旋遇京察革職。八年。補原官。十年。補刑部

尚書。十一年。調戶部尚書。二十三年。命以戶部尚書管兵部事。

二十七年。授保和殿大學士。不久。卒。生于泰昌元年。卒于康熙

三十年。年七十二。四庫提要卷一百八十一稱其詩作於明季者。多

感慨諷刺之言。及入本朝以後。則瀟灑乎春容之音矣。尤工倚聲。

論者比之吳偉業。著有蕉林詩集十八卷。棠村詞。棠村隨筆。及樂

府諸書。據清史列傳卷七十九貳臣傳大。清幾輔先哲傳卷一梁清標傳。

馮溥。字孔博。別字易齋。山東益都人。順治四年。成進士。居二

甲十一名。改庶吉士。六年。授編修。十三年。遷侍講學士。尋轉

侍讀學士。十六年。擢吏部右侍郎。康熙五年。以左侍郎管右侍郎

六年。充會試副考官。七年。擢左都御史。九年。擢刑部尚書。十

年。授文華殿大學士。十二年。充會試正考官。又充太宗文皇帝實

錄總裁官。十八年。充會試正考官。二十一年。乞休歸里。生于萬曆三十七年。卒于康熙三十年。年八十三。著有佳山堂集十卷。二集八卷。據清史列傳卷七馮溥傳碑文集卷。十一文華殿大學士馮文毅溥事實。

劉芳躅。字增美。直隸涿州人。順治十二年。成進士。居二甲十四

名。改庶吉士。散館。授編修。十六年。遷侍講。尋進侍讀學士。

康熙五年。充明史纂修官。遷內祕書院學士。六年。充會試副考官。

纂世祖實錄。充副總裁。七年。以都察院副都御史巡撫山東。十二

年。以事調用。遂告歸。卜居易水上。與弟芳茁往來大房諸山中。

以詩酒相娛樂。生于崇禎七年十一月二十八日。卒年未詳。著有留

雲山房集。大清幾輔先哲傳。卷三劉芳躅傳。

黃仍緒。字繼武。號晴筠。江蘇長洲人。康熙六年。成進士。居二

甲三十九名。官內閣中書。生于崇禎三年九月二十四日。卒年未詳

江蘇詩徵。卷六十五。

三月七日。清代職官年表。禮部尚書梁清標遇京察。革職歸里。以詩送之。

奉送大宗伯真定梁公歸里二首。詩集卷五之一。當代文章伯。中朝樞密臣。

聲名齊衆嶽。丰格冠羣倫。補袞功原大。掄才意更真。春風披拂後。

桃李一時新。之二。去國豈君命。飄然駕犢車。高風留魏闕。暇日

借山居。林茂堪投鳥。谿深且縱魚。安公寧久臥。早晚拜天書。

三月二十日。赴殿試。清代職官年表。

三月二十五日。傳臚。清代職官年表。懋麟居二甲十一名。賜進士出身。狀元

繆彤。時年三。榜眼張玉裁。時年二。探花董訥。時年二。

繆彤。字歌起。江蘇吳縣人。國維孫。父慧隆以孝友稱。彤少異敏。

早擅文譽。康熙六年。殿試第一。授修撰。陞侍講。父艱歸。澹於官情。遂不復出。家居二十年。杜門不與世事。惟率鄉之後進。講學課文。嘗立三畏書院。刊明儒曹月川家規。蔡虛齋密箴。劉念臺證人會約。以爲標準。學者稱雙泉先生。巡撫湯斌內召奏吳中薦紳以道義自持者。形爲首。著有雙泉堂集。生于崇禎十年正月十日。卒于康熙四十六年。年七十一。同治重修蘇州府志。卷八十二人物吳縣。

張玉裁。字禮存。江蘇丹徒人。康熙六年。廷對直刺部院督撫陋弊。讀卷者歎曰。此長沙痛哭書也。遂以一甲第二人授編修。不久。卒。生于崇禎十四年九月十五日。卒年未詳。國朝先正事略卷七。

董訥。字茲重。號默菴。山東平原人。康熙六年。成進士。居一甲三名。授編修。累擢左都御史。二十六年。爲兩江總督。二十七年。左遷去。降補侍讀學士。二十九年。起漕運總督。三十一年。遷左都御史。三十三年。革職。生于崇禎十二年。卒于康熙四十年。年六十三。著有柳村詩集十二卷。四庫提要卷一百八十三稱其詩皆訥手自刪定。因有別墅在平原城南二里。名曰柳村。遂以名集。據清代職官年表清

詩紀事初編卷六董訥小傳。
三月末。同沈胤範時年四。陳玉璫時年二。顏光敏時年二。宴集於梁家園。
梁家園對酒歌同沈康臣陳廣明顏修來作詩集卷五。長安酒樓歌莫愁。楊花亂落曉春鳩。有客相逢曲江道。下馬脫卻千金裘。椎牛沽酒且爲樂。玉盃金盤光錯落。梨園子弟皆娉婷。桃李向人顏灼灼。就中小妓尤丰神。當筵一曲驚衆賓。色比芙蓉豔紅燭。聲調鸞鳳飛梁塵。

酒闌更擊漁陽鼓。越女燕姬齊起舞。金鈿斜墜翠裘垂。醉臥氍毹溼紅雨。此時觀者心神開。美人笑進流霞杯。勸君適意須盡醉。昨日春歸今不來。人生聚散渺難測。況復天南與天北。別後相思年復年。對酒聽歌那能得。

沈胤範。字康臣。又字肯齋。紹興山陰人。康熙五年。舉於順天鄉試。六年。成進士。居二甲七名。應閣試第一。授中書舍人。初謂一切制誥。皆得擬擬。以展其才。而例又不必爲。以故鬱鬱無所表見。與修世祖章皇帝實錄。充收掌官。十一年。充江南鄉試副考官。十二年。遷刑部主事。十四年。卒於官。生于天啓四年。卒于康熙十四年六月。年五十二。胤範好學善讀書。尤以詩聞。所著采山堂集。行於世。爲詩華瞻雅則。浸淫六朝。後與懋麟論詩。專一漢魏。變化杜韓。簡潔樸奧。一洗少作文集卷五刑部廣西清吏司主事沈君墓誌銘。

陳玉璫。字廣明。號椒峰。江蘇武進人。康熙六年。成進士。居三甲十一名。授中書舍人。舉博學鴻詞。罷歸。能詩文。下筆千言。旬日間動至盈尺。時稱俊才。賓客輻輳。酬應旁午。彈琴投壺。亦樂爲之。偶有觸發。見諸詩文。然其失亦在貪多云。著有史論數百卷。又有學文堂集。生于崇禎十五年六月二十五日。卒年未詳。清史列傳卷七十一陳玉璫傳。

顏光敏。字遜甫。一字修來。號樂圃。山東曲阜人。康熙二年。舉於鄉。六年。成進士。居二甲十三名。授中書舍人。遷禮部主事。九年。充會試同考官。尋調吏部主事。後官考功郎中。充一統志纂修官。二十五年。以疾卒。生于崇禎十三年正月。卒于康熙二十五

年九月。年四十七。光敏爲詩媿漢魏南北朝唐宋元明諸家之長。著有樂園集七卷。朱彝尊曝書亭集卷七十五奉政大夫考功清吏司郎中顏君墓誌銘

欽定日下舊聞考卷六十一。原。梁氏園在今京師西南五六里。其

外有舊城。增。梁家園在宛平縣西南宣武門東南舊城邊。明時都人

梁氏建。亭樹花木。極一時之盛。今廢。

閏四月九日。館選。懋麟。香萊。沈胤范。陳玉璣。顏光敏。皆不與焉。

清代職官年表會試考官年表。康熙六年丁未科。館選。選授庶吉士十二名。

贈子靜三首詩集卷五之一。聲氣各有應。枝葉原相因。豈無同門友。不

如子誼真。自昔爲膠漆。結納爲一身。良友多暇豫。賤子方苦辛。

有時就爾居。偃仰常經旬。去冬十二月。公車聲麟麟。中塗踐雪霜。

苦樂與我均。春明策賢良。駑馬隨後塵。同時各年少。俱爲侍從臣。

君才甚美好。胡爲亦沈淪。去去勿復顧。高堂有老親。

閏四月五月之交。同喬萊離京歸里。途次重游泰山。

按。德州道中得家書詩集卷五有人歸五月時句。則懋麟發京師當在閏

四月五月之交。

同子靜重游泰山次日雨霽早發得六絕句詩集卷五之二。昨日重游泰岱還。

白雲千片出松間。夜來散作峰頭雨。失卻天門一帶山。

淮陰舟中與喬萊別。時聞張璠計。以詩弔之。

淮陰舟中與子靜別詩集卷五。雲樹遙連韓信城。歸颿影帶夕陽橫。雨

消青楚風初定。水落黃河浪不生。回憶曲江三月聚。翻憐淮甸一人

行。與君隨路看楊柳。忽到津樓起別情。

七哀詩哭張輜仲孝廉詩集卷五。青松垂巖阿。白石藏磯底。松枯石亦

爛。傷哉哲人死。哲人良爲誰。白田張仲子。豐頤挾廣顛。雙瞳炯

炯視。如何奇偉人。物化隨逝水。緬昔遭輓軻。埋照讀經史。冰霜

二十載。宛然陶裏里。名教久淪喪。大道逢數否。賴爾陽明徒。獨

賜性命旨。著書惜未成。宗傳竟已矣。盜跖常壽考。短命悲顏氏。

問天天不言。又。再哭輜仲詩集卷五。易水風吹楊柳絲。送君上馬淚

痕垂。那知柘酒慈仁寺。便是吞聲永別時。

抵白田。宿喬出塵留雲草堂。

再宿留雲堂用唐人起句詩集卷五。夜合花開香滿庭。一燈深坐對疏櫺。

到來林壑眞堪賞。重說風塵不可聽。繞院舊餘楊柳綠。當門新種薛

蘿青。頻年車轍空南北。羨爾荆扉只自扃。

尋抵里。

七夕。王士祿偕諸友人宴集於見山樓。

七夕王司勳同諸友人集見山樓分韻詩集卷五。小月光初細。明河影半

沈。天孫憐此夕。我輩亦高吟。風入疏簾緩。蟲籟老樹深。乍涼宜

薄醉。莫受露華侵。

之後不久。偕兄耀麟游鎮江勝地。詩集卷五有登金山絕頂留雲亭。鶴

林寺。拜米元章墓。寄題杜鵑樓。竹林寺。招隱寺。題招隱洞。八公

洞二首。又題八公洞。蓮華洞。北固山。焦山三首。調焦孝然祠。焦

山古鼎歌。松寥閣等詩。

光緒丹徒縣志卷二。金山。在城西七里大江中。自長山西北起爲

五州山。至下漣浦突入江起爲此山。

又。卷七室。金山留雲亭在山絕頂。明景泰中郡守白仲賢重建正德中尙書喬宇易名曰馭風後仍舊曰留雲今同治十年重建。

又。卷六觀。鶴林寺。在磨笄山下。舊名竹林。晉大興四年創。宋高祖微時嘗遊焉。及即位改今名。：康熙乙巳年。僧淨能無怠重修。

又。卷八墓。禮部員外郎米芾墓。在長山。卷二云長山在城西南一十五里山周四十餘里。

又。卷七室。黃鶴山杜鵑樓。

又。卷六觀。竹林寺。在城南六里夾山下。寺建自東晉法安大師。頽廢年久。明崇禎中。僧林泉構草廬獨居二年。創成名藍。名以竹林。

又。卷六。招隱寺。在城南七里。獸窟山麓。舊在山上。明時移建故址矣。

又。卷二山。獸窟山。在城南七里。元和郡縣志。獸窟山。一名招隱山。卽隱士戴禹之所居也。：招隱寺。在山東麓。山上有招隱洞。

又。卷二。迴龍山。在城南七里。下有八公巖。一名八公洞。舊志云監爲公梁武帝太子讀書於招隱寺有八內監隨之太子歿八人皆焚修於此故名。

又。卷二。白龍岡山。在獸窟迴龍兩山相夾處。由八公巖左通一徑里許曰九兒灣。四山環合。石壁巖然。明萬曆間。楚僧奇然結茅其上。入一洞得龍骨數石。始知有龍潛此中。蛻骨而去。因名曰白龍岡。洞前一石屏。狀若蓮萼。故又名蓮花洞。

又。卷二。北固山。一名北顧。在府治後城北里許。山面南。山後石壁東西沿江。長三十四丈八尺有奇。高十四丈五尺。由山頂迤廊

房龍埂向南至舊城十三門下。

又。卷二。焦山。在城東九里大江中。與金山並峙。相距十里許。本名譙山。

又。卷五廟。焦公祠。在焦山。同治焦山志卷一。水。焦公祠。在定慧寺右。仰止軒前。祀漢隱士焦光。

又。卷七室。焦山松寥閣。在禪堂前。明萬曆間。僧明湛重建。晚秋。歸里。

時王士祿旅於揚州者十有五月。將歸濟南。懋麟與程邃。王賓。韓弋。華衮。兄耀麟等。宴集於見山樓。賦詩送之。

同程穆倩詳其仔園熊師龍眉叔定家兄集見山樓再送西樵司勳分得六魚詩。詩集卷五。兩年江上客。眞似廣陵居。忽逐寒雲散。翻憐好月虛。

不須攀驛柳。且更覓園蔬。想到郵亭外。蕭蕭去鷹疏。程邃。字穆倩。安徽歙縣人。僑居江都。曠懷高尚。不與俗伍。詩文峭拔奇奧。尤工篆刻。劇心獨造。一洗文何之習。人爭寶之。邃更自矜賞。不輕爲人作。非其所好。雖厚貽不得也。又善畫枯木。

乾皴中含蒼潤。識者謂得董巨之神。性好飲。百觴不醉。客至必典質以供。又喜購藏古法物。不問家人產。以是益貧。遽處之恬如。

人咸高之。著有會心吟。江都縣志卷二。十六人物實賢。繼而置酒於城北之墅。懋麟與諸名士送王士祿歸濟南。

吳嘉紀詩箋校卷四送王司勳四首詩箋引雷伯顛艾陵文鈔北歸錄別詩序。西樵先生旅於揚州者十有五月。將告歸。置酒城北之墅。前期徧識于交遊。及期。洒掃早治具再速。頃之。累累而至。籩豆既列。

獻酬迭行。酒半先生揖而請曰。余之歸有日矣。盍贈以詩。於是取江文通之別賦三十六字。人各闡之。體五言古。限以十韻。遂酣醉盡籬而退。翼日。羣致其所爲詩者。名曰北歸錄別詩。康熙丁未秋。按。懋麟所賦詩集中未見。

之後。舟中與王士祿別。

舟中與司勳別詩詩集卷五。曲江潮落水痕齊。霜打殘楊暗竹西。今夜謝公隄下泊。湖光漠漠水禽嘶。

康熙七年戊申 三十九歲

在里中。

春。二月二十七日。計東時年四十四偕王巖。雷士俊。孫枝蔚。宗元鼎。

王賓。劉梁嵩。程遠。孫默時年五十六。華姿。韓魏。查士標時年五十四。吳

麀。許承宣。許承家。汪濟。汪士裕。兄耀耀。懋麟。宴集於見山樓。

計東戊申二月十七日讌集汪蛟門見山樓下同王築夫雷伯顛孫豹人郭

飲震宗定九王仔園劉玉少程穆倩孫無言華龍媒韓醉白查二瞻吳仁趾

許師六許力臣汪湛若汪左巖汪叔定分韻陶詩聞多素心人樂與數晨夕

奇文共欣賞疑義相與析余分得相字詩改亭詩集卷一。良辰及今夕。高會若

子堂。和風扇几席。梅花坐芬芳。嘉賓既翕集。美酒各盈觴。譚言

展微妙。意氣皆慨慷。文雅萃吳會。奇傑來雍涼。共此瀟灑人。隱

見無低昂。坐久意彌洽。燦然燈燭光。客問夜何如。主稱夜未央。

告歸獨予遽。惜別情難忘。徒步悵踟躕。仰視天茫茫。明月來丹霞。玉盤若金相。念昔公讌詩。喟然不成章。

按。懋麟所賦詩集中未見。

計東。字甫草。又字改亭。江蘇吳江人。寄籍嘉興。少工爲文。順

治十四年。舉於順天鄉試。十八年。以江南奏銷案被黜。生于天啓

五年。卒于康熙十五年。年五十二。四庫提要卷一百八十二稱東少

負奇氣。中年出遊四方。遍覽山川之勝。詩文日富。著有改亭詩集

六卷。文集十六卷清史列傳卷七十七文苑傳。

王巖。字築夫。陝西長安人。言紵子也。原名天佑。字平格。縣學

生。國變後。棄諸生。更名。既絕意仕進。專肆力古文辭。其考古

論事。必引據經傳。無一字假借。行文根柢於班馬韓柳諸家。推官

李念慈主事汪懋麟。皆學文於巖。客寓江都最久。與孫枝蔚雷士俊

輩最契合。文場後進。有執經請業者。經其指授。輒可名一家。故

遠近人士翕然稱之。著有白田集四十卷。與化陸廷掄選刻異香集二

卷行世江都縣志卷二十六人物寓賢碑傳集補卷三十六劉寶楠王巖傳。

雷士俊。字伯顛。先世陝西涇陽人。居江都之艾陵湖。士俊幼爲諸

生。後棄去。專力於經史百家。熟悉古今治亂得失之故。辨別君子

小人消長進退之機。其爲文鉅心劇胃。既脫稿。猶必琢磨再四。始

出以示人。而貧老負氣悲憤。得疾以卒。所著有艾陵集。文二十卷。

詩二卷江都縣志卷二。十五人物隱逸。

宗元鼎。字定九。號梅岑。別號小香居士。江蘇江都人。七歲詠梅。

爲先達所賞。酷嗜梅花。堂有古梅一株。時人謂之宗郎梅。周亮工

曹溶。王士祿。士禎。鄒祗謨等重其才名。元鼎爲詩以風調爲主。

少宗晚唐。中年仰攀初盛。風格一變。古文詩餘亦工。所著有新柳

堂詩集。芙蓉集。少香詞。清史列傳卷七十文苑傳。

孫默。字無言。安徽休寧人。客居於揚。工爲詩。有孟浩然風致。

默敦篤交遊。四方士經淮南者。必訪造其廬。相與流連不忍舍。風

雅聲氣。不介而孚。家貧。欲歸黃山舊隱。索送歸黃山詩。四方之作

幾盈數千首。竟不得歸。以窮老死於揚州寓舍。生于萬曆四十一年。

卒于康熙十七年五月二十八日。年六十六。據江都縣志卷二十六寓賢文集卷五孫處士墓誌銘。

查士標。字二瞻。號梅壑。安徽歙縣人。明諸生。後棄舉子業。專

精書畫。家饒於貲。多藏鼎彝古器。及宋元名蹟。初學倪瓚。後參

以吳鎮。董其昌法。稱逸品。晚益以幽淡爲宗。疏懶罕接賓客。蓋

託以逃世。與同縣孫逸。休寧汪之瑞。釋弘仁。號新安四家。久寓

揚州。生于萬曆四十三年。卒于康熙三十七年。年八十四。國朝畫一輯略卷一。

吳馨。字仁趾。安徽新安人。其爲詩歌。上邁曹劉。下掩王孟。超

絕無凡響。吳馨與吳嘉紀有二吳之目。而嘉紀以性靈見。此以情韻

見。幾於莫能尙。據國朝詩別裁集卷十四。吳馨小傳印人傳卷二。

夏。六月。揚州地震。賦詩記之。

地夜動詩。詩集卷六。戊申六月地夜動。萬瓦驚飛起殘夢。跂足不定天地

翻。街市千人萬人慟。江海之水皆倒流。泰山華嶽空中浮。人生性

命在頃刻。尊卑顛倒民何尤。天上太白方晝見。連月靈霖走雷電。

已聞下令期減刑。我料天心庶幾厭。

按。揚州府志卷七十略又云。七年夏六月。揚州地震。

秋。九日後不久。偕曹爾堪。時年五十二。冒雨登康山。

冒雨登康山限韻同顧菴先生二首。詩集卷六之一。江南苦厭山。江北山不

足。吾意舉真宰。胡不長崖谷。城中一抔土。刻劃似山麓。康公昔

登臨。清風散林木。發興自吾徒。衝泥探松菊。隔江見諸峰。灑然

豁心目。之二。沮如山徑溼。跼步躡高阜。長河動我前。風飄出肘

後。頰視多大廈。粲然啓戶牖。草堂陵雲端。巋然獨不朽。煙雨四

面來。疏快宜飲酒。惜哉遭湮沒。不爲四方有。

曹爾堪。字子顧。一字顧菴。浙江嘉善人。順治九年。成進士。居

二甲十五名。改翰林院庶吉士。散館。授編修。遷侍讀。陞侍講學

士。以事罷歸。在京師時。與宋琬。沈荃。王士禛。施閏章相唱和。

罷官後。優游田園。間爲遠遊。篇什益富。生于萬曆四十五年。卒

于康熙十八年。年六十三。著有兩谿文略。詞略。杜鵑亭集。清史列傳卷七十文苑傳。

十月。孫枝蔚將游湖北潛江。爲知縣王又且幕客。懋麟以詩送之。

送約人游潛江兼呈幼華明府詩。詩集卷六。先生渭北老逸民。何由久客揚

子瀕。當時出游年最壯。清狂卻戀江南春。手揮千金作豪士。目破

萬卷輕時人。喪亂反遭世俗笑。昔日破產今常貧。閉門無事老詩賦。

才力蓋代如有神。大名十年滿海內。結交諸侯稱上賓。高門肥肉雜

大酒。汎愛難救昏與晨。有兄遠官屯留縣。去年霜雪衝車輪。俸錢

攜來始買屋。與我對門爲比鄰。四時八節共杯酒。先生不轍亦木巾。

生男既多女更大。向平之願不得申。今冬結束復入楚。此生何日遂

歸秦。西江千里波瀾闊。北風十月肌膚皴。故人到處盡傾倒。潛江

王宰情更親。文章交道自無匹。求之管鮑眞其倫。王宰王宰爾須念。

先生雙鬢今如銀。但令身中有繪腹中實。誰復眼暗昧風塵。

徵君孫豹人先生行狀文集卷八。先生平篤於友朋兄弟。；為王幼華曾一至潛江。梁木天一至安肅。任淑源一至濟寧。皆三君所領郡縣也。繼而游揚州府東臺縣。過安豐場。訪吳嘉紀陋軒。不遇。

過安豐訪賢陋軒不遇詩詩集卷八。到此忽相憶。安豐老布衣。過橋逢楚市。隔水問荆扉。鹽井孤煙起。魚簖落日微。可憐栖隱處。乞米不曾歸。

揚州府志卷十六都。東臺縣安豐場二。又。吳處士傳文集卷五。處士名嘉紀。字賓賢。一字野人。泰州人。家州之安豐場。地濱海斥鹵。居人衷鹽為業。性剽悍喜鬪。遇凶歲或天下多故。即起為盜。平居無事。口舌憤怨輒殺人。處士獨以溫然儒者居其鄉。；

尋游東臺縣劉莊場。欲訪故人。皆已為鬼。念揚州甲申亂時情事。感慨賦詩。

劉莊感舊詩詩集卷六。古人重交道。寄託原有因。骨肉散復聚。何莫非鬼神。升沈間炎涼。如隔楚與秦。豈意重來過。忽將三十春。訪舊已為鬼。門巷催為薪。不復見蒼舊。滿眼皆流民。我欲報舊德。此意何由申。日暮發船去。回首淚盈巾。參見順治元年譜

十二月。歸里。
康熙八年己酉 三十一歲
春。為周亮工時年五十八讀畫樓題詩。

題周櫟園少司農讀畫樓二首詩集卷七之一看山如讀書。金陵千萬山。山山發光怪。石狀多崢嶸。雲氣時驟驟。先生有高樓。瞪目靜相對。四天挂青嶂。轉覺戶庭隘。顧陸與董米。放筆爭向背。快翦割峰巒。

總入卷軸內。之二讀畫似看山。畫師古無數。渺然不可攀。片紙買堪貧。千載傳人間。司農富收藏。拂拭深閉關。吐餽得清暇。披圖滋歡顏。翻身入層巒。髣髴聞潺湲。五嶽徒虛願。臥游嘗往還。

周亮工。字元亮。號櫟園。又號減齋。河南祥符人。崇禎十二年。舉於鄉。十三年。成進士。居三甲一百二十八名。官濰縣知縣。崇禎十七年。授浙江道監察御史。未十日。李自成陷京師。南奔明福王

於江寧。順治二年。詣清軍門降奏。授兩淮鹽法道。三年。調揚州兵備道。四年。遷福建按察使。六年。擢布政使。十一年。入京為都察院左副都御史。遷戶部右侍郎。為福建總督佟劾其貪酷論死。會赦得釋。康熙元年。起補山東海防道。五年。調江安糧儲道。被劾論絞。再遇赦。生于萬曆四十年四月七日。卒于康熙十一年六月。年六十一。亮工詩文未能成家。才名稍亞錢吳。好士憐才。一時遺

老多從之游。著有賴古堂集二十四卷。據賴古堂集附亮工年譜清詩紀事初編卷八周亮工小傳周在浚亮工長子撰亮工行述賴古堂集附喜繪事。凡巔水涯窮巷蕭寺中。有以繪事名家者。識與不識無不購致。品第論定。鷓尾駝頭。嘗載以自隨。客至。出而誇示。或風雨晦明。鬱鬱多所不樂。則一展函縉

睇怡然自得也。晚年擬構讀畫樓藏之。一時名人。皆歌詠紀其事。正月二月之交。偕喬萊經無錫至蘇州。游覽名勝古蹟。詩集卷七有闔

廬墓。真孃墓。虎丘雜詠十首。五人墓。專諸墓。楓橋。寒山寺。登靈巖寺尋館娃宮故址。太湖口望洞庭山。玄墓看梅十絕句。千人石上坐月時將歸揚州等詩。

同治蘇州府志以下省稱蘇州府志卷四十九家墓元。吳王闔閭墓。在虎丘劍池下。

又。范成大吳郡志卷三十九塚。眞娘墓。在虎丘寺側。雲溪友議云。吳門女郎眞娘死。葬虎丘山。時人比之蘇小小。行客題墓甚多。
又。蘇州府志卷七山三元。虎丘山。一名海湧山。在府城西北七里。相傳吳王闔閭葬其下。

又。蘇州府志卷四十九冢墓一。五人之墓。在虎丘山塘。漁洋山人精華錄箋注卷二五人墓詩箋注引顧涓虎丘志。顏佩章。馬傑。楊念

如。沈揚。周文元五人。吳中義士也。天啓六年四月。魏璫忠賢矯詔。逮周公順昌。緹騎恣睢暴橫。吳民罷市。佩章等憤憾不平。乘開讀詔書。萬衆擁入奮呼斃一緹卒。餘竄匿。巡撫毛一鷺。捕佩章等斬之。吳人爲旅葬虎丘山塘。

又。蘇州府志卷四十九。專諸墓。姑蘇志相傳在盤門裏。伍大夫廟側。

又。蘇州府志卷三十三津梁。府城外吳長州二縣合橋。楓橋在閶門西七里。豹隱紀談云。舊作封橋。因張繼詩相承作楓。今天平寺藏經多唐人書。背有封橋常住寺。

又。蘇州府志卷四十寺觀二。寒山禪寺。在縣西十里楓橋。故稱楓橋寺。起於梁天監間。舊名妙利普明塔院。嘉祐中賜號普明禪院。然唐人已稱寒山寺矣。

又。蘇州府志卷四十。靈巖禪寺。在靈巖山。舊名秀峰寺。卽吳館娃宮也。梁天監中置有智積菩薩化形畫相之蹟。

又。蘇州府志卷六山一。包山。在府城西南九十里太湖中。一名洞庭山。以湖中有洞山庭山也。

又。蘇州府志卷六。玄墓。在鄧尉山東南六里。相連不斷。本一山也。相傳東晉青州刺史郁泰玄葬此。故名。

又。蘇州府志卷七山二元。虎丘山。其前爲千人坐大盤石可容千人。講經下有千人列圖經續記云生公坐亦名千人石。

旋繆形邀懋麟與喬萊游半唐壽聖寺。觀宋濂手跋血書華嚴經。形屬懋麟作詩紀事。

繆歌起邀同子靜游半唐壽聖寺觀宋文憲公手跋血書華嚴經詩詩集卷七有序。學士自序云。初無相居士未生時。母夢異僧手寫是經來謂母曰。吾永禪師也。宜假一室。以終此卷。母夢覺。居士卽生。今逢勝因。頓憶前事。於是作序讚書經後。考是經爲善繼上人寫自元至正中。而永禪師則宋人也。不言善繼。乃言永禪師。則永禪師爲善繼前身。學士爲其後身無疑也。是經歷宋元明凡三世。至學士始顯。異哉。

豈佛氏死生不昧之說信然乎。無相居士者。學士自謂也。歌起屬予作詩紀事。兼爲予書其後云。詩云。佛書偏中國。其說盈百千。有時發大藏。文義頗清圓。繆子慧業人。往往能譚禪。邀我登峻閣。丹梯何回旋。因思宋學士。神翰人爭看。老僧啓敝笈。蜀錦蛟龍蟠。開函發光怪。珠文何新鮮。歲久黃金色。不復如渥丹。善公大智力。寫自至正年。豪禿八十卷。指血常夜煎。豈無青松煤。黑暗生雲煙。亦有金銀質。及茲丹與鉛。炫耀失本性。終當求自然。卻思髮膚內。精血人最慳。焦毛不復顧。苦行人所難。惜哉久湮沒。乃令學士傳。

賢母夢眞僧。丁寧託遺篇。分明三世身。此事非幽玄。學士性不昧。執卷如舊觀。焚香敬作頌。妙義何翻翻。筆勢極瘦硬。髣髴歐與顏。

歎息天人資。乃具釋氏緣。大儒裕佛性。於理或有焉。展讀發遙嘅。塵網空纏牽。傾暉不再午。逝水無停川。螻蛄與公卿。千載俱黃泉。我欲問正法。恒河誰爲宣。

蘇州府志卷四十二寺觀二。元和縣。半塘壽聖教寺。在九都綵雲里。寺有稚

兒塔。晉道生法師有誦法華經童子死葬此。義熙十一年。商人謝本夜泊此。聞岸上誦經聲。且跡之見墳生青蓮華。郡以聞詔建塔。號

法華院。宋治平間賜今額。：國朝康熙間。布政使佟彭年重修。

入蘇州十日後。同吳慶。喬萊等登支硎山。望天平諸峰。

雨後同仁趾子靜問上人登支硎山望天平諸峰詩詩集卷七。入吳已十日。

無日不風雨。兀然坐虎丘。清游興多阻。衝泥挾朋好。煙中駕雙槽。

直上支硎山。暝晦不知午。道林昔栖遯。清風散千古。靈泉百道來。

豪髮鑿可數。策杖緣窄徑。怪石向我怒。壁面黝如鐵。峽角勢疑虎。

山盡已無路。石門劃然補。本非疏鑿功。開闢似鬼斧。矯首望天平。

萬勿天外拄。此中好墓田。千松竄蒼鼠。努力登前峰。雨氣滿山吐。

悵悵還珠宮。更遇老僧語。吳俗好鬼神。游覽走士女。仲春稱最繇。

結束多媚嫵。羅綺徧春山。管絃坐深樹。我來不相值。徒然隔煙霧。

細雨暮霏衣。折梅返前浦。回船眺層崖。杳然在何處。

蘇州府志卷六山一。吳縣。支硎山。在府西二十五里。寰宇記晉高士支遁

嘗憩游其上。

又。卷六山一。吳縣。天平山。在支硎南五里。視諸山最爲巖翠。山頂有

蓮花洞。又有白雲洞。皆山中最勝處。

入蘇州後。雨不絕。一日。宋中郎招憇麟僧吳慶。喬萊。攜妓汎太湖。

後舍舟登岸。入玄墓看梅。少憩聖恩寺。步太湖口。晚游光福山。

宋中郎邀同仁趾子靜攜妓汎湖舍舟登岸入玄墓看梅少憩聖恩寺步太

湖口晚游光福詩詩集卷七。吳天雨不絕。望山只益睡。故人發清興。邀

我遂幽意。春波方漾洄。錦帆共游戲。渚花漾微紅。水樹疊遙翠。

櫓搖艇欲依。船回鷗懶避。浪隱窗檻虛。雨溼簾鉤墜。美人何窈窕。

春風正嫵媚。既愛齒頰芬。復憐肌膚膩。豔曲與清歌。劇飲每沈醉。

停舟雨乍歇。入谷日未出。籃輿初上山。餘溼猶在地。離徑何逶迤。

石墜互軒輊。忽見早梅開。恍惚殘雪積。繇藥密未刪。疏行散如織。

香多轉不聞。目眩香難視。行盡千松巖。卻入萬峰寺。湖光當門來。

嵐氣撲人至。茶林逐谿合。果樹徧山植。蕭然竹嶼深。豈與花源異。

尋梅到湖瀕。探幽窮游履。主人具深情。小妓亦多致。看山不肯回。

摘梅如有思。晚游鄧尉山自注云光福原名鄧尉。悵望花宮闕。孤塔那可登。

斷碣無復記。最愛玄墓幽。欲遂赤松志。山居眞蕭散。塵市苦顛顛。

回船忽不愜。相憶不成寐。

蘇州府志卷三十九寺觀。天壽聖恩禪寺。在縣西南七十里。鄧尉山

之南岡。唐天寶間建天壽禪寺。宋寶祐間又建聖恩禪院。爲上下道

場。

又卷六山一。鄧尉山。在府西南六十里。錦峯山西南。相傳漢有鄧尉

隱此。亦名光福山。以地名光福里也。

時憇麟宿於舟中。計東自吳江來訪之。

雨舟甫草見過即別詩詩集卷七。懋也喜怒任眞率。狂蕩每遭俗眼嫉。論

文不許世上賢。對面山川動相失。吾愛計子奇偉人。倒意傾情比膠

黍。別離終歲常憶君。走傍吳江訪蓬筍。豈知春雨十日泥。獨坐孤舟自愁疾。君過閩門問我來。風雨相尋意稠密。可憐有才今更窮。欲薦禰衡恨無術。執手未煥忽告別。苦心不得舒憂鬱。纏緜贈我盈尊酒。細酌香醪味如蜜。嬌殺鶯花空復情。對此茫茫轉蕭瑟。將發蘇州。於繆形舟中與徐乾學相見。

歌起舟中晤徐原一兼簡盛珍示詩

詩集卷七

僊舟帶雨闔廬城。卻怪春風不肯晴。水國無心逢孺子。玉峰煩語問虞卿。賣文自是閒中事。求

祿何須世上名。聞道欲來重會面。落花時節倍關情。

既乃。自蘇州抵常州。巖舟河上。與喬萊訪陳玉璫。及夜。偕玉璫宿於舟中。相與論詩文。

學文堂文集序

卷二

康熙八年春。余與石林自吳門抵常州。巖舟河上。步訪陳子。陳子出迎歡甚。坐未定。呼童奴持文二大卷。置案

上。屬余讀。且亟索酒。時昏黑門將闔。不及展視。遂攜陳子並其文宿於舟中。且譚且讀。余亦出吳門游覽詩一卷。

按。感舊集收懋麟詩。闔廬墓。放船。寒山寺。登靈巖山尋館娃宮故址四首。皆游蘇州時作也。寒山寺詩云。吳中池館日吹簫。只有

寒山寺寂寥。幾樹江楓對漁火。詩集作讀罷。江楓漁火句。行人歸去雨瀟瀟。狩野

君山云。頗似漁洋夜雨寒山寺寄西樵禮吉詩。又按。登靈巖山尋館娃宮故址。兩舟甫草見過即別諸詩。依據漁洋古詩平仄論而作。蓋

有師傳矣。

二月三月之交。抵里。旋。姜廷翰。劉梁高。宗元鼎等。宴集於見山樓。

姜綺季吳震生玉少定九夜集見山樓詩

詩集卷七

黃金弱柳絲已殘。故人

來時春色闌。倒披紫綺出相見。登樓對酒胸懷寬。忽聽江風吹暮雨。紛紛花落何堪數。翦燭論文夜不眠。金壺漏滴城頭鼓。

姜廷翰。字綺季。浙江山陰人。精繪事。山水外。兼工寫生。轉折靈動。無一直筆點葉。墨汁淋漓。天然濃淡。清朝畫家。筆錄卷二

三月。丘象升過揚州。同宋肇

時年三十六

懋麟。喬萊。韓魏。汎舟游紅橋。

丘象升已酉三月再泛紅橋同宋牧仲汪季丹喬石林韓醉白兼懷王阮亭諸君三首

南齋詩集之一

路識曾遊處。春風別一天。舸輕新雨漲。城迴

暮雲連。大隔桃溪吠。鷗依柳岸眠。裘衷借舊侶。佳興故悠然。之二。畫欄烟樹下。春影亂紅橋。嬌鳥驚人散。名花隔水招。迎風頻

縱酒。落日屢停橈。悵望平山外。迷樓夢未消。之三。勝跡留當日。今朝思黯然。筵篋觴夜月。芍藥舞晴烟。白雪存詩格。黃鸞喚酒船。

法曹真好事。長使竹西傳。

宋肇。字牧仲。晚歲自號漫堂。河南商丘人。大學士權子。少有才名。與侯方域。賈開宗。徐作肅。徐世琛。徐鄰唐結社。稱雪園六

子社。年十四。例以大臣子入宿衛。順治帝器重之。鄉試屢不見收。康熙三年。調選得黃州府通判。八年。丁生母趙夫人憂。起補理藩

院院判。遷刑部貴州司員外郎。改福建司郎中。尋出爲通永道僉事。二十六年二月。遷山東按察使。十月。擢江蘇布政使。二十七年四

月。擢都察院右副都御史。巡撫江西。三十一年六月。仍以原官調撫江蘇。在職十又四年。屢逢康熙帝車駕。四十四年。遷吏部尚書。

四十七年。以衰病乞休。致仕歸里。卒於家。生于崇禎七年正月二十六日。卒于康熙五十二年九月十六日。年八十。四庫提要卷一百西陲類稱學雖以任子入官。不由科目。而淹通典籍。練習掌故。詩文亦為當代所推。名亞於新城王士禛。著有綿津山人集。西陲類稿碑傳集卷六十七湯右曾光祿大夫。太子少師吏部尚書宋公學墓誌銘。將北上時。吳嘉紀。汪楫。兄耀麟餞別懋麟於見山樓。

諸兄弟同友人攜酒餞余見山樓下聽妓度曲賓賢舟次家兄各賦絕句依韻率答二首詩集之一。誰遣清歌送客行。忽教筵上旅愁生。不須更唱陽關曲。無那浮雲落日情。之二。可惜歡娛值遠行。菊花時節暮寒生。最憐紅粉闌中意。誰復青樓馬上情。

汪楫送季角弟試中書詩山閣。前年掛席章江去。阿季正獻長楊賦。今年我自匡廬回。季復走馬黃金臺。手持寸管見天子。羞看布襪兼青鞵。我聞天子大神聖。投戈時與儒臣近。蘭臺畫省多英才。鵝鵝觀前花肉映。琅玕百樹不嫌多。況復斯人妙詞令。借爾手中筆。我為爾作歌。味首雜佩刀袴靴。錦字牙籤細馬馱。珊瑚作架漆點螺。絲綸豈復同白窠。殿前肉食願斟酌。細君待賜將如何。

冬。入京師。與陳廷敬時年三十定交。城南山莊畫像記文集。已酉應閣試入京。得交澤州陳公。相與論詩有合焉。

陳廷敬。字子端。號說嚴。山西澤州人。順治十五年。成進士。居三甲一百九十五名。改庶吉士。初名敬。以是科館選有同姓者。奏改廷敬。尋授檢討。康熙八年。遷國子監司業。海陟侍講學士。十

一年。充日講起居注官。十二年。轉侍讀學士。十四年。遷詹事。十五年。擢內閣學士。充經筵講官。十六年。改翰林院掌院學士。教習庶吉士。十七年。詔舉博學鴻詞。廷敬薦主事汪琬。二十二年。遷禮部右侍郎。尋轉左。二十三年正月。調吏部右侍郎。九月。擢左都御史。二十五年四月。充一統志明史等總裁官。九月。遷工部尚書。二十六年二月。調戶部。九月。調吏部。後累遷官至文淵閣

大學士康熙四十二年。生于崇禎十三年。卒于康熙五十一年。年七十三。四庫提要卷一百七十三稱廷敬論詩宗杜甫。不為流連光景之詞。頗不與王士禛相合。而士禛甚奇其詩。所為古文。雖汪琬性好排詆。論文少所許可。亦甚重之。著有午亭文編清史列傳卷九陳廷敬傳。

入京即作詩獻內弘文院大學士李蔚時年四十五。內祕書院大學士魏裔介時年五十。詩集卷七有上高陽李公三十二韻。上柏鄉魏公四十八韻等詩。

李蔚。字景霽。別字坦園。直隸高陽人。順治二年。舉於鄉。三年。成進士。居三甲五十四名。改庶吉士。尋除檢討。改編修。累遷官至弘文院大學士順治十年。尋更定官制。改工部尚書兼東閣大學士。

順治十八年七月。又更定官制。改授內弘文院大學士。康熙三年。充會試正考官。九年。內三院為內閣。於是以保和殿大學士兼戶部尚書。十五年。充會試正考官。卒於官。生于天啓五年。卒于康熙二十三年六月。年六十。四庫提要卷一百八十一稱其門人陳廷敬序。稱其寫一時交泰之盛。蓋遭際盛時。故其詩有雍容太平之家。古人所謂臺閣文章者。蓋若是矣。碑傳集卷四王熙光祿大夫太子太師戶部尚書保和殿大學士蓋文勤公墓誌銘

魏裔介。字右生。別號貞菴。又號崑林。直隸柏鄉人。崇禎十五年。

舉於順天鄉試。順治三年。成進士。居三甲六十二名。選庶吉士。四年。改授工科給事中。累遷官至吏部尚書。康熙二年。三年。遷內祕書

院大學士。九年。充會試正考官。改內三院爲內閣。於是以保和殿大學士兼禮部尚書。十年。以疾乞免。生于萬曆四十四年。卒于康熙二十五年。年七十一。裔介詩以陶韋爲宗。文出入於昌黎廬陵。

於科舉之文。亦必規先正大家。而尤惡近日之雷同勦襲。浮蔓支離。故庚戌康熙九年南宮之試。裔介爲主司。文體爲之一變。爲詩數千首。著有嶼舫詩集。嶼舫近草。爲文六千餘首。有兼濟堂集。京邸集。

崑林小品。崑林論鈔。林下集。二集。徐乾學憺園文集卷二十七禮部尚書保和殿大學士栢鄉魏公墓誌銘

在京師。寓慈仁寺。

客京雜詩十五首。詩集卷七之三。獨向僧寮坐。寒宵欲四更。客愁常不睡。鏗影照空明。半夜月將墮。非時雞亂鳴。止增童僕怪。何事繞牀行。

之六。臘盡慈仁寺。紛紛廟市來。貂蟬千騎擁。金碧兩行開。衣簇飛塵入。人爭落日回。自憐無侶伴。松下獨裴回。

欽定日下舊聞考卷五十九市城。增。慈仁寺在廣寧門內。本遼金時報國寺。明憲宗爲孝肅周太后弟吉祥改建。俗仍呼報國寺。有二松。

相傳金時舊植。後有昆盧閣。左有槐樓。每月朔望及二十五日有集。康熙九年庚戌 三十二歲

春。上元後不久。偕沈胤范訪喬萊。飲萊寓齋。

雪後康臣見過同飲子靜寓齋卽和康臣十六夜見懷原韻二首。詩集卷八之一。素交誰記憶。令節爾招尋。豈謂春燈暗。空餘夜雪深。客幃孤翦燭。官舍靜彈琴。感激懷人意。新詩病裏吟。之二。一霽便相過。春泥

策馬難。凍雲猶帶溼。融雪未全乾。酒碧添新暖。盧紅減薄寒。故人能款客。爲我出蔬盤。

尋卽。飲沈胤范齋中。

飲康臣齋中醉後放歌。詩集卷八。故人袞袞長安里。沈郎與我稱知己。一日不見騎馬過。連月醉臥高齋裏。細君屢出美肴膳。頭上折卻簪與珥。知君愛客心無窮。況復尊前好兒子。孔李之交何足多。以膠投

漆母乃是。我歌子和真豪雄。千秋萬世誰知此。眼中如君亦少矣。正月二十六日。即懋麟生日。沈胤范訪懋麟於慈仁寺。留飲。

生日康臣見過僧舍留飲卽和見贈原韻詩。詩集卷八。年紀蹉跎廿載餘。悠悠懷抱向誰舒。空山只合吟梁父。魏闕何勞獻子虛。羸羸敢留居士坐。蕭疏眞作壑人廬。高譚盡日長松下。吏隱期君共著書。

正月二月之交。應閣試。授中書舍人。

徐乾學刑部主事季向汪君墓誌銘。憺園文集卷二十九。考授內閣中書。年少也職閑無事。益發憤讀書。常攜筆研就閣中校讐。或月夜循殿階行吟。誦聲聞直廬。

官定後簡康臣詩。詩集卷八。昔日思君隔紫宸。何期聯步及青春。敢言草制隨丞相。且喜吟詩和舍人。金馬自然堪避世。侏儒猶恐不謀身。

空思校尉厨中酒。已負江東砌底葦。

閏二月十二日。兵部尚書王弘祚致政歸里。清代職官年表。以詩送之。詩集卷八有奉送官保大司馬王公致政歸里三十六韻詩。

清明後一日。出京。歸里。清明後一日出京口號詩。詩集卷八。帝城楊柳春深綠。馬首依依欲送行。

若問還家幾時節。昨朝忙裏失清明。

禹城道中。酒家壁間見舊作。感懷賦詩。

禹城道中見余題壁舊詩忽忽四年感題二絕詩集卷八之一。埜店重來眼倍新。依然京洛倦游人。勞勞不記途中歷。但見題詩又四春。之二。

楊花滾雪送殘春。下馬臨街索酒頻。盧上主人知姓字。問余何事久風塵。

暮春。抵里。

夏。四月五月之交。迫於選人將入京時。為周亮工題畫。

題畫為樸園少司農二首詩集卷八之一。綠柳朱荷滿大隄。鷺鷥花鴨戲前谿。江邨自在堪消夏。何事紅塵逐馬蹏。自注云時余又迫於選人將入京。之二。頭上漉巾常若芋。門前種柳自消搖。先生自是羲皇侶。斗米何須苦折腰。既乃。諸友人出錢懋麟於東郊。

入京同學諸子出餞東郊即席留別詩詩集卷八。黃鸝嘯處柳還青。能使征人掙淚聽。送客舊憐禪智寺。唱歌愁過竹西亭。十年同學看鴻鵠。一夕分飛感鶴鴒。易水燕雲限南北。想思從此隔秋螢。

五月中。與兄耀麟自揚發。抵淮陰。在此。晤許之漸。許承宣。許承家。舟中夜飲。

淮陰逢許青嶼侍御力臣師六舟中夜話詩詩集卷八。雨留驄馬客。風阻孝廉船。握手殘陽外。停柁夜燭前。江淮方屢漲。廬舍已頻遷。歎息流民滿。何人達日邊。

許之漸。字青嶼。江蘇武進人。順治十二年。成進士。居二甲三十名。官戶部主事。擢御史。出按三秦多異政。尋為邪說者所中坐。

奪職歸里。後數年。其人得罪。朝廷復其官。康熙九年。入京師。須次選人。鬱鬱不得志。得疾以歸。著有放船。遵渚集文集卷二許青嶼詩集序。時淮揚大水吳嘉紀詩箋附吳嘉紀年表康熙九年條。舟不得進。相與賦詩紀之。

淮漲詩詩集卷九。滾滾淮流漲。昏昏雨氣多。人家翻白浪。平地走黃河。饑鳥飛難下。孤舟險未過。含愁候關吏。橫索法如何。

許青嶼詩集序文集卷二。後數年。其人得罪。朝廷復先生官。乃襍被渡江而北。是時淮黃大漲。城郭田舍漂沒相望。余亦挈小舟從先生後至河口。惡風卷波。萬弩激射。舟不得進。相與賦淮漲諸詩。今載於集中者是也。

淮陰縣甘羅城下。與兄耀麟別。

甘羅城下再與家兄別詩詩集卷八。甘羅城下水悠悠。兄自南歸弟北游。苦把蓬窗雙淚眼。直隨颿影下揚州。

六月。舟至濟寧。阻閘。因得游南池登太白樓。兩日就發濟寧。

濟寧阻閘納涼南池登太白樓四首詩集卷八之一。落颿當白日。獨坐看魚梁。開水爭涓滴。山泉望渺茫。艱難傳此驛。檣櫓是何王。阻絕官橋外。愁聞道路長。之二。炎蒸逢北道。灑灑得南池。垂柳真千尺。殘荷尚萬枝。拾遺高詠在。主簿小船移。此地翻宜夏。清涼可賦詩。

之三。清晨重過此。永日聽蟬鳴。傍水庭階淨。當風枕簟清。竟須揮扇住。不問挂颿行。瓜果隨時足。依稀故國情。之四。城說知章守。樓傳太白游。兩賢今寂寂。泗水日悠悠。鑑曲終投老。青山不記愁。異方留燕賞。千載見風流。又。別南池詩詩集卷八。拾得南池兩日緣。賞荷坐柳復聞蟬。虛堂自在容高枕。何事風濤又上船。

遊南池記文集卷三。余以康熙九年六月。道出濟上。得往游焉。

六月七月之交。入京師。尋得病。

病中遣悶呈子靜詩詩集卷八。不信微官能病客。半因秋氣正凋零。嬾從

童僕呼饋粥。賴有親朋與伏靈。雨瀝空階窗早黑。鏡殘孤幔影還青。

南鄰北里何多事。急管繁弦不耐聽。

八月十五日夜。喬萊招懋麟同沈胤范。黃仍緒。曹禾時年三十四。宮夢仁

等宴集。

八月十五夜子靜招同康臣黃繼武夏抑公鄭元闈曹頌嘉宮宗袁姚虞仲

燕集用謝惠連秋懷詩韻詩詩集卷八。出處既已昧。吾道良足患。百慮方

纏牽。三秋忽糴髮。商風遠振蕩。林葉漸凋爛。家遠稀尺書。天空

感鳴鴈。白月穿綺疏。青鏡動虛幔。若無杯酒歡。負茲良夜半。主

人具曠識。且勿勞遠算。嘉賓共雜選。清言恣誕慢。藏名安微祿。

涉險恥巧宦。謝彼時賢趨。從我賤子斲。褊性託美醜。閒情在柔翰。

偃臥從復橫。圖書散且亂。沈醉有時醒。秋窗苦難旦。側聽鄰雞鳴。

印視河影換。人謂我何求。豈識心所歎。對酒聊復歌。因之示親串。

曹禾。字頌嘉。江蘇江陰人。康熙三年。成進士。居三甲八十五名。

官內閣中書。十八年。舉博學鴻詞。授翰林院編修。二十年。充日

講起居注官。又充山東鄉試正考官。官至國子祭酒。後以事罷歸

清詩紀事卷四曹禾小傳云是時黨見甚淆門戶各別稍一參差動致傾軋。卒於

鄉。生于崇禎十年。卒于康熙三十八年。年六十二。曹禾在京師時。

列在詩中十子。著有未菴初集。文集。詩集清史列傳卷七十一文苑傳。

宮夢仁。字宗袞。江蘇泰州人。十歲善屬文。長益博極羣書。康熙

九年。會試第一。康熙十二年。成進士。居二甲五名。改庶吉士。

授御史。出爲河南督糧參議。補湖北驛鹽參議。晉山東提學副使。

累遷右副都御史。巡撫福建康熙三十六年。逾年罷歸。卒於家揚州府志卷四十八人物傳。

九月八日。喬萊邀懋麟與吳元萊。張鵬時年四十四申穩等。陪胡在恪時年四十九

宴集。

重陽前一日子靜邀同北海六皆張南溟申毅旆陪胡念嵩先生奉和十二

韻詩詩集卷八。九月新霜薄。千家落葉深。秋光還在眼。節序又驚心。

蟋蟀催殘夢。蒹葭隔舊林。那堪多病裏。更有旅愁侵。觸緒唯長歎。

舒懷但苦吟。不才安淺落。有志恐消沈。書憶橋邊授。冠羞殿上簪。

感恩思奮發。話舊耐追尋。聊借閒齋酒。同聽禁院磬。菊花寒的的。

蓮漏急駸駸。聚會原難再。睽違直到今。登臺如有與。策馬願重臨。

吳元萊。字北海。江蘇興化人。明大學士銜子。由中書歷部郎。累

擢直隸巡道。以清廉著名。吏民愛戴。歸里後有裨於桑梓者。力任

其事。邑遭水患。多遺賦。民苦敲扑。舊有留抵糧餉爲墨吏侵蝕。

元萊毅然發其狀。幾爲所中弗恤也。里人德之。卒祀鄉賢。弟翔鳳

博學能詩揚州府志卷四十九人物志。

張鵬。字搏萬。別號南溟。江蘇丹徒人。順治十七年。舉於鄉。十

八年。成進士。居三甲一名。除內閣中書舍人。遷刑部山東清吏司

主事。康熙十五年。考選第一。授吏科給事中。後累遷左副都御史。

巡撫山東康熙二十五年。召爲刑部右侍郎。二十六年二月。調

戶部左侍郎。十月。進吏部右侍郎。二十七年。轉吏部左侍郎。尋

許歸里營葬。卒於家。生于天啓七年。卒于康熙二十八年。年六十

三。著有寧遠集。藏於家徐乾學憺園文集卷二十九。

申穉。字叔旆。江蘇長洲人。自少穎悟。雖不發游嬉。而長於記誦。

甫弱冠。善屬場屋之文。順治十七年。舉江南鄉試第一。十八年。

成進士。居二甲十七名。授中書舍人。進禮部祠祭司主事。再補儀

制司。歷進郎中。康熙二十四年。擢廣西提學僉事。之任再踰旬而

丁嫡母艱以歸。歸不期而卒。生于崇禎九年。卒于康熙二十五年。

年五十一。汪琬云。官止於五品。壽止於五十有一。文章不行於世。

而功名不大著於朝。可悲也。汪琬堯峯文鈔卷十三廣西。提學道僉事申君墓誌銘。

胡在恪。號念蒿。湖北江陵人。順治五年。領鄉解。十二年。成進

士。居二甲一十九名。授刑部員外郎。十五年。授下江學政。秩滿

越數年。遷江西驛鹽參議。康熙二十七年。以母老乞終養。得如請。

歸里。卒於家。生于天啓二年。卒于康熙四十二年五月四日。年八

十二。其視學江南時。閱文必躬親之。每校士。竟日坐堂上。手不

停披卷。佳者即面取。夜則秉燭搜奇。漏盡始罷。性敏善記。一覽

輒不忘。榜發必召諸生。至前誦其文。示以棄取之故。且曰某某當

售。然頗遲。某某當速售。若操券無不驗。碑傳集卷八十一趙申喬江。西參議道胡先生恪墓誌銘。

九日。偕譚吉璫。朱彝尊時年四。李良年時年三。高層雲時年三。沈胤

范。申穉。程可則。宴集於刺梅園松下。酒半。相與爲聯句之作。送

譚吉璫之官延安。

九日刺梅園松下同譚舟石朱錫鬯李武會高二鮑康臣敘詩四首詩集之

一。不成尋菊往。轉爲看松來。地僻多秋草。園荒有刺梅。高城誰

戲馬。平楚罷登臺。未減東籬興。紛紛送酒格。之二。蒼苔隨意坐。

禮數已全疏。倚石開襟爽。看雲步履徐。提攜來倩味。方法問嘉蔬。

只此山中酌。芳筵恐不如。之三。吏隱逢名士。清游半旅人。江山

隔吳越。聚散復燕秦。自注云時舟石將之官延安。及此花明眼。須拌酒入脣。夕

陽容易沒。落葉滿城闌。之四。織月挂林外。忽然聞暮鐘。更教燒

絳燭。不忍別青松。露氣侵衣薄。秋煙著樹濃。醉歸備上馬。緩步

好扶筇。

九日集刺梅園松下送譚七舍人之官延安四十韻詩曝書亭集卷七。秋氣薄林

木南海程可。蕭條鴻鴈天。他鄉仍令節尊。高會散離筵。客盡東南

美華亭高層。情因去住懸。黃花分漢苑長洲中。綠酒自吳船。繫馬

斜陽裏嘉興李良。班荆古樹前。枝撐寒雪厚山陰沈胤。轅走老龍纏。

空翠垂垂落江都汪璫。層陰的的圓。旅懷長戀此嘉興譚吉。幽興豈徒

然。歲月風塵換則。川涂夢寐牽。相逢曾幾日尊。回首憶當年。慷

慨荆軻筑層。飛揚祖逸鞭。一官乘絕障璫。雙闕動行旂。入雒名元

重良。臨關汝最賢。蒲桃隨馬至范。鸚鵡得人憐。地險輸爲塞麟。

原荒鹵作田。由來秦上郡吉。遠接漢居延。百戰山河舊則。單車騎

吹蘭。自應思魏尚尊。那復羨張騫。美政知無敵層。雄文孰與傳。

龍山爭繡纜璫。鳳閣尙留連。勝事歸圖畫良。長歌當管弦。江淹魂

已黯范。顧愷技誰先。銀燭燒林黑麟。金盤滬露鮮。霜螯充海族吉。

香橘摘江煙。麴米封鱗細則。莢房壓鬢偏。幾忘身是客尊。恰笑口

流涎。俊味還稠疊層。深林莫棄捐。劇談逾袞袞璫。屢舞各僊僊。

聚散時難定良。交親志肯遷。彈冠新得路范。簪筆舊隨肩。作吏今

行矣麟。專城敢任焉。瘡痍何術起吉。井邑幾家全。不問金如粟則。

寧論酒是泉。徵書黃霸續尊。擁傳馬卿旋。但遺心期在層。無愁後會愆。河流千尺練穰。月挂九秋弦。坐久頻催漏良。衣輕更著綿。祇緣詩錄別胤。遂使夜忘眠。長短青門柳麟。崢嶸華嶽蓮。來朝一揮手吉。惆悵隔幽燕則。

譚吉璉。字舟石。浙江嘉興人。朱彝尊姑之子。以國學生試補內閣中書。康熙九年。出爲陝西延安府同知。吳三桂之叛。吉璉守榆林城獨完。十八年。舉博學鴻詞。報罷。旋遷山東登州府知府。未幾卒。其詩初爲中唐清麗自喜。入蜀後。乃更沈鬱學少陵。爲記序及它文實勝詩。出入廬陵南豐間。著有延綏鎮志二十四卷。肅松錄二卷。爾雅綱目一百二十卷。嘉樹堂集二十卷。鴛鴦湖棹歌一卷據碑傳集。卷九十一部長衛登州太守譚君吉。璉傳清史列傳卷七十一文苑傳。

朱彝尊。字錫鬯。號竹垞。浙江秀水人。明大學士國祚曾孫。明季廢舉子業。肆力於周官禮春秋左氏傳楚辭文選丹元子步天歌。人皆笑爲狂迂。年二十一。曹溶見彝尊詩文尤賞激。既有文名。康熙十八年。舉博學鴻詞。授檢討。二十年。充起居注日講官。又充江南鄉試副考官。二十二年。入直南書房。二十三年。以攜僕入內錄四方經進書。被劾謫官。二十九年。復原官。三十一年。復罷官。四十八年十月十三日卒。生于崇禎二年。卒于康熙四十八年。年八十一。著有日下舊聞。經義考。明詩綜。曝書亭集等據碑傳集卷四十五。注翰林院檢討朱公彝尊墓誌銘楊謙撰年譜。

李良年。字武會。初名法遠。又名兆潢。浙江嘉興人。良年與兄繩遠弟符有文名。鄉人目爲三李。康熙十年。曹申吉出撫貴州。引良

汪蛟門懋麟年譜初稿

年爲幕客。既聞三藩同撤。曰亂將作矣。力辭歸爲母壽。既抵家。雲貴告變。十八年。舉博學鴻詞。不得與。歸里後。築秋錦山房于漾葭灣。其南曰觀樞。東曰剝舫。北曰息游草堂。坐臥其中。弟子著錄者日衆。徐乾學放歸後。開書局于洞庭山。良年應其招助修一統志。自是歸不復出。生于崇禎八年。卒于康熙三十三年。年六十。著有秋錦山房集。外集朱彝尊曝書亭集卷八十徵士李君行狀。

高層雲。字二鮑。號讓苑。晚更號菰邨。江蘇華亭人。少不治舉子業。刻意爲詩古文。康熙十四年。舉順天鄉試。十五年。成進士。居二甲二十名。十八年。舉博學鴻詞。報罷。旋授大理寺左評事。二十三年。充廣西鄉試副考官。還朝充一統志纂修官。尋授吏科給事中。二十六年六月。遷通政司右參議。即日轉左。未一年。遷太常寺少卿。卒於官。生于崇禎七年。卒于康熙二十九年。年五十七。層雲博覽強記。爲詩文痛嫉俗學之陋。追古作者。有改蟲齋集徐乾園文集卷三十一太常寺少卿高君神道碑。

程可則。字周量。廣東南海人。順治九年。會試第一。以磨勘不得與殿試。益沈酣經史。十七年。應閣試授內閣撰文中書。尋改內祕書院。康熙八年。以戶部主事充順天鄉試同考官。晉員外郎。十年。遷兵部職方司郎中。十二年。出知桂林府。尋卒。生于天啓四年。卒于康熙十二年。年五十。詩文名世。自兩漢六朝三唐以來。罔不網羅搜討。期自成一言。在都下。與宋琬。施閏章。王士祿。士禛。陳廷敬。沈荃。曹爾堪。連日夜爲文酒歡。著有海日堂集等據清詩紀事初編卷八程可則小傳清史列傳卷七十一文苑傳。

汪蛟門懋麟年譜初稿

宸垣識略卷十二外城。刺梅園。在南城。近黑龍潭。今無考。按。楊謙曝書亭詩註卷六九日集刺梅園松下送譚舍人之官延安四十韻詩題注引徐乾學高太常神道碑云。京師城南隅民家有刺梅園。士大夫沐浴餘暇。往往攜壺榼。班作古松樹下。觴詠間作以爲樂。時有譚舍人吉璉佐那延安。將行。同官祖道者盛集。君與今檢討朱君彝尊。

徵士李君良年。三人皆以布衣參其間。酒半相與爲聯句之作。諸公無不斂手推服。詩成。命善畫者圖焉。徐乾學檀園文集。神道碑無此記載。

冬。在客舍與柳敬亭相見。敬亭爲懋麟說書。

柳敬亭說書行詩集卷八。田巴既沒。通死。陸賈鄭生呼不起。後人口喫

舌復僵。雄辨誰能矜瓜瓞。吳陵有老年八十。白髮數莖而已矣。兩

眼未暗耳未聾。猶見搖臂利牙齒。小時抵掌公相前。譚玄說鬼皆虛

爾。開端抵死要驚人。聽者如癡雜悲喜。盛名一時走南北。敬亭其

字柳其氏。英雄盜賊傳最神。形模出處真奇詭。耳邊悅聞金鐵聲。

舞榭橫戈疾如矢。擊節據案時一呼。辟歷迸裂空山裏。激昂慨更

周緻。文章秀髯龍門史。老去流落江左間。後來譚者皆穉穉。朱門

十過九爲墟。開元清淚如鉛水。長安客舍忽相見。龍鍾一老胡來此。

剪鏡爲我說齊諧。壯如擊筑歌燕市。君不見原嘗春陵不可作。當日

紛紛誇養士。雞鳴狗盜稱上客。毒冒爲簪珠作屨。此老若生戰國時。

游譚任俠差堪比。如今五侯亦豪侈。黃金如山羅錦綺。爾有此舌足

致之。況復世人皆用耳。但得飽食歸故鄉。柳乎柳乎譚可止。

柳敬亭。江蘇泰州人。本姓曹。避仇流落江湖。休於樹下。乃姓柳。

善說書。遊於金陵。吳橋范司馬桐城何相國引爲上客。常往來南曲。

與張燕筑沈公憲俱。張沈以歌曲。敬亭以談辭。酒酣以往。擊節悲吟。傾靡四座。蓋優孟東方曼倩之流也。後入左甯南幕。出入兵間。甯南亡敗。又遊松江馬提督軍中。鬱鬱不得志。年已八十餘。間過余。僑寓宜睡軒中。猶說秦叔寶見姑娘也。板橋雜記。卷下逸事。

十一月末。曹禾招懋麟同黃仍緒。鄒嶧。喬萊。周弘。曹貞吉。張英。時年三等宴集於獨笑亭。

頌嘉招同繼武六皆桐崖子靜周子重曹升六趙武昔張敦復吳意輔夜集獨笑亭分韻二首。詩集卷八之一。小亭臨獨樹。疏快得吾儕。臘近春生益。

簾開月到階。夜寒宜博奕。官冷任詠諧。豈更嫌真率。高歌見素懷。

之二。連宵渾是醉。衣上酒痕留。笑語狂夫慣。盤餐小婦謀。煮魚

供晚飯。剝果作嘉羞。坐客尋常滿。空尊莫謾愁。

鄒嶧。字桐崖。江蘇山陽人。康熙三年。成進士。居三甲一十七名。

康熙二十一年。由贛建昌知府任雲南省學政。清秘述聞卷十二。

周弘。字子重。江蘇無錫人。康熙三年。成進士。居三甲三名。授

編修。八年。以國史院編修充山西鄉試正考官。官至侍講學士。國朝

徵略二編卷七周弘小傳。

曹貞吉。字升六。山東安邱人。康熙三年。成進士。居三甲八十三

名。考授內閣中書。出爲徽州府同知。內召禮部儀制司郎中。以疾

辭湖廣學政歸里。貞吉生而嗜書。以歌詩爲性命。始得法於三唐。

後乃旁及兩宋。汎濫於金元諸家。所爲詩。氣清力厚。一往情深。

而不喜矜言體格。間作倚聲作詞追蹤宋人。吳綺名家詞選以爲歷卷。

流傳江左。一時推爲絕唱。著有珂雪集等。據清詩紀事初編卷六曹貞吉小傳清史列傳卷七十七文苑傳。

張英。字敦復。安徽桐城人。康熙六年。成進士。居二甲四名。選庶吉士。旋丁父憂回籍。十一年。授編修。十二年。充日講起居注官。十五年。遷左春坊左諭德。十六年二月。遷翰林院侍講學士。

九月。同掌院學士。直南書房。賜第西安門內。十八年。轉侍讀學士。十九年。授翰林院學士兼禮部侍郎銜。二十年二月。以葬父乞假。二十五年三月。授翰林院學士兼禮部侍郎銜。十二月。遷兵部右侍郎。二十六年六月。調禮部右侍郎兼翰林院學士銜。九月。轉左。仍兼翰林院學士銜。又兼管詹事府詹事。二十七年。被劾降五級調用。得旨從寬留任。後官至文華殿大學士。四十年十月。乞休。

得旨。卒於家。清詩紀事初編稱英首以文學入直南齋。兼日講。傳東宮。以至臺閣。同時徐乾學葉方藹高士奇諸人。立黨相競。多所凌忽。英與陳廷敬甘心自下。始得保全。英乞假家居者五年。未及杖朝。遽以引退。以不與翻覆之局爲幸。；其沒也。由于恐懼。英沒于是年九月。與太子之廢幾于同時。雖非嚴讎。而憂危震撼。殆有不得其生者矣。閱兩月。卹典始下。亦非故事。生于崇禎十年。卒于康熙四十七年。年七十二。著有雙溪集據清史列傳卷九張英傳清詩紀事初編卷五張英小傳獨笑亭。未詳待考。

十二月。得病。病中曹禾等來問之。相與譚服氣。

病中三首詩集卷八之二。筋力秋方健。呻吟臘又增。臥寒知夢妄。病久覺人憎。減藥心空切。加餐願未能。偶然譚服氣。令我與飛騰自注馬員嶠與頤嘉來譚服氣之二。一病忘饑渴。常時我披饑。只因關肺胃。遂爾異酸醜。食物妨新忌。方書檢舊函。年來搖落甚。生事託長鑱。之

汪蛟門懋麟年譜初稿

三。帝里誰知藥。青囊出素交。伏靈尋曰煮。方法借書鈔。病減先妨酒。春回暫遠庖。養生吾最拙。中散漫相嘲。

歲暮。病起。時宮夢仁將離京歸里。以詩送之。

送宮衰歸里詩詩集卷八。去年蕭寺逢君住。黃葉吟詩每共行。殘雪雙松孤月迴。妙香五夜一燈明。著書祇令千人廢。及第名教兩郡爭。才子由來南北重。不須驚倒魯諸生。

尋沈胤范贈懋麟以果物。以詩謝之。

謝康臣送果物詩詩集卷八。閩蟲小果偏能絳。江上霜橙作意黃。宿酒半醒茶正熱。依稀風味似南方。

康熙十年辛亥 三十三歲

春。正月六日。夜飲於沈胤范寓齋。止宿。

人日前一夜飲康臣寓齋止宿卽和原韻三首詩集卷九之一。高齋幽興熟。

時命小車來。三徑容余過。雙扉豈浪開。盤齊春夜韭。柘汎越江醅。

笑對山陰客。何須掉雪回。之二。年華重建亥。節序又逢人。可耐春驚眼。唯拌酒及脣。烏皮香滿几。白氈煖宜巾。似我忘形少。經過不隔旬。之三。初月光猶淺。春風五六朝。笛聲何歷歷。夜色自寥寥。楊柳搖秦塞。梅花落渭橋。平生腸斷處。無那是今宵。

正月十五日。夜寓直。是夜觀禁中放花火。賦詩記之。

元夜寓直觀禁中放花火歌詩集卷九。明月如輪碾金殿。濛濛玉露垂深院。萬里高天無片雲。鳳皇城闕分明見。此時禁庭人影稀。但聽銅龍下銀箭。忽然天樂來九霄。耳邊鬚髯聞簫韶。步輦從容出複道。華鏡的皪明春宵。緒黃盤龍覆御榻。羽林排列皆騰驍。便殿前頭竿百丈。

三九一

綏繩高繫青天上。銀花火樹齊開張。珠斗明星盡奔放。金鸞赤鳳無不有。玉女僊人名奇狀。雲中寶塔何嵯峨。海上蜃樓起煙浪。更有奇花次第懸。千枝墮地生金蓮。火山吞吐走日月。急如萬弩離箭弦。爆竹聲中作辟歷。又如鐵馬攻戰相回旋。夜靜笙歌轉清徹。伶人按樂聲呼絕。一回花放樂一停。此曲人間豈能竊。何意良宵子細聽。果然妙舞霓裳月。羽騎傳呼聞返駕。鐘鼓樓前已三下。飄若浮雲風雨過。萬點鎧光一時謝。獨倚危蘭似夢中。月影沈沈轉臺榭。

按。國朝詩別裁集卷九沈德潛評云。起從元夜說入。是禁中元夜龍樓鳳闕。玉露金波。分明如見。以下詳述煙火跌蕩淋漓。極才人之能事。又云。壬申元夜。潛蒙恩賜觀御園煙火。盡二鼓始歸。目中所見。恰如詩中所述。明晨上命廣和上元燈詞八章。才力薄弱。視比部大篇。遠遜矣。披閱長歌附記於此。

正月二十八日。曹申吉^{時年三十七}授貴州巡撫。以詩送之。

送黔撫詩^{詩集卷九}。朝廷重巖疆。屏翰在諸路。安危指掌間。唯此大節度。控御非親臣。旌鉞不肯付。廓爾辟荆郡。險塞孰敢赴。蠻谿箭弩急。窮山齒牙布。羣苗雜種類。窟穴竄狐菟。有如蝨蟊屯。爬搔莫能措。黔中舊凋敝。軍興稅無數。芻糗從何出。艱難八郡賦。帝曰汝往哉。庶幾免南顧。惟公富才傑。早年領鴛鴦。出撫豈常例。建牙寶寵遇。古來名公卿。邊動往往樹。土境非全荒。風景亦樸素。靈泉甘且清。石門迴回步。竹箭美可采。丹砂顏可駐。謝柳有高文。川谷愜幽趣。教化須與行。簿牘豈能汙。威信繫番長。創夷起婦孺。功成報九重。允錫以大輅。出歌東山詩。入獻天保句。壯年取將相。

黑頭豈云暮。

曹申吉。字錫餘。別號澹餘。貞吉弟。順治十二年。成進士。居二甲五十五名。改庶吉士。十四年。授編修。旋擢日講官。十五年。出為湖廣右參議。分守下荆南道。十六年。歷河南睢陳兵備道副使。十七年。轉左通。晉大理寺卿。十八年。以疾告歸。康熙三年。疾痊還古職。六年。充殿試讀卷官。遷禮部右侍郎。九年。調吏部右侍郎。十年。改工部右侍郎兼都察院右副都御史。巡撫貴州。十二年冬。吳三桂叛。當聞變之初。申吉夜遣家僮飛章入奏。疾馳六千里。十六日而達都門。帝始得反狀。尋黔南清軍潰。束手被執。申吉陷賊中。無日不伺間圖賊。十九年。蠟書赴闕。密陳機宜。為賊所覺却。歸雲南竟遇害于昆明之雙塔寺。實十二月五日也。生于崇禎八年。卒于康熙十九年。年四十六。著有澹餘。南行。黔行。黔寄等集^{碑傳集卷六十三張貞通奉大夫巡撫貴州工部右侍郎兼都察院右副都御史加一級曹公申吉墓誌銘}。楊謙朱彝尊年譜。偕黃仍緒。沈胤筮。李良年。曹貞吉。曹禾。喬萊。高層雲。飲餞朱彝尊於南郊。

清明^{詩集卷九}。清明同繼武康臣武曾升六頌嘉子靜楚集送錫鑿之揚州四首^{卷九之一}。春深始見柳如絲。不看壇松又四年。為客最憐寒食節。送君愁煞落花天。之二。今年二月已春分。白哈單衣喚氣熏。欲唱渭城誰進酒。綠楊樓外見紅裙。之三。揚州勝事滿林臯。此去猶能賞碧桃。無數畫簾鈎落日。一湖春水漾輕篙。之四。君行試訪吾家仲。花滿閒園蝶亂飛。若問京華顛顛狀。為言小弟只思歸。李良年清明日沈康臣汪蛟門喬石林曹升階黃繼武曹峨眉諸中翰招同

朱錫鬯高二鮑飲郊外即席限韻送錫鬯之維揚詩秋錦山房集卷三之一。東風

無賴帝城天。前度還家值禁烟。置酒忽從高處飲。楊花燕子又今年。

之二。燕草如茵送馬蹄。朔雲南下驛樓低。紅橋白舫青青柳。值得

詞人愛竹西。

朱彝尊將出都門曹舍人貞黃舍人仍沈舍人范喬舍人萊曹舍人禾汪舍

人麟招同高上舍層李秀才良賦詩贈行口占留別詩曝書亭集卷八。鳳池才子

各翩翩。攜客城南贖酒錢。滿眼鶯花無奈別。河梁愁思復今年。

三月三日。得家書。聞生子消息。即一子汪兼也。賦詩記之。

聞生子消息四首詩集卷九之一。家遠殘春外。書來上巳時。開函先失喜。

應卜果生兒。愚魯真吾願。公卿未敢期。佗年稍識字。好誦老夫詩。

之二。常時湯餅會。此日只空聞。寥落爲羈客。艱難仗細君。犀錢

誰送與。玉果爾平分。試問蘭會夢。多應水溼帶。之三。忽忽過三

十。飄飄又一年。此兒生技晚。諸女已隨肩。學繡紅窗下。含鉛白

髮前。庭闈有真樂。何事別林泉。之四。官冷疏親愛。何能盡室攜。

春歸馮婦怨。客久憶兒嚙。香篋衣頻典。蘭闥月再低。食貧兼惜別。

慙婉說眉齊。

按。王士禛比部汪蛟門傳蠶尾集卷六云。一子曰兼。

暮春。史鶴齡等招懋麟與諸友人飲集於慈仁寺海棠下。

史子修編修謝瞻在侍御招同諸子飲慈仁寺海棠下二首詩集卷九之一。鳥

曉春寺靜。客到酒栢香。新綠霑階草。輕紅破海棠。席移花嫋娜。

人醉月昏黃。卻笑長安道。軒車故故忙。之二。樹繫青驄馬。花迎

白面郎。東風何造次。鎮日太顛狂。雀啄爭濃藥。蟻銜釀蜜房。可

憐當爛熳。春去又佗鄉。

史鶴齡。字子修。江蘇溧陽人。康熙六年。成進士。居二甲五名。

改庶吉士。散館。授編修。九年。充會試同考官清秘述聞卷十三。

時保和殿大學士魏裔介致政歸里。以詩送之。

奉送柏鄉公致政歸里二首詩集卷九之一。功成曾見幾人歸。帝眷方隆遽

拂衣。采藥已蒙優詔許。尋山不與素心違。久將經術登黃閣。暫卷

絲綸掃碧磯。只恐聖朝思舊相。松風未穩御書飛。之二。忽聞拜疏

請歸田。赤舄難留五鳳前。趨走舊隨羣吏拙。文章深荷相公憐。自

今韓愈書儲上。還惜扶風學未傳。祖帳青門同悵別。落花飛絮撲離

筵。

夏四月。周弘。王日溫時年二。攜酒邀懋麟同諸友人飲於谿園。

周子重編修王子厚給事攜酒邀同諸年丈飲谿園得谿字二首詩集卷九之一。

曲卷一園僻。頻來聽鳥嚙。鹿盧分細水。宛轉下回谿。風入虛堂靜

花開小樹齊。此中幽賞足。況復酒雙攜。之二。無事消長晝。疏簾

日漸西。圍碁臨小閣。學射過前谿。酒讓青蓮馱。詩催白社題。夜

蘭扶上馬。不省醉如泥。

周弘。字子重。江蘇無錫人。康熙三年。成進士。居三甲三名。授

編修。六年。以編修充山西鄉試正考官。官至侍講學士據清秘述聞卷二國朝詩

人徵略二編卷七周弘小傳。

王日溫。字子厚。一字綠野。河南鄆陵人。康熙二年。舉於鄉。六

年。成進士。居三甲八十七名。改庶吉士。八年。授兵科給事中。

遇事侃侃。無所阿附。後累遷提督四譯館太常寺少卿。康熙二十五

年。請假歸。初陸行至松林店而病。乃買舟張家灣。走天津轉劇。至臨清遂不起。生于順治二年閏六月十七日。卒于康熙二十五年閏四月十七日。年四十二。碑傳集卷五十三湯斌翰林院提督四。譯館太常寺少卿王公曰溫墓誌銘。谿園。未詳待考。

喬傑寓齋。程康莊時年五。曾傑時年四。周在浚。陶激等。宴集於

顧菴先生同程崑崙劉峻度青黎雪客陶季集子靜邸齋限韻二首詩集之卷九。菊花開處江南別。榴葉垂時薊北逢。徧賜湖山公未老。不勝貧病我全慵。坐中徒叩文瀾闊。世外休嫌酒態濃。況有紛紛詞賦客。

不須愁打禁門鐘。之二。鬱蒸草木已全凋。平地風沙卷碧霄。何處避謹尋碣壑。可憐羈客半鷓鴣。瓦盆蠶飯留賓坐。白塵清譚入夜遙。只有吾徒疏放好。憂時原不責漁樵。

程康莊。字坦如。號崑崙。山西武鄉人。崇禎九年拔貢生。順治十一年。舉山林隱逸。後五年。選鎮江府通判。康熙六年。升安慶府同知。罷官起補耀州知府。生于萬曆四十一年。卒于康熙十八年。

年六十七。康壯少負奇才之目。及官鎮江。風流好事。賓客總集。時王士禛官揚州推官。與之唱和。刻為過江集。一時文士。盛譽康莊。實非士禛之比。詩文皆學鍾譚。詞則豔體。魏喬介乃稱程武鄉

之文。過于江南錢牧齋。令人失笑。著有崑崙詩選。文選清詩紀事初編卷六

程康莊。程康莊小傳。

程燦。又名傳燦。字青黎。號止山。江西寧都人。明給事中應遴仲子。順治二年。楊廷麟竭力保南贛。應遴以閩竭山澤間有衆十萬。

命燦往撫之。既行而應遴病卒。贛亦破。乃解散。尋祝髮為僧。遊閩浙廣間。大母及母念燦成疾。乃歸寧都。以大母命受室築六松草堂。躬耕不出者數年。後僑居吳下二十餘年。客游京師。生于天啓六年。卒于康熙二十八年。年六十四。著有六松堂文集。西庵草堂詩集。清史列傳卷七十七文苑傳

周在浚。字雪客。周亮工長子。河南祥符人。在浚夙承家學。淹通史傳。嘗注南唐書十八卷。為王士禛所稱。又嘗合天發神讖碑三段。貫以鉅鐵重。為釋文一卷。考證精密。論者謂可正金石集古二錄之誤。工詩。嘗作金陵百詠及竹枝。流傳最盛。著有雲烟過眼錄。晉稗梨莊遺谷集。秋水集。清史列傳卷七十七文苑傳

六月。移居城南。時懋麟誦嚴我斯詩。相與唱和。移寓後讀嚴就斯侍讀新詩率題詩。詩集卷九。新賃城南屋。蕭疏六月宜。科頭容我做。敬枕誦君詩。獨樹風過處。高窗雨歇時。自然冰雪在。何用采江離。

嚴我斯次汪蛟門見贈時方移居詩。尺五堂詩刪初刻卷三。門巷幽方好。形骸懶更宜。未開花下徑。先寄草堂詩。月落懷人處。涼生隱几時。秋來有佳興。與汝話東籬。

嚴我斯。字就斯。一字存菴。浙江歸安人。康熙三年。成進士。居一甲一名。授修撰。歷官至二十三年九月二日。由少詹事遷禮部右侍郎。二十一日。改禮部左侍郎。二十六年六月二十一日。營葬歸里。時年未六十。四庫提要。卷一百八十三稱其詩近體最富。古體僅十之二三。大抵長於華瞻之作。湯惠休所謂如鑲金錯采。亦雕績滿

里。時年未六十。四庫提要。卷一百八十三稱其詩近體最富。古體僅十之二三。大抵長於華瞻之作。湯惠休所謂如鑲金錯采。亦雕績滿

里。時年未六十。四庫提要。卷一百八十三稱其詩近體最富。古體僅十之二三。大抵長於華瞻之作。湯惠休所謂如鑲金錯采。亦雕績滿

里。時年未六十。四庫提要。卷一百八十三稱其詩近體最富。古體僅十之二三。大抵長於華瞻之作。湯惠休所謂如鑲金錯采。亦雕績滿

里。時年未六十。四庫提要。卷一百八十三稱其詩近體最富。古體僅十之二三。大抵長於華瞻之作。湯惠休所謂如鑲金錯采。亦雕績滿

里。時年未六十。四庫提要。卷一百八十三稱其詩近體最富。古體僅十之二三。大抵長於華瞻之作。湯惠休所謂如鑲金錯采。亦雕績滿

里。時年未六十。四庫提要。卷一百八十三稱其詩近體最富。古體僅十之二三。大抵長於華瞻之作。湯惠休所謂如鑲金錯采。亦雕績滿

眼者也。著有尺五堂詩刪初刻。近刻據清代職官年表清詩紀事初編卷七嚴我斯小傳

秋八月。施閏章時年五十四以父年老辭歸。將爲蘇門高山少林寺之遊。懋

麟偕曹爾堪。許之漸。宋琬時年五十八。沈荃時年四十八。王士禛。王士禛。

陶澂。沈胤范。曹禾。喬萊。程可則。夜宴集。以詩送行之。

雨後夜集同顧菴先生青嶼侍御宋玉叔觀察沈釋堂翰林西樵考功阮亭

先生陶季康臣頌嘉子靜再送尙白游嵩山分韻詩集卷九之一。一雨滿

空秋。蟬聲何處樓。涼風起庭樹。片月挂城頭。夜靜絺衣薄。鏡明

酒氣浮。清言紛四坐。眞足傲滄洲。之二。上客皆湖海。萍蹤託市

朝。自然林壑意。何待管弦招。游說嵩山好。人憐宛水遙。長安有

落葉。此夕覺蕭蕭。

施閏章將遊嵩嶽留別都門諸同好自注云青嶼荔棠顧菴釋堂西樵周詩愚山量阮亭康成陶季我眉較門石林先生詩集

卷十。富貴非我懷。慨焉企高蹈。京國偶羈縻。相憐爲同調。文酒

連朝昏。屢寫每顛倒。欲別重拳拳。白頭不忽掉。秋風感客心。言

歸肆遐眺。曳我舊芒屨。蒲遊問蒿少。名獄領中區。元氣羅衆妙。

商飈景物清。蒼翠相照耀。齋心躡往蹟。猿鶴或前導。中峰有絕頂。

凌雲踏奔峭。俯探二室幽。坐對三花笑。要期接至人。靈境不虛到。

澄曠諧賞心。詠言託微好。惟應憶故歡。回首一長嘯。

愚山先生年譜卷三康熙十年條。秋八月。投牒銓部。卽爲蘇門嵩少

之遊。有將遊嵩岳留別都門諸同好。

施閏章。字尙白。號愚山。安徽宣城人。順治六年。成進士。居二

甲二十六名。授刑部主事。尋補員外郎。十三年。以試高等充山東

學政。秩滿遷江西參議。分守湖西道。康熙十八年。舉博學鴻詞。

授待講。充明史纂修官。二十年。充河南鄉試正考官。二十二年。

陞侍讀。尋病卒。生于萬曆四十六年。卒于康熙二十二年。年六十

六。閏章詩與宋琬齊名。號南施北宋。王士禛愛其五言。爲作摘句

圖。著有學餘堂文集。詩集毛奇齡西河合集卷八十。

宋琬。字玉叔。號荔裳。山東萊陽人。順治三年。舉於鄉。四年。

成進士。居二甲二十九名。授戶部河南司主事。累遷吏部稽勳司主

事。十年。授陝西分巡隴右道僉事。十四年。陞直隸永平副使。十

七年。遷浙江寧紹臺參政。十八年。擢按察使。時登州于七爲亂。

琬同族子因宿憾。思陷琬。誣琬與通謀。乃自浙江械繫琬送刑部獄

中。闔門縲繫者三載。康熙三年冬。得旨免罪。放歸。流寓江南。

十年。有詔起用。復來京師。十一年。授四川按察使。十二年。入

覲。值吳三桂反。成都陷。琬家屬皆在蜀。聞變驚惋。遂以疾卒於

京師。生于萬曆四十二年。卒于康熙十二年。年六十。琬博聞強記。

詩文兼諸家之長。中年屢遭患難。故多悲憤感時之作。王士禛嘗舉

施閏章相況目爲南施北宋云。著有安雅堂集據碑傳集卷七十八王熙通

墓誌銘清史列傳。卷七十七文苑傳。

沈荃。字貞豸。號釋堂。別號充齋。江蘇華亭人。順治八年。舉於

鄉。九年。成進士。居三甲三名。授編修。時以翰林官外轉。出爲

大梁巡道副使。康熙元年。丁母憂去。四年。服闋。補通薊道。坐

事左遷。九年。補寧波府同知。十年。授侍講。十一年。充浙江鄉

試正考官。轉侍讀。十二年。充日講官起居注。十三年。擢國子監

祭酒。十五年。遷少詹事兼翰林院侍講學士。十七年。晉詹事府詹

事。十九年。加荃禮部侍郎銜。卒於官。生于天啓四年九月二十四日。卒于康熙二十三年十一月七日。年六十一。其詩繼七子而起。

皆秀偉卓犖。其高者出入三唐云。著有充齋集神傳集卷十八王熙通奉大夫日講官起居注詹事府詹事兼翰林院侍讀學士加禮部侍郎諡文恪沈公墓誌銘。

冬。吳之振時年三十二以宋詩鈔示懋麟。賦詩答謝之。

懋吳孟舉詩集卷九。新來中酒起常遲。積放眞宜學宋詩自注云孟舉時以宋詩鈔見示。

木落關門愁見鴈。夢回江上想聽鷗。相逢好訂千秋約。小別還堪十日思。尋陽樓中多秀句。把君一卷足移時。

吳之振。字孟舉。浙江石門人。貢生。以貴爲內閣中書。生于崇禎十三年。卒于康熙五十六年。年七十八。其詩專學宋而無槎枒粗悍之習。與呂留良交厚。酬贈之作甚多。是時世貴宋詩。曹溶爲之倡。

藏宋人集部一百八十家。元集一百十五家。黃宗羲呂留良及之振亦競求之。之振家富。所得最多。因合留良所藏刻爲宋詩鈔凡百餘家。刻之未盡。而祕本流傳已不少矣。或曰實留良論定。之振出資刻之。著有黃葉邨莊詩集清詩紀事卷七。吳之振小傳。

歲暮。懋麟居京師貧甚。賣文得貲。

除夕前一日賣文得貲卽命僕治具自嘲二首詩集卷九之一。車馬平時總不聞。蕭條門巷冷斜曛。終年趨走無餘祿。除夕蒼黃尙賣文。持付酒家何迫迫。指揮歲事買紛紛。傾盤柏葉臘能給。賴有詞華慰細君。

之二。青陽偈歲去堂堂。檢點庭樹但雪霜。日下浮名空寂莫。眼前汎愛實蒼茫。踟躕換米花鈿盡。癩慢逢人筆硯荒。不是尊空思買醉。肯教輕賤視文章。

十二月三十日。懋麟是有仕學兩蹉跎之感。賦詩遣懷。除夕詩卷九。此宵三度客中過。自願行藏竟若何。百首詩惟今歲少。十分貧賤去年多。老親游子思南北。竹葉梅花憶阿阿。人事天時俱草草。不堪仕學兩蹉跎。

是歲。始患心痛。繼患風濕病。病中納妾。襲鼎孳時年五十七。嚴我斯。吳之振等諸名士。賦詩詞調之。

與黃繼武書卷一。自去年五月。倉皇北走。寄食友朋。忽忽一載。憂愁已深。繼以疾病。始患心痛。少涉思慮。心肺動搖。今幸少已。

左臂受風。欲舉如折。近又左足委頓。一發不能移尺寸。恐遂廢棄。大抵皆焦勞趨走之所致也。又。自來京師。百事拂逆。意緒枯槁。男女飲食。人之至情。今一切痛割。舉目荒涼。誰爲親暱。每獨坐沈思。宵眠不寐。涕不能止。用是日習懶慢。學廢名墮。對人欲睡。以僕所懷。當亦足下之所聞而欲涕者也。

襲鼎孳賀新郎爲汪蛟門舍人病詞定山堂詩中納姬和方虎餘卷四。璧月銀鬚卷。報香車。芒蘿人到。羈愁齊遣。病起長卿微倦後。消得露華濃滋。疊繡林。紅綿合繭。鬢影錢塘雲母楫。渡廣陵。八月初濤淺。菱鏡黛。曉窗展。倚風生怕腰身顯。護嬌羞。錦屏六曲。銅鑲雙扇。子夜翠衾龍腦熱。切莫打鴉驚犬。幸放仗。朝參新免。收拾鴛鴦鍼線帖。奉五花。

判事妝臺典。琴奕暇。綺吟翦。嚴我斯汪舍人納姬賦贈詩尺五堂詩刪卷四。若耶溪上錦帆開自注云。姬越人。舊是翻翻咏絮才。綺帶同心何處結。吹蕭人在鳳皇臺。之二。斗帳紅羅四角垂。退朝剛喜晚妝時。盡屏匠匠高三尺。解事先防小婢窺。

紅羅四角垂。退朝剛喜晚妝時。盡屏匠匠高三尺。解事先防小婢窺。

之三。金鈿初卸翠蛾低。掩映珠櫺月半珪。怪煞門前烏白鳥。未曾天曙已先啼。之四。未聳鬢髮太瘦生。詩才驚艷重西清。只今視早歸來夜。不賦閑情賦定情。之五。烏啼金井碧梧桐。玉盃雙行琥珀紅。閨閣也知文字飲。蕭疏元是大家風。之六。細雨黃昏怯早寒。火籠斜倚夜初闌。纖纖做就花文履。不許蕭郎特地看。之七。楊柳絲絲落御溝。微霜一夜鳳城秋。直廬門外風尤峭。早起須添紫麝裘。之八。盤龍明鏡對中禱。小立閒窗事事幽。阿母簾前知睡起。芙蓉新樣教梳頭。之九。博山香細倦支頤。自摘黃花浸硯池。盼到日斜朝未散。故尋小妹賭圍碁。之十。酒伴相攜鸚鵡杯。夜深不放玉驄迴。帳中獨擁青綾被。只恐今宵病酒來。之十一。都下詞人真好事。吳綾傳寫十香辭。儂家亦有新翻句。肯向閨中付雪兒。之十二。趙家姊妹玉爲人。箇是盈盈未嫁身。笑殺兒郎癡欲絕。踏歌空自比汪倫。自注云閨中有女弟待字。

吳之振蛟門納越姬戲作絕句調之詩黃葉山莊詩集卷二之一。嫩日柔和弄小春。輕衫恰試越羅新。只愁凜冽風欹帽。半臂頻攜故惱人。之二。斜軀金釵鬢鴉。額黃輕染薰飛霞。鏡湖春色能多少。壓倒揚州樹樹花。之三。大小姑山十五峰。彭郎磯在兩山中。相逢不用尋舟楫。桃葉桃根總一蓼。之四。爐煙馥郁護窻紗。銀燭通紅夾道斜。莫唱房中舊歌譜。舍人新句滿京華。

龔鼎孳。字孝升。生時庭產紫芝。因號芝麓。安徽合肥人。少精於制舉義。兼博通騷史。善詩賦古文詞。老宿見之罔不推服。崇禎七年。成進士。居三甲九十八名。授兵料給事中。及李自成陷京師。

汪蛟門懋麟年譜初稿

鼎孳受僞直指使職。巡視北城。順治元年。降清。授吏科右給事中。尋改禮科。二年九月。遷太常寺少卿。三年六月。爲孫昌齡所劾。議降二級調用。尋免。九月。補原官。十年。擢刑部右侍郎。十一年二月。轉戶部左侍郎。五月。遷都察院左都御史。十二年。爲馮銓所劾。十三年四月。補上林苑蕃育署署丞。十七年。罷署丞。康熙元年。以侍郎補用。二年。授都察院左都御史。三年。遷刑部尚書。五年。轉兵部。八年。轉禮部。九年。充會試同考官。十二年。再充會試正考官。八月。以疾致仕。九月。卒。生于萬曆四十三年。卒于康熙十二年。年五十九。清詩紀事初編卷五龔鼎孳小傳稱其詩純恃才氣。以好客故。爲士流所歸。因有江左三家之刻。以與錢謙益吳偉業並重。實非匹敵。著有定山堂集。詩餘據碑傳集補卷四十四嚴正矩七十九。貳臣傳

康熙十一年壬子 三十四歲
在中書。

春。正月十六日夜。與紀映鍾。徐乾學。徐倬時年五十。宴集龔鼎孳西堂。西堂四圍有屏幃。屏上有錢謙益燈屏詞十二首爲龔孝升顧夫人作。有學集卷五

五。

十六夜同紀伯紫徐原一徐方虎飲龔大宗伯西堂對雪醉歌。詩集卷十春光初過一十五。昨宵爛熳銀蟾吐。擊鼓燒鐙歡未闌。一夜邊風作寒雨。早起借馬趨承明。四蹄蹴蹴翻泥土。投筆空邀丞相憐。脫衣且醉尙書府。尙書愛客開西堂。四圍屏幃玻璃光。虞山之詞十二曲。頗極清麗合官商。自注云屏上有牧齋鐙屏詞玉研羅酒白似乳。金盤灑餠甘如羊。深栢

三九七

緩酌已終夕。大雪階前忽三尺。主人起坐呼卷簾。雪影燈光兩相對。鍾山梵老神飛揚。與我鼻盧呼五白。南州徐子酒令新。嘗筵博雅驅古人。大呼小史細紀載。偶然一飲堪千春。此時我方方卻掃。抗懷謝病尋瑤草。東南砥柱今爲誰。若道拂衣公尚早。但願大廈常此千萬間。我輩公然醉鄉老。

紀映鍾。字伯紫。一字藥子。江蘇上元人。少爲諸生。國變後。遂棄。躬耕養母。自稱鍾山遺老。少與龔鼎孳友善。鼎孳既貴。召至京下榻。寓京十年。此外未嘗輕投一刺。鼎孳沒後。卜廬揚州府儀徵縣。卒年未詳。鄧漢儀稱其詩宗唐人。惟其讀史十年。故下筆嶄然獨與人異。妹阿男亦有詩名。著有真冷堂集。據清史列傳卷七十七文苑物流。

徐倬。字方虎。浙江德清人。康熙十二年。成進士。居二甲三十一名。改庶吉士。散館授編修。轉國子監司業。三十二年。順天鄉試正考官。姜宸英。查慎行。顧圖河。汪繹。皆出其門。尋陞侍讀。三十三年。以癸西北闈事爲彭鵬所劾。得旨休致歸里。時年已七十四十四年。康熙帝南巡駐西湖召試在籍諸臣。以倬爲第一。四十五年。倬繕錄所著全唐詩錄一百卷。進呈得旨。特由侍讀擢禮部侍郎。清代職官年表無此記。載按加禮部侍郎銜耳。倬兼工詩古文辭。少與冒襄父子友善。晨夕相唱和。一時名士咸推之。其詩如彈丸脫手。無郊島寒瘦之習。著有頌邨集等。據清史列傳卷七徐倬小傳。藤陰雜記卷九。龔芝麓尚書寓宣武門之左。有香嚴齋。海內文人延

致門下。

正月二十日。沈胤范招懋麟與曹禾。喬萊。吳之振等小飲。落鏡後二日康臣招同武昔頌嘉子靜孟舉小飲限韻詩集。詩集卷十。舊年多短暝。正月轉奇寒。酒趣春前飲。鏡憐落後看。韭芽翻箸滑。橘肉薦唇酸。京洛間人少。何須說夜殘。

二月三月之交。偕曹貞吉。喬萊。游黑龍潭。晚過刺梅園。

同升六子靜游黑龍潭飲觀中小閣晚過刺梅園五首。詩集卷十一。晏起少人事。況當風日晴。送寒烏帽重。乍暝袷衣輕。忽有空潭興。相邀酒伴行。纔臨疏快地。倦眼一時明。之二。莽莽虛壇靜。陰陰積翠濃。到來非聽鳥。坐久爲看松。無脉通流水。空傳有毒龍。高低原上冢。山鬼歎殘鐘。之三。小閣臨空闊。虛窗總不關。透迤瞻北闕。明滅見西山。已倦鳴珂入。常思策杖還。浮名隨世上。吾意在真閒。之四。北地風光異。年年負好春。花時無碧草。晴日有黃塵。桀歎宜狂客。擔車困貴人。從來麀鹿性。軒冕不能馴。之五。落日下高臺。回車看刺梅。春風自駘蕩。花藥不曾開。攜酒思前度。尋松感再來。長安林壑少。此地足銜杯。

欽定日下舊聞考卷一百六郊。原。黑龍潭在金山口北。依岡有龍王廟。碧殿丹垣。廟前爲潭。幹四丈。水二尺。土人云。有黑龍潛其中。

三月一日。作辯道論。文集卷六辯道云康熙壬子三月朔日作。時楚人朱方且以神仙名於時。因論禍福不恆。於楚之大吏獲罪來京師。旋出獄。爲人言禍福。一時王公貴人爭拜座下。朝官趨走若鶩。參見陳康祺郎潛紀聞初筆卷七。懋麟獨論詆之。翰

林院掌院學士熊賜履時年三十八見其文。造廬定交。

徐乾學刑部主事季角汪君墓誌銘憺園文集卷二十九君文之最有名於時者爲

辨道論。是時妖人朱方旦被逮至京。旋出獄。妄爲人言禍福。走者

如鶩。君辨之略曰。國家幸太平無事。得此輩以資談諧玩弄足矣。

今傳者崇奉太過。或謂孔氏復生。或謂大禹再見。甚謂移檄玉皇

則祈雨立應。不惟上侮聖人。亦且獲罪天地。此亦士大夫之過也。

且京師奸邪雜處。易於動搖。萬一朝廷震怒。問以妖言惑衆之罪。

吾不知山人安所逃死。文出。吾師孝感公掌翰林。聞之即往訪其邸。

與之定交而返。

熊賜履。字青岳。又字敬修。號素九。別號愚齋。湖北孝感人。順

治十四年。舉於鄉。十五年。成進士。居三甲一百七十八名。改庶

吉士。十六年。散館。授檢討。十七年。充順天鄉試副考官。得徐

乾學等若干人。康熙二年四月。陞國子監司業。十一月。陞侍讀。

六年。充世祖實錄纂修官。七年。陞侍讀學士。九年四月。陞國史

院學士。冬。改翰林院掌院學士。兼禮部侍郎。十二年。充會試副

考官。十四年。陞武英殿大學士。兼刑部尚書理討事。十五年。以

內閣票擬事致仕回籍。清詩紀事初編卷八熊賜履小傳云復。爲索額圖所惡借票擬草簽事罷之。二十七年秋。

以禮部尚書起於家。冬。丁母憂。奔喪南歸。三十年。入都補禮部

尚書。三十一年。除吏部尚書。三十三年。充會試正考官。三十八

年。授東閣大學士。三十九年。充會試正考官。四十二年。又充會

試正考官。以年老乞休。歸里。卒於金陵。生于崇禎八年。卒于康

熙四十八年。年七十五。著有經義齋集神傳集卷十一孔繼通經筵講官太子太保東閣大學士兼吏部尚書熊

文端公賜履年譜

三月。始爲西山之遊。得詩十數篇以歸。

游西山詩序文集卷二壬子三月。始爲西山之遊。見夫呀然者山。窪然

者溪。古松怪石。縈青繚白。紛錯離立。相與坐右飲溪。泉聲淙淙。

若操琴瑟。得詩十數篇以歸。以爲西山之勝。庶幾爲我有乎。越二

日。見濟南兩先生出其遊西山詩見示。古今體若干首。韋孟之飄蕭。

杜韓之蒼輿。橫見側出。與山水爭奇。始茫然自媿昨日之遊何草草

而詩何偃偃也。：懋麟從兩先生游。日講習爲詩。願久無所得。於

是焚其向所爲十數篇者。用以自勵云。

按。詩集卷十仍存西山雜詩十一首。

尋宋宛招懋麟陪梁清標。龔鼎孳。王士祿。王士禛。宴集於宋氏寓園。

觀劇達曙。

玉叔觀察招陪梁大司農龔大宗伯西樵阮亭諸先生集寓園汎舟觀劇達

曙作歌詩集卷十白日當天春畫遙。落花如雪紛飄飄。蜜蠶胡蝶各上下。

鳴鳩乳燕何矜驕。方唐流水綠於染。細草如髮沿谿橋。宋侯好奇復

好客。一舟新駕雙蘭橈。中流盪漾發絲竹。琉璃破碎波光搖。北方

老不識舟楫。觀者夾岸爭譁囂。自客京都少水戲。身輕忽喜乘春潮。

夕陽回柁上陂岸。畫堂官燭青煙燒。金壺美醞堆碧色。玉盤春羔生

紅臙。黎園法部奏新曲。龜年賀老同招邀。酒蘭感激黨人事。永康

闍寺真鷗臙。元禮孟博意氣盡。楷模之譽空名標。袁世誅殺總善類。

法吏那得逢臯陶。宋侯當日苦蟻螫。悲歌謔浪皆無聊。今復秉節按

蠻郡。束馬秦棧車連鐙。歡樂幾時悵離別。磊塊直用千柝澆。羽聲

慘慘曲且止。急喚秦宮翻六幺。細撥阮咸唱明月。羅衣醉臥甌瓠嬌。誰能無情聽忘倦。城頭銀箭催終宵。東方已高客未去。數點春星明絳霄。

汪懋麟撰錦瑟詞中蝶戀花宋荔裳觀察同梁大司農龔大宗伯王西樵阮亭諸先生寓園觀劇達曙和阮亭先生韻

嫩蕊陰濃繁似繡。曲水池臺。漸逼清和節。鶯語歌喉相間歇。落花

驚墜飄紅雪。再聽柔奴翻一闕。色比芙蓉。畢竟稱雙絕。惜別晨

鐘聲響徹。曉風吹暗垂楊月。

龔鼎孳蝶戀花和蒼岩西樵阮亭較定山堂詩之一韋曲樓花鋪繡纈。

一派流鶯。催到合桃節。人柳三眠春漸歇。池臺處處飛香雪。紅

豆記歌頻換闕。萬事東風。不醉憐癡絕。欲去還留宵已徹。棲鳥踏

碎玲瓏月。之二。鐵撥鶻絃眉總纈。青史人豪。慷慨鳴奇節。嗚鳩

一聲芳草歇。仰天孤憤何由雪。清淚樽前彈此闕。不待悲秋。春

夜銷魂絕。世事到頭須了徹。瓊樓正挂高寒月。

繼而徐乾學招懋麟與宋琬。王士禛。王士禛。嚴允肇。米漢雯。喬萊。

飲西爽樓。

原一編修招同玉叔觀察西樵考功阮亭先生嚴修人米紫來子靜飲西爽

樓分韻二首詩集卷十一之一。落日下城邊。春波繞檻前。一行官柳密。幾

點浴鵷圓。耐可鉤簾坐。眞宜撥瓮眠。樓西有山色。向夕起蒼煙。

之二。穀雨前朝過。梨花滿院深。綠陰春寂寂。紅燭漏沈沈。詩倚

顛狂作。栢須欲灑斟。留歡對徐孺。那得不開檢。

嚴允肇。字修人。號石樵。浙江歸安人。順治十五年。成進士明清

題名錄順治十五年。官壽光知縣。有宜雅堂集國朝詩人

戊戌科無嚴允肇名

徵略卷四

米漢雯。字紫來。順天宛平人。順治十八年。成進士。居二甲六名。

歷知河南長葛江西建昌等縣。康熙十八年。舉博學鴻詞。授編修。

二十年。充雲南鄉試正考官。以事削籍。旋供奉內廷。賜第西華門。

尋卒。漢雯爲明太僕寺卿萬鍾孫。王崇簡之壻。性放浪不羈。工詩。

所交皆海內知名士。與王士禛友善。著有漫園詩集。始存集清史列

傳卷七

西爽樓。未詳待考。

夏五月六月之友。梁允植將之官錢塘知縣。以詩送之。

送承篤令錢唐二首詩集卷十一之一。白蘇曾作守。遺愛有長隄。舊樹何人

折。殘鶯空畫曉。君行須種柳。暇日竝疏谿。南北高峰在。新詩任

醉題。之二。北闕身徒繫。西泠願未齋。夢懸三竺外。心豔六橋頭。

黃紙行拋去。青驢可縱游。相期湖水上。就爾借扁舟。

梁允植。字承篤。清標姪。以貢生官錢塘知縣。甫下車。即召邑子

弟講學課業。暇則登眺湖山。題咏自娛。有政聲。擢袁州同知。代

者將至。民攀號請留。大吏允之。三載以功遷福建延平知府。卒於

官大清畿輔先哲

六月。宋琬將之任四川。以詩送之。

送玉叔觀察之任四川二首詩集卷十一之一。天險從來古益州。兩川風物自

千秋。銅梁玉壘嵯峨見。錦水珠江曲折流。何處綺羅花藥宅。一時

賓客海棠樓。當年楊馬今寥落。盡把文章與宋侯。之二。百戰成都

叫子禱。風光可似管弦時。停車先訪文翁化。爲政須尋張詠祠。濯

錦江頭行對月。浣花谿上坐題詩。知君飲水多清節。飽食無妨選荔

支。

六月二十三日。周亮工卒於江寧。

賴古堂全集付錄姜宸英撰周亮工墓碣銘。卒於康熙壬子六月二十三

日午時。得年六十有一。

秋七月一日。周在浚聞亮工偶感寒風之消息。離京返江寧。懋麟賦詩

送之。

七月一日送雪客返白門詩詩集卷十。銀河西轉露華流。江鴈催君下石頭。

何事將離聞落葉。可憐今日是新秋。

賴古堂全集付錄周在浚撰周亮工行述。六月廿五日。猶得先大人手

書。曰。秋闈漸近。爾勉爲一戰。庶幾得當。亦足慰老人。墨藩未

乾。豈知前二日先大夫已棄不孝孤哉。又。得諸弟字。乃曰。偶感

風寒。稍稍安矣。不孝孤詎能一刻安。因星夜馳歸。詎意途次遂聞

見背耶。

七夕後不久。飲於何元英古藤書屋。

飲蕤音侍御古藤書屋賦贈六首詩集卷十一之一。莫厭相過數。青藤絕可憐。

去秋曾聽雨。今夏復聞蟬。密葉垂高檻。涼風送暮天。滿前林絮意。

美酒況如泉。之二。似此蚪枝少。蟠根百歲餘。護持傳太傅。燕賞

愜尚書自注云屋創自息齋金。留得清陰在。重爲水部居。無情唯草木。

亦自戀蕭疏。之三。葡北秋蘭少。三年一見奇。叢深培舊本。花放

得新枝。梧竹還相間。琴尊也自宜。翻疑在吳越。岸幘晚涼時。之

四。柱史紛紛是。君名衆所謹。草書臨海嶽。舊硯洗開元。封事知

何限。庸人未敢言。退朝花樹下。書卷滿前軒。之五。更有熏籠癖。

汪蛟門懋麟年譜初稿

金猊出後堂。盧精宣德字。餅炙令公香。坐客時露葵。檐花總失芳。

氤氳醒酒味。簾幕未須張。之六。酒渴吾先醉。譚諧夜未歸。倩人

穿草履。不省著荷衣。蘿薜鏡光亂。庭階露氣微。若非君好客。嬾

慢款朱扉。

何元英。字蕤音。浙江秀水人。順治十二年。成進士。居三甲六名。

授行人。順治十七年。充廣西鄉試副考官。遷督捕主事。時窩盜令

嚴。開有甚衆。進戶部郎中。督理大通橋糧務。尋擢雲南道御史。

巡視河東鹽政。官至通政參議。以疾歸光緒重修嘉興府志卷五十二列傳秀水

藤陰雜記卷九北城。海波寺街爲金文通之後第。有古藤書屋。康熙

初年。御使何蕤音元英寓此。名丹臺書屋。汪蛟門懋麟詩。護持

傳太傅。燕賞愜尚書。留得清陰在。重爲水部居。

立秋日。過龔鼎琴香嚴齋。時鼎琴病起。懋麟慰問之。

立秋日過龔宗伯香嚴齋三首自注云時宗伯病起奉。長安種樹少梧

桐。秋信空傳落葉風。萬里涼颺蘇酒病。一簾薄露溼鳴蟲。藥將鳩

鵲深宮裏。人起芙蓉小院中。斗柄正須持極北。尊絲且莫憶江東。

之二。苦欲還山書再上。君恩未許卽江湖。幾回優詔從容答。自是

名臣禮遇殊。鬢髮憂時知漸改。衣裳禁冷覺新羅。耽吟舊態何曾減。

猶點湘蒙對藥廬。之三。吐握如公豈爲名。天存吾道秉持衡。共知

出處關時運。卻喜攀留切聖情。風露漫勞趨闕早。茶瓜且復對秋清。

君王日賜金光草。好望蘭臺制作成。

時沈胤范充江南鄉試副考官。以詩送之。

送康臣技士江南和司農公韻詩詩集卷十。君去龍門試錦袍。絳紗深揜待

揮豪。秦淮一道珠簾卷。棘院三更蠟昔高。香滿雨花開桂樹。歌聞
桃葉響秋濤。江東玉筍年來勝。珍重湘靈識響髦。

閏七夕後不久。過嚴我斯寓齋。留飲。

秋日過就斯學士寓齋留飲枉贈古詩依韻奉答詩集卷十 蟾蜍蝕月精。

霧露隱朝旭。殘星炯炯明。爲光亦孤獨。踽踽游朝市。悔不入深谷。

羊皮計未工。牛角書枉讀。何爲學聲折。換此粟五斛。傲兀不曉事。

直往不肯曲。乃受嚴光知。下交時往復。清晨登君堂。斗酒具何速。

把我一卷詩。呼童掃書屋。雞黍次第陳。侑味雜嘉藪。苦言薊酒薄。

烏程好醇醪。相期結真率。講道謝澆俗。清言恣汗漫。庶幾洗握趾。

庸人保祿位。至老猶不足。緘口被簪紱。搖手說松菊。君抱濟世才。

遭逢非侷促。賦詩感帝王。已得快所欲。我履今顛曳。有帶亦羞束。

袞袞公與侯。僻倪恥挂目。鴻鵠盤蒼冥。麋鹿走巖麓。違性陟艱險。

希榮適招辱。以此守吾素。望古切遙矚。有懷未得舒。坐恐兩毛禿。

與君且爲歡。秋霜下庭綠。

閏七月八月之交。孫枝蔚至京師。

詩集卷十有喜約人至京詩。

八月。順天鄉試。許承宣下第歸揚州。懋麟以詩慰之。

送力臣下第歸揚州兼簡師六詩詩集卷十 秋暗淖沱落葉乾。又驅羸馬向

江干。一時共道文章貴。不信斯人遇合難。歸路正迎霜月小。還家

猶及菊花團。連牀且共編丁卯。莫把行藏對鏡看。

八月九月之交。心氣大作痛甚。姚虞仲藥懋麟立效。委頓十日不能出

家。

秋日心氣大作虞仲藥我立效作詩記痛兼謝虞仲詩集卷十 少年學道苦

不力。觸物每激壯士肝。血氣向人太猛烈。一怒萬壑翻波瀾。方寸

偏窄不耐事。五嶽時復爭嶺岌。二者由此互作惡。窮秋寒令齊騰鑽。

兩脇初如萬弩發。六腑技勝車輪盤。以火燬物孰能撲。以刀礪石真

如剗。牀席顛倒臥不得。聲音抑塞無由歎。故人姚子比淳意。起我

不用金光丸。投以一服心氣引。恍如決壅平急湍。性命斯須在呼吸。

狂飆一夜摧枯蘭。委頓十日不能出。賓朋來視猶踴躍。黃英紫菊總

辜負。花豬綠酒何可餐。起坐作詩記痛定。更戒憤怒休來干。

姚虞仲。未詳待考。

病中。一日。晝寢夢入廣庭。四面列大几。几上古硯多不可以數計。

墨光瀲灩。爰取其十二。覺於枕上。喜而名其齋曰十二硯齋。四方諸名

士孫枝蔚。朱彝尊。吳嘉紀。汪楫。計東。姜宸英。潘耒。潘耒十七。

尤侗時年五。徐鉉時年三。江闔等。爲作詩文寄之。

夢得十二硯詩詩集卷十 秋室病臥睡無著。忽然夢得十二硯。巨璞一一

禹所鑿。異狀紛陳眼稀見。初然將身入廣廈。中有大几排四面。几

上橫陳端谿石。墨瀲新磨吾所羨。意中似是按土場。試席淋漓罷酣

戰。紛紛好硯胡不收。就中竊取亦非僭。最先選取得六石。龍虎蛟

螭刻雕變。潑水濡墨攜將歸。餘者摩挲復無厭。又取六石似蒼玉。

火燄蕉紋衆星現。不惜檢襲莽包裹。寇物提攜手多顛。我有一硯行

將焚。顧此十二重留戀。天公毋乃故戲弄。使我白首老書椽。張華

之筆行當還。文字豈容久誇銜。留此多石何爲乎。醉酒搯牀兼擣練。

十二硯齋記文集卷三 壬子秋九月。餘清羸臥疾。夢入廣庭。四面列大

几。几上古硯多不可以數計。墨光澄澄。爰取其十二。出登小舟歷山澗。見夫清泉白石。洗弄不輟。覺於枕上。賦詩紀夢。喜而名其齋。噫亦幻且怪矣。而四方賢士之與余友者。不以爲幻且怪。多樂爲傳道。兼爲作記與詩。遂若真有是硯與齋者。久假而不知其爲夢也。

孫枝蔚夢研歌爲汪季角舍人賦澗堂續集卷五。汪舍人。狂且迂。夜夢亦與常人殊。覺來猶自成歡呼。但道世間尤物罕與俱。同衾艷婦勝當壚。欲問未問心躊躇。或到巫山神女居。不然所得明月珠。研數云

與巫峰符。傾城一笑眞腐儒。曉起題詩信手書。覺比江淹才有餘。斷窗舍人事可吁。陽滔豈堪作汝奴。自述高門蕩若途。直入廣廈無所虞。四面列几一塵無。寶研縱橫好形模。漢廷馬肝質較粗。魏家銅雀瓦不如。不知誰氏居此與。或卿或相士大夫。終朝弄此相戲娛。不暇包裹亟取諸。懷歸但尋問道趨。笑君夢中辨太疎。富貴那得聞

須臾。肯畜多石勞其軀。我聞神仙不頑愚。文人在天理非誣。應是杜韓與陸蘇。如今名字列清虛。感君相賞手研朱。自注云季角近日酷嗜四家詩將合選成集行世。鍾嶸殷璠德不孤。報以多研徒區區。願君千載享令譽。自注云施愚山曰。此夢甚奇較門故當不。再題汪舍人十二研齋歌澗堂續集卷五。曾登百尺梧桐閣。復來十二

研齋中。梧合卷阿鳳凰至。研與莊生蝴蝶同。齋名好奇復近幻。無乃以此警惰慵。答云志趣誠各別。有如將水語夏蟲。樹蕙寧嫌百畝寬。滋蘭寧嫌九畹豐。使我坐擁金釵十二行何如。此石一一走蛟龍。

尋思君言殊有理。愧爲賓客嘆吾窮。君苗一研尚須焚。士衡何意許相從。善舞固宜長袖女。善賈斷屬多財翁。舍人自此名更大。尙方

筆札下九重。鬼神於汝眞用意。餘人妄想夢魂通。我歸但掩柴扉臥。起卽聞拄看山筇。瓦池竈煤無所用。屢月但憑塵土封。雖少才名共三益。却免刻喙驚雙僮。痴守蓬蒿亦不惡。夢中誰要見周公。故人文債方爲累。聞此一笑梅忽忽。

朱彝尊夢硯歌爲汪舍人懋麟作曝書亭集卷八。我怪汪舍人。臥疴嬾朝參。眼前當貴非所好。惟於載籍偏沈酣。無錢可糴太倉米。僮僕入市中心懷慚。舍人舒膝方晝寢。如蟲食蓼翻知甘。忽然夢入無人區。廣庭巨室何歎歎。中羅石硯十有二。一一就視煙雲含。竈磯苦堅龍尾滑。洮河水玉徒監窺。詎若羚羊峽中質。青花白葉波滄涵。良璞得一亦已足。十二盡取母乃貪。覺來伏枕賦長句。中心悵悵眞難堪。爲語舍人且莫貪。高要峽路吾能諳。昔年著屐入巖穴。親斫山骨施斧鑿。黃金盡散要不惜。一百八石巖前擔。自從輕舟發大庾。篷牕一日摩抄三。榜人潛窺竊其九。餘歸見者爭來況。眼看美好盡已去。何況夢寐修空譚。舍人翻然釋惆悵。留余濁酒開新壘。統如漏鼓猶未起。起時月落天西南。

吳嘉紀夢硯歌贈汪蛟門舍人吳嘉紀詩箋校卷七。老夫有一硯。質美貌殊醜。濡煤點筆三十年。寒暑不厭眞吾友。買文人少米囊空。持出換穀十五斗。舍人有一硯。精堅世無偶。鳳凰池頭人竊去。歸來官舍唯搔首。端谿石貴無錢購。栩栩夢向廣庭走。縱橫几席雲烟生。磊磊落落皆城玖。水痕墨瀋何淋漓。螭立龍行互螭螭。澄泥老坑素所愛。一十二枚任意取。從此文思有神助。齋名詩句傳人口。與君同是硯主人。摩挲舊物今何有。君獨神遊霄漢上。我如饑鳥鳴林藪。殘編

汪蛟門懋麟年譜初稿

禿穎有何用。破袖多寒徒內手。安能提挈入華胥。石塊分贈吳陵叟。
汪楫江舟雪夜作十二硯齋歌寄五弟蛟門舍人詩山閣詩續集。舍人不辨涼

與炎。筆花灼灼分江淹。昨復夢得十二硯。斗覺一倍才思添。作詩

直探韓陸奧。填詞要使秦黃兼。更擬臨文騁雄怪。凌曹轢謝胡不廉。

憶昔抱書就鄉塾。短髮細齒疎眉織。升階揖讓學官府。食牛氣大規

矩嚴。龐眉老親急升斗。制科豈必窮牙籤。荷衣柳汁一時綠。頭角

嶄嶄驚窮櫬。文章命達古無有。生羅斫斷鋒逾銛。臬盧博塞盛京洛。

入座閉目如垂廉。劉向校書火常熱。戴憑奪席情無厭。前年執筆代

綸綍。一字何止值一縑。東閣草成丞相喜。尙方賜出同官嫌。天子

凭軒問廉吏。嗟哉臣突何時黔。已看姓字寫屏幃。豈意瘦處遭塊苦。

邇來喪禮殊發壞。大夫入國民所瞻。風寒氣慘白日瘦。淚永迸碎凝

枯髻。掃除公事絕宴樂。此意實足風閭閻。只恐結習在文史。齋居

未免動齋鹽。劇腸鉅腎理應爾。天根月窟將誰讓。我亦少小鄙章句。

十年哆口常遭箝。塌翼無能叫閨闈。日加馬齒勞龜占。自看鬢髮漸

更換。不知時命終飛潛。近復衝寒問鄉井。如掌雪片羊裘霑。擬效

韓公盤硬語。妥帖不類囁與譖。手皴腕癢猶凍硯。意殊不王神猶恬。

寄聲同叔護獨往。吾亦從茲遊黑甜。

潘耒爲汪蛟門題夢硯圖詩遂初堂集少遊草卷下。舍人工文章。奇思發幽夢。

夢游阿閣中。綠雲鬱浮動。佳硯縱橫陳。鬼斧所磨鑿。寶發天地藏。

清爲神仙供。鼎爇于闐產。磈磊端溪貢。龍尾蟠巖坑。鵬眼迸崖縫。

風魚形模奇。甲乙品題衆。瓦從鄴宮陶。玉向藍田種。蟾蜍自祖孫。

麗磯爭伯仲。觸手膩柔肌。照眼爛銀甃。小可題詩攜。大宜草檄用。

一片買須貧。數板老堪送。攬取無傷廉。十二足摩弄。連城聲價隆。

累累魂魄恐。沾灑墨華翻。提持袍袖重。寵踰司空錫。榮勝妃子奉。

富欲詫老口。豪思矜小宋。欣玩方未休。朝光射簷棟。覺來何所有。

破匣黃塵封。追尋遂成圖。歎慕聊著頌。吾觀夢覺理。因想紛錯綜。

渴人夢得漿。飢者夢得饗。法法長安客。都爲利名中。或夢牙笏堆。

或夢幢蓋擁。一年九遷官。三月兩增俸。夢熟貴爲徵。夢穢財不空。

君何獨乖時。夢此助吟諷。就令實羅列。不救飢與凍。文通筆生花。

孝穆肩集鳳。慧業既已深。造物詎肯縱。我亦客龍門。無夢落塵鞿。

行必天姥岑。憩或朱明洞。鐵篴方一聲。天鷄忽三呀。

尤侗題汪蛟門十二硯齋圖二首尤西堂全集看雲草堂集卷八。之一。長安何不夢鈞天。

怪石纍纍磨幾穿。定是東方索米急。天公特賜硯爲田。之二。夢裏

銀蟾已渺茫。畫中銅雀漫飛揚。勸君更向巫峰去。捧硯須求十二行。

徐鈞十二硯齋歌寄蛟門舍人南州草堂集卷五。廣陵舍人汪蛟門。詞源倒峽

翻崑崙。往年寄我十二硯齋記。墨光電掃龍蛇吞。自言清羸夢入廣

庭曲四座。羅列周鼎商彝罇。中有古硯不可數。瘦如削珪斑蒼綠。

纍纍黝黑無歎識。蒼崖繡鍊磨朝昏。解衣磅礴汚衫袖。忽跨曲澗弄

潺湲。窈窕百端成夢境。枕上紀述馳千言。招類飲酒大笑樂。遽呼

潑墨名高軒。東華軟塵足十丈。對此能忘碧梧深。竹之故園余葺榻

榻頗警詫。莊叟蝴蝶隨翩翩。急欲短歌寄相贈。蕭騷旅鬢謀餐殮。

珊瑚翡翠盡狼籍。江花夕萎無能存。進來此意盤胸臆。衙齋坐臥消

精魂。君不見曹家鄴下老妓憎。銅雀瓦片埋孤村。又不見端溪水坑

深復淺。豺虎滿道蛟螭蹲。人生瞬息都幻化。空花泡影憐朝暉。只

今流落吳山越水側。賣漿仍著憤鼻揮。何時置我十二硯齋裏。與君焚香坐洗重討論。

江闈十二硯齋歌江辰六文。昔年曾過見山樓。與君汗漫成歡宴。牙籤滿架插寄書。百尺梧桐拂臉面。想從揖別茱萸灣。讀破石渠書萬卷。却憶同舟十許人。祇今淪落居鄉縣。惟余賣賦滯長安。平也何年逢魏倩。如君端是素心人。仕宦猶能親筆硯。夢裡將無作論衡。門牆十二安排遍。點筆須臾十萬言。皇甫隻字增三絹。何妨無地起樓臺。即夢即齋非無見。漫說西清處不爭。五花判事由來羨。努力文章繼馬岑。留將著作延英殿。

按。朱彝尊曝書亭集卷六十六。計東改亭集卷九。姜宸英湛園未定稿卷七。皆載十二硯齋記。吳綺林蕙堂文集卷六亦有汪蛟門舍人十二研齋詩文序。

姜宸英。字西溟。浙江慈谿人。少工詩古文詞。詩以少陵爲宗。而參之蘇氏。以盡其變。徵博學鴻詞。不與試。以薦入明史館。充纂修官。食七品俸。分撰刑法志。後徐乾學罷官。即家領一統志事。設局於洞庭東山。宸英偕行。康熙三十六年。成進士。居一甲三名。授編修。三十八年。充順天鄉試副考官。以目昏不能視。爲同考所欺。挂吏議。遂發憤死刑部獄中。生于崇禎元年。卒于康熙三十八年。年七十二。著有湛園未定稿。葦間集據碑傳集卷四十七全祖望翰墨遺言。

潘耒。字次耕。號稼堂。晚自號止止居士。江蘇吳縣人。生而聰警善記。比長受業於顧炎武。徐枋等。數年於經籍子史詩賦古文詞曆

算聲韻之學。課習討論。遂無不洞達。暇則遊覽名山大川。尙志廓清。不慕榮祿。康熙十八年。以布衣召試博學鴻詞。擢二等第二。授檢討。纂修明史。尋充日講起居注官。纂修世祖章皇帝實錄聖訓。二十一年。充會試同考官。二十三年。以浮躁降調。歸里。四十二年。康熙帝南巡復原官。卒於家。生于順治三年。卒于康熙四十九年。年六十三。未詩不事雕飾。直抒所見。著有遂初堂詩集。文集。別集碑傳集卷四十五沈彤徵仕郎翰林院檢討潘耒行狀。

尤侗。字展成。江蘇長洲人。少有才名。歷試於鄉不售。以貢謁除永平府推官。坐擅打旗丁降調歸。康熙十八年。舉博學鴻詞。授檢討。分修明史。居三年。告歸。四十二年。康熙帝南巡。至蘇州。即家授侍講。尋卒於鄉。生于萬曆四十六年。卒于康熙四十三年。年八十七。平生著書甚富。有西堂全集。鶴樓堂集據清史列傳卷七十七初編卷三尤侗小傳。

徐鉉。字電發。江蘇吳江人。國子監生。康熙十八年。舉博學鴻詞。授檢討。會當外轉。遽乞歸。後以原官赴用不就。生于崇禎九年。卒于康熙四十七年。年七十三。其詩始尙華秀。比壯遊與四方豪傑相切劘。格調一變。鉉亦工倚聲。因輯詞苑叢談。著有南州草堂集清史列傳卷七十一文苑傳。

江闈。字辰六。安徽歙縣人。康熙二年。舉於鄉。十八年。舉博學鴻詞。不第。選益陽知縣。有治績。擢均州知州。再擢解州直隸州知州。其生卒年未詳。闈能職名。爲吳綺女婿。當世名流錢謙益而外。皆與結納。尤受知于王士禛。著有江辰六文集清詩紀事初編卷五江闈小傳。

汪蛟門懋麟年譜初稿

是時。梁清標貸宅於懋麟。居在宣武門之右。

十二硯齋記文集卷三。乃客有賀余者曰。子向所賃屋傾欹卑下。客至多

不敢坐立。若將覆焉。今大司農梁公。賢而好士。推宅於子。

朱彝尊十二硯齋記曝書亭集卷六十六。中書舍人江都汪君季角。僦宅宣武門

之右。

藤陰雜記卷七西城上。十二硯齋。朱竹垞記中書汪蛟門懋麟僦寓宣武

門之右。窮巷蕭然。餽炊不繼。久病。夢入廣庭。得石硯十二枚。

寤而作歌。因名其齋。

九月九日。得鄉舉錄。聞兄耀麟。汪楫俱下第之消息。以詩慰之。

叔定舟次兩兄下第寄詩慰之詩集卷十。九日始得鄉舉錄。兩兄駕車齊

脫輻。無數黃花不耐看。背人潛對秋風哭。兩兄才名吾勿誇。但見

讀書滿牀屋。家貧俱有頭白親。張也何能免干祿。守貞待嫁已十年。

別玉何堪更三復。俗人歸咎學詩賦。謂此實足妨科目。經史子籍須

盡焚。只抱時文閉門讀。余聞大笑唾其面。便取公卿亦癡福。四子

書外了不知。侍郎不能辨獵伏。似此真不一錢值。吾寧食齏勝食肉。

寄語兩兄莫漫悲。竟須痛飲杯中麴。下酒且教用史漢。遇合人生有

遲速。小弟明年拂袞歸。短衣射虎相馳逐。

九月十一日。三兄兆麟卒於家。

亡兄汪公趾墓誌銘文集卷五。余繫官京師。獨居冷寂。兄乘馬三千里。

來視餘。相見終日。於是時康熙十年辛亥五月也。居三月。暴得

疾。又三月思歸。別余乘馬走三千里去。抵家疾發。遂不起。年止

四十。寔十一年九月十一日。

冬十月。病後怕寒。移坐南廂。時朱彝尊訪之。

病後移坐南廂適錫鬯過訪詩集卷十。敲斜老屋戶東向。十月陰森北風

王。穿簾入幔響颼颼。偏繞病夫毛髮上。欲覓溫室租少錢。計畫南

廂地盈丈。灑掃四壁換紙窗。就暝乃驅童僕讓。殘書移來置土銜。

坐近朝暾勝添續。筆牀茶碾兼竹爐。辟寒似擁九華帳。朱家叩門適

相過。握手殷勤問無恙。豈知連旬未踰闕。太瘦竟如狻鶴狀。中有

磊砢每作惡。腸腹澎亨百川漲。須傾美醞千百壺。萬憤與君齊滌盪。

願我問藥方止酒。花乳頭綱且停餉。

十一月。懋麟妻張氏自揚州寄炒粟。薑芽。以詩答謝之。

內子寄炒粟薑芽詩以答之詩集卷十。我客京都忽三歲。一官束縛似秦贅。

衆雖索食亂咬母。生產茫茫總無計。一僕昨自江鄉來。皂囊繫繫馬

旁繫。下馬開囊問何物。炒粟薑芽手所制。粟如雲白得方法。薑比

肉肥頗甘羶。釘餚不足充盤餐。嚼齏差勝亨莧齋。因憶晨哦竝夜讀。

此味每與饑有濟。爾昔勸我勤六經。旨蓄往往辦瑣細。豈知餽糜亦

難遂。翻然令我久相離。嬌女聞已如母長。身上短衣多垢敝。篋中

釵串半折盡。照鏡空縮芙蓉髻。小女無賴索裘裏。怪我胡不寄錢幣。

阿翁乞米同侏儒。深悔當年弄文藝。不如田家老夫婦。五母雞與二

母鴿。寄書丁寧語吾妻。嫁女勿嫁金閨壻。

歲暮。懋麟以黃熟橄欖餉梁清標。

歲除以黃熟橄欖奉餉司農公詩詩集卷十。餽歲朱門亦太奢。張羅只有尙

書家。名香聊可添爐火。小果無妨供煮茶。篆繞松煙沈細縷。味浮

花乳勝流霞。諸生自笑唯原憲。耐冷吟詩送歲華。

康熙十二年癸丑 三十五歲

在中書。

暮春三月。徐乾學招懋麟同諸友人宴飲於梨花下。

原一招同諸子飲梨花下各賦十韻詩詩集卷十一。樓前兩梨花。花絲葉能

碧。羃羃合素煙。春風日將夕。去年曾過君。花飛已狼籍。茲來及

爛熳。轉覺花可惜。紅燭照芳筵。中多四方客。主人具高文。以此

應金石。樓下有流水。夜靜響寒汐。儼然入清雲。塵莽得幽僻。聽

此開匈懷。傾尊豈辭劇。醉起一整袂。餘花落巾幘。

三月二十三日。太和殿前看傳臚。以詩記之。

太和殿前看傳臚口號詩集卷十一。藥榜遙遙天上來。雙排御仗午門開。

侍臣爭羨簪花客。耳聽臚聲又兩回。

夏四月。何元英招梁清標于城西別業。懋麟偕沈胤范。喬萊諸人陪遊

看芍藥。夜深說鬼譚笑。

蕤昔侍御招同康臣武昔而介元闈子靜奉陪司農公看丹臺勺藥三首

詩集卷十一。別業城西次第開。豈知塵市有丹臺。層軒曲徑隨人轉。

清簾疏簾映日來。疊石自然成遠趣。栽花耐可送深栢。祇緣何遜頻

招客。能使嵇康屢醉回。之二。何人倍切賞花情。花外停驂是地卿。

燒筍亨魚煩御史。分行列坐有門生。夜深說鬼供譚笑。舉坐探奇迭

送迎。似此交歡芳燕少。當年金谷枉知名。之三。廣陵花譜最芳菲。

何事三年不肯歸。禪智寺前紅雨亂。魏公筵上綠煙稀。豈因旅客增

鄉思。一枝先映尚書衣。

夏日。懋麟隔院看梁清標齋中合歡花。清標因以雕盤滿盛合歡花贈與

懋麟。以詩謝之。

隔院看司農公齋中合歡花做義山體詩詩集卷十一。芳樹何年種合歡。愛

他名字是團圓。香心入夜開還合。粉露凝嬌溼未乾。最喜晚煙籠碧

葉。卻勝朝雨洗紅蘭。尚書庭院春常駐。贏得牆頭鎖日看。

又。司農公以雕盤滿盛合歡花見貽以詩代簡依韻答謝詩詩集卷十一。雕

盤小摘樹頭花。萬點輕紅似曉霞。寂寞閒門無草色。忽添雲錦到貧家。

五月一日。懋麟座師王勛卒於官。

翰林院編修王公行狀卷八。卒於康熙十二年五月一日卯時。享年六

十五。

六月四日。同諸友會葬王勛。

六月四日同諸子會葬翰林編修大興王公感賦詩詩集卷十一。丹旌搖搖出

國門。荒原六月埜雲昏。蕭條白馬諸親從。零落麻衣兩幼孫。四尺

孤墳長揜恨。千年華表未歸魂。生芻徐孺來何少。只有吾徒灑淚痕。

初秋。金鎮時年五十一將之任揚州。以詩送之。平山堂舊址。久為僧所占

取。此堂之興廢。麟懋未常一日忘。臨發。與金鎮商討之。得諾。

送金長真太守之任揚州三首詩集卷十一。之一。十度春風錦繡谿。豫州名

與賈侯齊。傾城車騎攀河上。滿路笙歌待竹西。澤國黍苗多在水。

江邨楊柳半盈隄。此時父老嗟來暮。五馬何須惜障泥。之二。郡亭

形勝枕平山。六一先生政事閒。萬朵荷花湖上至。兩行官妓月中還。

文章太守今重遇。賓從清游好再攀。但恨林泉僧占取。蜀岡蔓草待

君刪。之三。四竝堂開霽日紅。君才綽有昔賢風。梅花賽雪吟何遜。

勺藥成圍燕魏公。亭舫無雙花旖旎。樓登第一月朦朧。夾城鎧火從

來盛。不在尋常水旱中。

金鎮。字又鑑。又字長鎮。順天宛平籍。浙江山陰人。崇禎十五年。

舉於順天鄉試。順治元年。授山東兗州府曹縣。累遷刑部河南司員

外郎。康熙十三年。改補揚州知府。在揚。修復平山堂。再修府志

四十卷。手自編纂。十四年。擢江寧驛傳鹽法道副使。兼署鹽運司

事。十八年。陞江南按察使。二十三年。以足疾歸。生于天啓二年

十一月二日。卒于康熙二十四年十月十二日。年六十四。據毛奇齡西

十五江南提刑按察使司按察使金君墓誌銘江都縣志卷十四名宦

七月二十日。王士祿以毀致疾卒。

漁洋山人年譜引考功年譜。君以七月二十日酉時終於正寢。易寶之

際。口鼻皆作旃檀香。既而遍體作蓮華蘭蕙種種異香。經三日夜不

散。既殮乃已。

任丘旅壁見西樵考功題句悽然有作詩詩集卷。客歲麻衣握別時。豈

知便與夜臺期。可憐敗壁昏燈裏。腸斷先生二首詩。

八月十一日。懋麟母李氏卒於家。

汪母李太孺人誄施愚山文集卷二十四。江都汪舍人懋麟母李太孺人。以康熙

十二年癸丑八月十一日。卒於家。得年七十有七。

八月十五日。梁清標以履霜桃餉懋麟。以詩答謝之。

中秋日司農公以履霜桃見餉作歌詩集卷。帝城八月秋氣高。百果風

折如煎熬。忽然傾盤倒赤玉。贈我小核含霜毛。堅細如丸頗甘香。

沙餽之味飽老饕。紫文青色產玉嶺。鴨卵不數西王桃。句鼻積石號

最大。二斤十斛誰曾遭。磅礴山中萬歲實。日色不到曬蟻豨。霜園

巨核理或有。常山拜獻空露露。我聞桃者本僂木。厭勝百魅皆逐逐。

服之可以致長算。金光紫河母乃勞。夫子愛我意良厚。好花佳實時

時叨。自笑東方正饑餓。飽食猶勝餐藜蒿。晚來月色白如紙。隔牆

喚我對香醪。停杯對月不成醉。興感離別心滔滔。後日仗節過嶺嶠。

我亦江上挈小舸。

同日夜。聞李氏得病之消息。

哀詩十首詩集卷之三。聞母病兮在仲秋。中夜感疾心煎憂。：

八月十六日。赴部署請假覲省。

哀詩十首詩集卷之三。晨起蒲伏告宰相。臣願弃官歸舊丘。宰相

惻然動色。移牒考功無停留。封章草就待朝命。門前早懸雙轡頭。

脂車未發訃忽至。肝肺摧裂魂難收。兒不早歸人何尤。

時梁清標奉使粵東。經理撤藩事宜。以詩送之。

奉送司農公奉使粵東三首詩集卷之一。三道黃麻出未央。尚書旌節

更輝光。東門酒汎重陽菊。北斗旂懸九月霜。嶺海山川供歡詠。貉

獠戈甲入梯航。賢王秣軫趨承遠。朝漢臺前看五羊。之二。何事臨

軒特遣行。十年樞府建威名。陸生當日空權術。范老胸中有甲兵。

坐使番禺收壁壘。還聽崑鯉靜邊聲。須與奏績明堂裏。慶卜金甌照

火城。之三。春來借廡幸相依。長夏聯吟到夕暉。抹麗晚香頻折贈。

管弦良燕共芳菲。先生忽爾安邊去。賤子無聊覲省歸。矯首功成江

上過。一尊相待釣漁磯。

清代職官年表部院大臣年表。八。壬子。十五。派往福建經理撤藩

事宜。康熙十二年條

八月二十八日。未發。聞李氏訃。徒跣奔喪。

哀詩十首詩集卷十一之二。心戚戚兮神離。母歿十有七日兒始知。有兒

不送死生兒何爲。著以何裳兮斂以何衣。丁寧何語兮去何之。思兒

兮不思母歿十有七日兒始知。

歸里後。拜亡兄兆麟墓。

拜亡兄公趾墓二首詩集卷十一之一。兄葬經年弟始歸。塋前荒草挽麻衣。

可憐滴罷枯中酒。一陣酸風繞墓飛。之二。回生無計起重泉。別淚

空流易水前。我媿顏含眞友愛。不離門戶十三年。

懋麟居喪。不廢作詩。

詩集卷首凡例第三則。檀弓云大功廢業。或曰大功誦可也。曲禮云

喪復常讀樂章。則居三年之喪。不當從事於詩書明矣。然古人居喪。

衰麻之衣。不去於身。哭泣之聲。不絕於口。無一不準乎禮。既不

暇讀書。又何忽爲詩。願今人則有甚於作詩者。佗不之謹。而唯詩

是戒。誰欺乎。竊謂古今工詩者。於君臣夫婦朋友兄弟之間。必三

致意焉。獨於父母生死存亡見於詩篇者。寥寥無聞。何與。故余居

喪以後所爲詩。存而不刪。且悲哀之情。鬱積於中間。借詩以發之。

非敢比於南陔白華蓼莪明發之意。祇用述哀。兼明余之不敢自欺耳。

有援禮舉我者。敬謝不孝而已。

按。詩集卷十二目錄第三集有乾隆間焦循案語云。蘇東坡詩人也。

然丁父母喪則不作詩。檢其全集可見。蛟門乃于喪服中爲詩。吾不

知之矣。又。詩集卷十六第三十二集亦有焦循案語云。居喪辭傲。

是君而不能不吟詩。何也。

汪蛟門懋麟年譜初稿

康熙十三年甲寅 三十六歲

居廬。

春。三藩兵變。烽達沅湘。揚州震驚。士女奔竄。金鎮知揚州府。民

心始定吳嘉紀詩箋校付吳嘉紀年表康熙十三年條

元夕三首詩集卷十二之一。四年京洛客。此夕故園情。說亂鑿全滅。憎

寒月不明。燧煙驚萬里。鼓角下重城。坐想兒時節。笙簫聒太平。

贈揚州知府金公序文集卷二。皇帝十三年春。瀕閩叛亂。東南震驚。揚

人多惑易擾。譎言道聽。家室朋奔。城門夜開。填衢泣路。我公甫

下車。不急不縱。既溫且和徐告吾民曰。爾毋遽往。曷與歸來。盜

伺於郊。寇在萬里。於是聞者感泣。去者悉返。自夏徂秋。遂告無

事。

一月二月之交。梁允植自杭州歸真定。途上過揚州。懋麟以詩送之。

梁予培自湖上歸真定別余揚州詩以送之時司農公使粵將還兼此奉懷

二首詩集卷十二之一。五月到西湖。紅蕖間綠蒲。越姬雙盃漿。巖鳥勸

提壺。令弟此爲政。名山興不孤。春風動楊柳。行翠足千株。之二。

一鞭思鉅鹿。兩日別揚州。殘雨侵官道。春煙上驛樓。人歸恆嶽遠。

夢繞粵江流。聽說羊城節。平安下嶺頭。

夏四月五月之交。遊泰州。飲於宮夢仁春雨草堂。

雨中飲春雨草堂三首詩集卷十二之一。此地宜聽雨。蕭疏見隱君。過橋

尋埭水。對岸立谿雲。柘柳周遭密。亭闌遠近分。涼風回綺席。絲

管隔花聞。之二。繞園純種麥。當戶水田開。菰蔣迎波長。鷓鴣作

隊來。折花穿小徑。移酒上高臺。待到晴明日。牽船汎月回。之三。

四〇九

入夜雨偏急。林唐風颯然。袷衣忘午日。涼色似秋天。雲暗峰巒錯。鏡明薛荔懸。不須畏露溼。歸路破郵煙。

揚州府志卷三十四古蹟五。春雨草堂。在城西小西湖旁。宮偉鏐築。取州志八景泰阜晴雲。西湖春雨意為名。其子夢仁歸田後復加修葺。

五月五日。與汪楫飲海陵寓園。

午日同舟次兄飲海陵寓園詩詩集卷十二。當午海雲閉。侵衣涼雨斜。佳時半為客。百里不還家。鄰女盤餐出。賢兄笑語譁。綠尊休負卻。

紅煞石榴花。

尋汎舟再過春雨草堂。

汎舟重過春雨草堂三首詩集卷十二之一。百錢呼小艇。數里涉荒谿。岸柳芄芄轉。林鶯恰恰囀。榴隨花徑入。人到草亭迷。向北樓堪倚。斜陽西復西。之二。高臺如昨日。晚眺特分明。宿雨煙還重。新桐影

倍清。桔槔謹壅水。鷗鳥浴新晴。亭樹經過熟。從余引客行。之三。半月落方唐。回舟草暗香。百蟲聲送晚。千樹葉迎涼。橫笛聞前浦。

疏鐘出上方。石橋橋畔過。蓮露溼衣裳。

秋七月。平山堂度景參文集卷三。

九月。平山堂經始參文集卷二。

許虬。徐乾學。來揚州。與懋麟等汎舟觴飲於紅橋之下。

萬山樓詩集序文集卷二。康熙甲寅之秋。崑山許子竹隱與徐子原一來揚州。相與方舟命酒觴於紅橋之下。

許虬。榜姓顧。字竹隱。江蘇崑山籍。長洲人。順治十五年。成進士。居二甲三十四名。官思州推官。升思南府同知。調紹興府同知。

終永州知府。四庫提要卷一百八十二。稱其詩前數卷多擬古之作。刻意摹仿。頗嫌太似。著有萬山樓集清詩紀事初編。卷三許虬小傳。

九月九日。懋麟與兄耀麟招徐乾學。孫枝蔚。姜宸英。程遠。宴飲於見山樓。

九日原一豹人姜西溟叔定家兄飲見山樓和豹人韻詩詩集卷十二。與君大笑勿言悲。高詠牛山杜牧詩。放眼登臺愁盡失。卷簾看菊醉相宜。

蓮花幕裏人歸早自注云時。尊菜江頭客去遲自注云。且把茱萸好時節。從容消得羽書馳。

孫枝蔚九日汪叔定季角招飲見山樓同程穆倩姜西溟徐原一詩溉堂續集卷五。世短意多吾自悲。二難瀟灑愛吟詩。望衡對宇招尋慣。美景良辰酌宜。家有高樓山最近。年無閏月菊何遲。笑聲亂落梧桐樹。忘記江頭羽檄馳。

既而許虬招懋麟偕程遠。鄧漢儀。黃雲等宴飲寓齋。

許竹隱招飲寓齋看菊同穆倩孝威黃僊裳劉彥度分得中字詩詩集卷十二。昨日王師過。秋光劍戟中。如何戎馬地。尚有菊花叢。客舍芳尊出。行廚雋味工。遠攜妻子在。且勿憶江東。

鄧漢儀。字孝威。江蘇泰州人。工詩學。太倉吳偉業。合肥龔鼎孳。皆與為倡和。康熙十八年。舉博學鴻詞。授中書辭歸。生平著述甚富。著有淮陰集。官梅集。過嶺集。濠梁集。燕臺集。甬東集。被徵集。所選詩觀。凡四集。別裁偽體。力追雅音。海內詩家咸宗之。清史列傳卷七十一文苑傳

黃雲。字僊裳。江蘇泰州人。居姜堰鎮。初受知於太守陳素。素乏

嗣被枉破家。雲不避險難。與之同遊汝寧。竭力周旋。人以爲難。晚年愈貧苦。屢辭聘召。益肆力於詩歌。東南持風雅者必宗焉。時而曬網號漁人。忽而海舶稱估客。最後不儒不墨。自號樵青。著有樵青集。桐引樓集。悠然堂稿揚州府志卷五十三人物隱逸。

九月十月之交。同諸子邀金鎮。汎舟遊平山堂。商議修復。懋麟賦詩回憶少時已有修復平山堂之志。

同諸子邀長真太守汎舟游平山因議修復分得堂字詩詩集卷十二。昔余年

十三。騎馬當春陽。蹀躞出西郊。楊柳青且黃。上阪復下阪。直登平山堂。堂前頗散朗。高臺陵大荒。長江洶我前。白氣騰星芒。衆山在几席。拱服不敢抗。塔影矗雲外。矯若烏龍翔。煙際眺平楚。行人如春秧。堂後枕蜀嶺。竹木多深蒼。鴨脚蟠十圍。盛夏森冰霜。

堂中懸大字。廬陵名煌煌。慶曆四年中。實維公守揚。暇日召賓從。命妓紛傳觴。折花邵伯湖。四坐荷葉香。名賢此爲政。文采原非常。歲久漸殫落。蝙蝠飛空梁。所幸留故蹟。斯文未云亡。詎意十年後。

浮屠侵我疆。泥佛坐堂上。無復知文忠。致此者誰子。百口鼻莫償。余力謀修復。築舍苦道旁。蒼黃走京邑。人事嗟茫茫。天意屬金侯。剖符來我邦。大雅欣有託。寤言常不忘。作詩致賤子。選日登山房。

秋氣方鮮新。置酒游蓮唐。水盡到山脚。僧氣迷舊岡。卜地西南隅。改創費度量。庇材實未易。況值軍書忙。同舟列官燭。臨水調清商。劇飲倒天河。問夜夜未央。豫想堂成時。此樂真揚場。

十月十一月之交。曹溶時年六十一來揚州。屢次飲於懋麟宅。

曹溶謙汪蛟門宅詩靜揚堂詩集卷八。積雨灑飛閣。崇柯覆平渠。中有六藝圃。

汪蛟門懋麟年譜初稿

息勞來端居。好客數授簡。選日飾芳厨。列坐盡俊英。照耀東南墟。高言羅羣葩。寒序成敷愉。美義一再酬。愚衷竭無餘。竹帛垂令名。軌轡世所須。日月等流波。驚馬不可驅。但願得旨酒。宴樂時相俱。又。飲蛟門宅二首靜揚堂詩集卷二十三之一。豔暹燒燈節。梧桐未放青。相期分靜夜。徐步得芳亭。五醜迴波急。籃輿盡日停。樓中堪縱眺。浩蕩接□溟。之二。瑤塔飛雪後。幽思到梅花。近夕融春釀。開筵

暖客榼。新恩均草莽。征路話雲沙。尙有蒼茫感。微吟答暮笳。曹溶。字鑿躬。號秋岳。浙江嘉興人。崇禎十年。成進士。居三甲三名。官御史。順治元年五月。降清。仍原官。六月。授順天學政。

二年十二月。試竣回御史任。三年三月。遷太常寺少卿。尋因事革職回籍。十一年。授太常寺少卿。尋遷左通政。十二年三月。擢左副都御史。七月。改戶部右侍郎。十月。改廣東布政使。十三年九月。降山西陽和道。康熙三年。以裁缺歸。十八年。舉博學鴻詞。以丁憂未赴。十九年。徐元文薦溶修明史。未起。生于萬曆四十二年。卒于康熙二十四年。年七十二。著有靜惕堂詩集。靜惕堂詞

據清史列傳卷七十八貳臣傳。清詩紀事初編卷七曹溶小傳。

十一月。平山堂落成。知府金鎮遍召諸名士。平山堂文集卷三。康熙元年。土人變制爲寺。而堂又無復存焉矣。十二年秋。山陰金公補揚州。余喜曰。是得所託矣。金公諾。至郡廢修墜舉。士民和悅。會余丁先妣憂歸里。相與蓄材量役。度景於

明年之七月。經始於九月。告成於十一月。不徵一錢勞一民。五旬而堂成。公置酒大召客。四方名賢。結駟而至。觀者數千人。賦詩落之。

堂成。公置酒大召客。四方名賢。結駟而至。觀者數千人。賦詩落之。

揚州府志卷三十一古蹟志二。平山堂。在郡城西北五里蜀岡上大明寺側。慶曆八年二月。歐公來守揚州時。為堂於大明寺之坤隅。江南諸山拱揖檻前。若可攀躋。故名。：國朝康熙壬寅。土人變制為寺。以堂為前殿。而堂又無復存矣。癸丑。山陰金鎮知揚州府事。邑人汪主事懋麟謀重建。經始於甲寅九月。告成於十月。

按。詩集卷十二有仲冬平山堂落成太守金公招同諸君燕集即席得五十韻詩。曹溶靜惕堂詩集卷二十八亦有長真金使君與復平山堂落成日遍召賓客予亦與焉記事五十韻詩。

康熙十四年乙卯 三十七歲
居廬。

春正月。父如江九十初度。孫枝蔚。吳嘉紀。徐鈞。徐乾學等當代名士。遠近稱觴上壽。書幣盈庭。

告先考文集卷七。：乙卯之春。吾父壽躋九十。孤等無狀。幸不見絕於當代賢人君子。遠近稱觴上壽。書幣盈庭。吾父展介壽之文詞。累累成軸。顧孤等喜曰。贈人以言。仁者事也。小子藏之。當是時。方慶四體之康疆。咸謂百年之可卜。：

孫枝蔚九十翁歌贈汪觀瀾先生四首澗堂續集卷五之一。九十翁。會却聘。

嚴君平。翁所敬。益州牧雖賢。君平常高眠。愛才如史相自注云會史公諱。翁不棄林泉。身隱子乃顯。任運惟樂天。嚴君平。業誰傳。辭大學士

不入肆。老無錢。之二。九十翁。心最樂。榮啓期。翁無作。榮公披鹿裘。飢寒非所憂。翁家故自饒。於世更何求。况復膝下人。才名播九州。榮啓期。未有兒。雖自寬。天何知。之三。九十翁。不

阿意。轅固生。翁所企。固生氣稜稜。面責公孫弘。翁亦教其兒。曲學恥為朋。身雖老田野。頗為福所憑。轅固生。亦可矜。擊毘時。恐不勝。之四。九十翁。齒最牢。笑張蒼。不足豪。張蒼多美婦。飲乳如黃口。翁不近紅裙。歲月亦已久。語兒盤中物。梨栗也須有。如蒼者。雖白首。乳仍臭。非吾有。

澗堂文集卷二亦有為汪封君觀瀾先生九十歲徵詩奉賀啓。吳嘉紀贈汪觀瀾先生時九十初度詩吳嘉紀詩箋卷七。之一。居愛大海濱。

遊愛廣陵城。海大好釣魚。城郭有交情。於中誰最密。二汪如瓊英自注云謂叔定蛟門昆季。迢迢就光采。每每費逢迎。客來賢父喜。僮僕掃中庭。

曾參酒食多。分甘及友生。山雨過園林。石澗幽蘭馨。醉飽臥簷下。櫂船夢滄溟。之二。蒼蒼隋苑樹。東風吹新鮮。氣喧鶯早至。樹下飛翩翩。丈人悅良辰。披襟自開顏。坐石聽寒濤。登樓見遠山。健

勝如少壯。人乃賀耄年。花底斑衣舞。松陰白日閒。皤然數老友。提壺來扣關。之三。豪賢當代推。聘幣及林薄。孰知孤雲意。嬾向塵氛託。開戶橫素琴。天地夜寥廓。月低竹影長。野風鳴老鶴。榮

公逢仲尼。自述平生樂。逍遙閱歲時。歌詠清巖壑。翁適與同年。高趣還相若。之四。蒼穹好施予。吝惜惟光陰。自非天所篤。漫比

石與金。眾人各有心。瞿瞿衆人內。翁獨似臨深。平楚曠茫茫。崑然聳孤岑。擊磬亂石中。靈者發清音。音清聽彌遠。躬厚慶易任。

年壽不可量。酒漿徐徐斟。

徐鈞用鄆陵梁御使韻寄祝汪太公兼柬蛟門詩南州草堂集卷五。垂釣流年髮未華。倚然高枕老烟霞。筍與曉挂紅橋柳。烏帽春拈故苑花。坐愛

斑衣裁畫錦。閒施藤杖過山家。銀鱗入饌娛親日。不憶金門倦眼遮。
徐乾學汪太公觀瀾九十壽序檀園文集卷二十四。翁少而英敏。博綜史書。究

心當世之故。曾却閣部史公聘。潛德不仕。以享遐齡。其生萬曆某
年。迄今年九十矣。九十年中。世運推遷。人事消息。不知其幾。

而定陵以還。正史家所謂亂絲難理者。翁一口披而手畫之。不差
累黍。豈非累朝遺獻。百年文物之所憑衣乎。

初夏。借喬萊等諸友汎舟游平山堂宴集。

同友人汎舟游平山新堂各賦四首詩集卷之一。三尺新湖水。雙廉舊

酒船。花殘初夏日。梅熟乍晴天。繫艇長橋下。亭魚小店前。忽然

聞越調。歷歷四絃弦。之二。關河連歲別。風雨故交違。文酒歡重

會。園池景半非。晚籟迎樂立。笙老認人歸。浪說游京洛。多慙晉

陸機。之三。堂成羣望愜。勝賞衆歡同。畫檻雲邊出。松門寺外通。

隄長宜雜樹。臺敞正晴空。五百餘年後。依稀六一風。之四。兵戈

紛聚散。會面一春難。痛飲原非易。斜陽轉耐看。即今嬰水畔。此

別隔雲端。莫便回棹去。鄰園有藥闌自注云時子靜將北發。

五月。與兄耀麟游江寧。

尋同周在浚。兄耀麟汎舟秦淮看燈船。

秦淮燈船歌同雪叔定家兄作詩集卷十三。秦淮五月水氣薄。榴花乍紅

柳花落。新荷半舒菡萏高。對面人家卷簾幕。晚來列苴何謹闕。鼓

吹中流一時作。火龍一道鑿船來。衆響啁嘈判清濁。……

在秦淮。與施閏章相見。是夜燈下借讀王士祿年譜。

秦淮同尚白大參讀西樵考功年譜感題四絕句詩集卷十三。序。曩在都下

與尚白大參別。忽四年矣。乙卯五月。相遇秦淮水閣。懷人感舊。

因出阮亭先生手編西樵考功年譜竝來書見示。欲爲考功墓表。故攜

書行笥不忘也。鑿下展讀。感琅邪友于哀切與尚白公生死交情。俱

可涕也。之一。薊門相別白門逢。手把琅邪扎一封。說著考功先淚

落。作碑魂繞墓門松。之二。秦淮歌散夜將分。柳外鑿昏水上雲。

年譜一編纔讀罷。已教腸斷舊司勳。之三。見說芳香徧體傳。前身

金粟再生天。斯人何故無中壽。五十猶教少二年自注云考功死日徧體作異香。之四。

當代名傳大小蘇。彭城風雨夜相呼。可憐和仲先秋草。零落棠花淚

影枯。施閏章同蛟門夜讀王西樵年譜詩愚山先生詩集卷四十九。之一。風流歷歷見平

生。文酒招尋憶帝城。同是瑯琊舊游好。白門相對淚雙傾。之二。

二陸才名更數誰。雁行中斷不勝悲。燈前病客餘慚恨。舊約猶違有

道碑自注云阮亭以西樵年譜風爲墓表故云。

與閏章飲酒及深夜。閏章以敬亭綠雪茶貽懋麟。以詩答謝之。

尚白大參以敬亭綠雪茶見餉簡謝詩詩集卷十三。昔我游敬亭。索茗過僧

舍。花藥浮輕圓。不與棊盤亞。僧言有茶扈。官取日無暇。山頂一

畝產。竟爲權豪霸。供給每不足。頗遭吏卒駕。以茲數年來。種茶

事漸罷。好友梅與沈。憐我因栢擘。若褻時封纒。貽我旅櫓下。酌

泉時一亨。能使磊塊瀉。夢想十餘年。此味如食蔗。先生來白門。

憶別在清瀾。四載隔溫涼。轉覺顏色姪。爲歡感故舊。對酒及深夜。

貽我綠雪芽。重比南金賈。鉛罌刻茶頌。香郁敵蘭麝。入山本手制。

時候介春夏。開罍自煎嘗。清芬滿水榭。悅與故交逢。齒舌亦驚訝。

昔人鬪茶品。色味有假借。謬爲龍鳳圖。或遭畫鹽砒。似此秋水激。豈與頭網差。陋哉蘇髯公。八餅希拜謝。何如山中味。恣歡悟玄化。繼而過虎距關。訪龔賢半畝園。

虎距關訪龔半牛畝園二首詩集卷十三之一。草木蔽雄關。森森翠壁間。關前半畝宅。中有一人閒。引僕栽花好。邀余看竹還。牆東新闢地。

從此老青山。之二。賢婦何年去。空堂影自悲。補衣煩老妹。倚杖

賴嬌兒。圖畫人爭買。詩篇俗未知。看君吟五字。直與孟亭期。

龔賢。字半牛。江蘇崑山人。早年厭白門雜遝。移家廣陵。已復厭

之。仍返而結廬於清涼山下。蒼牛畝園。隱居自得。性孤僻。詩文

不苟作。畫得董源法。掃除險徑。獨出幽異。自謂前無古人。後無

來者。同時與樊圻等號金陵八家。據清史稿卷五百四龔賢傳周亮工讀畫錄卷二

秋。飲於金鎮署齋。時遷江寧驛傳。鹽法道副使。達旦。即借馬游蔣山。時王槩以詩

投懋麟。未得偕往。

飲金觀察署齋達旦即借馬游蔣山靈谷諸勝王安節以詩見投惜未得偕

往和來韻爲答詩詩集卷十三。桃葉歌殘夜忽闌。登山犯曉借金鞍。經過

舊內銅駝沒。望去荒原石馬寒。麥隴已迷行笠迹。聖朝猶置守陵官。

南禪磻水如懸瀑。悔不同君竝轡看。

王槩。字安節。初名囚。浙江秀水人。能詩工畫山水。芥子園畫譜。

乃其手筆。國朝著獻類微初編卷四。百七十七王廷詔王槩小傳。

景定建康志卷十七。鍾山。一名蔣山。在城東北一十五里。周迴六

十里。高一百五十八丈。東連青龍山。西接青溪。南有鍾浦。下入

秦淮。北接雉亭山。漢末有秣陵尉蔣子文盜盜死事于此。吳大帝爲

立廟封曰蔣侯。大帝祖諱鍾。因改曰蔣山。

八月九月之交。歸里。

九月九日。借周體觀。徐乾學。史鶴齡。程濂。鄧漢儀。倪燦時年五十。

江闈。兄耀麟。汪楫。汎舟游平山堂。

九日同周伯衡觀察原一子修兩編修穆倩孝威倪闈公江辰六叔定舟次

兩兄汎舟游平山用少陵夔州九日詩韻得三首詩集卷十三之一。卻喜今年

秋水大。平山竟可小船來。已多菊藥淒疏放。還有芙蓉冷澹開。蘇

鄭賓朋須爛醉。隋梁宮寺騰餘灰。佗時傳此茱萸會。不數彭城戲馬

臺。之二。燕薊人將去自注云謂荆襄客久來。酒因離緒滿。

花昔別時開。代馬且停發。楚颿須緩回。昔賢逢九日。珍重此深枿

之三。堂碑新作記。慙媿說高文自注云時出余平山堂記。何幸蘇黃客。重借鷗

鷺羣。題詩治石滑。茱菊莖香分。此日龍山燕。將毋峴首聞。

江闈九日同伯衡健菴子修三君闈公穆倩孝威叔定舟次較門諸子泛舟

登平山堂用少陵夔州九日韻詩江辰六文之一。清秋宜出郭。濁酒且

傳杯。勝蹟何時廢。高原萬里開。一江眞浩渺。列嶂自紆迴。不盡

登臨意。還須策馬來。之二。野泊何蕭爽。尊疊媿且文。水澄秋爛

熾。月白樹繽紛。聚散成今昔。追歡愜見聞。黃昏歸路好。城市有

烟雲。

又。九日再占三首之二詩集卷十。却憶十年事。牂柯獨把杯。

洲憐芳杜好。門對菊花開。道路從迢遞。兵戈苦縵迴。五溪猶壁壘。

何日凱歌來。之二。長安從水部。此日記論文。不謂逢朝士。都能

遠世紛。琴尊秋後數。笑語夜深聞。廷尉今羅省。相思結暮雲。

又。九日同諸君登平山堂用杜韻三首之一詩江辰六文。十年獨步吹簫路。九日同尋戲馬臺。楊柳未凋迎斫去。芙蓉無數傍船開。誰能

醉續崔楊約。最喜人逢管葛來。此地祇今稱樂土。城頭落照莫相催。

又。九日再占三首之一詩江辰六文。重九今年風日美。如憑層巘當

登臺。野菊獨先鴻雁至。郊雲盡洗一天開。昔人已往風流歇。勝地

還經戰伐來。愁殺江楓秋欲去。香醪滿引不須催。

汪楫重九日同周伯衡給諫徐德菴史子修兩太史倪闈公程穆倩鄧孝威

越辰六諸同學家叔定兄蛟門弟登平山次少陵夔州九日韻三首山閣詩續集

之一。風日無如九月好。相與步履臨高臺。蒼茫一徑野高長。沈澗

萬里府天開。霜前絕少白雁過。林中忽送清歌來。龍山鳳嶺此甚續。

庭榴園菊休相催。之二。賜菊非吾望。芳時但舉林。賦宜今日作。

花正十分開。木脫鱗鷹出。風生獵馬迴。挿萸真勝事。偏得故人來。

之三。習射思馳馬。操觚悔學文。鷹揚何袞袞。蟬噪只紛紛。白墮

難求醉。玄猿不可聞。誰能發長嘯。激蕩上秋雲。

周體觀。字伯衡。直隸遵化人。順治五年。舉於鄉。六年。成進士。

居二甲二十四名。改庶吉士。累遷吏科給事中。出爲江西饒九南道

副使。與施閏章同官。詩學宗法杜陵。感時投贈觸輿成篇。閏章稱

其令支道中詩。似杜秦州諸什。與河朔詩人申涵光。邵煥元等同稱

江北七子。王士禛謂過黃州詩不愧古人。著有晴鶴堂詩鈔大清畿輔

十九周

體觀傳。倪燦。字闈公。江蘇上元人。少工舉子業。康熙十六年。舉於順天

鄉試。十八年。舉博學鴻詞。授檢討。充明史纂修官。撰藝文志。

汪蛟門懋麟年譜初稿

卒於官。生于天啓六年。卒于康熙二十六年。年六十二。著有雁園

集據碑傳集卷四十五香萊倪檢討燦墓誌銘清史稿卷四百八十四文苑傳

旋徐乾學將北上。懋麟餞之平山堂。

平山再送原一詩詩集卷十三。六一堂前酒一卮。素心不負菊花期。此堂

借作勞勞地。不是尋常送別時。

是歲。禹之鼎爲懋麟畫少壯三好圖阮元寧經室四集詩卷五題汪蛟門先生寫

此少壯三好圖。孫枝蔚。徐鉉。旋閏章。尤侗。汪楫。王又且。作詩詞題之。

懋麟沒後。阮元。吳鼎等亦作詩題之。

孫枝蔚澆堂續集卷五有題汪季角舍人三好圖詩。徐鉉南州草堂集卷

五有題汪蛟門舍人少壯三好圖詩。施閏章愚山先生詩集卷二十二有

汪蛟門舍人三好圖詩。尤侗百末詞卷五有沁園春題汪蛟門詞。汪楫

山閣詩續集有余既爲蛟門作十二硯齋歌及聽瑟圖題句蛟門又索題少

壯三好圖走筆嘲之詩。王又且黃湄詩選卷八掖垣集有題汪舍人少壯

三好圖詩。阮元寧經室四集詩卷五有題汪蛟門先生少壯三好圖詩。

吳鼎吳學士詩集卷五有題汪蛟門少壯三好圖詩。

廣陵詩事卷八。汪蛟門比部傲蕭琛作少壯三好圖。謂音律詩酒也。

顧書宣太史有詩云胸中檢點惟三好。名酒嬌歌百卷書。圖今在秦敦

夫恩編修家。蛟門又有聽瑟圖。

禹之鼎。字尚吉。號慎齋。江蘇江都人。幼師藍瑛。後出入宋元諸

家。尤擅人物。繪王會圖傳世。其寫真多白描。不襲李公麟之舊。

而用吳道子蘭葉法。兩顧微用脂緒染之。彌復古雅。康熙中。授鴻

臚寺序班。愛洞庭山水。欲居之。遂歸。朝貴名流。多屬繪圖像。

世每傳之清史稿卷五
百四藝術傳

阮元。字伯元。號雲臺。江蘇儀徵人。乾隆五十四年。成進士。居

二甲三名。選庶吉士。散館第一。授編修。官至體仁閣大學士。生

于乾隆二十九年。卒于道光二十九年。年八十六。著有寧經室集

據清史稿卷三百六十四阮元傳國朝
詩人徵略二編卷四十五阮元小傳

吳肅。字山尊。號抑菴。安徽全椒人。嘉慶四年。成進士。以母老

告歸。主講揚州書院。生于乾隆二十年。卒于道光元年。年六十七。

長駢體。著有夕蔡書屋集據清史稿卷四百八十五文苑傳國朝
朝詩人徵略卷五十四吳肅小傳

康熙十五年丙辰 三十八歲

服闋。

元日。侍父如江宴飲。

元日小園侍家人飲詩詩集卷
十四。細雨入新年。登樓霽景妍。雲猶屯

木末。春已到簾前。九十親方健。兵戈信漫傳。讀書兼負米。吾意

老耕田。

既乃。借兄耀麟游海陵。城西梅花閣下晤冒襄時年六
十六。奮出塵。王仲

儒。王喜儒。李國宋諸名士。宴集相倡和。

海陵寓園晤冒巢民以蔡金兩少君所畫古松春燕箋扇及芥茗見貽長句

爲謝詩集卷
十四。州西邨原好林木。疏快真能媚幽獨。上春來游新雨晴。

主人許我借茅屋。門前菜甲綠未齊。庭外梅花紅已足。開軒把卷正

蕭爽。車馬聊此遠馳逐。東行何意逢故人。握訴檢情拭雙目。參辰

十載鬢須換。問年忽過六十六。恍慨示我乙卯吟。悲歌欲向春風哭。

先生品地本王謝。少負香名動當軸。書法適逸類蕭引。詩筆清蒼比

光祿。軒冕早弃甘松筠。陶寫中年賴絲竹。酒酣每每說往事。悅聽

東京夢華錄。紛紛誰復開寶人。容易高言忤流俗。此輩蠢蠢何足按。

世事但可消醴醪。林泉樂事猶自多。畫譜茶經得賢淑。何當貽我蒼

松圖。老幹盤擎兩枝禿。白團小燕齊啄花。嫵柳三眠似新浴。閨中

金裝雙畫師。草畢徐黃徒碌碌。洞山花藥原最珍。分餉正值春泉熟。

頭網八餅不足貴。宣城綠雪同芳馥自注云尙白大參自
制綠雪茶見貽最佳。元祐名賢此相

餽。東坡好詩累長幅。媿余飲歡如王濛。報謝卻少名篇續。品茶對

畫聊爾爾。眼底箇中洗塵麴。水繪菴中得真賞。我欲扁舟訪谿澳。

花濃水曲鶯亂嘯。細話春窗烹茗粥。

冒襄杜門七載不下堂者亦二年矣舊遊無復見存者丙辰春蹢躅至海陵

遇蛟門舍人于城西梅花閣下品詩談畫水乳針鐵長嘯掀髯不殊曩昔即

以長歌見贈不揣依韻屬和心傷才盡之語見者神淒應全忘其老醜也詩

以下六首見
同人集卷七。松摧爲薪福梁木。同氣參辰化孤獨。老夫受弄于兒童。

不止抱茅毀吾屋。吞炭聊能容一身。腐心何暇憐雙足。以此七年卧

鷄窠。飛土不曾寬肉逐。榻來忽復海陵遊。汪倫情重開青目。問余

茶苦胡至斯。牛鬼蛇神遭百六。幾番欲語不復語。地老天荒難盡哭。

甘心慈受師曇藏。不緣觸發恒爲毒。蟲學叩頭口流血。鳥從批頰身

全辱。祈祝不死無可託。幸有深閨羅卷軸。簪花之筆擅衆妙。青藜

之光女天祿。渲染寧止王李石。虬松欲奪趙管竹。細數閨畫少兼長。

過眼雲烟未曾錄。與君傾倒任取攜。一草一花殊絕俗。羅浮香夢小

閣深。品茶論詩飲醴醪。霜欺雪壓皮肉死。入坐春風頰和淑。三殿

花香池鳳毛。豪彩能令枯管禿。文章浩瀚足衣被。肝膽淋漓堪沐浴。

幾年不見成異量。俯視餘子徒碌碌。婁東長逝淝水繼。斯世何人與我熟。此時此會誰能知。只與梅花增冷香。揚許夔簡有此意。溫段題襟今滿幅。追憶從前那可說。先後源流從此續。頓忘修羅雨刀戟。似醉中山千日麴。水繪雖荒尚可遊。石浪澄泓擬洪澳。廉常客去客還來。嬾殘煨芋供齋粥。

喬出塵丙辰早春過海陵得晤巢民先生暨王景州汪叔定汪蛟門王歙州李湯孫諸子詩。爲憶梅花綻海天。乘風爭上海陵船。園林到處猶春色。故舊逢人夫少年。世事說來勞擊筑。酒旗經過記留錢。萍踪最是歡難得。莫放流光去眼前。

冒襄和詩。閉門放眼看青天。乘輿重登剡雪船。一月淋漓逢舊雨。幾人惆悵見當年。石碑在口渾難語。寶劍當心苦乏錢。賴有素交能慰藉。一尊傾倒共花前。

王仲儒和詩。早春時節薄寒天。同泊東陽郭外船。上日雨殘纔見月。他鄉會少倏經年。路當花嶼停雙屐。杖指旗亭挂百錢。水繪柘溪風物好。欲驚波鳥到門前。

王喜儒和詩。重陰不散早春天。日日溪亭繫小船。帶酒高齋疑昨夜。看花客路又今年。鳩聲頻喚枝頭侶。雨點輕翻水面錢。難得相逢更難別。幾迴惆悵柳絲前。

李國宋和詩。孤城寒雨侵湖天。二月春衫上客船。白首夢殘尋往事。青樽人在似當年。柳絲亂挂橫塘水。榆莢慳拋綺陌錢。惟有交情可留戀。厭厭長坐夜登前。

和雲漸詩詩集卷十四。花時卻怪少晴天。閒煞谿頭載鶴船。山閣儘堪消

汪蛟門懋麟年譜初稿

永日。故人休說已衰年。且拌綠酒千場醉。能值青銅幾箇錢。新柳漸黃梅未落。杖藜還過岳祠前。

冒襄。字辟疆。別號巢民。江蘇如皋人。十歲隨祖父入蜀。輒能賦詩。董其昌序其十四歲時詩。方之王勃。時與方以智。陳貞慧。侯朝宗被稱爲四公子。嘗置酒桃葉渡。會東林六君子諸孤。酒酣。輒狂以悲詞詈奄黨。因與諸孤結社金陵相抗。馬阮嘗國憾之。黨獄興捕得貞慧幾死。襄僅免。明亡後。無意仕進。康熙中。復以山林隱逸薦。以博學鴻詞薦。亦不就也。家故有水繪園。擅池沼亭館之勝。四方名士招致無虛日。貞慧子維崧少而才。邀至家飲食教誨之以成其名。晚年益以圖書自娛。生于萬曆三十九年。卒于康熙三十二年。年八十三。著有水繪園詩文集。樸巢詩文集。同人集。據碑傳集卷一百二十六韓奕潛孝先生冒徵君墓誌銘清史列傳卷七十七文苑傳

王仲儒。字景州。號西齋。別號夢華山人。江蘇興化人。仲儒幼穎異。工舉子業。淹貫經史。中年絕意場屋。專肆力於詩。沈雄渾噩。獨步少陵。不屑輕靡脆弱一字。著有夢華山房集。西齋集據感舊集卷十六王仲儒小傳感舊集引揚州府志本傳

王喜儒。字歙州。仲儒弟。亦擅詩名。工書法。與兄齊名。著述之富亦相埒。海內知名之士。游轍所至。靡不結契。藝林中評品風雅。必屈指與化二三云。感舊集卷十六引揚州府志本傳

李國宋。字湯孫。號大村。江蘇興化人。明少師春芳五世孫。沛之姪。康熙甲子二十舉於鄉。國宋弱冠即以詩文著名江淮間。王阮亭司李賞譽不置口。論者謂自陸放翁後。詩之多而工。無以踰之。著

有螺隱居集據感舊集卷十六李國宋小傳感舊集引揚州府志本傳

夏四月。游寶應縣。訪喬萊樂志堂。

新夏過子靜樂志堂三首詩集卷之一。依然三畝宅。突兀見斯堂。高

枕真疏快。開軒總鬱蒼。樹原階下有。花入夏來香。積水方池外。

游魚儼作行。之二。一船當檻立。疑是汎江湖。草木隨高下。風濤

問有無。觀虛心自得。鑿物理非迂。吾愛歐陽子。深愁對畫圖。之

三。曲室堂東好。藏書四庫多。開函感先澤。未老慎蹉跎。勳業心

空在。文章願若何。名山儻有意。把臂理漁蓑。

樂志堂記文集卷三。石林家居之三年。不諧於俗。閭巷之人。亦莫窺測

其雄才偉抱。往往戲侮。而嘗試之石林不與較。獨其志鬱無所施。

關其宅中閑地爲堂。外敞三室。入其中深九室。而特疏其後。又穿

其堂之東。爲溫房。爲曲室。堂外作長廡像舟船。植花輦石。悉徙

藏書名畫金石之可娛玩者於內。而日以自適焉。因名樂志。堂既成。

慨游好之日寡。不足寫意而明歡也。邀余往游且屬記。：

五月六月之友。平山堂眞賞樓落成。落成之日。懋麟夢歐陽修。蘇軾。

命之作聯。即應曰。登斯樓也。大哉觀乎。遂書於兩楹。

平山眞賞樓第五泉亭落成和叔定家兄韻四首詩集卷之一。經營甲寅

夏。游眺丙辰年。荒歲開叢棘。寬閒類萬川。茲山纔不墜。吾道仗

人傳。興廢無常理。丁寧屬後賢。之二。公欲存眞賞。呼教命此樓。

不須懷穎上。當亦戀揚州。戰國文章在。驅除鳥雀休。辛勤題木主。

狙豆喜新留。之三。一水三山外。紅亭綠樹間。當時蚯蚓合。此會

鹿盧攀。隱語尋仍在。茶經似可刪。若教臨大道。斲齏未應閒。之

四。當門分兩塔。拾級有高臺。萬壑兒孫列。千颿遠近開。花從間
土種。碑共老松栽。詞賦羣賢好。臨文我媿哉。

揚州府志卷三十一古蹟志一。眞賞樓。康熙十三年。平山堂落成。

金太守鎮遷江寧府傳驛道。明年按部過揚。屬汪舍人懋麟拓堂後地

爲樓五楹。取歐公遙知爲我留眞賞之句。名曰眞賞。祀歐蘇數賢於

上。樓成之日。汪舍人夢歐蘇兩公命之作聯。即應曰。登斯樓也。

大哉觀乎。遂書懸於兩楹。二十六年。國子博士曲阜孔尚任即眞賞

樓。取歐公平山閣檻倚晴空之句。題曰晴空閣。今扁懸樓下。

六月。將之京時。吳嘉紀以詩送之。

吳嘉紀送汪蛟門詩吳嘉紀詩箋校卷七。蘆中水禽叫。夏雲將變霞。飄飄宦遊

子。方舟適京華。親友從此遠。還願望嚴阿。黽勉事貧交。三年子

在家。徒爾相扶植。蓬管終匪麻。欲別我何賴。隨子看荷花。水香

風稍來。落日思情多。芳馨難久戀。搔首獨咨嗟。

按。同詩箋。案三年子在家。當指汪蛟門丁母憂在家時也。百尺梧

桐閣集有七夕入京詩。編入丙辰。蛟門服闋入京當在是年。此詩亦

當作於康熙十五年丙辰（一六七六）。

尋與兄耀麟飲樂志堂。宿三日。賦詩留別李振裕。李棟。陳鈺。喬萊。

將之京同叔定家兄飲樂志堂對月留別李維饒吉士陳冰壑子靜共用十

蒸三首詩集卷之一。蟋蟀聲何早。空堂夜氣激。乍涼疑節候。久雨

失炎蒸。地敞全收月。檐虛欲背鏡。客行愁寂莫。秋思已先增。之

二。到此忽三宿。主人情意仍。當風除白帽。高枕借青綾。道路憐
余拙。園林讓爾能。不須揮玉塵。此地少飛蠅。之三。黃河遲渡馬。

心亦厭飛騰。對景憐遙夜。將離戀舊朋。怕言山萬疊。好進酒三升。後此常相憶。江湖有夢馮。

李振裕。字維饒。號醒齋。江西吉水人。康熙九年。成進士。居三甲二十名。改庶吉士。十一年。散館授檢討。康熙二十六年。由翰林院侍講學士陞內閣學士。二十八年。遷吏部右侍郎。二十九年。改左。三十年。遷工部尚書。三十七年。改刑部尚書。三十八年。

改戶部尚書。四十三年。改禮部尚書。四十八年正月。致政歸里。未詳卒年。清詩紀事初編卷七稱官至戶部尚書以黨廢太子革職歸卒于四十六年。年六十七按清代職官年表此年仍在禮部尚書職姑從清代職官年表。

振裕喜從文士唱酬。而物情不附。與王士禛齟齬。未得其故。著有白石山房集。據清代職官年表清詩紀事初編卷七李振裕小傳。

李棟。字吉士。揚州府志卷五。號松風。江蘇高郵人。揚州府志云興化人。兵部侍郎喬孫。少穎異。孝友性成。弱冠與弟棡先後補弟子員。棟經講授

者三十年。康熙四十一年。中順天鄉試。座主徐秉義為延譽公卿間。閒居無何卒於京邸。卒年未詳。棟為人豐頤厚體。粹品兼才。所著詩文甚富。又工繪事及篆隸。道光重刊高郵州志卷十文苑。

陳鈺。字其相。號冰壑。江蘇寶應人。鈺與朱秋厓。陶季友善。陶矩雍初盛唐人。蒼老中天然適媚。陳出入中晚宋元。鎔鑄成家。三人者唱酬討論。鼎峙藝林。著有巢園詩鈔。感舊集卷七。陳鈺小傳。

至淮安。過丘象隨飲西軒。

飲丘季貞西軒軒詩見贈賦答詩。詩集卷十四。十年五渡黃河去。惆悵元王市上祠。江漢聞君為客早。風塵常悔訂交遲。西堂對酒憐今夕。北闕垂鞭是幾時。同學舊游俱袞袞。松窗何事獨吟詩。

汪蛟雨懋麟年譜初稿

丘象隨。字季貞。號西軒。象升弟。年十四即工詩。才名藉甚。與兄齊名號二丘。順治十一年拔貢生。康熙十八年。召試博學鴻詞。授翰林院檢討。官至洗馬。性孝。父歿廬墓三年。母以食魚致疾。遂終身不食魚。通籍後。積俸置祭田。族人賴之。著有西山紀年集。據清史列傳卷七十九文苑傳國朝先正事略卷三十九文苑傳。

秋七月七日。入京師。七夕入京詩。詩集卷十四。京華為客四經秋。人在穿鍼乞巧樓。此會重來逢七夕。渡河風雨只添愁。

八月。梁清標招懋麟偕方亨咸宴集於秋碧堂。

司農公招飲秋碧堂即席贈方邵村侍御詩。詩集卷十四。秋碧堂中夜如水。桂花正吐黃金藥。抹麗含香夾竹紅。水晶簾外冰輪起。有客笑語四坐驚。龍眠僊人意氣橫。朱顏白髮說往事。傾倒栝案歡情生。食譜茶經各精緻。玉盤新薦楓亭荔。絳珀深凝鳳尾膠。碧煙細淪龍團字。太和酒白如名泉。嘉窯醞子青可憐。百川倒瀉亦不醉。探奇說鬼兼譚天。忽爾中宵起雷電。燭光亂攪秋雲變。嗟因投轄歸已遲。尙書愛客心無倦。顧影積唐如酒龍。噫嘻此夕開心胸。我來長安已一月。紛紛汎愛徒千鍾。人生舒寫所貴對名士。不然紅裙絲竹真凡庸。方亨咸。字吉偶。號邵村。安徽桐城人。順治四年。成進士。居三甲六十七名。官至御史。工詩文。善書精小楷。兼長山水。與程青溪。顧見山稱鼎足。國朝著獻類初編卷一百三十三吳修方亨咸傳。藤陰雜記卷六。東城。梁蕉林。清標。任司農時。有秋碧堂刻晉唐法帖。汪蛟門麟賦謙集詩。：：今城東莫考其遺址。

四一九

九月六日。同徐乾學飲馮溥時官文華殿大學士寓齋。馮溥命懋麟從游萬柳堂。

萬柳堂記文集卷三。相國益都馮公。將於季冬八日游於亦園之萬柳堂。

先二日。徐贊善乾學與懋麟飲公齋。命之從。

九月八日。懋麟等十八人從馮溥游萬柳堂。

重九前一日陪益都馮公游萬柳堂見示二律依韻奉和詩集卷十四之一。

霜翳垂楊綠未收。清谿初日照寒洲。新澆菜甲千畦滿。舊種魚苗二尺留。此會正濃桑落酒。來朝況接菊花秋。東南漸喜消兵甲。醉醉

雲山好放愁。之二。廉相閒情壁外餘。曾傳栽柳隔東華。即看流水

當門住。何異清陰繞屋斜。小市郵船消暇日。高城暮鶴起晴霞。山

林幽興如公少。指點開池更種花。

萬柳堂記文集卷三。是日。秋氣爽朗。不寒而暄。去崇文門東二里餘。

寬閒曠奔。居人僻少。從馬上見。遇垣高榜。蒼煙茂樹。則亦園在焉。

園廣五百餘畝。土得五之三。水得五之一。蔬圃堂房。橋池臺徑。又得五之一。高下紛錯。園之樹則合地之五而半之。樹之藝不

一其種。而柳又倍且半之。蒼翳叢密。根披芽藥。多不可計。總其

成數為萬。實萬莫能盡也。堂之所以名取諸。此每月之八日。公必

攜賓客游於斯。無少長賤貴。無苛禮。無鮮肥音樂。不過茗飲蔬食。

客無渴馭。以永斯游。或休於堂。息於樹。語唯道義農桑養生愛物

之旨。時發為嘯歌。見諸篇翰。無一語及於佗。是日從公游者

凡十有八人。懋麟不敏竊與賓客之數。光寵矣。敢為之記。

日下舊聞考卷五十六城市東城。增。萬柳堂在廣渠門內。為國朝大

學士益都馮溥別業。康熙時開博學鴻詞科。待詔者嘗雅集於此。檢

討毛奇齡曾製萬柳堂賦。今其基周圍一頃餘。內有小土山。即昔蓮塘花嶼也。

藤陰雜記卷六東城。國初。益都相國馮文毅做廉孟子萬柳堂遺制。既

建育嬰會於夕照寺傍。買隙地種柳萬株。亦名萬柳堂。毛西河奇。

番石林萊作賦。陳其年序。朱竹垞記。：

按。清詩紀事初編卷五王熙條云。是時大學士備位不問政事。雖各

兼部務。亦見奪于滿尚書。間有建白。無關大政。故馮溥李蔚宋德

宜及熙僅以文學備顧問。暇則結納名士。競尚詩文。諸人皆有集

卷六馮溥條又云。又其時居高位者。皆稱好士。逸民野老。常與黃

閣均禮數。溥尤喜延接。以此頗得士心。

冬十二月。請終養。得請。離京師南歸。

十二月五日。父如江卒於家。施閩章汪覺非先生墓誌銘施愚山先生學餘文集卷二十。以康熙十五年十二月五日。

正襟而逝。得年九十一。

十二月十五日。夜宿泰山旅舍。夢如江。

答三峰碩揆師書文集卷一。不孝於丙辰十二月。南歸侍養。衝冰踰雪。

竝日兼程。夜宿泰山旅舍。夢先君科頭白髮。淄衣曳杖行於前。一

老僧隨於後。不孝涕泣追呼。終莫能及。計是時已辭養十日矣。

是歲。方亨成爲懋麟畫百尺梧桐閣圖。王崇簡時年七。魏象樞時年六十。

王士禛。徐乾學。陳廷敬。曹溶。李天馥時年四。葉方鵠時年十八等諸名

士。先後題詩寄之。奉簡大宗伯宛平王公時爲余題百尺梧桐閣畫卷兼呈司馬公二首詩集卷十

四之一。小春晴日照新霜。閣外官梅引細香。三歲未曾瞻白髮。前宵重此醉青箱。幸依司馬譚兵久。見說尙書讀易疆。好待閒園親弄鶴。願隨杖履奉清光。之二。曾以狂言邀畫扇。幾回懷袞印仁風。如公吐握懷真少。似我疏慵學未工。當代大名歸謝傳。百年家法屬王弘。敢將夔下勞題句。虛擬龍門百尺桐。

又。邵村侍御爲余畫百尺梧桐閣卷子留京師阮亭先生所且一年一日題詩見寄竝得李湘北葉子吉陳子端三學士題句賦謝二首詩集卷之一。舒州御史判工夫。爲寫梧桐百尺圖。小別清霜經一載。綠陰金井不曾枯。之二。麥光梟尾細摩挲。髣髴新桐引露多。等是一張閒故紙。不知換得幾羣鵝。

魏象樞題汪蛟門百尺梧桐閣圖詩寒松堂詩集卷三。百尺梧桐閣。閣中有一人。讀書秋樹下。閱歷冬及春。司農爲我言自注云請梁玉立先生。汪子志嶙峋。文章追大雅。孝友篤天倫。中心竊好之。欲見惜無因。今年來上國。鳳閣掌絲綸。退食一相過。對之如嘉賓。著書三四卷。調高情彌真。留君共晨夕。歸馬何駉駉。手持方子圖。堂前娛老親。海內息兵火。菽水際良辰。臨歧願有贈。珍重閣中身。

王士禛題汪季角百尺梧桐閣卷二首漁洋續集卷九之一。別館多梧桐。偶此成幽寂。獨向高閣眠。夜聞疏雨滴。之二。百尺高樓上。何人相往還。夕陽海門樹。秋雨江南山。

又。再題梧桐閣卷詩漁洋續集卷九。河漢澹中夜。碧梧陰漸疎。幽人坐高閣。秋色滿嚴居。風竹同蕭瑟。蒼苔倦掃除。數峰江上好。朝夕映琴書。

徐乾學題汪蛟門舍人百尺梧桐閣圖自注云蛟門喜亭韓詩即效其體。韓詩即效其體。七碧山集上。舍人勁挺善長句。穿穴險怪工幽探。瘦蛟怒劈古澗黑。角鷹猛挾秋雲

曇。生平得力在韓杜。傍及蘇陸皆所就。磊落誰屑註蟲豸。跳盪直欲追彪虬。長安五日一沐浴。懶惰閒或稽朝參。軸簾古帖襲香錦。緜几小袖頽雲藍。家山舊有百尺閣。雜植梧翠陰參差。晚涼一陣滴

硯北。朝爽四面來江南。龍眠侍御妙烘寫。搜別借屈窮雕勦。似將

身入袁家渴。頗訝景似松寥龜。君家閣子我舊語。清絕一氣何衍單。有時更倚一層閣。看爾潑墨蟠春蠶。

陳廷敬題汪蛟門百尺梧桐閣圖詩午亭集卷七。別館秀雲木。碧梧散層陰。

高閣與之齊。登茲靜客心。映簾出修枝。開窗面平林。清暉滿瑤席。

含情託書琴。美人獨晤言。舉世難知音。

曹溶方邵村畫百尺梧桐閣卷爲汪蛟門題三首靜揚堂詩集卷四十三之一。湘簾

十二綺疏明。壯歲端居擁百城。滿徑清陰天似水。那能不作鳳凰鳴。

之二。芳馨常隨畫檻斜。涼颺含碧過窗紗。書成熟療文園渴。自有

高柯拂雲華。之三。倪迂著意寫煙巒。添出孫枝翡翠寒。疑是玉臺

清氣象。春來先向此中看。

王崇簡。字敬哉。直隸宛平人。天啓七年。舉於鄉。崇禎十六年。

成進士。居三甲二百九十一名。明年三月。方爲生母營葬。在城外。

遂避難奔金陵。轉徙吳越間。久之始歸。順治三年。授內翰林國史

院庶吉士。特免教習。與修明實錄。尋除祕書院檢討。歷侍讀。遷

國子監祭酒。入爲宏文院侍讀學士。遷詹事兼侍讀學士。以疾請告。

十二年。以刑部右侍郎戴明說薦起原官。尋進吏部右侍郎。轉左。

四二一

十五年六月。遷禮部尚書。十八年。以疾告休。生于萬曆三十年。卒于康熙十七年。年七十七。清詩紀事初編卷五王崇簡小傳稱詩文皆無詭隨之習。為人醇厚。喜從諸名士游。故其出處。人頗諒之。顧炎武擇交最嚴。獨許為有心人。申涵光稱其古道。必有由也。著有青箱堂詩集文

集據汪琬秀文鈔卷二十一太子太保禮部尚書王公行狀徐乾學檀園文集卷三十二太子太保禮部尚書諡文貞王公合葬墓表碑傳集卷九毛際可王文貞公傳魏象樞。字環溪。號庸齋。山西蔚州人。崇禎十五年。舉於鄉。順治三年。成進士。居三甲一百三十四名。選庶吉士。四年。改授刑科給事中。九年。轉吏科給事中。累遷光祿寺丞。十六年。以母老請終養。康熙十一年。母憂服除。授貴州道監察御史。十二月。擢

都察院左僉都御史。十三年二月。遷順天府尹。四月。轉大理寺卿。七月。擢戶部右侍郎。十一月。轉左。十七年。授都察院左都御史。十八年四月。遷刑部尚書。五月。以刑部尚書銜留任。十九年。補刑部尚書。二十三年八月。以病乞休。賜御書寒松堂額。後四年。卒於家。生于萬曆四十五年。卒于康熙二十六年。年七十一。清詩紀事初編卷六魏象樞小傳稱喜吟咏。而詩文皆非當行。好字說引漢關公之

言曰。願天常生好人。願人常行好事。流傳俚語。據為典要。其陋可知。素以理學自負。集中多說理之文。徵君孫鍾元先墓表。可以知其嚮往。與柏鄉魏裔介稱二魏。然屢仕屢已。近乎知恥。視裔介

罷相。尚欲與博鴻之試者。迥然有別。其議論俱近人情。著有寒松堂集據徐乾學檀園文集卷三十一刑部尚書諡徵果魏公神道碑清史列傳卷八魏象樞傳清代職官年表

李天馥。字湘北。號容齋。河南永城人。順治十四年。舉於鄉。十五年。成進士。居三甲一百九名。改庶吉士。十八年。散館授檢討。

康熙十年。遷國子監司業。尋陞侍講。十四年。遷侍講學士。十五年正月。轉侍讀學士。十月。充日講起居注官。十二月。遷詹事府少詹事。十六年。陞內閣學士。二十年。陞戶部左侍郎。二十一年。充會試副考官。二十三年。改吏部左侍郎。二十七年二月。擢工部尚書。十二月。轉兵部尚書。三十年。改吏部尚書。三十一年。授武英殿大學士。三十八年。卒於官。生于崇禎十年正月二十四日。卒于康熙三十八年十月十五日。年六十五。著有容齋千首據碑傳集卷六大夫武英殿大學士兼吏部尚書李文定公天馥墓誌銘清史列傳卷九李天馥傳

葉方藹。字子吉。號訥菴。江蘇崑山人。順治十六年。成進士。居一甲三名。授編修。康熙十二年。充日講起居注官。十四年三月。遷國子監司業。五月。授侍講。十五年正月。遷左庶子。五月。授侍講學士。十六年。轉侍讀學士。十七年五月。充經筵講官。七月。入直南書房。十二月。遷翰林院掌院學士。十八年二月。充會試副考官。召試博學鴻詞。命方藹閱卷。五月。充明史總裁。二十年。遷刑部右侍郎。卒於官。生于崇禎二年。卒于康熙二十一年。年五十四。四庫提要卷一百七十三讀王原祁序稱方藹詩宗蘇陸。文宗眉山。生平服膺王士禎之詩。汪琬之文。實兼有二家之長云云。今是稟不及雜文。而詩則諸體具備。雖未及士禎之秀骨天成。而和雅春容。瀟灑乎盛世之音。與士禎亦各擅其長焉。著有讀書齋偶存稟據清史列傳卷九葉方藹傳清詩紀事初編卷三葉方藹小傳

康禎十六年丁巳 三十九歲
途上聞父如江訃。徒跣奔喪。一月抵里。夜伏苫次。再夢如江。

答三峰碩揆師書文集卷一。及抵廬。夜伏苦次夢先君從廳外來。如行泰山下狀。直入臥內東向立。不孝西向踞。以右手按几。左手撫不孝頂。曰。我前此偶然來。昨亦偶然去。今來視汝。汝不必悲。言訖即去。不孝痛哭驚起。異哉。先君生平固涉獵佛書。實未嘗精浮屠學。而身後固如此。不孝追痛不能忘。因識於書尾。

夏。江都知縣駱雲亦聞母訃。解官去。賦詩作序送之。
送駱雲明府母喪奔里詩詩集卷十五。人惜神君去。吾憐孝子歸。灰心辭墨綬。老淚結麻衣。送米民情見。看菜世態非。期君封樹畢。早晚出嚴扉。

又。又送襲雷詩詩集卷十五。悲歌陟屺欲何依。翻悔當年奉檄非。我亦麻衣二千里。與君相對哭春暉。

送江都知縣駱君雷菴序文集卷二。吾邑令駱君雷菴同年友也。康熙丙辰年冬。來領斯土。廉於守。勤於事。教民循循。若慈母於嬰兒。民悅從其化。明年夏。聞母夫人憂。亟請解官去。大吏欲疏留之不可奪。駱雲。字襲雷。浙江海鹽人。康熙六年。成進士。居三甲一百四名。十五年。任江都知縣。十六年。以母憂解官去。文集卷二送江都知縣駱君雷菴序

不久。汪楫之任贛榆教諭。賦詩并作序送之。
舟次二兄之贛榆學官既作序送之復命作詩得二十八字詩詩集卷十五。曾聽臣慮瀑布還。又看東海海中山。文章日共波瀾闊。天與先生歲月間。

送兄舟次之任贛榆序文集卷二。余兄舟次。時以明經貢於廷司教得贛榆。將抱其經以往。四方聞人。歌詩爲文。祖於郊。：

汪蛟門懋麟年譜初稿

汪楫去後數日按澗堂續集卷六有汪舟次赴贛榆任去後數日余始自南昌歸抵江都不及祖錢悵然無已因賦寄懷四章。孫枝蔚自南昌府歸。懋麟讀其詩藁。即題卷後。枝蔚次韻酬之。

喜約人自西江幕府歸讀其詩藁即題卷後得五絕句詩集卷十五。節度親賢世所無。何妨白首授生徒。縱非就食依嚴武。也算吟詩遇石湖。之二。先生忽漫放船歸。閉置軍門羨水鳧。通德時時關夢想。瘦神久已笑伶玄。之三。入門穉子笑相迎。爛賤時魚可作羹。休道眼從今歲暗。鏡臺前面自分明。之四。十年望宇作比鄰。相見何須轡與巾。君自南行余北向。風塵顛顛兩歸人。檢校行藏好是閒。只須痛飲破衰顏。興來便駕扁舟去。眞賞樓頭看遠山。

孫枝蔚自豫章歸後得汪季角絕句八首次韻奉酬詩澗堂續集卷六。偶去爲師有若無。尋章摘句怪門徒。序文也愛滕王閣。殺氣偏愁彭蠡湖。之二。談笑今爲却病方。何殊破賊手編強。尊前況復聞佳句。味似連珠許飽嘗。之三。歸逢佳節試龍船。誤把騷魂比餓鳧。賢婦應能作菘菜。可人何必問蒼玄。之四。幾客能煩倒屣迎。朱簾人最善調羹。老來難忘林寬處。自喜心如鏡子明。之五。杜老詩中愁太多。文姬拍裏憤如何。但存孟德憐才意。也抵將金馬上馱。之六。亂餘仍此對江天。細話憂愁夜月前。不向□□山下過。誰知顏色□金錢。之七。往日酣呼達四隣。今來相對素冠巾。百年始覺歡娛少。我是羈人爾棘人。之八。文債停催事稍閒自注云季角自讀禮以來久不爲文。歸人轉覺有愁顏。無金可入劉叉手。況敢思量到買山。

既乃汪楫餉懋麟以大魚。以詩答謝之。
得舟次兄贛榆書以海味見餉作書奉報即題紙尾二首詩集卷一。祝

四三三

其書信喜初傳。學舍荒涼海氣連。寄我大魚長數尺。果然堂上有三鱸。之二。雞肥麥熟棗花明。庭外新蟬噪幾聲。飽食便便且高枕。只將此腹示門生。

六月七日。同宗觀。孫默。孫枝蔚。程邃。鄧漢儀。黃雲。陶澂。王賓。華衮。兄耀麟諸人汎舟至平山堂。登眞賞樓。拜歐陽修木主。既畢。乃飲酒堂上。

六月七日汎舟登平山堂作歌同宗鶴問孫無言豹人穆情孝威僊裳汝受陶季仔園龍眉家兄叔定詩詩集卷十五。官湖綠漲明鏡明。疏柳著波花鴨迎。韓紋澹拖四天淨。積雨如漏煙初晴。舊日蓮唐一萬畝。荷花荷葉枝交橫。紅衣翠裳儼行列。弄色直與浣女爭。奈何一夕盡顛顛。

光景似已聞秋聲。洪濤之苦甚肅殺。遂令君子遭煎亨。顧此歎息掉船去。步履且向山頭行。山頭高堂敞雲際。類視萬壑何其清。周遭竹木竟不暑。況有井水堪酌傾。眞賞樓中坐六一。狙豆只可眉山并。後賢不敢妄窺覲。挪揄何物空彭亨。諸公大笑急命酒。酒柝落手千憂輕。山川勝槩本文賦。詎料征戰奔颺颺。李全昔日此高會。長槍雙拂爲懸旌。登門既塞淖中陷。楊氏涕落黎花名。君不見范葵義氣至今在。牧馬荃叫西門城。

孫枝蔚汪季角舍人與令兄招同程穆情鄧孝威宗鶴問陶季深華龍眉范汝受王仔園家無言汎舟至平山堂登眞賞樓樓有歐陽公木主與諸子展拜既畢乃飲酒堂上各賦七言古詩一首時予初歸自豫章幕中登覽唱和之樂二年來所未有也詩集卷六。去作豫章老學究。堂甫落成樓未搆。歸逢內閣賢舍人。云樓可登井可漱。折簡忙邀十日前。着履緩當一

雨後。荷花將放荷葉焦。如夏賣妓之長袖。對此使我感炎傷。亂世蛟龍習戰鬪。高處忽令懷抱寬。隔江山色青如舊。古人亦賴文章力。盛名不隔往來宙。煬帝何曾有宮殿。歐公儼若在左右。至今眞賞迹仍留。坐久何勞笙歌侑。諸君努力爭千秋。如歐繼韓爲時救。授徒自笑如劉昆。但烹瓠葉充狙豆。

宗觀。字鶴問。江蘇江都人。明主事名世之孫。以江寧籍中副榜。爲貴池學官。數年復遷常熟。皆以師法爲四方所稱道。觀性敏好古勤學。尤長於詩。而襟懷曠朗。不問家人生產。故其詩蕭疏幽雋。近於韋柳。新城王士禛甚愛賞之。生平篤於朋友。以問學相取。吟詠之外。即無所與謀。年七十餘。卒於常熟。有詩文集各數十卷。藏於家。從弟元鼎。亦以詩名。江都縣志卷二。十三人物文學。

晚夏。避暑於平山堂。時攜杜韓蘇陸四家集。方事評選。

避暑平山堂漫興十二首詩集卷十五之一。眞賞樓中一瓣香。文章千古拜歐陽。二年心事今纏了。大叫先生醉萬場。之五。長日觀書或欠申。

槐安游戲好逡巡。請看六尺琉璃簾。便是羲炎以上人。之九。法本廬山此六時。數聲清梵聽來遲。老夫也有閒功課。纔了文書又詠詩。孫枝蔚汪季角避暑平山堂之眞賞樓次宗鶴問韻奉寄詩詩集卷六有六首之三。縱不能詩不恨曾。文章經術有師承。若論肥瘠麻姑爪。豈獨

昌黎與少陵。自注云季角携杜韓蘇陸四家集於山中方事評選。

尋陶澂訪懋麟於山中。

山中四首詩集卷十五之一。清晨正葛巾。斂衽讀曲禮。古人謹微細。所以束四體。我友忽入門。自注云謂陶季。東階穎先稽。茗粥一飽共。細歡甘

勝齋。山居鮮供給。蔥漆無次第。忘形辭絮羹。煩苛姑且洗。

八月十三日。金鎮時來揚州攝兩淮都轉事祀歐陽修於平山堂。招客宴飲。懋麟偕程

邃。杜濬。盛符升。鄧漢儀。方亨咸。徐乾學。宗觀。華麥。許承家。

黃雲。兄耀麟。李柟時年三十一。孫默。孫枝蔚等與焉。

孫枝蔚觀察金長真以丁巳八月十三日祀歐陽子於平山堂招客賦詩予

亦與焉詩限體不拘韻自注云同程穆情杜于皇盛珍示鄧孝威方邵村徐原一

臣劉彥度趙聲伯家灑堂續宗鶴問華龍眉許師六黃仙裳汪叔定季角李倚江王翰

無言賓主共十九人詩集卷六。古人既已往。接踵賴後賢。子輿訓尙友。

子長願執鞭。歐公守此郡。惠政到今傳。當時宴飲處。遺蹟留平山。

平生勤爲文。吾徒費仰鑽。如稷勤於農。冥勤於水官。千戈尙滿眼。

文教廢多年。山堂久已毀。祀典誰相關。當途實不遑。書生徒慨然。

繼起惟金公。瓣香何其虔。構堂復築樓。木主設中間。思齊誠無怠。

化俗亦有權。重來攝鹽政。俎豆最拳拳。日聞古名臣。英靈長在天。

雖當人代換。魂魄戀山川。勝友況雲集。文詞總翩翩。迎神神所喜。

曠世成周旋。祀畢還觴客。令名各勉旃。

盛符升。字珍示。號誠齋。江蘇崑山人。康熙三年。成進士。居三

甲一百四十五名。官內閣中書。官至廣西司御史。未詳終年。著有

誠齋詩集文集據國朝詩人徵略卷七清詩紀事初編卷三盛符升小傳

李柟。字木庵。一字倚江。江蘇興化人。明主事清之子。初名葉。

後改今名。康熙十二年。成進士。居三甲六十八名。改庶吉士。散

館授檢討。二十二年。遷中允。二十三年。丁父憂。二十六年。服

闋。補原官。二十八年四月。遷侍講。六月。轉侍讀。二十九年。

遷庶子。三十年八月。遷侍講學士。十一月。擢內閣學士。三十四

年。擢工部右侍郎。三十五年十二月。授浙江學政。中途聞母訃回

籍。三十七年十二月。補工部右侍郎。尋轉左。三十八年九月。調

戶部左侍郎。三十九年二月。充會試副考官。六月。擢左都御史。

四十三年十月。以老病乞休。尋卒。生于順治五年。卒于康熙四十

四年。年五十八。著有大遠堂奏議文集。藥圃詩集。律例集解據國

獻類徵初編卷五十八引國史館本傳揚州府志卷四十八人物三

時友人夏九敘舉於鄉。以詩賀之。

喜次功舉省試卻贈二首詩集卷之十五。忽有登科信。初聞涕滿裳。美

名原藉藉。舊業久茫茫。匿卷孤舟上。低顏估客旁。紛紛謹燕雀。

誰卜此高翔。之二。蛇年還省試。虎試擁羣才。盡道文章賤。安知

天意回。馬卿曾入粟。楊子亦須媒。不是逢倉擗。驂驢路豈開。

冬。游白田。時喬萊服闋將北上。以詩送之。

冬日放舟白田送子靜之京詩詩集卷之十五。雲意作雪北風吼。逆浪牽船篙

澀手。天明振柁邵伯湖。日午始見露筋柳。官河冬乾行見底。河水

一石泥數斗。急行胡爲逐估船。衝寒念我遠行友。我友停車且遲發。

我有一言勸君酒。上林此去非舊羣。蛾眉久厭吾徒醜。但舉故事真

陳人。慎勿揚揚易開口。君學東方且游戲。獨操大筆同敝帚。詞頭

如山一眼過。問事寧須鑿窗牖。平津虛已舊相識。此際尤稱才絕偶。

鴻鵠高翔會有時。我自張眸倚田畝。朱彝尊翰林院侍讀喬君墓表

曝書亭集卷七十三。以父老請歸終養。尋丁憂。居喪盡禮。服除。補原官。

歲暮。嚴我斯。車萬育。過飲見山樓。

就斯學士同車與三給諫過飲見山樓夜出東城明日以詩見投依韻奉答
詩詩集卷十五。城東燈火常如晝。帶醉呼船路不紆。八尺玉山何磊落。

一枝邛竹最清癯。若言應有君都有。卻媿當無我未無。祇益龍鍾三十過。不辭最後飲餘酥。

嚴我斯飲蛟門見山樓下即事賦贈詩尺五堂詩刪近刻卷一。竹西城外三冬盡。文

選樓開一徑紆。石過向人偏嫵媚。梅花入座太清癯。閑吟剩有書巢穩。壯志能消錦瑟無。自注云蛟門有錦瑟詞。拚得平原留十日。春盤細細酌屠蘇。

車萬育。字與三。號雲崖。又號鶴田。湖南邵陽人。康熙二年。舉於鄉。三年。成進士。居三甲八十四名。改庶吉士。在館時。受知

於熊賜履。五年。散館。授戶科給事中。十五年。充會試同考官。以病請假。丁外艱。服除。補兵科。升掌印。罷官後。卜居金陵。

日與二三老友吟風弄月。熊賜履題其齋曰尋樂處。著有懷園集杜詩。歷代君臣交徵錄等國朝耆獻類編卷一百三十四熊賜履撰車萬育墓誌銘。

旋車萬育招懋麟偕嚴我斯等集飲寓齋。

與三給諫招同就斯學士劉彥度湯石臣飲寓齋即席得煨五深栝醉不辭之句各足成一首詩詩集卷十五。寒盡江城雪下遲。凍雲挾雨不成絲。吳

頭楚尾還淺淺。綠酒紅盧且歲時。汲黯諫書心最切。宣公制草涕堪垂。羞余布帽真無補。煨五深栝醉不辭。

嚴我斯車鶴田寓齋同蛟門集飲予偶倡首句率爾成詩尺五堂詩刪近刻卷一。煨五深栝醉不辭。況逢我友話心期。美人莫漫傷遲暮。客子何曾怨別離。

不合時宜聊縱酒。未能免俗尚論詩。憑他亭尉相詞急。廿四橋邊卸接離。

十二月二十九日。大雪。懋麟饋嚴我斯以酒肴數器。嚴我斯報以蘭茗蓮粉。相與賦詩答謝。

除夕前一日大雪就斯學士以蘭茗蓮粉見餉口占奉答詩詩集卷十五。大雪送殘年。登樓望渺然。千林明檻外。一鳥避簾前。歡茗烹蘭葉。翻匙試粉蓮。已珍方味美。沉出剡谿船。

嚴我斯雪中蛟門見貽酒肴數器報以家蔬蓮粉并附長句詩尺五堂詩刪近刻卷一。凍雲壓城飢鳥號。雪片如掌打城壕。客子推篷兀然坐。仰天大笑飛

鵝毛。長鬚何來岸上立。手提酒榼如懸猿。花豬好肉細作膾。淮魚鮮美蟹帶糟。新炊籠餅白如雪。那數堆盤蒸肥羔。老饕對此神先往。

飽餐大嚼忘爬搔。季蔚酒肉那不喫。感君知己今賢豪。此時君卧百尺樓。枯桐崢嶸掩蓬蒿。手拈險韻看日戰。聳肩搖膝頤香醪。家國

筍脯兼花醬。蓮粉細膩離前熬。此物頗可充燥吻。題詩封寄醒醪陶。來朝乘輿倘相訪。暫借城東水一篙。

是歲。王士禛定十子詩略。刻之。十子者。宋鑾。王又且。曹貞吉。顏光敏。葉封時年五十五。田雯時年四十三。謝重輝。丁燦。曹禾。懋麟也。

漁洋山人年譜卷上康熙十年。是年宋牧仲鑾。王幼華又。曹升六吉。顏修來光敏。葉井叔封。田子綸雯。謝千仞重。丁鴈水燦。曹頌嘉禾。

汪季角懋麟。皆來談藝。先生為定十子詩略。刻之。

郎潛紀聞二筆卷五下十條。汪蛟門懋麟。田綸霞雯。宋牧仲鑾。曹頌嘉禾。丁鴈水燦。顏修來光敏。葉井叔封。曹升六貞吉。謝千仞重輝。同稱詩輩下。時號十子。亦見亞谷叢書。

清詩紀事初編卷六謝重輝小傳。少工詩。與同里田雯同官京師齊

名。王士禛選金臺十子詩。兩人與焉。：

葉封。字井叔。一字慕廬。本浙江嘉興人。寓黃州。順治十四年。

舉於鄉。十六年。成進士。居二甲三十二名。康熙二年。除延平府

推官。十四年。遷西城兵馬司指揮。十七年。舉博學鴻詞。十八年。

報罷。需次補部主事。歸里。二十一年。再至京師。未幾又歸。往

來杯湖退谷之間。自號退翁。二十六年。卒於家。生于天啓三年十

二月十六日。卒于康熙二十六年五月一日。年六十五。封性澹泊。

無紛華之好。惟嗜讀書。尤精爾雅說文訓故。兼工詩書。著有嵩山

詩集。嵩山志。嵩陽石刻集記。已庚詩。鄂中懷古詩等。皆王士禛

所論次也。碑傳集卷五十九王士禛誥授奉直大夫。工部處衡清吏司主事葉封墓誌銘。

田雯。字綸霞。號蒙齋。別號山薑。山東德州人。康熙三年。成進

士。居二甲四名。由內閣中書舍人。歷戶部福建司主事。雲南司員

外郎。工部營繕虞衡二司郎中。九年。充江南學政。歷官光祿寺少

卿。大理寺寺丞。鴻臚寺卿。二十六年。授江蘇巡撫。二十七年。

改貴州巡撫。三十年。以憂免。三十二年。服除。授刑部右侍郎。

尋改左。三十六年。充會試副考官。三十八年六月。遷戶部右侍郎。

九月。轉左。四十一年。引疾歸里。生于崇禎八年九月二十三日。

卒于康熙四十三年二月二十三日。年七十。著有古歡堂集碑傳集卷十九周彝

通奉大夫戶部左侍郎田公。受神道碑銘清代職官年表。

謝重輝。字方山。一字千仞。號杏村。山東德州人。以父陞起家。

官刑部郎中。引疾歸。博雅好古工詩。與侍郎田雯齊名。為王士禛

所推。名在康熙十子中。著有杏村詩集清史列傳卷七十七文苑傳。

汪駁門懋麟年譜初稿

丁燁。字瞻汝。一字鴈水。福建晉江人。順治八年。補縣學生。十

一年。就定遠大將軍鄭世子幕下試。授漳平教諭。歲餘改魯山丞。

遷知獻縣。擢戶部主事。遷員外郎。除兵部武選司郎中。尋出為江

西分巡贛南道。康熙二十五年三月。遷湖北按察使。二十七年二月。

以事謫降。後補姚安知府。尋復按察使。赴關道病目假歸。數年卒。

燁刻意為詩。在京師所交皆一代詞伯。王士禛。施閏章。評定其集。

著有問山詩集。文集。紫雲詞碑傳集卷八十一。陳壽祺丁燁傳。

康熙十七年戊午。四十歲

居廬。

正月十七日。詔曰。一代之興。必有博學鴻儒振起文運。闡發經史。

以備顧問。朕萬機餘暇。思得博通之士。用資典學。其有學行兼優。

文詞卓越之士。勿論已仕未仕。中外臣工各舉所知。朕將親試焉。清史

六聖祖。於是。兵部尚書王熙時年五十一。工部尚書陳敷永時年四十六。以懋麟

本紀一。懋麟以未終制力辭不赴。

上兵部尚書王公書文集卷一。：今天子下明詔舉文學。閣下不遺葑菲。

采及懋麟。列名入告。聞之惶駭。莫知所云。天下之才多矣。出閣

下之門與先後作屬吏者。無慮數百輩。而獨取至愚極陋平昔疏賤之

士。不知為懼為媿與為感也。又。若竟衰裳入朝希心榮進。恐負大

君子知人之明。竝累國家慎選人材之意。禮子有父母之喪。君命三

年不過其門。所以教孝也。記曰。君子不奪人之親。況非金革之事。

敢悖禮以為利乎。懋麟以此旁皇終夜。違詔旨辜盛德滋懼。冀大人

先生憐其不得已之情。而察此心勤勤欲報者。尙自有日使得終小

四二七

之喪。畢先人之丘墓。然後歸報於下執事。則成我之恩。甚于知我矣。：

上工部尚書陳公書文集卷一。：春初伏讀詔旨。知朝廷廣探文學之士。

用備顧問著作之選。四海欣欣拭目以賀得人。繼覽諸公卿薦疏暨中外所舉。被徵者若干人。不才如慙麟。亦重辱閣下與大司馬王公之知。疏名入告。不謀而同。踧踖羞懼者累日。即擬齋沐。奉書兩閣下。具述所以不敢赴召之意。：

王熙。字子雍。一字胥廷。號慕齋。崇簡子。十五歲。為諸生。順

治三年。舉於順天鄉試。四年。成進士。居三甲四十六名。改庶吉

士。習滿書。六年。散館授檢討。歷官至順治十八年。由弘文院學

士授禮部左侍郎。康熙五年。擢左都御史。七年。遷工部尚書。十

二年。轉兵部尚書。十七年。丁父憂。二十一年。授保和殿大學士。

四十年九月。以患病乞休。以原官致仕。卒於家。生于崇禎元年七

月八日。卒于康熙四十二年正月二十七日。年七十六。著有王文靖

公集碑傳集卷十二韓炎子告光祿大夫少傅兼太子太傅保和殿大學士兼禮部尚書加六級諡文靖王公熙行狀。

陳敬永。字學山。浙江海寧人。順治十二年。成進士。居三甲四十

三名。康熙七年。由祕書院侍讀學士遷內祕書院學士。十年。遷吏

部右侍郎。十一年。轉左。十五年。擢左都御史。十六年。遷工部

尚書。十七年。致政。生于崇禎六年。卒于康熙二十年。年四十八

清代職官年表

上元後。雨中借喬萊。陳鈺。宴飲見山樓。

上元後雨中同子靜冰壑飲見山樓詩詩集卷十六。細雨散春鏡。高樓入夜

登。風威搖燭。霧氣奪星能。埜韭和蔬藟。湖魚共餅蒸。不須絲管奏。清論正騰騰。

正月二十三日。王士禛以詩文兼優著特旨授翰林院侍讀。

漁洋山人年譜卷下康熙十年條。正月。奉旨召對懋勤殿。明日諭內閣。

戶部王士禛詩文兼優著。以翰林官用。改侍讀。未任轉侍讀。年譜

引召對錄。康熙丙辰。某再補戶部郎中。居京師。一日杜肇余錄閣

學謂予曰。昨隨諸相奏事。上忽問今各衙門官讀書博學善詩文者孰

為最。首揆高陽李公對曰。以臣所知。戶部郎中王士禛其人也。上

領之曰。朕亦知之。明年丁巳六月。大暑輟講。一日召桐城張讀學

入。上問如前。張公對郎中王某詩為一時共推。臣等亦皆就正之。

上舉士禛名至再三。又問王某詩可傳後世否。張對曰。一時之論。

以為可傳。上又領之。七月初一日。上又問高陽李公。臨胸馮公。

再以士禛及中書舍人陳玉璫對。上領之。又明年戊午正月二十二日。

遂蒙與翰林掌院學士陳公同召對懋勤殿。次日。特旨授翰林院侍讀。

二月五日。與王賓。喬萊。夏九敘。兄耀麟。登平山堂。晚過許承家

溇園小酌。

二月五日同仔園子靜次功叔定家兄登平山堂晚過師六溇園小酌因懷

力臣同用春字得二首詩集卷十六之一。及此清游趁淺春。園花隄草尚因

循。一年最好二三月。千日難逢四五人。入寺聞鐘添道氣。當山對

酒喜閒身。佗時會老堂中約。此會先來醉百巡。之二。傍水園林挽

去人。提胡喚我語何真。接天翠竹鄰家少。繞閣紅梅雪後新。客不

待招公入坐。月當初見倍生春。遙憐騎馬東華路。草綠池唐引夢頻。

二月三月之交。自揚州發。爲蘇杭之游。

上巳。舟過常州。訪曹禾不遇。

上巳舟過常州訪頌嘉不值作書約過吳門即題書尾詩詩集卷十六。蘭陵城下逢寒食。岸柳谿桃作禁煙。大索故人思晝飲。竟虛舊約放春船。

趨朝見說攜雙妾。悵別何期忽五年。肯向吳閭重握手。徐家亭子好

林泉自注云謂原一花谿

尋抵蘇州。先游吳縣。

清明後不久。冒雨過堯峰。訪汪琬時年五十五皆山閣。

冒雨過堯峰訪家苕文兄六首詩集卷十六之一。四天陰氣十分濃。顛顛殘

春似病容。兀坐武丘殊不耐。衝風冒雨向堯峰。之二。吳中小別九

年光。略約紅桃與綠楊。忽見橋頭舊亭子。看梅曾此渡橫唐。之三。

靈巖東去一峰孤。信有川原抵畫圖。共道吾兄此通隱。著書久已號

潛夫。之四。見說交章競薦雄。天書曾否到山中。廟堂一紙爭傳笑。

拍手而今起鈍翁。之五。青門猶記送君回。八度寒暄一笑開。問我

麻衣何故出。尋山兼爲索碑來。之六。皆山閣外百重山。禪榻香盧

日日間。用意直教人妒煞。莫嫌剌啄擾柴關。

汪琬。字茗文。又字鈍菴。號鈍翁。江蘇長洲人。順治十一年。舉

於鄉。十三年。成進士。居二甲四十六名。自戶部福建司主事。分

司大通橋。歲滿。進雲南司員外郎。尋改刑部河南司。遷山東司郎

中。十八年。以奏銷案降北城兵馬司指揮。轉戶部山西司主事選權

江寧西新倉。康熙九年。以疾假歸。結廬於堯峰山。閉戶著書者九

年。十八年。舉博學鴻詞。授翰林院編修。與修明史。在史館六十日。

汪蛟門懋麟年譜初稿

撰史粟百七十五篇。杜門稱疾者一年。以病免而歸。二十九年十二

月十日。卒。生于天啓四年。卒于康熙二十九年。年六十七。四庫

提要卷一百七十三稱琬性狷急。動見人過。交遊罕善其終者。又好詆

詞。見文章必摘其瑕類。故恆不滿人。亦恆不滿於人。與王士禛爲

同年。後舉博學鴻詞時。乃與士禛相忤。其詩有區區誓墓心。豈爲

一懷祖句。以王述比士禛。士禛載之於居易錄中碑傳集卷四十五陳廷

墓誌銘清史列傳卷七十文苑傳

清詩紀事初編卷三汪琬小傳

百城烟水卷二吳堯峰。在橫山西南相傳堯時吳人避水於此按實南朝

耕於此并有歷山之名

又卷二。御書閣。在堯峰之麓。爲汪鈍翁先生讀書處。舊名皆山閣。

復稱歸來閣。甲子康熙二十三年冬。大駕南巡。御筆臨董其昌書以賜。因

供奉閣中。遂改今名。

由是懋麟屢偕諸友吳麀王過王氏皆山閣。

按。詩集卷十六有同仁趾過苕文兄皆山閣。同苕文兄咸中仁趾登堯

峰避雨湘雲館晚霽望太湖諸山等詩。

繼而過王申筍別業石隴山房。

過王咸中別業詩詩集卷十六。籬門卻喜對山開。略約沿谿長綠箔。石屋

半間花歷亂。紗窗六扇水濼河。豈因北郭逃名早。還爲東鄰聽講來。

王謝弟兄多俊朗。似君尤是不羣才。

王申筍。字咸中。江蘇吳縣人漁洋山人精華錄訓纂卷八下遜

汪琬石隴山房記堯峰文鈔卷二十三。吳中石之美者。如太湖嶺村之屬最著。

以堯峰文石爲甲。泉之美者。如武丘法雨七寶齋之屬最著。又以

堯峰乳泉爲甲。故吾吳游者莫不盛推堯峰。尤西山幽絕處云石隴。在堯峰之麓。：又加以竹樹之美。華藥之勝。雲霞煙靄出沒之奇麗。悉與泉石相映帶。王子咸中愛之。遂築別業。讀書其間。暇即探泉源窮石脉。極其登學所至而休焉。

在堯峰。過繼起禪師塔院。以詩弔之。

過繼禪師塔院詩以弔之詩詩集卷十六。重訪堯峰舊講壇。一枝木筆正蘭

干。眼前神駿思支遁。坐上清言憶道安。塔院雨來春色暗。影堂燈

閃棟雲寒。遺書疊在巾箱裏。寂寞宗風未忍看。自注云師嘗。余手扎尙新。

揚州府志卷五十四人物。南嶽和尚退翁者。名宏緒。字繼起。興化

人。雖爲僧以忠孝爲志。數爲人排大難。嘗被連染義士救之得脫。

好事如故。熊開先自蠻中歸聞其名依之爲執爨。宏緒一見曰。是非

常人。既而有識之者曰熊魚山也。：晚主南嶽福嚴寺。吳人惟恐失

之。復迎以歸。年六十九。卒於靈巖。著有靈巖樹泉集。孝經箋說。

百城烟水卷二吳縣藝。順治間。繼起儲禪師復建單傳殿。南岳大宗

堂。康熙壬子年十一。師示寂。諸弟子建師骨塔於其上。

入蘇州六日後。抵崑山縣。徐乾學館懋麟於花谿別業。與徐氏門人

翁嵩年時年三十二定交。

重襖閣記文集卷三。入吳冒雨游西山。六日而還。健菴徐子館余花谿之

上。谿在郡東一隅。廣數十畝。蕭遠閒曠。相傳載顛攜雙柑斗酒。

聽黃鸝聲。即其地。董尚書其昌書其石於門。谿前後有堂。有室。

有樓。夾於谿之間者。有讀書之屋。分谿之支爲池。池上有軒。軒

側有廊。其他溫房與室爲賓客之館者。不可數計。踞谿之上者爲石

山。山之西獨峻。升高而望。凡吳中諸山。余遊迹所歷。不啻乎人家草木者。一一可指而數也。：

又。淨業堂詩序文集卷二。康熙十七年戊午暮春。來游於吳。徐子健菴

館余花谿之上。識其門人翁子康餘。：

翁嵩年。字康餘。號羅軒。浙江仁和人。康熙十一年。舉於順天鄉

試。禮闈婁不第。就武義教諭。二十七年。成進士。居二甲十四名。

三十三年。授戶部山西司主事。三十六年。陞本部四川司員外郎。

未任。丁母憂。三十八年。服闋。補雲南司。三十九年。陞刑部廣

西司郎中。四十一年。督學廣東。三年秩滿。不復出。卒於家。生

于順治四年九月十一日。卒于雍正六年正月十日。年八十二。著有

淨業堂詩集神傳集補卷十七張廷玉奉直大夫原任。廣東學政按察使司僉事翁公墓誌銘。

時牡丹盛開。入夜雨大作。徐乾學大召賓客。劇飲達曙。席上懋麟與

翁嵩年訂杭州之游。

客原一贊善花谿時牡丹盛開張幕置酒酌余曰花爲舍人開也余慙斯語

歌以謝之詩詩集卷十六。暮雨廉纖密如織。綠墮紅欹總無力。只有花谿

谿上花。承露搖煙弄顏色。九華帳裏陳夸光。五溫湯中眠合德。擅

品最數姚家黃。竊名卻笑劉家黑。直教未婢視玫瑰。更把花奴拋擔

蔔。當風競舞搖錦帶。對燭增妍挂珠勒。香兒雪面臨鏡圓。徐妃粉

黛迎簾側。先開漸落如墮馬。半卷纔舒似鉤弋。紫鳳將翔故刷翎。

青鸞欲戲還鋪翼。臨池妒煞雙鴛鴦。隔檻驚回兩鸚鵡。唬鶯語燕爭

流連。蜜蠶粉蝶相欺侮。藥重不上嬌女頭。香清只許平章得。果然

富貴能駐顏。不信繡華遂傾國。寄語東皇好護春。開元寺裏句能新。

主人特設青油幕。敢謂含芳待舍人。

淨業堂詩序文集卷二。時牡丹盛開。入夜雨天作。健菴燒燭命酒。劇飲

達曙。翁子從坐上時左右余。聞將之杭。唯唯去。比至已先期待焉。

閏三月三日。徐乾學置酒招客。懋麟同冒裏。吳綺。吳麐諸人與焉。

閏三月三日同巢民園次原一毅梁仁趾飲花谿石上即用花谿爲韻各賦

二首詩集卷之一。春歸渾似欲還家。卻借東風補物華。細雨可憐新

閏月。暝籟無賴舊殘花。一間小閣當山正。三面行栝逐水斜。獨我

醉眠差不遠。簾紋沈篆隔窗紗。之二。玉藥沿谿放得齊。畫樓檣榜

喜新題。黃羅包處初嘗果。白墮來時好聽鶻。高致自然堪景戴。狂

名敢謂欲攀嵇。看花十日忘歸去。無復人間錦繡谿自注云時築景戴樓

冒裏閏上已蛟門招同蘭次仁趾兒子嘉穗嚮泛花谿即限花谿二韻詩

同人集卷八戊之一。春暮何期春轉除。更逢麗日鬪芳華。蘭亭却是

徐陵宅。鷗鳥仍如汪藻家。踏去青鞋深碧草。看來綠戰錢桃花。衣

香十里三塘外。鐵騎喧闐遍水涯。之二。戴顓曾此聽黃鸝。我輩來

遊即會稽。拔地嶺山環鏡水。媚人蘭芷秀幽谿。昔年芳讌懷師友

自注云憶乙巳阮亭先。遙想荒園數草夷。浩蕩春情風日美。幸于此地

得攀躋。

重裋閣記文集卷三。徐子因閣於其顓。將落。適閏三月三日置酒召客。

浮栝於谿。詠詩於閣。

閏三月末。入杭州。梁允植時官錢塘知縣懋麟於吳山西爽閣。

初寓吳山西爽閣雜詠十二首詩集卷之一。迎山晴鳥向人呼。娥媚斜

陽似此無。喜煞小樓屏障礙。一方明鏡是西湖。之四。積燼初破日

中時。畫艇如梭柳外移。聽說銀鱗長一丈。回棹齊撒放生池。

藤塢詩集序文集卷二。梁子治涓治錢唐之七年。余始挈舟來游。治涓埽

吳山西角小樓。館余其上。山周遭樹木叢密。寺觀櫛比。獨缺其西

一面。適與湖接。而樓直類其下。治涓初治縣。無歲不以書招余。

余不得至。至是不復望而余來歡甚。：

乾隆杭州府志卷十三山川府。吳山。在府城內西南隅。舊名胥山。

山上有子胥祠。唐元和十年。刺史盧元輔作胥山銘。吳人祠子胥于

山上。因名。圖經云。春秋時爲吳南界。故名吳山。或曰。以子胥

譎伍爲吳也。自鳳凰山而來。跨據城中。其上左江湖。俯視則六

街九陌。宮司駢宇。三十里城郭在指顧間。杭州爲全浙都會。而茲

山又一郡雄鎮也。城南隅諸山蔓衍相屬。總曰吳山而異其名。

閏三月二十九日。偕吳麐。翁嵩年。由清波門入舟游西湖。是日。繫

舟湖上。游南屏山淨慈禪寺。晚過湖心亭。夜宿舟中。

閏三月晦日喜晴由清波門入舟游南屏淨慈寺晚過湖心亭飲宿舟中詩

詩集卷。：重陰喜初破。快如賊圍潰。幽懷甚渴饑。爬搔那能耐。

十六。振策沿清波。烏榜酒先載。南屏積翠開。濃溼轉多能。：小亭幾枝

柳。迎舞我所愛。何意優鏡中。有此好眉黛。臨流聞玉蕭。頤色漸

暖曖。人物此俱寂。只與兩峰對。

游西湖南北諸山記文集卷三。游之日。始閏三月二十九日已巳。迄四月

十五日甲申。實康熙十七年戊午。同游者爲吳子仁趾。翁子康館家

羣從諸昆弟。導余以舟輿者。實知錢唐事梁君治涓之力。是宜書。

咸淳臨安志卷十八郭。城西錢湖門。清波門俗呼。豐豫門舊名浦。

錢塘門。

西湖遊覽志卷三南山勝蹟。清波門外。沿城而北。舊有聚景園。仙姥墩。並廢。又西南過長橋爲南屏山淨慈禪寺萬工池。

杭州府志卷十四山川二錢塘縣上。南屏山。在縣西南三里。峯巒聳秀環立若屏中。穿一洞上有石壁刻宋司馬光書。北有淨慈寺。

又卷二十九塘縣上。淨慈禪寺。在南屏山。

又卷二十六古蹟四餘杭縣。湖心亭。在南湖中。望洞霄諸峰若列屏幃。春時水發。亭勢若浮。

夏四月一日。游靈隱寺。登飛來峰。憩冷泉亭。又登北高峰。歷下天竺靈山教寺。中天竺天寧萬壽永祚禪寺。上天竺靈感觀音寺。晚入舟小泊孤山。再宿湖心亭。

四月一日游靈隱寺飛來峰憩冷泉亭上韜光登北高峰還歷三竺晚際入舟小泊孤山再宿湖心亭詩集卷十六。陽彩匿已久。鬱積成初炎。清晨升籃輿。霧氣熏且霑。取徑造古寺。望見飛來尖。三竺取次得。

勝覽茲辰兼。所惜逢俗僧。令我游意厭。日腳未到地。已見湖上帘。橫舟孤山下。晚飯亨鼓鹽。復此亭上酌。山翠飛雕檐。明星齊熠燿。

可以當新蟾。湖光畫盡貧。夜色人所廉。獨攬兩湖秀。此樂余何謙。

杭州府志卷二十九寺觀二錢塘縣上。勅賜雲林禪寺。在北高峰下。舊名靈隱寺。元明興廢不常。今寺則國朝順治時僧宏禮所重建也。

又卷十五山川三錢塘縣中。飛來峰。在靈隱山東南。亦並靈鷲峰。靈隱山青巖。晉咸和中有僧登之嘆曰。此是中竺靈鷲山之小嶺。不知何年飛來。

又卷十五。北高峰。即靈隱山最高處。石磴數百級。曲折三十六彎。

奇勝與南高峰相埒。在靈隱寺後。山上有塔。唐天寶中建。高七級。又卷二十九寺觀二錢塘縣上。下天竺法鏡寺。在韓鷲山麓。晉僧慧理建。

寶祐二年。賜天竺靈山教寺額。元末燬。明洪武間重建。乾隆二十七年。皇上賜額曰法鏡寺。

又卷二十九。中天竺法淨寺。在稽留峰北。隋開皇十七年。僧寶掌從西來入定建立道場。洪武初。賜號中天竺禪寺。正德間燬。嘉靖重建。乾隆三十年。皇上南巡。賜法淨寺額。

又卷二十九。上天竺法喜寺。在北高峰麓白雲峰下。慶元間。改天臺教寺。理宗御書廣大靈感觀音教寺八字。國朝順治十七年。不戒于火。僧德水重建。乾隆十六年。今上南巡。御題門曰法喜寺。

又卷十四山川二錢塘縣上。孤山。縣西二十里。外湖之間。一嶼聳立。傍無聯附。爲湖山絕勝處。亦曰孤嶼。又名瀛嶼。宋處士林逋隱居于此。舊多梅爲連手植。梅徑猶存。去舊治四里。湖中獨立一山。人多留題。紹興十六年。建四聖延祥觀于此。山坦平綿邈。與寶石諸山隔湖相望。

四月二日。由法相院。經石屋洞。上煙霞洞。涉九谿。十八磡。至理安寺。度嶺失道。尋真珠。虎跑。甘露諸泉。憩甘露僧舍。

二日由法經石屋上煙霞涉九谿十八磡至理安寺度嶺失道尋真珠虎跑甘露諸泉即憩甘露僧舍詩集卷十六。初徑入南山。已覺巖壑僻。北山固聳秀。光景似莫敵。茲山富草木。老松足千尺。修竹幾萬箇。

固聳秀。光景似莫敵。茲山富草木。老松足千尺。修竹幾萬箇。

固聳秀。光景似莫敵。茲山富草木。老松足千尺。修竹幾萬箇。

固聳秀。光景似莫敵。茲山富草木。老松足千尺。修竹幾萬箇。

固聳秀。光景似莫敵。茲山富草木。老松足千尺。修竹幾萬箇。

清陰覆崖石。法相隱真僧。耳長聞過額。歸路尋名泉。謬說一嶺隔。豈意行失道。幾罹豺虎尾。綫路緩狄爭。僅受履一隻。伏行達前山。履險仗斯役。出林逢老僧。神灑始漸獲。燒荀兼剝豆。飽食定魂魄。從容別滋味。子細審泉脈。吾倦欲一眠。繩牀借經籍。

杭州府志卷二十九寺觀二錢塘縣上。法相律寺。即法相院。在南山。吳越

王建。舊名長耳相。宋大中祥符間改今額。萬曆三十五年重修。

又卷十五山川三錢塘縣中。石屋洞。在南高峰下。水樂洞後。洞色蒼翠。

其竇深窈。若螺形。直下極底有泉。大仁院後有石菴天成。曰石屋洞。其洞後又一洞。曰蝙蝠洞。

又卷十五。烟霞洞。在縣西一十六里。中有石刻羅漢。旁有佛手岩。

又卷十六山川四錢塘縣下。九溪。在縣西南十二里。衆山之泉。環流于此入江。在烟霞嶺西南。通徐村出大江北流達龍井。

又卷十六。十八澗。在龍井山西。步司左軍寨後路通六和塔。澗谷

實繁。離爲十八。合爲一源。與九溪接其地。山勢兩行。直趨江上。

泉石清幽。視兩峰三竺。別一奇境。

又卷二十九寺觀二錢塘縣上。理安寺。在南山十八澗。古涌泉禪院。亦名

法雨寺。吳越王建。宋理宗爲祝國泰民安。名理安寺。明宏治四年

廢。萬曆甲午。佛石禪師重建。有松顛閣。且住閣。符夢閣。

又卷十六山川四錢塘縣下。眞珠泉。在大慈山崇教寺。周顯德中。院東泉

水迸出。因發爲方池。或聞扣擊聲。則泉湧如貫珠。嘉祐中。太子

少保元絳名之曰眞珠泉。今官釀亦取以名。

又卷十六。虎跑泉。在大慈山定慧禪院。唐元和中。釋性空居此。

有二虎跑地湧出甘泉。故名。泉清冽而甘寒。與龍井。玉泉相伯仲。郡城則郭婆井。吳山泉爲最。玆玉泉者。杭之聖水也。

又卷十六。天福六年。建甘露寺于南山。有泉一泓若甘露可啜。故

以名寺。泉在寺之左翊。其泉碧瑩而味醇。此虎跑泉之餘派也。

有一日。翁嵩年招懋麟與吳磨宴飲湖莊。然後游寶稷山諸寺。登寶所

塔。初陽臺。觀葛井。放舟西冷橋。看南宋古柏。

翁康飴招同仁趾飲湖莊游寶稷山諸寺登寶所塔初陽臺觀葛井放舟西

冷橋看南宋古柏詩詩集卷十六。翁子我初識。乃同久要厚。知我山水癖。

稱說不去口。旋埽湖上莊。豫窺瓮中酒。拏舟邀我游。雲氣薄林藪。

謂此風日佳。登陟氣宜陡。岸幘扶長鏡。解衣著短後。身輕等猿猴。

奇峰先落手。顧我卻遲鈍。印看踵在首。及險不得濟。每每引君肘。

精舍與高臺。一一爲余剖。

淨業堂詩序文集卷二。因邀過其湖上之莊。游近湖諸山。翁子短衣躡屨。

登陟如飛。余遇險躡躡。則以手引余上。相與飲眺。甚樂也。

杭州府志卷十四山川一錢塘縣上。寶稷山。巨石山下爲寶稷山。有屯霞石。

色緒如霞。介立崖畔。

又卷二十九寺觀二錢塘縣上。保叔寺。在寶石山。古名崇壽院。一名聖壽

禪寺。吳越王相吳延爽建。內有九級浮屠名應天塔。亦名保叔塔。

寶所塔。舊爲極樂菴。

西湖遊覽志卷八北山勝蹟。寶石山麓。爲大佛禪寺。沁雪泉。又西。爲

智果禪寺。參寥泉。又西。爲顯功廟。又西。爲錦塢。初陽臺。葛

翁井。初陽臺。在山巔。葛仙翁修真時。吸日月精華於此。高朗宜

遠眺。清曉烟消。日出海底。炯然奇觀。

杭州府志卷十六山川四錢。葛公雙井一作葛翁井。治平寺西。居人飲此

水。不染時疾。傳言葛公煉丹于此。有石函在井中。常爲好事者涸

水取去。水遂濁惡。居人索回石函。甘潔如故。

西湖遊覽志卷二孤山三。西泠橋。又名西陵橋。從此可往北山者。

四月十日左右。翁當年同陳元龍時年三十招懋麟。吳麀。再游靈隱寺。登

飛來峰絕頂。同坐冷泉亭。與申穉諸人宴飲。

康餘同陳廣陵招同仁趾再游靈隱登飛來峰絕頂同坐冷泉亭與菽蒴諸

子小酌詩詩集卷。海上一峰巨靈送。倒挂芙蓉屹不動。前度竟爲樵

牧貽。苦說登山少飛輕。翁子好奇還見招。涉澗攀條上雲棟。翻身

欲藉羽翼輕。拔腳但嫌鞋轆重。：

陳元龍。字廣陵。號乾齋。浙江海寧人。康熙二十四年。成進士。

居一甲二名。授編修。入直南書房。二十五年。充日講起居注官。

四月。元龍侍班乾清宮西煖閣。帝顧元龍曰。朕素知爾精於楷書。

可寫大字一幅。命就御前作書。帝嘉獎以御書闕里碑文示之。以女

妻徐乾學之子德秩。爲郭琇所劾逐歸。復起出爲廣西巡撫。入爲禮

部尚書。富厚無比。園亭之盛。甲于東南。雍正初元。謫守景陵。

後與尹泰同拜額外大學士。旋晉文淵閣大學士。七年。致政歸里。

卒於家。生于順治六年。卒于乾隆元年。年八十六。著有愛日堂詩

據清史列傳卷十四陳元龍傳清詩紀事初編卷七陳元龍小傳

尋飲於顧豹文願圃。

飲顧季蔚侍御願圃卻題二首詩集卷之一。何處叫黃鸝。芳園勝大隄。

有山皆種桂。無檻不臨谿。雨過青荷小。人來綠蔭低。行觴清且密。

已判醉如泥。之二。學圃何年事。公然十畝寬。嫌人呼柱史。只自

課園官。懶矣菰蒲願。荒哉獬豸冠。濟時需一出。恐未穩漁竿。

顧豹文。字季蔚。號且菴。別號願圃。浙江錢唐人。順治十二年。

成進士。居三甲七十二名。官至監察御史。切直敢言。人畏其神明。

康熙中。舉博學鴻詞。以老疾辭。書室曰世美堂。著有三楚奏議。

六書古韻。願圃日記。世美堂集據國朝詩人徵略二編卷三國朝

四月十五左右。晚過昭慶律寺。賦詩留別曹溶。曹獻類徵初編卷一百三十三

晚過昭慶寺與曹秋岳侍郎別詩詩集卷。暝色暗禪房。鐘聲上佛香。

到門山雨落。入夜白衣涼。詞賦傷羈客。湖山別侍郎。蓼莪同有恨。

珍重此行藏自注云時公與余方辭薦不赴

曹溶答蛟門留別詩詩集卷二十三。澄湖方戀客。忽送錦帆香。道合君

親重。情因出處長。折花經野寺。載鶴就江鄉。恕我攀松日。臨岐

失舉觴。

西湖志卷十二寺觀三。北山路。昭慶律寺。在錢塘門外溜水橋西。

懋麟西湖山川之游。至四月十五日而結束。

游西湖南北諸山記文集卷三。繫舟湖上。經游南北山。凡十有五日。得

峰十五。嶺十一。巖十三。洞九。泉十四。井六。池七。寺二十有

二。祠廟六。書院三。塔五。亭四。臺三。環湖之莊六。：游之日

始閏三月二十九日已巳。迄四月十五日甲申。

在杭州。爲梁允植藤塢詩集作序。

藤塢詩集序文集卷二。治涸又出其所爲詩一卷。多余所未見。大抵皆治

縣以後之作。凡其所指而爲余言者。皆其游履之所經。而詩之最工者也。及霽治涓命舟輿導余游。乃攜其詩以往。然後益歎其工而湖山之助爲多矣。

五月一日。同徐軌。吳慶。於良山門外觀競渡。

五月一日同電發仁趾良山門外觀競渡歌詩集卷十六。五月一日天氣清。

良山門外聞鼓聲。鼓聲鏗鏘越林木。羣龍上下來趨迎。此時觀者塞兩岸。須臾斜日衝西城。爲問水嬰此何盛。半山山畔朝玉京。弄潮諸兒更傳說。西湖五日如昆明。

離杭州。由嘉興至吳江。訪顧有孝時年六十。

吳江訪茂倫二首詩集卷十六之一。細雨楓江道。輕颿笠澤船。村黃將熟麥。湖碧乍生蓮。此地藏茅宇。高人正午眠。來從漁父問。流水是門前。之二。甲子今逢午。山居當小年。雙童看竈藥。一老坐盧煙。漸覺鈔詩懶。唯知學道堅。所欣封禪陵。不擾茂陵賢。

顧有孝。字茂倫。江蘇吳江人。自少游於陳子龍之門。爲諸生。弘光乙酉。焚棄儒衣冠。與山陬海澨之客相往來。康熙十七年。舉博學鴻詞。不就。居釣雪灘。以選詩爲事。唐律及國朝近體詩皆有選本。有孝長身玉立。意氣自豪。樽蒲博筮窮日夜不休。四方過松陵者。必停橈相問訊。以是名滿大江南北。生于萬曆四十七年。卒于康熙二十八年。年七十一。輯有唐詩英華。著有雪灘釣叟集據碑傳百二十五徐鈞雪灘頭陀頌有孝傳清史列傳卷七十文苑傳。

康熙二十八年。年七十一。輯有唐詩英華。著有雪灘釣叟集據碑傳百二十五徐鈞雪灘頭陀頌有孝傳清史列傳卷七十文苑傳。

之後。由無錫歸揚州。

六月。友人魯衷淑舉於鄉。以詩賀之。

汪蛟門懋麟年譜初稿

紫漪舉省試第二賦贈詩詩集卷十五。叢桂開文社。恩恩十六年。異才寧溲落。大志果騰鶩。名久魚頭著。詞真鳳尾鮮。鬱輪宜領解。何讓一人先。

夏秋之交。病熱。至九月初纔免。

再上王公書卷一。夏秋之交。遂爾病熱。展轉三月幸免。倉皇道途。得全餘生爲幸固已多矣。

病起詩詩集卷十六。病裏荒園竟懶過。朝煙夕月半蹉跎。莖花黏砌蠶龜喜。秋草侵簾蟋蟀多。晴雨關心籌稼穡。江湖滿眼說兵戈。媿安高枕慙無補。敢玷虛名博學科。

秋。鄧漢儀。孫枝蔚。應詔入都吳嘉紀年表康熙十七年條。

九月六日。齋前桂花盛開。喜而作詩記之。

重九前三日齋前桂花盛開喜作一首詩集卷十六。前月山唐一擢回。百錢新買桂花栽。但添密葉迎蕉出。豈意繁枝占菊開。發爲後時偏嫵娜。看當病起更衰回。風多露重須憐惜。留取重陽下酒來。

九月九日。與夏九敘。徐衡。兄懋麟等汎舟登平山堂。

九日汎舟登平山堂同次功辰玉蕭雲五叔定家兄二首詩集卷十六之一。林木經霜葉乍飛。百年難得此晴暉。休嫌止酒心全減。不怕登山力尚微。病後逢僧憐我瘦。秋殘入寺覺人稀。天南衆壑青如許。卻喜前時策杖歸自注云時歸自吳越。之二。揚州勝事在林皋。及此秋谿水半篙。斜日芙蓉光淺澹。晚煙叢菊影蕭騷。鏡看歸騎雙橋轉。歌愛鄰船一笛高。珍重尊前桑落酒。西南樓櫓正風濤。

徐衡。字辰玉。號青嶽。江蘇江都人江都詩徵卷三十九。

四三五

是歲八月。杜濬爲百尺梧桐閣文集作序。四月。徐乾學爲百尺梧桐閣詩集作序。

康熙十八年乙未 四十一歲

居廬。

正月二日。飲酒。作詩示韓魏。

元旦後一日對酒示醉白詩百尺梧桐閣遺集卷一。早梅迎暖盡全舒。舊臘風光得似無。節序莫如春可惜。飄蓬何幸酒同呼。交情半世憐青鬢。

老態連年數日鬢。但得余閒君不出。即拚沈醉作狂夫。

正月七日。偕諸友游平山堂。飲眞賞樓。

人日同諸子游平山堂大雪驟至飲眞賞樓走筆得四十韻詩遺集卷一。時節初逢卯。年華復建寅。一冬常苦旱。七日已驚春。出郭宜登陸。尋幽怕問津。柳容青未著。梅意白如勻。凍草承車軟。林禽語客馴。

到山鐘未午。禮佛飯初辰。祠宇尊先哲。周防仗後人。廿年心始遂。

八字夢何因自注云築眞賞樓初成夢歐蘇兩文忠公命余作聯余應聲曰登斯樓也大哉觀乎遂用爲對。晚霽還移席。

終筵莫吐茵。夕陽看有態。積雪浩無垠。暮雀歸飛急。昏烟繞舍頻。紅樓連市燭。畫鼓隔城闌。雨夜期烹韭。晴天訂採蓴。徵書余懶問。得醉即稱臣。

三月。服闋。

三月一日。試博學鴻詞於保和殿。汪楫授翰林院檢討。鄧漢儀。孫枝蔚。以年老授中書舍人。放歸。喬萊授翰林院編修。曹禾授翰林院檢討。施閏章授翰林院侍講。朱彝尊授翰林院檢討。徐飢授翰林院檢討。

清史稿卷六聖祖本紀一。三月丙申朔。御試博學鴻詞於保和殿。授

彭孫遜等五十人侍讀。侍講。檢討等官。

暮春。再爲蘇杭之游。

初夏。晤吳之振於杭州。卽別。後之振屬黃周星時年六十九傳書札招懋麟。

與孟舉別七年矣夏晤於湖上卽別期過石門舟中風雨却寄四首遺集卷一。

一。七載不相見。去春曾屢過。扣門君已出。繫纜恨如何。有客傳書札自注云屬黃九。招余訪潤阿。喜聞三殿詔。聊以慰蹉跎自注云時烟郵書見。

之二。執手對湖山。相逢却送還。渡頭花寂寂。衣上兩斑斑。遂有香鑪贈。空憐夜燭閒。風塵余較醜。瀟灑媿君顏。之三。雨濕輕帆重。風斜小燕遲。寧辭湖上水。恐負石門期。苔徑呼兒掃。清尊爲我移。昨宵山館外。蟲網定成絲。之四。小築在西郭。高吟非北門。久知書繞屋。定有竹圍邨。黃葉思秋色自注云別館名黃葉山莊。丹花照水痕。

爲君留一宿。心事好同論。

黃周星。榜姓周。名星。字景虞。號九烟。湖南湘潭人。崇禎十三年成進士。居二甲四十一名。授戶部主事。後復姓黃。卽以周星爲名。明亡後變姓名曰黃人。字略似。號半非。又號圍庵。又曰汰沃主人。又曰笑蒼道人。浪游吳越間。布衣素冠。寒暑不易。康熙十九年五月五日。放棹秦淮。劇飲大醉。繫舟自沈而沒。生于萬曆三十九年。卒于康熙十九年。年七十。著有九烟先生遺集據國朝著獻四百七十三注有典黃周星傳周系黃周星行述。

旋游嘉興府石門縣過吳之振黃葉山莊。飲橙齋。

飲孟舉橙齋四首遺集卷一之一。著屐驚余到。開軒一笑迎。樓前花半掩。簾下卷斜橫。細述編詩意。頻嗟久別情。向人真疑疑。不復記歸程。

類徵初編卷

類徵初編卷

類徵初編卷

之二。蠟燭夜深燒。航船靜不搖。一童能按曲。吾子亦吹簫。極樂忘拘束。將離恐寂寥。却看雙粉黛。羅袖帶人嬌。之三。禪子呼來揖。聰明過衲師。座隅能讓酒。夜靜解聽詩。學圃翁才屈。呼雞汝術奇。他時文選熟。小鳳羽差池。之四。書畫知余癖。開緘送我還。表箋傳令伯。水樹出衡山。念子常懷璞。何當復閉關。旅人無以贈。只唱大刀環。

之後。至蘇州。再過徐乾學花谿。

再過花谿三首遺棄卷一之一。不成谿上住。轉愛隔年游。舊榻封朱戶。

新題在畫樓自注云樓名景戴余所題也。池陰仍蔽日。石色欲矜秋。幽賞宜終夕。

清樽緩緩投。之二。繞園惟一水。跨檻忽雙橋。境比初時闊。花驚

五月饒。琴書真楚楚。竹樹各蕭蕭。萬事浮雲過。蓬山此未遙。之

三。我懶未能遂。君閒應有時。避人嫌剝啄。多病強支離。薄俗須

防忌。浮名每自疑。高風憶龐老。白首欲相期。

時黃虞稷時年五十一應召入京。聞母喪歸里。在蘇州相見。

俞邨應召入京聞母喪歸里相見吳門出諸公贈行詩見示並索題却贈二

首遺棄卷一之一。千金市駿詔如飛。誰料黃童心事違。官錦未曾邀一寸。

悽涼仍是白衣歸。之二。墓田辛苦謝公車。爾亦牽衣戀倚閭。出處

一時同有意。不才辜負兩尙書。

黃虞稷。字俞邨。福建晉江人。父居中明季爲南京國子監丞。遂家

江寧。十六入縣學。兩世藏書至八萬餘卷。與江左諸名士爲經史會

困諸生三十餘載。康熙十七年。舉博學鴻詞。遭母喪不與試。左都

御史徐元文薦修明史。入翰林院。分纂列傳及藝文志。二十三年。

汪蛟門懋麟年譜初稿

充一統志館纂修。二十八年。總裁官元文按元文當請假歸。特詔攜

志稿於家編緝。元文奏言虞稷問學淵博。健文筆。乞隨相助。許之。

虞稷至包山書局。刻苦披討。逾年力疾竣事。以勞卒。生于崇禎二

年。卒于康熙三十年。年六十三。王士禛。毛奇齡。吳雯咸稱其詩。

著有千頃堂書目。楷園雜誌。我貴軒。朝爽閣。蟬窠諸集碑傳集卷

壽祺黃。虞稷傳四十五陳

晚夏。歸里。

六月十五日。爲吳嘉紀陋軒詩作序。

吳嘉紀詩箋校附錄載陋軒詩序。時康熙十八年己未。六月望日。郡

同學弟汪懋麟拜讀於百尺梧桐閣。

秋。自揚州發北上。七月十八日。與兄耀麟別於甘羅城黃河隄上。

七月十八日與叔定家兄別於甘羅城黃河隄上用東坡鄭州西門外馬上

寄子由韻詩遺棄卷一。入舟十日心傲兀。有如逆風神不發。昔別辛酸耶

與孃。可憐此時俱冥冥。今來黃河隄上行。秋雨如烟濕還沒。葛衣

一夕生早涼。前夜船頭好明月。平居不識弟兄樂。及至臨岐始悲惻。

家事如毛那足道。欲語轉漉去忽忽。升高苦將別眼送。遙見五兩自

飄瑟。默數淮中別幾回。區區爲此卑官職。

八月九月之交。入京師。

九月七日。陳維崧時年五十五。曹貞吉。田雯。曹禾。喬萊。汪楫。因喜

懋麟抵京。集飲於曹禾邸齋。

重九前二日其年升六子論頌嘉子靜舟次家兄喜余抵京集飲頌嘉邸齋

同用六月韻詩遺棄卷一。舟車兩月幾曾歇。昨到城門日將沒。下馬踉蹌解

弓箭。入坐從容整巾襖。故人驚我未老瘦。似謂平生厭練麩。踪跡豈料同觸羊。時命早知遇磨蠍。三年偃臥棲碧山。十度遲回望丹闕。不堪覷面稱臺郎。直可藏身作街卒。不才那足邀人知。無狀定須行自核。到底同心比唇齒。豈有他時異矛鉞。一生着屐能幾兩。百計營生苦多窟。及時且挿頭上花。何難直棄囊中笏。

陳維崧。字其年。號迦陵。貞慧子。江蘇宜興人。十七歲時補邑博士弟子員。鄉試屢不利。維崧少有才名。當世名流。如侯方域。徐肅。冒襄等輩。無不酬唱訂交。後浪遊南北至京師。與龔鼎孳定交。康熙十八年。舉博學鴻詞。授翰林院檢討。纂修明史。二十一年。疔發於面以卒於京師。生于天啓五年。卒于康熙二十一年。年五十八。

維崧於文最工駢體。兼工詩詞。著有湖海樓全集。徐乾學憺園文集卷二十九陳檢討誌銘九月九日。偕陳維崧。曹貞吉。田雯。曹禾。喬萊。汪楫。游黑龍潭宴飲。

九日游黑龍潭同其年升六子綸頌嘉子靜舟次家兄再疊前韻詩遺藁卷一風定塵消雨初歇。壇樹秋陰未全沒。共向城東試布鞵。較勝江南擁羅襪。肥者大肉硬者餅。嫩者晚菘堅者麩。酒徒強食喜無志。舊友彈冠如見蠍。自昔還山習老癩。只今出閣陳朝調。冷官原不一錢值。熱客真須百杯罰。野田非葉暖正花。荒籬菊蕊寒未發。頭上冠欹不須正。坐處文成任相許。佳時但得常持螯。爛醉公然勝秉鉞。纍纍感彼陌下人。寂寂空存墓前窟。連袂高歌歸去來。指點西山幾枝笏。

按。田雯古歡堂詩集七言古卷二亦有九日同其年升六舟次蛟門石林

集黑龍潭和韻詩。

尋授候補五部主事。時徐元文時年四十六特召監修明史。薦李清時年七十一。黃宗羲時年七十一。曹溶。懋麟。黃虞稷。姜辰英。萬言等。徵入史館。李清。黃宗羲。曹溶。以年老不至。各上所著書。懋麟僅以原官充明史纂修官。

王士禛汪比部傳蠶尾集卷六。總憲崑山徐公列君名。與李清。曹公溶同薦入史館。二公辭不至。而君又格於部議。僅以原官充纂修。在館勤於其職。今集中所載史傳若干篇是也。

碑傳集卷十二韓莢資政大夫文華殿大學士戶部尚書掌翰林院事徐公元文行狀。己未十八二月。召監修明史。九月。赴闕自陳且辭新命。不允。疏請購遺書徵遺獻。舉故明給事中李清。主事黃宗羲及副使曹溶。主事汪懋麟。布衣黃虞稷。諸生姜宸英。萬言等。部議不許。上特從公言召之。清。宗羲。溶。以老不至。各上所著書。

徐元文。字公肅。號立齋。榜姓陸。江蘇崑山人。順治十一年。舉於鄉。十六年。成進士。居一甲一名。授修撰。康熙初。江南奏銷案起。元文名麗籍中。坐謫鑾儀衛經歷。又四年而事白。復官。未任。丁父憂。八年。起補國史院修撰。尋進祕書院侍讀。秋。典陝西鄉試。九年。遷國子監祭酒。充經筵講官。十三年。遷內閣學士。十四年。改翰林院掌院學士。充日講起居注官。教習庶吉士。十八年。特召監修明史。十九年。擢左都御史。二十二年。以會推湖北按察使。坐所舉不實。鑄三秩調用。將歸而二十三年二月。有旨留元文專領監修明史。二十七年。復代其兄乾學為左都御史。尋遷刑

部尚書。調戶部。二十八年五月。拜文華殿大學士。兼掌翰林院。

二十九年。明珠外甥兩江總督傅拉塔列款科乾學元文兄弟子姪豪橫鄉里。以原官致仕。舟過臨清。權關者訶止之。謂相君歸。必有贏餘。可搆以罪。登舟大索。至醬甌之屬。無不發視。而舟中衣服什器外。惟圖書數千卷及光祿饌金三百而已。家居一年卒。生于崇禎

七年九月二十八日。卒于康熙三十年七月二十七日。年五十八。著有合經堂集等據碑傳集卷十二韓奕資政大夫文華殿大學士戶部尚書掌翰林院事徐公元文行狀清史稿卷二百五十徐元文傳清詩紀事初編卷三徐元文小傳清代職官年表。

李清。字心水。號映碧。江蘇興化人。天啓元年。舉於鄉。崇禎四年。成進士。居三甲一百八十六名。由寧波推官擢刑科給事中。尋

以天旱。疏言此用刑鍛鍊刻深所致。語侵尚書甄淑。淑劾清把持。詔鑄級。調浙江布政司照磨。無何淑敗。即家起吏科給事中。京師

陷。福王建號南京。遷工科給事中。尋遷大理寺左丞。明亡後。由間道趨隱松江。又渡江寓高郵。久乃歸故園。杜門不與人事。生

于萬曆三十年。卒于康熙二十三年。年八十三。著有南渡錄。南北史合註。南唐書合訂。澹寧齋史論。澹寧齋雜著。三垣筆記等據清史稿垣筆記點校說明。

黃宗羲。字太冲。浙江餘姚人。父魯素明御史。年十四。補諸生。尊素死於奄難。崇禎帝即位。宗羲年十九。入京訟父冤。至則逆奄

已誅。師事劉宗周。崇禎十七年。江南奄黨糾劉宗南及宗羲。清兵

至得免。宗周死節。宗羲從孫嘉績。熊汝霖諸軍於江上。授職方。

尋以薦改監察御史。江上潰。入四明上。復入剡中。順治六年。赴

海上。明魯王以爲左僉都御史。從亡有年。及海氛漸滅。乃奉母返

里門。畢力於著書。康熙十七年。徵博學鴻詞。辭。十九年。都御

史徐元文監修明史。薦宗羲。復以母老已病辭。乃詔取所著書闕史

事者。宣付史館。宗羲雖病。史局大案必咨之。平生著書甚富。有

南雷文定前集。後集。三集。四集。南雷詩曆。明儒學案。明文家

明文海等據碑傳集卷一百三十一錢實甫黃宗義傳清詩紀事初編卷二黃宗羲小傳

萬言。字貞一。斯選兄斯年子。浙江鄞縣人。副榜貢生。少隨諸父

講社中。號精博。著有尚書說。明史舉要。嘗與修明史。獨成崇禎

長編。故國輔相子弟多以賄求減先人罪。言悉拒之。尤工古文。有

管邨文集。晚出爲五河知縣。忤大吏。論死。子承勳。狂走數千里。

哀金五千贖之歸。時稱孝子清史稿卷四百八十一儒林傳

暮秋。騎馬至張英邸第。迎之者英子廷瓚。向夜英始歸。使懋麟宿之。

宿夢敦學士邸第夜譚達曙屬作詩記之詩卷一續垣陰森日將晏。太液蒼茫好林澗。宮柳幾葉黃半濃。禁葦千行綠全靡。下馬直入學士

廬。小鳳趨迎昔曾慣自注云謂自臣庶常燈籠向夜君始歸。霜雪三年鬢毛幻。故人高飛勝鸚鵡。賤子卑棲等鴛鴦。倉皇他語不及申。急喚盤飧咄嗟辦。中男別時才及膝。倏已森森兩角卣。小者嘻笑向我揖。競前問事語多嫚。欲期竹杖還烟江。須待金戈掃雲棧。顧我疎慵無遠圖。先弄扁舟離浦帆。

張廷瓚。字貞臣。英子。康熙十八年。成進士。居二甲二名。自編修。累官少詹事。先英卒清史稿卷二百六十七張英傳付張廷瓚傳冬。一日。飲曹丕寓齋。

飲頌嘉賓齊醉後指盤中蚶子作詩得四十韻詩遺彙。角飲已中夜。放

筋恣飛談。主人忽擁壘。而我方揚驂。吾徒豈守寂。茲樂聊且湛。

妄語雜無緒。疆韻危能擔。揮灑到天曙。櫛洗忘朝參。檐星淡欲落。

街鼓寒猶韻。嬾歸雜摩室。寧共彌勒龜。可憐黃州老。戒殺宗釋曇。

又一日。盧琦招懋麟偕方象瑛。喬萊。陸棻時年五十赴宴。

方象瑛同年盧西寧宮庶招同陸義山汪蛟門喬石林時大雪初霽詩健松齋卷

十八展臺。形雲漠漠邸中看。却喜招尋禮教寬。菊有餘香秋尚在。

雷當初霽夜偏寒。縱譚便覺離愁盡。劇飲都忘道路難。太息十年成

勢澗。今朝且復共長安。

盧琦。字西寧。浙江仁和人。康熙六年。成進士。居二甲十六名。

官編修。十五年。充會試副考官。清秘述聞卷十。三同考官類一。

方象瑛。字渭仁。浙江遂安人。明少傅逢年孫。康熙六年。成進士。

授內閣中書舍人。十七年。充順天鄉試同考官。十八年。舉博學鴻

詞。授編修。與修明史。二十二年。充四川鄉試正考官。尋遷侍講

以告歸。著有健松齋詩文集。封長白山記。松窗筆乘。清史列傳卷七十七苑傳

陸棻。字義山。原名世枋。號雅坪。浙江平湖人。康熙六年。成進

士。居二甲十四名。授內閣典籍。十八年。舉博學鴻詞。改翰林院

編修。充明史纂修官。二十一年。乞病假歸居於家八年。二十九年。

充福建主考官。越一年。轉左右春坊。贊善。三十三年閏五月。大

考翰詹。名列第一。六月。由左贊善陞內閣學士兼禮部侍郎銜。三

十四年六月。以病告歸里。生于崇禎三年十一月二日。卒于康熙三

十八年四月一日。年七十。著有雅坪文集。詩稟。詞譜。歷朝賦閣

等毛奇齡西河合集卷一百七內閣學士兼禮部侍郎雅坪陸公神道碑銘。

是歲。定百尺梧桐閣詩集刻之。寄之施閏章。閏章以詩謝之。

施閏章汪蛟門寄詩集因短述詩愚山先生詩集卷十三。邗水曠前期。修塗阻談讌。

來書得累寸。燒燭摩挲徧。丹霞爛滿山。賦乘奔注澗。照曜心骨披。

碎匄耳目眩。中間枉贈遺。十管三五見。浩蕩金陵游。纏緜洛川餞。

契濶絃平生。歎曲勝言面。舍人通籍早。濡翰明光殿。直廬晝漏聞。

御苑春鶯囀。盛事多咏歌。流傳遍朝彥。忽廢蓼莪篇。素冠返鄉縣。

灑血成哀辭。聲出不能嚙。天子召文儒。三事亟推薦。謂子富述作。

落筆迅雷電。舍人及司農。自注云時曹公秋獄亦以艱不應召。銜恤謝天眷。曰臣草土身。

方切松楸戀。吾老愧虛聲。驅迫逐蓬轉。念子尚幽憂。搔首涕如霰。

遠聞乞表墓。鼓柁放吳甸。朋舊窮悲歡。山川發雕綉。昔君夢廣廈。

袖裏十二硯。晶瑩琬琰姿。光怪蛟螭纏。豈非上帝簡。俾汝掌書卷。

魂非茂先與。筆已文通擅。況子方壯顏。風徽必遐扇。淹速各有涯。

卷懷亦云善。獻賦此何時。天南尚傳箭。

按。清詩紀事初編卷四汪懋麟小傳。詩刻於康熙十八年。

康熙十九年庚申 四十二歲

在史館。

春。正月十七日。曹禾招懋麟與徐乾學。吳任臣。嚴繩孫。時年五十八。朱

彝尊。汪楫。喬萊。潘耒。徐嘉炎。時年四十九。徐鈞。宴飲曹氏邸齋。

徐乾學正月十七日曹頌嘉招同吳志伊嚴孫友朱錫鬯汪蛟門舟次喬石

林潘次耕家勝力電發飲作歌檀園文集卷七碧山集上。六街沈沈火樹歇。春風吹動

官梅發。曹侯開讌會衆賓。樺燭高燒待明月。月色依依微蹙步欄。當

筵如沸碧雞談。三館軒騰盛才彥。一時著舊推東南。人生嘉會豈偶爾。浮君淥酒蘭陵美。主人酪酌尚留客。皂輿執燭排門除。別君且須訂後期。山堂禊日供梓蔬。袞袞諸賢在省闈。躊躇莫漫焚銀魚。吳任臣。字志伊。浙江仁和人。志行端黷。博學而思深。兼精天官樂律。康熙十八年。舉博學鴻詞。授翰林院檢討。充纂修明史官。曆志一篇任臣手。未幾卒。著有十國春秋。託園詩文集等。清史列傳卷六十八 儒林傳。

嚴繩孫。字孫友。江蘇無錫人。祖一鵬。明刑部尚書。父紹宗。副貢生。明亡後。隱居不仕。康熙十八年。舉博學鴻詞。授翰林院檢討。與修明史。充日講起居注官。在史館撰明史隱逸傳。二十年。充山西鄉試正考官。二十二年。遷右春坊右中允。兼翰林院編修。二十三年冬。乞假歸里。自是杜門不出。築堂曰雨青草堂。亭曰佚亭。布以窠石小梅方竹。宴坐一室。以爲常。生于天啓三年。卒于康熙四十一年。年八十。著有秋水集。詩八卷。文七卷。詞二卷。詩篇冲融恬易。鮮矯激之言。慢詞小令。雅而不豔。宋彝尊曝書亭集卷七十 春坊右中允兼翰林院編修嚴君墓誌銘。

徐嘉炎。字勝力。號華隱。浙江秀水人。康熙十八年。舉博學鴻詞。授翰林院檢討。在史館。著作多不與人同。二十五年。充日講起居注官。二十九年。充貴州鄉試正考官。三十三年。由翰林院學士。授內閣學士兼禮部侍郎銜。三十八年。以年老告歸。生于崇禎五年。卒于康熙四十三年。年七十三。著有抱經齋詩集。據清史列傳卷七十文 宛傳清代職官年表。清明。同毛奇齡。時年五十八 喬萊。汪穉。遊摩訶菴。

汪蛟門懋麟年譜初稿

清明同大可子靜家舟次朝彩游摩訶菴四首。遺藁卷二之一。春風如雪滾黃沙。何處從看柳勢斜。却喜才收寒食雨。添衣時候不吹花。之二。摩訶菴子絕纖塵。杏白梅紅次第新。此地若教春好在。未妨常作住菴人。之三。乞得山泉解鉢囊。紙窗潑潑送晴光。竟須企脚蒲團上。消愛繁簾一炷香。之四。毛公樗散更權奇。少日薰香喜弄姿。醉向花前調遍疊。一天春氣颺晴絲。

毛奇齡。又名甡。字齊于。又字大可。浙江蕭山人。康熙十八年。以廩監生舉博學鴻詞。授翰林院檢討。充明史纂修官。二十四年。充會試同考官。尋假歸。得痺疾。遂不復出。生于天啓三年。卒于康熙五十五年。年九十四。生平絕不喜東坡詩。謂其詞繁意盡。去風騷之義遠。一日者。汪主事蛟門舉竹外桃花三兩枝。春江水暖鴨先知之句相難。謂此等詩亦得云不佳耶。遽怫然曰。鸞詎便後知耶。獨尊鴨也。衆爲捧腹。著有西河合集。據國朝耆獻類編卷一百十九國史館本傳國朝名家詩鈔毛奇齡小傳汪穉。字朝采。號東川。浙江平湖籍錢塘人。康熙十五年。成進士。居二甲十三名。官行人。十八年。舉博學鴻詞。授編修。四十三年十一月。由詹事遷內閣學士。四十四年五月。陞戶部右侍郎。四十五年正月。革職。未詳卒年。據國朝先正事略卷三 十九清代職官年表天府廣記卷三十八。廟摩訶庵在阜城門外八里莊。嘉靖丙午建。又宸垣識略卷十三。郊坰摩訶菴在慈壽寺旁。明嘉靖丙午。中官趙政建。菴不甚大。潔淨特甚。前後多松檜。四隅各有高樓。疊石爲之。登樓一望。川原如繡。西山蒼翠。欲與人衣袂接。萬曆後。菴中杏花多至千餘。遊人最甚。

暮春。過孫蕙寓齋。

暮春過樹百寓齋出姬人顧粲可玉山堂詩卷見不兼聽小史雲岫彈琴三

首遺棄卷二之一。丁香葉大碧梧新。愧爾鈎簾岸噴人。讀罷玉山堂裏句。

支離真負一年春自注云詩中有支離已足。之二。孫郎解珮得青霞。自注云。春相負之句余最賞之。

並坐春風一笑譁。怪底閨房多秀氣。顧家今已勝喬家。之三。紛紛

飛鳥倦知還。一曲清琴萬慮閒。休道白雲無意思。出山未久即歸山。

孫蕙。字樹百。山東淄川人。順治十八年。成進士。居二甲四十二

名。康熙八年。授寶應知縣。十五年。以卓異擢給事中。十九年。

轉戶科。尋轉掌印給事中。二十年。充福建鄉試正考官。二十三年。

以憂去。遂卒於家。蕙尤喜爲詩。簿書期會。舟車行役。皆未嘗廢。

詩格清麗。無塵俗氣。王士禛稱其五七言。雖古作者。亦無以加。

著有笠山詩選據碑傳集卷五十七喬萊孫給事。蕙傳清史列傳卷七十七文苑傳。

之後。賦詩贈毛奇齡姬人曼殊。

贈大可姬人曼殊詩遺棄卷二之一。荒邨侍俾賣珠回。補屋牽蘿曉鏡開。

怪底紅顏如芍藥。妾家生小住豐臺。之二。卓家少女好顏容。一曲

朱絃意萬重。早與相如心暗許。誰言恭敬借臨叩。之三。玉體橫陳

病懶扶。藥爐經卷在紗厨。昨宵夢得楊枝露。從此香名號曼殊。之

四。甘著青裘豈厭貧。抽書賭茗送殘春。得披宮錦尋常事。喜嫁毛

公是異人。

藤陰雜記卷十一。垆。豐臺賣花翁張姓。女名阿錢。毛檢討奇齡納爲

小姬。目有曼光。陳迦陵名曼殊。明慧能詩。以奇疾沒。

初夏。得病。病中展陳銚爲百尺梧桐閣詩集所題絕句。吟賞久之。

病中展水壑見題小集絕句吟賞久之即答原韻詩遺棄卷二之一。閉置籠中

似剪翎。寥飢不愛五侯鯖。市樓見說新蜀熟。輸爾臨街倒玉瓶。之

二。因病成閒起較遲。鈎簾已報日中時。把君好句過長晝。消受輕

陰細雨絲。之三。蘇陸誰言格調低。海中仙樹少人躋。一花一實三

千歲。不與人間論棗梨。

盛夏。勞之辨時年四將之任貴州糧驛道。以詩送之。

送勞書升之任黔中三首遺棄卷二之一。十年纔接席。萬里又分攜。箐嶺

連三峽。蠻歌下五谿。建牙參野外。馳檄夜郎西。見說驅羣盜。行

行罷鼓鼙。之二。旁郡饒清致。休嫌物態荒。溪中撈蟹異。井上釀

泉芳。峒被秋眠穩。蠻花雨際香。諸苗迎候遠。重覩段文昌。之三。

如何銅鼓塞。亦有石門山。風景憐殊俗。林樾想故關。時艱爲政好。

地迥得官閒。名姓中朝識。徵書早暮還。

勞之辨。字書升。晚號介巖。浙江石門人。康熙二年。舉於鄉。三

年。成進士。居三甲四十九名。改庶吉士。五年。散館。改部屬。

六年。補戶部主事。歷本部員外郎。禮部儀制司郎中。十四年。典

江南鄉試。是年冬。陞山東按察司僉事。提督學政。十七年。報滿。

陞布政司參議。十九年。授貴州糧驛道參議。二十三年。陞廣東廣

南韶道按察司副使。二十四年。補通政司參議。歷左參議。兵部督

捕左理事官。左右通政。連遭親喪。後累遷官至都察院副都御史

四十七年十一月九日。以上疏保奏廢皇太子胤礽。革

職。逮赴刑部答四十。逐回原籍。五十二年。赴京祝萬壽。復原秩。

卒於家。生于崇禎十二年三月二十五日。卒于康熙五十三年九月十

三日。年七十六。著有靜觀堂詩文集碑傳集卷二十楊瑄都察院左副都御史誥授中憲大夫勞公之辨墓誌銘時梅庚。陳鈺南歸。懋麟分別作詩送行。

遺藁卷二有送梅耦長南歸兼簡淵公。送冰壑南歸等詩。

秋。九月九日。曹禾招懋麟徐軌等諸友人飲黑龍潭。

九日頌嘉招同諸子飲黑龍潭得九字詩遺藁卷二。客京十一載。倏歷九重。

九。中間閱歡場。樂事無不有。平曠愛空潭。每歲此遊走。環湫龍

所家。作雨時夜吼。枯松老不華。空腹削如剖。：春秋兩佳節。此

尤不可負。菊花本何物。似與我情厚。大笑能幾回。見此即開口。

勿逐名利徒。一生徒苟苟共四十四句。

徐軌九日黑龍潭小集次峨帽韻詩南州草堂集卷八。楓林色微炙。佳節數重

九。逢人畏近名。未敢便開口。采采憶東籬。欲隨元亮走。侏儒爭

匿笑。汝甕寡餼糗。蕭颯縛朝衫。形神何抖擻。：天街月沈黑。板

扉夜深扣。滅燭臥匡牀。朝日下春曰。尊絲逼秋風。竊祿詎能久。

難飽太倉粟。一醉已身受共一百八句。

冬。十月十九日。馮溥招懋麟同徐軌游王熙怡園。

益都公招遊怡園奉和原韻詩遺藁卷二。近闕成幽築。江湖寓此心。

疏溪纒百畝。種竹已千尋。傍水軒窗淨。依山洞壑陰。來當殘雪後。

端可奏清琴。之二。直北起層巒。西山晚翠寒。只思驅短策。不似

在長安。磴絕驚飛鳥。松高響急湍。冷然疑羽化。豈復歎泥蟠。

徐軌十月十九日益都公招遊王司馬怡園奉和原韻四首南州草堂集卷八。之一。

雪後陪良讌。登臨慰夙心。勝遊纒十日。又喜得幽尋。木脫羣峰細。

霜濃衆壑陰。林泉欣謝傳。促柱聽鳴琴。之二。危廊通薜磴。傑閣

俯高寒。屈曲藤初架。嶙峋石未安。天空聞靜籟。峽束想奔湍。唇

齒須防折。相看路鬱蟠。之三。車茵從容吐。共勸酒如澗。興自遣

簪紱。歡皆共交朋。崇巖堪獨往。沙路喜能澄。春日常遊此。題詩

惜未曾自注云春日陪真定公暨高念東先生來遊此園。之四。振衣臨絕壁。放鶴憶蘇耽。日

落銜丹壑。雲歸變紫嵐。論文心倍切。選勝興方酣。珍重從遊者。

須知吾道南自注云公有吾道在東甯之句故云。

欽定日下舊聞考卷六十城市外城西城一。增。宛平王公怡園。水石之妙有

若天然。華亭張然所造也。然字陶庵。其父號南垣。以意創為假山

以營邱。北苑。大癡。黃鶴畫法為之。峯壑湍瀨。曲折平遠。經營

慘澹。巧奪化工。唐楊惠之變畫而為塑。此更變為山水平遠。尤奇

矣。臣等謹按。怡園在南半截衛衙。本朝康熙中大學士王熙別業也。

中有額曰席寵堂。又額曰蒼年碩德。又額曰曲江風度。皆聖祖仁皇

帝御賜。今亭館已圯。其地析為民居矣。

時間父如江母李氏墓門封樹告竣之消息。悲喜交至。

先人墓門封樹告竣叔定家兄以書寄聞悲喜交至口占奉答詩遺藁卷二。墓

門封樹說崢嶸。敢望袁安席上卿。辛苦三年求葬地。道旁曾過幾書

生自注袁安父汝母使安訪求墓地道逢三書生乃指一處此當世為三公須臾不見故累世隆盛。

十月二十三日。刑部侍郎高珩時年七十退休歸里。以詩送之。

送高念東少司寇予告歸里和司農公韻四首遺藁卷二。之一。身依魏闕志江

湖。共訝先生意態殊。老眼昏花看熟客。白頭零落著潛夫。衆中諧

笑同心少。醉裡狂吟和者孤。似此畸人何處著。為君聊寫赤松圖。

之二。已知禁網聖朝疎。牘背閒題得自如。豈少臯陶稱法吏。不須

子產著刑書。園空但得常羅雀。身退何妨竟毀車。七十乞歸歸正好。白駒場藿獨愁余。之三。不畏西風更障塵。青門回首得聞身。山中自有三間屋。膝下初歸萬里人。鄉里却看鬢鬢蒼。行藏轉覺去來新。果然父子躬耕好。穩醉田家麴米春。之四。方袍竹杖渡豐河。消遣殘年可若何。蕭寺閒行煨芋少。虛壇夜禮降真多。天臺有夢招猿鶴。吳苑何心弔綺羅。若使巾車申後約。揚州山色有摩訶。自注云公舊游吳越仍有揚州之約

高珩。字蕊佩。別字念東。晚號紫霞道人。山東淄川人。崇禎十六年。成進士。居三甲八十五名。改庶吉士。入清授檢討。由宗人府府丞。康熙九年。擢都察院副都御史。十年二月。遷刑部右侍郎。十一月。改左。十一年正月。營葬假歸。十八年。復起為刑部右侍郎。十九年十月二十三日。以老病致政歸里。生于萬曆三十九年。卒于康熙三十五年。年八十六。著有栖霞閣詩集十六卷拾遺三卷。文集十五卷。據清詩紀事初編卷六高珩小傳清代職官年表

歲除。梁清標以太和春一瓶。眞定非六束餉懋麟。以詩謝之。歲除司農公以太和春一瓶眞定非六束見餉口占志謝詩遺藁卷二之一。步兵厨外日逡巡。僕射何如此樂眞。縱有好官思爛熟。只須常醉太和春。之二。白茵青蔬守素風。莼羹不羨大官葱。雪中春韭堆盤美。潛食眞能傲放翁。

是歲。王士禛遷國子監祭酒。康熙十年。漁洋山人年譜卷下康熙十年條。遷國子監祭酒。康熙二十年辛酉 四十三歲在史館。

春。一日。同喬來。汪楫。汪霖。過天壇道院看牡丹。同子靜舟次朝采過天壇道院看牡丹和釋堂詹事韻二首遺藁卷三之一。騎馬到仙壇。憑欄問牡丹。當風香已足。承露影能團。綠重繁陰密。紅銷晚態寬。餘酣眞被酒。趁取夕陽看。之二。濃芳今已暮。幽賞轉嫌遲。欲借春三日。還留藥數枝。元與休作賦。供奉有新詞。不易逢傾國。誰教緩玉卮。

繼而與尤侗攜酒怡園。陪王熙遊謙竟日。同展成攜酒怡園陪大司馬王公遊謙竟日得詩四首遺藁卷三之一。北苑稀栽竹。南堂沉面谿。朱魚分符出。翠羽隔烟啼。宛轉逢窗戶。蕭疎想杖藜。百年存孺慕。不爲慳幽棲。自注云國有慕齋爲文貞公築也。之二。汎流何處入。飛瀑響潺湲。晝靜疑聽雨。松高儼在山。風軒蕉枕簟。水檻起烟鬟。忽有江湖興。輕鷗個個閒。之三。高閣驚雷動。層臺報雨來。滿園濃樹合。一道夕陽開。勝賞陰晴見。清言弟子陪。莫辭藜藿意。石上有流杯。之四。對客羣峯侍。當筵晚色添。美花沾薄霧。細草映疎簾。廟畧朝廷重。臺星太史占。巖廊林壑在。出處道能兼。尤侗宛平公怡園同汪蛟門攜樽小飲四首尤西堂全集卷四之一。不信青門市。能開綠野堂。周遭迴石經。宛轉引池塘。藉草留遊屐。攤書着隱囊。園成不獨樂。仍許借流觴。之二。陶陶當首夏。景物並清嘉。日晚朱簾捲。風低白袷斜。輕雷起鸛垤。細雨落楸花。濠濮何須羨。蓬壺別一家。之三。傑閣重登眺。煙雲滿帝都。西山添爽氣。北苑得佳圖。橫行攀欄楯。鳴泉轉轆轤。三年京洛客。暫遣客愁無。之四。謝傳東山日。琴書聊自怡。夔龍臥丘壑。魚鳥上山墀。清話消飛羽。

謝傳東山日。琴書聊自怡。夔龍臥丘壑。魚鳥上山墀。清話消飛羽。

狂歌倒接羅。永懷先德在。喬木世臣遺。自注云感念文貞公也。

三月三十日。作三月晦日漫興五首。即日尤侗。嚴我斯和之。

三月晦日漫興五首。遺棄卷三之一。吳閩會賦送春詩。絃管聲中落日遲。

寺外伎船紛似織。樓前人柳密於絲。一行入洛溼塵土。兩載離家負歲時。墮綠飄紅空滿眼。幽懷但有白雲知。之二。年來光景幾篇詩。

中酒昏昏起較遲。習癩舊拋牀上筆。早衰新鑷鏡中絲。楊花作勢原乘令。燕子投人已後時。輸却無情窗下草。榮枯不受蝶蜂知。之三。

自來玉局癩題詩。可惜韶華不肯遲。甚欲飲醇兼近色。妄言吹竹與彈絲。三春好景多虛日。一刻東風剩此時。轉怪啼鶯苦相喚。丁寧

花落爾曾知。之四。洗硯微吟自在詩。烹來茗粥不嫌遲。靜看香篆低簾影。默聽飛蟲繞鬢絲。幾夜惡風初定日。一番小雨乍晴時。此

回天氣宜商略。已有爭喧芍藥知。之五。近愛元和以後詩。冷吟閒醉意遲遲。停機倦婦難成錦。下箔餘蠶不吐絲。任彼是非甘忤俗。

已拚棄置惱逢時。相如大有黃金在。詞賦何勞世上知。

尤侗是日和蛟門漫興詩六首。尤四堂全集于京集卷四之一。老去原宜漫興詩。春來詩興爲愁遲。祇憐芳草生衣帶。不分楊花上鬢絲。傀儡登場豈免俗。

葫蘆畫樣已違時。悠悠世路誰堪問。差許寒山片石知。之二。有客能吟本事詩。曲高自覺和聲遲。閒情尙繫雙行纏。苦淚如彈獨繭絲。

半夜頻驚歸客夢。一年長恨送春時。鏡中白雪添多少。問煞東風總不知。之三。獨立蒼茫自咏詩。家山無恙得歸遲。底須索米囊三斗。

賸欲縫裳乞一絲。水旱荒田空望歲。關河戰角漫憂時。何當早汎扁舟去。報與煙波釣叟知。之四。陶公飲酒阮公詩。筆墨頹唐臥起遲。

三館雕蟲催白髮。五陵走馬競青絲。夢中蘄北松風客。望裏江南梅

雨時。自哭自歌還自笑。此中碗壘少人知。之五。歲歲追題賈島詩。苦吟聽到曉鐘遲。倦同越鳥常垂翼。愁似吳蠶自縛絲。竹杖芒屨欠

勝具。雙柑斗酒負良時。近來學得安心法。冷煖惟教飲水知。之六。輞川同作秀才詩。我比汪倫拙復遲。萬事銷磨莊化蝶。一生惆悵墨

悲絲。每思濠上鯨魚樂。正合山梁雌雉時。吟罷舉林還自罰。短箋聊報故人知。

嚴我斯三月三十日漫興次蛟門韻六首。尺五堂詩刪近刻卷三之一。復春客裏罷吟詩。太息春歸我較遲。節序每驚花改信。風光難得柳如絲。青山

皂帽思鄉處。藥裏書籤獨坐時。最是年年當此日。老懷生怕有人知。之二。淡泊生涯數首詩。小窗枯坐夢回遲。閒中歲月雙蓬鬢。老去

江湖一釣絲。槐陰鳥啼人倦後。棟花風起日斜時。韶華爛熳原無幾。惟有牆東蛺蝶知。之三。年來不作探春詩。着屐尋幽未厭遲。郭外

人家低翠幕。花邊小隊控青絲。幾逢薄醉閒吟日。正是飄紅墮白時。更喜科頭兼謝客。綠陰深巷有誰知。之四。每愛吳興柳惲詩。故鄉

景物好棲遲。還留下若三升醞。但苦街頭二月絲。麥秀風和移艇處。梅黃雨過插秧時。明年此日應歸去。說與山靈早晚知。之五。吟成

半是感懷詩。老大何堪萬事遲。布機青鞵尋杜甫。鬪雞半狗憶袁絲。能開笑口無多日。欲賦閒情好及時。春去春來彈指過。箇中消息幾

人知。之六。一編新課晚唐詩。遣興何妨得句遲。紅藥闌前傾白墮。綠陰窗下寫烏絲。春如久客思歸日。人似銷魂送別時。未逸有情聊

復爾。朗吟應許落花知。

初夏。與喬萊。汪楫。汪楫。飲豐臺芍藥花下。值嚴我斯。孫在豐
時年三。至晚歸。再邀曹不宴集喬氏寓齋。

同子靜舟次朝采飲豐臺芍藥花下值就斯詹事記瞻學士至晚歸再邀頌
嘉集子靜寓齋同用十藥詩遺藥卷三。首夏氣喧暖。百物勢燠灼。卉木各

競妍。顏色亦爭託。漲眼厭飛埃。揚翼同倦雀。何意郊垌開。成此
眞率約。入林得芳圃。脫帽坐溪閣。斜陽低戀人。歸馬仰趨郭。

卜夜燈再燒。窮歡友重捉。人生金繞身。不如林在握。感彼將離花。
安得不爲樂共四十八句。

嚴我斯初夏郊外游眺至豐臺看芍藥值蛟門石林諸子招飲花前晚歸復
集石林寓齋邀同岷眉共限藥字詩尺五堂詩刪近刻卷三。風靜天氣佳。晴光散寥

廓。晨起巾我車。行游出西郭。遠山如故人。相逢慰離索。宛轉不
數里。空濛入縹薄。樹杪見雙亭。何人此開拓。清流環石橋。曲磴

迴峰壑。好鳥鳴鈎輈。林花自飄泊。襟袖滿空香。憇坐聊歇脚。於
時當清和。前村放紅藥。步履隨所之。游屐互紛錯。遠近幾人家。

繁葩正綽約。何來二三子。招呼聞大曠。勝事偶然集。飛揚氣旁
魄。以此消百憂。即景良可藥。茗宇忘歸來。接籬從倒着。入門河

漢斜。庭樹喧鳥鶻共六十四句。

孫在豐。字杞瞻。浙江德清人。康熙二年。舉於鄉。九年。成進士。
居一甲二名。授編修。是歲。充日講起居注官。十一年。陞侍講。

十二年。充會試同考官。轉侍讀。又陞侍講學士。轉侍讀學士。乞
假歸省。旋丁母憂。服闋。補原官。二十二年五月。擢內閣學士。

兼禮部侍郎銜。十二月。改翰林院掌院學士。充經筵講官。教習壬

戌乙丑兩科庶吉士。二十四年。充會試副考官。二十五年。遷工部
右侍郎。二十六年。轉左。二十七年。以河工議與在事者不合撤歸。

降補翰林院侍讀學士。二十八年五月。除內閣學士。兼禮部侍郎銜。
踰月以疾卒於官。生于順治元年。卒于康熙二十八年。年四十六。

著有尊道堂詩文。藏于家。徐乾學憺園文集卷三十一內閣學士兼禮部侍郎孫公神道碑銘。

宸垣識略卷十三郊垌。豐臺在右安門外十八里。居民向以藝花爲業。

草橋河接連豐臺。爲京師養花之所。元人園亭皆在於此。有御製豐
臺行詩碑二。

又藤陰雜記卷十一郊垌。豐臺在宛平縣西。草橋南。爲近郊養花之
所。元人園亭皆在此。今每逢春時。爲都人遊覽之地。自柳村。俞

家村。樂吉橋一帶。有水田。橋東有園。其南有荷花池。牆外俱水
田。種稻。至蔣家街。爲宛平大學士王文靖別業。向時亭臺極盛。

今亦荒蕪矣。其季家廟。張家路口。樊家邨之西北。地畝半種花草。
半種瓜蔬。劉村西南爲禮部官地。種植禾黍豆麥。京師花賈比比。

於此培養花木。四時不絕。而春時芍藥尤甲天下。泉源從水頭莊來。
向西北流。約八九里。轉東南。入南苑北紅門。歸張灣。水清土肥。

故種植滋茂。春芳秋實。鮮秀如畫。

時孫蕙將之福建典鄉試。以詩送之。

送樹百給事使閩詩遺藥卷三。疎雨淨炎溽。潤物如流膏。棗葉沃以光。

新蟬聲唧唧。是時把使節。馬足何其高。茲行有三樂。負此可以豪。
得士報主知。所貴搜譽髦。八閩蘊才傑。文字紛牛毛。感君苦相

勉。藏器聊晦韜。其如夜懷寶。苦遇奇鬼塵。自此誓卷舌。不作寒

蟲號。閉關謝俗物。妙理參濁醪。

清祕述聞卷二康熙二十年辛酉科鄉試條。福建考官。戶科給事中孫惠字樹百。山

東淄川人。辛丑進士。

五月八日。伊闢卒於雲南。以詩弔之。

哭伊中丞三首和祭酒王公韻詩遺藁卷三。王師圍六詔。金鼓震全川。

只恐疲軍食。應須滅竈烟。章阜空有志。李毅竟無年。安得聊城矢。

蒼茫憶魯連自注云時圍滇數月矣。之二。猶記臨分日。刀環仔細看。暗憐雙鬢

白。早畏尺書丹。慨慷方乘傳。淒涼忽蓋棺。燈昏歸化寺。戰雨夜

漫漫自注云公在滇寓居歸化寺。之三。遺表蒼皇發。軍書火急行。薦賢心最苦。

破賊恨難平。鐵柱功誰紀。金沙夢自驚。可憐丈夫淚。空灑女郎城

自注云滇有天水城。為李毅女秀所築。

王士禎輓伊翁菴中丞四首漁洋續集卷十四。之一。隔歲看持節。俄驚委逝川。

烽高麗江水。魂黯點蒼煙。力疾圍城日。捐生破賊年。空留新賜冢。

突兀象祁連。之二。家世南充郡自注云唐伊慎封南充郡王。功名僕射看。行營諸

道合。報國寸心丹。未取黃金印。先逢白玉棺。招魂何處是。瘴霧

夕漫漫。之三。桓典青驄馬。終煩萬里行。竟歌虞殯去。不見蔡人

平。月暗封狐嘯。星寒壓馬驚。流蘇東下日。目斷武昌城。之四。

馬革平生志。昆明未息戈。星辰移九列。書檄動諸羅。歿視悲荀偃。

生還失伏波。故人歌薤露。流涕向山河。

伊闢。字盧源。別字翕菴。山東新城人。順治五年。領山東解額第

一。十二年。成進士。居三甲一百五十四名。改庶吉士。累遷至康熙十九年三月。拜都察院右副都御史。巡撫雲南。卒於官。生于天

汪蛟門懋麟年譜初稿

啓三年。卒于康熙二十年。年五十九。闢在臺二載。屢有章疏。卒

多削稿。所存按晉奏議若干卷。嘗輯錄本朝四十年來名臣奏議若干

卷。未成書。皆藏於家王士禎漁洋文略卷八誥受資政大夫巡撫雲南兼建昌畢節等處地方管理軍務兼督川貴兵餉都察院右副都御史翕菴伊公墓誌銘

八月六日。夢中作詩。醒來不忘一字。

夢中詩遺藁卷三。序。辛酉八月六日。夢行沙水上。見一井。井上有亭。

井中白氣上騰如縷。旁有老猿守之。自言止宿井中。井水甚甘。欲

煮以酌余。時風雪大作。雪花片片著衣上。余欲辭去。猿忽僧帽方

袍捐而固留。又一道士來相與對坐。猿侍於側。因口占一絕以答之。

醒來枕上不忘一字。詩。洞裏袁公亦太奇。白頭深著道人衣。丹砂

賁就要人喫。大雪漫天不放歸。

暮秋。喬萊將之桂林典鄉試。以詩送之。

送子靜主桂林省試五首遺藁卷三。之三。紛紛較士競中原。見說殊方總避

垣。此去獨逢柑子熟。所嗟不及荔枝繁。地經象郡龍城險。景愛紅

蕉翠羽翻。西過再溪幽麗絕。紀游好問柳宗元。

清祕述聞卷二康熙二十年辛酉科鄉試條。廣西考官。編修喬萊字子靜。江南寶

應人。己未鴻博。

十二月三日。偕諸友宴集馮溥佳山堂參文集卷二佳山堂詩集序

臘月三日同諸子攜酒佳山堂與益都公爲壽蒙示二詩即席奉和詩遺藁卷二

之一。且共清尊對綺筵。漫言白髮上華顛。太平不是尋常事。變理

頻煩十二年。聊藉管絃酬晚歲。不須服食學神仙。洛中臺謝非公志。

只憶那那負郭田自注云原信有雖老寧無一頃田之句。之二。昆明波靜慮還多。未便東

四四七

歸理釣蓑。好把平安報修竹自注云原倡云薰。久知清夢託烟蘿。風隨鐵馬初回鞏。雪滿銅龍正洗戈。只待四郊書大有。青門商略意如何。康熙二十一年壬戌 四十四歲

春。明珠黨人余國柱將之任江寧巡撫。以詩送之。

送余中丞開府吳中和司農公韻二首遺藁卷四之一。帝錫中丞禮數崇。金盤玉勒出深宮。御牀密授絲綸詔。帷幄徐收節鉞功。告廟封章追雅

樂自注云公疏。入吳詩句廣仁風。自注云公昇平宴詩。江淮自此同磐石。請更定樂章。曰奉宣仁風之吳疆。

滾滾狂瀾不復東。之二。自媿侏儒共比肩。何當青眼向人偏。未成

狂客依劉志。虛負明公說項年。十載望塵曾畫省。八驪分道又春天。

不才願向吳中老。化雨晴郊耒耜懸。

余國柱。字兩石。湖廣大冶人。順治九年。成進士。居三甲九十四

名。授兗州推官。遷行人司行人。轉戶部主事。康熙十五年。考授

戶科給事中。二十年。擢左副都御史。旋授江寧巡撫。當明珠用事。

國柱務罔利以迎合之。及內轉左都御史。遷戶部尚書。湯斌繼國柱

撫江蘇。國柱索斌獻明珠金。斌不能應。由是傾之。二十六年。授

武英殿大學士益與明珠結。一時稱余秦檜。會康熙帝謁陵。中途召

于成龍入對。成龍盡發明珠國柱等貪私。帝歸詢高士奇。士奇以狀

聞。及郭琇疏論劾。言者蠶起。國柱門人陳世安亦具疏糾之。頗中

要害。國柱遂奪官。既出都。於江寧治第宅。營生計。復爲給事中

何金蘭所劾。命逐回籍。卒於家清史稿卷二百六十九。余國柱傳。

二月二十一日。王賓客死于京師。懋麟與許承宣。經紀其喪。集同郡

同舉之官京朝者會哭。

仔園王君墓誌銘文集卷五。吾友王君仔園。以康熙二十一年春。就禮部

試。撒棘之明日。聞其父之喪。時客涇陽館舍。大呼淚不得下。反

衣羊裘。兩手據木榻。目直視。髭髮怒張。晝不食飲。夜不帖臥。

客往弔唁。不能罄折。發聲悲號。如是者五日而卒。實二月二十有

一日也。得年五十五。予與許給事筠庵。經紀其喪。集同郡同舉之

官京朝者會哭。

三月末。王又且招懋麟借王士禛。施閏章。徐乾學。毛奇齡。汪楫。

飲祝家園。

幼華給事招同諸公飲祝園亭子限山莊二韻詩遺藁卷四之一。三月已云暮。

一亭今始聞。柳花何滾滾。谿水自潺潺。只此便高枕。未須思故山。

林鷺如愛客。作意語繒蠻。之二。醉來呼給事。曾否卜西莊。種樹

他年約。看花且放狂。真宜臨曠野。最好是斜陽。獨媿何居士。嘲

余似太常自注云余是日齋。

王士禛幼華給事招同愚山健菴大可舟次季角集祝氏別墅詩漁洋續集卷十五王

稿。黃門休沐暇。池館愜招尋。人語碧苔徑。鶴鳴修竹林。微風交

落絮。流水澹春陰。坐愛儵魚樂。悠然濠上心。

宸垣識略卷十二外城。祝家園在先農壇西。左都御史祝氏別業。今無

考。

三月二十八日。陪梁清標再游祝家園。

三月晦前一日陪司農公再游祝園詩遺藁卷四。溪邊花欲盡。柳外絮還飛。

春色荒荒老。風光緩緩歸。何期逢早夏。乍可試單衣。小徑經過熟。

先來歎竹扉。

旋病足。

病足五首遺藁卷四之三。豈作低眉態。聊為抱膝吟。向誰明痛癢。只自

悟升沈。蟲響依寒砌。鐘聲出禁林。一燈秋夕裏。驗此百年心。之

四。未衰先策杖。徒倚望晴空。樹接鄰家綠。荷分別渚紅。疏簾鈎

落日。細竹響微風。向晚饒清景。如弦月在東。

夏。為王士禎漁洋續集作序參漁洋續集序。

時注楫為册封琉球正使。林麟焯為副使。將出使琉球。以詩送之。

送舟次二兄册封琉球詩遺藁卷四。細斑之布青黑絲。黃靶勒巾巾服奇。

短軀廣袖細馬騎。天街街南曾見之。海邦陪臣幾萬里。天風一夜能

北吹。元正百國列王會。中山守禮來無遲。稽顙請封聖人喜。虎節

特令儒臣持。賜以一品上公服。歸昌遊聖麟與麒。：吾兄大筆恣揮

灑。自能宣播君王慈。歸來細說日南事。笑我聞見猶參差。

遺藁卷四亦有送林石萊舍人奉使琉球詩。

林麟焯。字石萊。福建莆田人。康熙九年。成進士。居三甲一百八

十四名。授中書舍人。二十一年。奉命與檢討汪楫册封琉球使。還

除戶部主事。晉員外郎。二十六年。充四川鄉試副考官。遷禮部郎

中。三十三年。擢貴州提學僉事。以薦授參議。未補歸。初耿蔭有

異志。麟焯方在籍。逆憂之。問道潛入京師。及南昌而變作。人稱

其哲。麟焯受詩法於王士禎。故士禎為序其詩。著有玉巖詩集。竹

香詞。列朝外紀。莆田縣志據國朝耆獻類編卷二百八陳壽。

清史稿卷五百二十六屬國一。二十一年。命翰林院檢討汪楫。內閣

中書舍人林麟焯為正副使。齎詔敕銀印往封琉球國世子尚貞為王。

賜御書中山世土額。禮成。還京。奏言中山王尚貞願令陪臣子弟四

人來京受學。部議前明洪武。永樂。宣德。成化間。琉球官生入監

讀書。今尚貞傾心向學。應如所請。從之。

六月末。馮溥致政歸里。與潘耒等餞送於萬柳堂。

萬柳堂餞送益都公和席間原韻詩遺藁卷四。早年宮漏聽長楊。七十抽簪

鬢未霜。富貴誰能輕去國。身名最好此還鄉。賜游西苑天厨出。眷

念東山驛騎長。畢竟君王惜賢達。青門詩送賀知章自注云上賜。

藤陰雜記卷六東。：益都致政。門生祖餞。和詩傳汪蛟門懋麟都門

人送賀知章。潘稼堂未東山身為草堂留佳句。

秋七月。偕王士禎。王又旦。徐乾學。陳廷敬。相聚於城南山莊。賦

詩飲酒。命禹之鼎貌五人像為一圖。自為之記。

城南山莊畫像記文集卷三。於是壬戌七月。相聚於城南山莊。賦詩飲酒

相娛樂。命興化再生貌五人像為一圖。屬懋麟為之記。：懋麟於此

竊有愧。陳公與濟南公各以名德為帝師。徐公翊贊青宮。與陳公并

領史局。王公方拾遺補闕。而予庸碌無狀。無所表見。齒僅少陳公

一歲。徒以浮名受筆札。趨走纂局。而諸公以故人不即擯棄。許共

朝夕譚議。每攬鏡自顧。頭毛半禿。白髭日生。枯槁無聊之狀不堪向

人。何復以畫為哉。他日諸公勳業既盛。宦游或倦。欲借川澤須臾

之暇而休沐焉。予得幅巾方袍杖筇以從。縱譚山川雲物之美。或有

可以把臂無媿者。姑藏斯畫以待之。

郎潛紀聞卷七五客話。康熙壬戌七月。王文簡公士禎。陳文貞公廷

敬。徐健庵尚書乾學。王幼華給諫又且。汪蛟門比部懋麟。集城南

山莊。禹慎齋鴻臚之鼎作五客話舊圖。蛟門爲紀卷。藏澤州陳氏。八月十二日。同嚴我斯。徐乾學。徐秉義時年五十。汪楫。汪霽。飲孫在豐園亭。

中秋前三日飲孫學士園亭同嚴徐諸公暨舟次兄朝采弟共用星字二首遺藥之一。蕭間門館似郊坳。突兀何期見草亭。種樹十年方有此。卷四

開軒一望似曾經。檐前棗熟從人打。竹外蟲喧耐客聽。倘許平安常問訊。高窗還擬看秋星。之二。金門酒伴舊忘形。世上紛紛渭與涇。醉裏難逢蟾影白。忙中失却鬢毛青。早知寒信輸征雁。欲借餘光笑亂螢。落葉何關羈客事。年年同此歎飄零。

嚴我斯壬戌中秋前三日汪舟次蛟門東川攜酒吧瞻園亭招同健菴果亭分得亭字詩尺五堂近。之一。着履相邀問字亭。金魚共解倒銀瓶。

一簾秋色開蓬徑。幾樹斜陽散竹屏。河漢乍移砧響急。藤陰亂落酒杯青。良宵勝地情何極。莫怪常筵笑獨醒自注云時字。病酒止飲。之二。三徑初開一草亭。投閒不異在郊坳。人間最好中秋月。天上何妨半酒星。

入座論文同北海。乘槎有客到南溟自注云謂舟次也。朝來躑躅紅塵地。忍使深林此暫停。

徐秉義。字彥和。乾學弟。康熙十二年。成進士。居一甲三名。授編修。十四年。充浙江鄉試正考官。二十一年。遷右春坊右中允。

尋乞假歸里。乾學既卒。後又召補原官。累遷侍讀。庶子。少詹事。三十八年。遷詹事。三十九年。擢禮部侍郎。旋調吏部。皆兼管詹

事府。四十年。充經筵講官。四十一年。以前同刑部侍郎綬色克往訊陝西糧鹽道黃明受賄情事。擬罪失當。部議革職。命仍以翰林官

用。後補詹事。充順天鄉試正考官。四十二年。遷內閣學士。四十三年。乞休歸。五十年。卒於家。生于崇禎六年。卒于康熙五十年。年七十九。著有培林堂集。始終未刻。僅流傳寫本據清史列傳卷十徐秉義傳清詩紀事初編卷三徐元文小傳。

暮秋。王又且與懋麟招王士禛。陳廷敬。徐乾學。宴集祝家園。

王士禛秋日幼華季角再招同說巖翰長健菴官贊集祝園懷舟次奉使琉球詩漁洋續集卷十五王戊稿。重過碧溪上。秋色尚靛靛。釣石思何楷。林池想

庚詵。霜清聞喚鶴。水落減遊鱗。忽憶滄溟客。乘槎獨問津。

十二月二十六日。陳廷敬招懋麟。李天馥。王士禛。王又且。宴飲陳

氏寓齋。

除夕前三日陳學士招飲寓齋以東坡餽歲別歲守歲詩爲韻見示即答詩遺藥卷四之一。歷歷天上星。遷移本五佐。陰陽逼短景。欲挽不受貧。

所怪太喧暖。未見雪花大。行游愛清夜。幸得免僵卧。燈明君子堂。五客圍一座。劇論忘宵寒。鄰街已春磨。追維困官書。那得數相過。

一醉起積昏。勝於親劑和。之二。歲盡勢苦急。我閒思轉遲。譬彼失鞍馬。一縱焉可追。不見日與月。出沒倏天涯。人生百年內。光

景能幾時。閒來把明鏡。少壯分瘠肥。不如且行樂。安能常苦悲。念彼堯峯叟自注云謂若文兄。早與軒冕辭。保身等金石。或救筋力衰。之

三。短衣射猛虎。奮臂斬長蛇。卓哉軼羣子。怒氣難遮。願我久淪落。撫髀嗟奈何。低眉望牛後。徒爲志士譁。塵埃策歎段。行歌

揚馬馱。相逢半輕薄。不語頭自斜。陳公意良厚。溫言慰蹉跎。雲霄不可仰。泥塗何足誇自注云原信云座中汪舍人年少未踴躍豈惟爭一歲一日猶可誇。

陳廷敬十二月二十六日湘北貽上幼華蛟門見過用東坡饋歲別歲守歲韻三首午亭集卷七之一。爲客心久孤。踽踽孰予佐。冠蓋富煙海。取友

譬權貨。錦衾混短褐。物豈在細大。以茲寡歡遊。窮年掩關臥。至竟二三子。邀賓必在座。東風迴龍杓。西日遁蟻磨。別時已屢多。

歲闌詎重過。相對各衰鬢。陳述留賡和。之二。歡多歲易速。愁多歲易遲。我今既不樂。歲往焉用追。載賡別歲吟。與子俱天涯。城南菊花候。水亭楊柳時。江東有歸客。尊美鱸魚肥自注云。人生聚

與散。念此能不悲。舊歲及舊人。去去長若辭。歲去還復來。人老終就衰。之三。歲宴方羣蟄。吾道如龍蛇。天運有節宣。存神以自

適。但可勤飲酒。苦志將如何。空堂久蕭瑟。今夕同笑譁。巾車既投轄。櫪馬且置擿。生涯須爛醉。暮景亦大斜。座中汪舍人。少年

未蹉跎。豈惟爭一歲。一日猶可誇自注云蛟門長余一歲。遺藁卷四亦有學士再叠前韻見貽奉答三首。午亭集卷七亦有蛟門見

和復次前韻三首。是歲。懋麟補刑部江西司主事。仍直史館。鶴徵錄卷三。服闋。以主事銜入史館。與修明史。越三年。補刑部。

能辦疑獄。仍直史館。王士禛比部汪蛟門傳帶經堂集卷六十六。尋補刑部。君才通敏。不敢託史事

自佚。聽斷矜慎。雖疆禦不顧也。徐乾學刑部主事季角汪君墓誌銘櫞園文集卷二十九。既補刑部江西司主事。

兼管纂修。在刑部有逸事二。一。南城武某以一車一馬販米於南花園。宿董之貴

家。董利其費殺之。夜以車載尸鞭馬曳之他去。武父得尸於道。得車馬於劉氏之門。訟之官。謂劉殺其子。懋麟曰。殺人而置其車馬於門。非理也。乃微行南城外縱其馬。馬至之貴門。輒跳躍悲鳴。衝戶以入。即令收之。訊得實。實之貴於法。劉得釋去。都人爲作馬訟圖。賦詩張之。一。王某兄弟與海戶鬪。自殺其病弟。而訟海戶於官。懋麟微

行察之。其鄰曰。鬪則有之。殺人則未也。至王某門。其家籠鷲忽羣

鳴延頸如有所訴。懋麟立逮弟妻。訊之具以告。某遂自伏。既具獄。忽二人稱親王使者直前。謂某隸籍府中。懋麟怒曰。吾爲刑官爲朝廷

守法耳。必索之當奏聞。二人者氣奪王士禛比部汪蛟門傳。時刑部尙書魏象樞

大器重之。即懋麟所定稟不復議。雖康熙帝亦知之。屢訊其名刑部主

事季角汪君墓誌銘。康熙二十二年癸亥 四十五歲

在刑部。仍直史館。二月。汪楫自琉球歸吳嘉紀詩箋校附吳嘉紀年表康熙二十二年條。

四月。孫卓與周燦出使安南。以詩送之。送孫編修同周儀部奉使安南詩遺藁卷九。九真屬國天南隅。其地舊築東

西都。毒溪百道列關隘。豈獨浪泊兼來蘇。：世子告哀請嗣爵。吉

凶特遣儒臣俱。太史隻手把王印。日汝拜受動金蛛。禮官入廟賜巨

鬯。束帛薦璧陪臣趨。再捧黃紙出宸翰。扶桑照耀筆筆殊。禮成並

設使星宴。上公袍服驚有無。威儀詞氣震天末。蠻夷敢復稱老夫。馬援陸賈已陳跡。應笑樓船連舳艫。

孫卓。字子立。安徽宣城人。康熙十八年。成進士。居一甲二名。

授編修。二十二年。奉命與翰林院侍讀明圖使安南。後累遷至雍正元年。遷太常寺卿。五年。改通政使司。仍兼太常。六年。遷禮部右侍郎。七年。降太常寺卿。十年罷。清代職官年表

周燦。字紺林。號星公。陝西臨潼人。順治十六年。成進士。居二甲七十五名。改主事。康熙二十二年。以禮部郎中副翰林院侍讀鄭

黑使安南。旋外擢南康府知府。二十五年。充四川學政任。燦聲譽甚隆。孫枝蔚。王士禛頗稱道之。著有願學堂文集。清詩紀事初編卷八周燦小傳清代職官年表

清史稿卷五百二十七屬國二。二十二年四月。遣翰林院侍讀明圖。翰林院編修孫卓册封黎維正爲安南國王。御書忠孝守邦四字賜之。

同時遣翰林院侍讀鄭黑。禮部郎中周燦諭祭故王維禔。維禔。初夏。生女。

生女詩遺藁卷五。癡懷日夜望徵蘭。何意香幃曉夢殘。夢得夢婆親抱送。于今嬌女七金鸞。

盛夏。選白居易詩。選白居易題一絕句遺藁卷五。淡粥三杯藥一匙。清晨忽報日中時。欲知

閒裏忙功課。要畢丹黃白傅詩。閏六月十三日丑時。施閏章以疾卒於邱齋。愚山先二年之後。懋麟以

詩輓之。寄輓施侍講尙白詩遺藁卷七。誰道先生好酒悲。每當哀樂淚爭垂。秦淮

杯案淋漓夜。燕市朋交聚散時。孤館五年遺舊史。雙溪百代有傳詩。素車意負生芻誼。未作墳前四尺碑。

秋冬之交。康熙帝出金箋命侍臣能書者。書唐詩進。擇其工者爲屏風。

懋麟書在二十四幅選中。時王士禛以詩柬懋麟。言及此事。

徐乾學刑部主事季向汪君墓誌銘懋麟文集卷二十九。一日。出金箋命侍臣能書者。書唐詩進。擇其工者爲屏風。君書在二十四幅選中。衆且謂

不日當召見改官侍從。王士禛東汪季詩漁洋續集卷十六癸亥稿。愛君別館種梧桐。下直清樽酒不空。

出水芙蓉三百字。承恩新上御屏風。祭酒先生以詩見東日暮下直口占奉答詩遺藁卷五。霜老梧桐一院陰。簿

書堆裏廢清吟。承恩獨愧瑤林殿。能博君王幾笏金。自注云南宮被詔瑤林殿書屏風賜金

十八。是年及明年。韓魏一再至京師。寓於懋麟客舍。韓醉白詩序文集卷二。癸甲之交。始一再至京師。館予客舍。日夕討論。並出其十餘年所爲詩讀之。

康熙二十三年甲子。四十六歲。春。正月七日。洪昇時年四與沈季友時年四同飲懋麟宅。章培恆撰洪昇年譜。康熙二十三年條

洪昇年譜引沈季友人日飲汪比部懋麟宅和洪昇韻詩學士白堂詩集卷六秋蓬集之一。初正破七纜芳時。紅羅亭上題新詩。風流比部夜披簷。更有華燈然

百枝。之二。座客都分草堂調。賭酒花蝶發狂笑。梅萼香邊各問年。馮生老去周郎少。之三。愁見吳綉畫裏春。鑲金插鬢一番新。自注云

時設燈屏美。就中誰是思歸者。流落青衫姓沈人。洪昇。字昉思。號稗畦。又號稗村。南屏樵者。浙江錢塘人。國子

監生。遊京師時始受業於王士禛。後復得詩法於施閏章。其論詩引繩切墨。不順時趨。與士禛意見亦多不合。朝貴輕之。鮮與往還。

見趙執信詩驚異遂相友善。以所作長生殿傳奇國恤中演於查樓。執信罷官。昇亦斥革。年六十。酒後登舟。墮水死。生于順治二年七月一日。卒于康熙四十三年六月一日。年六十。著有稗村集據清史列傳卷七十一文苑傳洪昇年譜

沈季友。字客子。號南疑。一號秋圃。浙江平湖人。副貢生。季友父葵。順治九年進士。官河南西平知縣。有才名。早卒。故季友能得諸先輩賞識。結交官代名士。其詩清麗。近于晚唐。生于順治九年。卒于康熙三十七年。年四十七。著有學古堂詩集。橋李詩繫據清詩紀事初編卷七沈季友小傳續橋李詩繫卷七

時許承宣假歸揚州。以詩送之。

送力臣都諫假歸揚州兼柬師六孝廉詩遺藁卷六 君入詞館年。柔兆歲在丙。久挫才實雄。乍伸氣愈猛。好書原深沈。爲文肆馳騁。短檠然寒膏。長編續餘景。高名動玉陛。特擢授華省。矢報在公忠。發言多骨鯁。：此行何優優。惜別徒耿耿。令弟富文藻。契濶類萍梗。兀自飛翻遲。使我歎息永。駿足宜騰燕。高唱方發郢。正際宏網開。共仰朗鑑炳。努力登康莊。慎勿戀幽境。

尋游興勝寺看杏花。寺前花園小亭上有龔鼎琴題會香二字。賦詩紀之。

興勝寺看杏花詩遺藁卷六 興勝寺中花事勝。杏花如雪幾時開。不辭辛

苦尋春去。特地飛揚借馬來。樹杪高亭何突兀。階前細草足徘徊。

迷離錯認吳中景。剪取銅坑一角梅。

興勝寺前花園小亭上有龔尚書題會香二字感題一絕詩遺藁卷六 會香亭

下細泉流。謝傳題名在上頭。拋却酒杯揮馬策。十年重此痛西州。

汪蛟門懋麟年譜初稿

宸垣識略卷十二外城 興勝寺在十間房。有明天啓二年銅鐘一。本朝康熙辛巳。長洲汪士竑書禪逕清閨額。懸之門楣。

二月。趙士麟時年五十六 授浙江巡撫。將之任。以詩送之。

送趙中丞玉峰撫浙二首遺藁卷六 之一。霜飛柘府映清水。美度從容八座升。管領湖山新節度。扶持風紀舊中丞。裙腰細草春深碧。鏡面晴

波日暮澄。五代以來絃管地。遙知休息自今稱。之二。名賢爲政在

清時。料得規模次第施。化俗勸農無別事。栽桃種柳總相宜。表忠

尚有錢王觀。遺愛還傳陸相祠。若比白蘇官職大。更添開府幾篇詩。

趙士麟。字玉峰。又字麟伯。雲南河陽人。康熙三年。成進士。居

三甲一百五十四名。授貴州平遠推官。改直隸容城知縣。行取授吏

部主事。歷郎中。擢光祿寺少卿。三遷至左副都御史即康熙二十

十三年。授浙江巡撫。二十五年。移撫江蘇。二十六年。召爲兵部

督捕侍郎。二十九年。改吏部右侍郎。三十年。改左。卒於官。生

于崇禎二年。卒于康熙三十八年。年七十一。著有讀書堂集。四庫

提要卷一百八十三 稱是集爲士麟所編。凡語錄四卷。文十七卷。詩二

十一卷。條約四卷。大抵應酬之作。冠以序一卷。題詞一卷。密行

細字。凡八十二頁。哀然自爲一巨冊。亦向來刻集者所未有也據清

夏四月。兄懋麟自揚州來京師。懋麟偕汪霽騎馬出郭相迎。

叔定家兄入京同朝采出郭相迎抵寓即事得二首遺藁卷六 之一。人同細問

何時到。說在清和月上弦。犯曉最先騎馬出。挑燈預想對牀眠。感

時兀兀驚雙鬢。憶別匆匆忽五年。何幸雁飛同北向。秋來無復望南

四五三

天。之二。板扉曲巷乍停車。却訝軒窗面面虛。亦有梧桐開小徑。更饒芍藥勝山居。競前問事紛兒女。向晚開簾漫掃除。風味此鄉安穩未。且嘗家醞剪園蔬。

見山樓詩序文集卷二。今年四月。兄以明經入對。...

既乃同兄耀麟。汪霖。及諸友游豐臺看芍藥。飲王熙山莊。

同叔定兄東川弟與諸友人之豐臺看芍藥飲王相國山莊用西厓所書扇上柘溪詩韻詩遺藁卷六。紫絲幕張見殊色。曉態森森向人立。洗妝偏受

纖露滋。破體猶嫌野風急。朱唇白面各自研。粉蝶黃蜂一時集。玉

奩亂潑脂水濃。春波半濺青裙濕。齋時拾得一日晴。周顛怕聞何肉

腥。且將良醞對花酌。不然空令頭毛星。春風五度恨草草。客心一寸嗟熒熒。花前送酒有眉黛。西峰脚日何其青。

五月。吳嘉紀卒。年六十七。

吳嘉紀年表康熙二十三年條。五月。嘉紀卒。葬梁埭開家舍。

六月。為兄耀麟見山樓詩集作序。

見山樓詩集序文集卷二。今年四月。兄以明經入對。携所為詩八卷。命余次第。已痛割少作什五六。非感時覽古意之所託則不存。而徵事

取才。必確有源本。問事雕繪。必極殊采。非空疎躁妄之人所能。

一覽而即得其意與力之所至也。：康熙甲子六月序。

八月四日。兆麟元配歐氏卒。年三十五參見文集卷五亡兄公趾元配欣氏安人墓誌銘。

時為蜚語所陷。八月三十日。吏部議懋麟革職流徙寧古塔。詔下奪官

放歸。

徐乾學刑部主事季角汪君墓誌銘澹園文集卷二十九。忽有以蜚語陷君者。中

旨。問九卿。皆聘貽不知罪狀。所擬坐且不測。幸天子寬仁。詔下奪官而已。

康熙起居注康熙二十三年甲子八月條。三十日癸亥。辰時。上御乾清門聽政。部

院各衙門官員面奏畢。大學士覺羅勒德洪。明珠。王熙。吳正治。

宋德宜。學士石柱。喇巴克。麻爾圖。圖納。王鴻緒。席爾達。吳

興祖。范承勳。牛鈕以折本請旨。吏部議刑部主事汪懋麟革職流徙

寧古塔。上曰。着將九卿所議汪懋麟不安分生事等情。寫入本內來

奏。

清詩紀事初編卷四汪懋麟小傳。得罪不悉何事。喬萊祭汪蛟門比部

文曰。佞文黨社。釀禍非常。乃荷殊恩。放歸故鄉。

九月十三日。與兄耀麟。韓魏。離京歸揚州。

九月十三日還山四首遺藁卷六之一。幸遂還山顛。蕭然去國輕。獨驅羸

馬出。嬾別故人行。秋氣飄零狀。浮雲聚散情。廿年塵土夢。纔聽

曉雞鳴。之二。詩書皆長物。舍此遂初衣。夢與鷗羣熟。人隨雁陣

歸。山川原有待。出處久知非。自此安耕鑿。觀身好息機。之三。

出郭一舟在。居然秋水寬。掛帆風最正。倚棹日初寒。兄弟鄉思久

自注三與叔。親朋夜語闌。青樽聊取醉。白髮漫驚看。之四。涕淚

孰相親。艱難見一人。自注云醉白時有所營棄去與余南還。青雲何限好。白首此時真。

笑子求名拙。從余盡室貧。漁磯隨處有。竟許共垂綸。

十一月一日。舟泊淮口。夜夢見梁清標。不勝離索之感。賦詩紀之。

舟泊淮口文華寺夢與真定公剪燭坐小亭候張筵觀劇吏人忽報公入相

懋驚喜涕零謂公活歷六卿三十餘載肩彌勞深至此乃蒙甌卜醒時猶淚

漬枕上不勝離索之感時仲冬朔日五更也詩遺藁。 文華寺前淮水深。

孤舟寒壓木棉衾。 歸人正切還家夢。 卜相何關去國心。 熱淚有情同

感激。 斷蓬無意任浮沈。 絳紗已隔三千里。 猶把笙歌枕上尋。

尋抵白田。 慰香萊樂志堂。 感慨賦詩。 有幸得全生成逐客之句。

抵白田憩樂志堂答雲漸見懷原韻二首遺藁卷六之一。 往事匆匆總莫論。

虛堂小月正黃昏。 似曾醉裡驚風浪。 却累燈前攪夢魂。 半世坐狂宜

見黜。 寸心知咎敢辜恩。 從來最笑楊朱輩。 每遇岐途便淚吞。 之二。

目斷黃河九派渾。 放船難似上龍門自注云時阻風黃河八日。 飄蓬可惜身名賤。

呼吸方知鬼物尊。 幸得全生成逐客。 不須垂死說驚魂。 忘情豈敢虛

耕鑿。 擊壤高歌是報恩。

暫居白田。 時汪霽覬省歸家。 亦游白田。 同飲樂志堂。 訂吳越之游。

喜朝采至同飲樂志堂竟日別去兼訂吳越之游詩遺藁卷六之一。 老夫睡美

夢才蘇。 却怪巡檐鶻噪殊。 送喜已知連月少。 到門却有一人呼。 相

逢大笑塞簾幙。 小住為佳卧酒壚。 南北浮萍數千里。 豈知吹合在荒

湖。 之二。 昔年椰子驚吳語。 未解先生問草堂自注云朝采向過此欲觀樂志堂未果。 此

會翻教屬逋客。 為歡誰道是他鄉。 試看酒面如人白。 況有梅梢比橘

黃。 自染緇塵三五載。 何曾清味淺深嘗。 之三。 短景荒荒不可留。

白頭雙倚望行舟。 庭闈信有歸人樂。 天地何知獨客愁。 送別忽臨涇

水畔。 尋春還約越溪頭。 惠山山下林塘好。 先上秦家最小樓。

是歲冬。 王士禛遷詹事府少詹事。 兼翰林院侍講學士參漁洋山人年譜康熙二十三年條。

康熙二十四年乙丑 四十七歲

仍居白田。

汪蛟門懋麟年譜初稿

初春。 雪中飲喬出塵齋中。 縱談唐宋人詩。

雪中飲雲漸齋中以古藤杖見贈薄醉扶杖踏雪歸明日以詩謝之詩遺藁卷七

雪霰聲急如雨水。 屐齒到階童出響。 脫帽徑面紙窗坐。 爐烟細作春

雲升。 居士徐徐引譚舌。 數月唾似秋天蠅。 對君猛氣忽然發。 爪嘴

撩動寒林鷹。 品目前賢少拘忌。 總洽公好無私憎自注云時縱談唐宋人詩。 采

芝覓藥固得策。 鏃較刺虎今羞稱。 春風少待渡江去。 萬疊雲峰登復

登。

時更號覺堂。

更號覺堂詩遺藁卷七。 漫叟當年號漫郎。 愚公愚谷耐思量。 馬牛不用呼

名字。 新拜頭銜是覺堂。

清詩紀事初編卷四汪懋麟小傳。 號曰覺堂。 是其晚景亦甚淒涼也。

正月二十六日。 兄耀麟自江都來。 為懋麟作生日。

家兄來白田為余作生日口占謝之詩遺藁卷七。 買犢春來學耦耕。 篋中舊

筆已無情。 卯君生日誰當念。 多謝年年白髮兄自注云坡為子由生日詩云回思十年事無愧篋中

筆但願白髮兄。 年年作生日。

一月二月之交歸里。 時已編成百尺梧桐閣詩集以後詩六卷。

抵舍自嘲二首遺藁卷七之一。 誰遣門生到後堂。 打頭老屋已全荒。 重尋

花下三條徑。 自掃樓頭七尺牀。 數卷殘書須次第。 幾竿亂竹任分張。

歸田慚愧香山老。 未買林亭履道坊。 之二。 舊業蕭條勝舊時。 不堪

收拾似殘碁。 半生仕宦有如此。 一味浮沈空爾為。 欸段尋春無駱馬。

笙歌隨分少楊枝。 對人言語還粗大。 草草編成六卷詩自注云余舊刻詩十六卷至是又增

卷六。

四五五

暮春三月。張貞自安邱來揚州訪懋麟於郊園。相與遊宴數日。時貞屬以父繼偷行狀。臨別。以詩送之。

張杞園自安丘來訪余郊園相與遊宴數日即送之南行歸舟再過同令子

冤公泛舟紅橋復留余小齋盤桓不忍別于其歸也賦四詩為贈感君纏綿

遠顧而余之傾寫亦至矣詩遺棄卷七之一。去秋曹大臨岐別自注云。料得

張髯跨馬來。不道想思遙命駕。真成一笑再啣杯。悲歌氣誼如君少。

寂莫蓬蒿為我開。文字有神交有道。悠悠行路豈能猜自注云時以會。

之四。江左風光在暮春。清和景物總鮮新。飽嘗玉版驚雷筍。細斫

銀絲出水鱗。青野聽鶯曾兩度。紅橋泛酒又三人。草堂苦欲留君住。

愁說河梁十丈塵。

張貞。字起園。山東安邱人。康熙十一年拔貢生。官翰林院孔目。

十八年。舉博學鴻詞。以母憂未與試。博雅好古。精鑒別。工金石

篆刻。尤工古文。嘗遊施閏章之門。與王士禛交莫逆。士禛垂老求

貞定其文。亦手定貞文。論者謂可於愚山堯峰間展一席地。不喜為

詩。自謂生平好讀詩。然為之不似。蓋天性也。歸晚居杞城故園。

著述自娛。著有鄉賢傳。或語耳夢錄。半部稟。潛州集。娛老集

清史列傳卷七十七文苑傳。

秋。曹貞吉來揚州。以詩送貞吉之官徽州府同知。

喜升六至即奉送之官徽州和西厓韻詩遺棄卷七。到門久矣無此客。駐馬

忽爾來北曹。草堂塵積下願掃。頃刻明淨無纖毫。往事浮雲那足道。

此際但可談莊騷。小別匆匆僅一歲。何至爾我俱二毛。窮達聚散總

難料。不信果有神鬼操。咄嗟餉客少正味。草率作具陳邪蒿。客當

偶饑索粒救。我正欲飲斟醪醪。持螯豈須更擇手。說麩下復能加尻。已無酸醜別嗜好。豈有戈槩相攻塵。此行且分一那竹。投贈為卜三

州刀。久知所學具本末。不在官職論卑高。況君持重不妄語。焉用

三復師官滔。清風扇動紫陽俗。自此不敢言魯褒。軒轅高臺一萬丈。

上有千歲之桃靈。我欲乘風一飽吹。猛如鷹脫不可條。儻能釋政為

我出。同看天門雲海濤。

九月十八日。史申義時年二十五。妻李正芳卒於江都。年十九。

文學史淑時故妻李氏墓銘文集卷五。史子淑時初受室以康熙二十三年十

月十有一日歸。以明年九月十有八日死。：當其妻之初喪也。史子

遽登樓。以其妻束幃。自經垂盡。家人追救得不死。既甦大哭不食。

寢其側日夕哭。為文三言哭之。歷敘其妻之賢且才而容止之端靜

也。：李名正芳。字珠遷。先世山西人。生於揚州。卒年十九。

史申義。初名伸。字叔時。號蕉隱。江蘇江都人。少工詩。與顧圖

河以詩學相切劘。時稱維揚二妙。又與懋麟。汪楫等名人相唱和。

康熙二十六年。舉於鄉。二十七年。成進士。居二甲二十二名。改

庶吉士。三十八年。以翰林院編修充雲南鄉試正考官。尋轉禮科給

事中。乞病歸。生于順治十八年十月十八日卒于康熙五十一年。年

五十二。為詩學陸游。王士禛稱申義及湯右曾足傳衣鉢。時又稱王

門二弟子。生平以士禛為師。以姜宸英。梁佩蘭。吳雯。查慎行。

何焯為友。清詩紀事初編卷四史申義小傳。稱蓋申義受知徐乾學。恩怨未盡。

時有報復。不能顯達。殆即由此清史列傳卷七十一文苑傳。

冬。一日。史申義以其才治樓詩一卷投懋麟。併述其妻之死。屢以銘

其墓。諾之。

史淑時詩序文集卷二。其以詩來質。實爲乙丑之冬。時予衝寒歸自丙舍。

昏倦欲睡。奴子投一卷。曰才治樓集。視其名史子也。大驚異。故

人子而以詩來乎。半展異其目。再異其詩。非今之以詩投人者也。

於是張目破睡。就燈卒覽。其七言歌行。託體長吉。而音情駘蕩。

又類鮑明遠。近體清麗。在飛卿義山之間。五言古體。則寓旨多微

言。駸駸乎嗣宗之域矣。喜而忘寐。及旦延致與語。博洽如其爲詩。

自是史子遂日來。來必以詩。：

文學史淑時故妻李氏墓銘文集卷五。：史子余故人子也。年二十餘丰儀

情爽。工詩。有奇氣。少從師受時文之學。卽置他書案下。潛閱之。

師怒不能禁。而時文亦最工。試輒冠其曹偶。初余還山。未知史子

之才也。一日挾其才治樓詩一卷來謁。余驚喜束帶見之。史子顰蹙

歎息不止。述其妻李之死而言之悲也。欲得余一言。以永其傳。

王士禛汪比部傳蠶尾集卷六。君篤師友。好獎引後進。爲立名譽。如今

翰林院編修顧君圖河。吉士史君申義皆是也。

十一月。十二硯齋落成。

後十二硯齋記文集卷三。居士之夢。壬子之八月十二硯齋記云壬子秋九月。居士之齋

之成。乙丑之十一月。凡十有四年。：齋居愛園見山樓之西偏。廣

丈有八尺。深如之。虛其前丈有二尺爲小山。敞其後丈有四尺。留

老竹數十个。仍園之舊也。東西增小廊七楹。居士時休憩其下。

揚州府志卷三十一古蹟志二。十二硯齋在東關。刑部主事汪懋麟之

居。

汪蛟門懋麟年譜初稿

由是。懋麟日座十二研齋。朝課經。夜課史。所作史論甚夥。暇則布袍

芒屨。散步田野間。從里老談話。終不及世事。徐乾學憺園文集卷二十九刑部主事季角汪君墓誌銘

時程邃爲懋麟作八分十二硯齋額。自金陵寄之。

十二硯齋落成自題十二首遺藁卷七。五。垢老書名擅八分。自注云程穆倩爲余作八分十二硯齋額自金陵見。由來韓蔡可爲羣。隔江傳寫眞憐我。鎮日相看倍憶君。體勢纏綿疑擊絮。丰神飄緲欲生雲。青谿一去何時返。重染羊

欣白練裘。

繼而顧圖河時年二十三移送斑竹於十二硯齋。并以新釀餉懋麟。又作詩題

十二硯齋。孫枝蔚亦以詩賀之。

顧書宣移送斑竹及新釀見餉以詩代柬用來韻答謝詩遺藁卷七之一。蕭蕭

正爾憶論文。忽漫門前對此君。渭畝何時消積雪。湘娥昨夜別寒雲。

久知高節原無匹。益信虛懷定有羣。從此平安應屢報。一林烟景兩

家分。之二。買來野竹豈堪栽。難得雲霄未易才。且與龍蛇蟠晚壑。

試看鳥獸走驚雷。天寒不要依長袖。月滿惟應照酒杯。拚與琅玕同

一醉。東橋問訊幾時來。

顧圖河題蛟門比部十二硯齋詩江都縣志卷三十一藝文下。不用高居數仞堂。

此中靜坐意差強。門前剝啄從噴怒。竹裏逡巡只退藏。疊石栽花春

日晚。埋盆波水午風涼。六安枕上支頭臥。直送西廳下夕陽。之二。

蠟紙燈籠伴夜吟。寒蟻秋蚓答空林。是非懶挂論文口。歌哭難平讀

史心。未見異書餘幾卷。不辭高價買千金。墨牀筆格烏皮几。此樂

誰曾著意尋。

孫枝蔚汪季角十二硯齋落成詩以賀之詩澗堂後集卷六之一。偶然得夢便名

居。

孫枝蔚汪季角十二硯齋落成詩以賀之詩澗堂後集卷六之一。偶然得夢便名

四五七

齋。十五年中願始諧。磨墨口毫真快意。求田問舍豈吾儕。天教詩筆傳千載。地足煙花是兩淮。却笑翟公才思少。底須賓客惱胸懷。之二。書豈三冬方足用。竹當臘月正須栽。詩人曾釀蒲萄否。賀客今先燕雀來。雨後千家修第宅。城西十里滿樓臺。與身有分心歡喜。惟是高齋數往回。

顧圖河。字書宣。江蘇江都大橋人。父九錫有文名。淹洽經史。工古文詞。善書法。康熙三十二年。舉於鄉。三十三年。成進士。居一甲二名。授編修。時帝閱對策。至治河一條曰。熟悉形勢。必生長江淮。留心時務者。自是深被知遇。充日講官。直南書房。與修一統志諸書。四十五年。出視湖廣學政。抵任三月卒於官。生于康熙二年六月十六日。卒于康熙四十五年。年四十四。為詩古體多學眉山。近體多學劍南。史申義謂其具陵跨百代之力。盡得古人歸承而自立於宗派。著有雄雉齋集據揚州府志卷五十一人物文苑清史列傳卷七十一文苑傳。康熙二十五年丙寅。四十八歲在里中。

春正月七日。偕韓魏。兄耀麟等。游平山堂。人日同駿霞醉白叔定家兄游平山詩遺集卷八之一。春聲勾引向山行。歲首難逢七日晴。酌酒尚能驅便了。著書久欲謝更生。遍招飲客無閒侶。自信狂夫有道情。松徑一條堪放杖。不勞支遠特相迎。之二。一堂縹緲少躋攀。雙塔孤雲自往還。除却醉翁無可語。空餘修竹伴人間。寒暄城北難消雪。晴送江南無數山。翻笑營丘稱老手。不曾身入畫圖間。

正月二月之交。游白田。飲喬出塵留雲堂。飲留雲堂酒竟以空尊返之戲題二絕詩遺集卷八之一。萬事消除愛此身。肯將筋力費青春。可憐些子長沙郡。辛苦齋中運甓人。之二。灌園汲水老閒身。消却雲安幾斛春。愁枕空尊太無味。不如送與釀泉人。尋兄耀麟等登法海寺平樓。

同李都諫閱程兩居士叔定家兄登法海寺平樓和都諫韻詩遺集卷八。花月迷藏剩此樓。幾枝楊柳伴春遊。鶯聲不繫橋邊棹。草色空連寺外洲。蕭鼓讓斜日散。山川輸與老夫收。眼前作達無人會。談笑逢場只自由。

揚州府志卷二十八寺觀一。甘泉縣。蓮性寺。舊名法海寺。在城西北三里。善應鄉蓮花橋側。又卷三十一古蹟二。甘泉縣。平樓。即平遠樓。棲靈寺縣西北地藏殿之左。五里。有小軒三楹。軒之左捨級而登。平樓在焉。朐於雍正十年。凡七楹。而敞其南東兩面。介江岸海之山。隱然在望。郭熙山水訓云。自近山而望遠山。謂之平遠。平遠之意。沖融而縹緲。因以平樓名之。

八月。立秋前三日。傳自遠招懋麟飲南樓。立秋前三日自遠以詩招飲南樓依韻奉答詩遺集卷八。畏熱但深坐。怡人還明月。迎秋河影重。錢暑竹風輕。惟覺清尊好。何知白髮生。南樓排日醉。寂寂任閒情。傳自遠。南樓。俱未詳。待考。時宗親自貴池官貴池來揚州。同鄧漢儀。吳綺。孫枝蔚。宴集懋麟十。二硯齋。

鶴問至自秋浦邀同孝威齒次豹人集小齋即送還任詩遺藁卷八之一。青鬢看如昨。朱顏念已非。君從何日返。我是去年歸。舊雨浮雲散。新晴落木飛。閒門慵報客。特爲啓巖扉。之二。地借崔秋浦。官憐鄭廣文。八年才一見。涓樹與江雲。及此黃花爛。何辭綠酒醺。秋風垂隴外。容易賦離羣。

八月九月之交。傳自遠飲懋麟見山樓。

自遠飲余見山樓既醉以詩來謝依韻答之詩遺藁卷八。露濕紅蕉潤。花沾白葛香。料來連日雨。拾得此宵涼。君客非三匝。余狂有二鄉。自注云謂醉鄉睡鄉也或曰白雲溫柔亦得。秫田粗刈了。不更卜陰陽。

旋傳自遠招懋麟與汪洋度。韓魏。顧圖河。兄耀麟飲南樓。

自遠招同文治醉白書宣家兄叔定飲南樓夜半有自瓜渚送黃魚至者烹啖極歡口占得第四句醉未就也自遠補成因依韻和足之詩遺藁卷八。高齋簾幙映空虛。叢桂幽蘭靜者居。半夜秋燈誼白墮。一帆疎雨送黃魚。

蕭條節序宜調護。潦倒襟情合破除。更與諸君申後約。平山約在菊花初。

疊前韻詩遺藁卷八。秋雨秋烟四望虛。仙人自昔好樓居。簾纔下了催翻曲。酒正闌時報煮魚。似此新歡原不易。如何舊習欲全除。自注云余律音。已曾想到紅欄外。雪點梅花十月初。

汪洋度。字文治。安徽歙縣人。洪度弟。參本譜康熙二十年二月六日條。是歲秋。孫枝蔚偕顧圖河。史申義等數飲懋麟十二硯齋。

孫枝蔚秋來數飲十二硯齋中留詠三首概堂後集卷六之一。老病誰相念。招尋爾未疎。月昏頻拄杖。室邇省肩輿。種竹聞佳詠。謀金買異書。

門前多載酒。任醉子雲居。之二。幾載京華客。懷山夢薛蘿。如今風雨夜。聯榻快吟哦。自注云見示弟兄唱和諸作。高閣初聞鴈。低田正刈禾。除書知懶闕。林下故人多。之三。羅雀門難比。登龍客所望。論文秋月夜。得友少年場。自注云坐中顧書先史淑時並少年高才。不盡東南寶。爭開蘭菊芳。先生如薛下。一顧價齊昂。

按概堂後集付載懋麟答詩。遺藁未收。之一。見客與煩事。不堪心性疎。飢惟甘說餅。名恥問題輿。割食存餘力。多方買舊書。豈愁難字過。揚子對門居。之二。牀幃聞蟋蟀。霜雪壓藤蘿。時已三秋改。詩慵五字哦。禦寒儲酒本。筭口計田禾。一飽無他慮。招尋不厭多。之三。譽客心都減。藏身是所望。與君同晚境。閱世幾名場。殘菊枝空臥。寒梅亦漸芳。肯來疎草木。譚憤任低昂。

冬。韓魏以杭州韭餉懋麟。欣然命酌。

醉白以杭州韭見餉欣然命酌得詩四首遺藁卷八之一。露葉霜根雪後收。風天送抱碧于油。厨娘細斫銀絲餚。老子歡齊玉筋頭。恍似剪燈聽夜雨。還如餽歲在皇州。年年上谷封題好。白酒辛盤憶勸酬。自注云載眞定公每以冬非及太和春見餉。之二。閉戶甘爲種菜翁。他方方物力難通。嘉蔬到眼花先暹。異味登盤本自豐。杜老貧困園吏薤。放翁僭用大官葱。

不貪自信惟居士。對此何嫌放筋空。之三。讀史曾聞貨殖方。一畦千畝勝栽薑。腰鎌苦欲東園去。獻祭還輸北道強。味美似非貧士食。日中可許富兒嘗。自今但覺便便好。三九從他笑庾郎。之四。在黃在白拆香泥。何意閒籠兩色齊。有道留賓供急饑。季倫驕客出名齏。暮春天氣論斤賣。欲雪年光隔省攜。小物倏然分貴賤。晚菘聲價近

來低。

康熙二十六年丁卯 四十九歲

在里中。

春正月一日。傳自遠招懋麟往南樓看雪。邀韓魏同飲。

元日稍霽自遠明府招往南樓看雪邀醉白同飲聊述席中情事為贈詩

遺藁卷九之一。雪後初分一線春。便安履齒過比鄰。今年信有豐年喜。

纔出門來見醉人。之二。誰道劉伶善閉關。花扉深掩靜于山。絕交

書已喧騰了。只有閒人略往還。之三。萬瓦如鱗一目收。十三樓又

得南樓。年時已約看殘雪。定着紅衫到上頭。之九。交道文章信有

神。每于醉後見天真。茶經食譜尋常味。我輩原非口復人。

正月二日。再任往南樓宴飲。

二日同袁密山飲自遠南樓詩遺藁卷九。清湘歸路尚愁愁。夜泊揚州水驛

樓。十二月中空旅鬢。八千里外有孤舟。約尋南澗寒梅去。且任東

風小月留。板築故人能醉客。不須天末起鄉愁。

正月四日。吳綺等諸友宴集懋麟見山樓。

四日祕園齒次遜齋梅書諸君聞集見山樓詩遺藁卷九。靜裏逢春始覺者。

幾枝萼綠又鮮新。且拚花下顛狂態。猶似風前少壯身。落落江湖雙

白鬢。悠悠天地幾閒人。自慚尚有忙功課。算酒營書弄釣綸。

正月八日。孫枝蔚卒。

徵君孫豹人先生行狀文集卷八。先生素無疾。三十時鬚髮盡白如老人。

嘗有日者。謂先生四十餘當死。即自為晚歌。踰期不驗。至是乃無

疾而逝。得年六十有八。生之歲。為萬曆庚子當作庚申年四月十九日。

卒之歲。實康熙二十六年丁卯正月八日也。

既乃傳自遠以綠萼檀香二種梅花貽懋麟。

曉起自遠以綠萼檀香二種梅花見貽綠萼乃其後堂所植賓客不得見者

故有末句詩遺藁卷九。昏昏燒睡失青春。亂裏林宗折角巾。忽覩綠窗雙

萼在。何來檀粉幾枝新。臨風小憶孤山月。窺鏡如逢絕代人。妬煞

水晶簾下看。衣香鬢影各停勻。

夏五月四日。杜濬來揚州過懋麟。相唱和。

茶村枉過和見投原韻自注云時遺藁五月四日詩卷九。十年真忽忽。舊事已堂堂。此

會添蕭爽。新詩洗混茫。老徵湖海壯。閒愛歲時長。留客尋常少。

因君坐夕陽。

遺藁卷九付載杜濬原詩。一雨得深涼。新軒亞草堂。情親綠契濶。

意遠忽蒼茫。照酒朱花正。凌風碧篠長。異時談此聚。明日是端陽。

六月。與汪楫游白由。訪喬萊。

同悔齋兄之白田訪石林舟中疊前韻詩遺藁卷九之一。曾勸湖濱買薄田。

只愁此意竟茫然。何期早及歸田日。正爾閒逢學稼年。定計盡捨書

籍寶。藏身不欲姓名傳。新來略解楞嚴理。肯與東軒講夜禪。之二。

一棹相過六月中。芭蕉葉大竹成叢。虛堂不與吾廬異。高論還教昔

日同。萬事茫茫真有定。三人草草漸成翁。聞君種樹城東路。好向

清溪試灌筒。

初冬。宗元鼎。徐衡。顧圖河。宴飲懋麟十二硯齋。

初冬定九辰玉書宣晚過齋中和定九韻詩遺藁卷九。秫田初熟似淵明。籬

菊將殘節又更。好客偶來譚白業。清宵且共煮黃精。樓西小月荒寒

影。天北孤鴻寂莫聲。此際奈何惟有醉。漫言霜露隔層城自注云定九寓郊外先去

康熙二十七年戊辰 五十歲

在里中。

春。以鄭樵通志浩繁。手爲刪訂揚州府志卷五十一人物文苑

遺藁卷十和石林園林落成韻詩自注。余時誤通志間編。未竟。

二月六日。點燈會客。顧圖河。郝乾行。汪洪度。汪洋度。兄耀麟與焉。

二月六日點燈會客偶詠東坡冷烟濕雪梅花在留得新春作上元之句即

事寫情邀書宣乾行于鼎文治叔定家兄同作即用坡公韻詩遺藁卷十三五

明星儼在天。未曾料此夜清妍。曹騰醉眼花中霧。澹蕩交情雪後船。

莫厭觥籌喧竟夕。可憐燈月是今年。新春若使常留得。便合時時作

上元。

郝乾行。字羽吉新安儀人久客江都子。事蹟無考。參吳嘉紀詩箋校卷九汪長。玉郝乾行過宿陋軒詩箋。

汪洪度。字于鼎。安徽歙縣人。父子喻。隱居煉丹峰下。洪度善屬

文。工詩。受業于王士禛。士禛爲定其全集。歌行中。賞其建文鐘

篇。云中有史筆。斬治荆修邑志。延洪度專志山水。著有息廬文集

餘事集。黃山領要錄。新安女史徵。詞意雅飭。書法尤爲時所重。

與弟洋度並有才名。王士禛嘗曰。松山二汪。聲價比於儀真。詩亦

拔俗有逸致。書仿晉人。尺號便面。人爭重之石柱國修歙縣志卷七人物志文苑

之後。郝乾行邀懋麟同汪洪度。汪洋度。兄耀麟往寺園看梅。

乾行邀同于鼎文治叔定家兄寺園看梅再用東坡韻詩遺藁卷十維摩室傍

四禪天。花雨逢春色轉妍。梅下正開池上酌。抑邊閒却寺門船。高

臺聽鳥宜今日。小伎搗爭憶舊年。亭外方塘如鉅鑄。探幽何必效宗

元。

夏。四月十一日。懋麟卒於家。

王士禛汪比部傳蠶尾集卷六既得疾彌留。令洗硯磨墨嗅之。復令烹佳

茗以進。自謂香沁心骨。口占二絕句云。惡夢虛名久未聞。孤雲倦

鳥乍還山。半生心事無多字。只在儒臣法吏間。小住遊櫪五十年。

大冠長劍亦儻然。文章勳業都無是。敢與何劉一例傳。大笑呼奇絕

而逝。實康熙二十七年四月十一日也。

葬於平山堂之側。

揚州畫舫錄卷十六蜀岡死後葬于山堂側。

卒後。江闔。吳之振。車萬育。賦詩悼之。

江闔哭汪蛟門詩江辰六文之二。集卷十八平山堂畔拜孤墳。可奈松聲不忍聞。

策蹇欲歸橋上立。暮山無數起愁雲。之二。錦瑟詞人鬢未霜。如何

便作修文郎。可憐百尺梧桐閣。亂竹蕭蕭銷影堂。

吳之振泊揚州弔汪蛟門主事詩黃葉邨莊詩續集兩過邨莊辱贈詩。夜闌尊

酒慰相思。琴聲無復鍾期在。徒倚紅橋日暮時。

車萬育輓汪蛟門詩清詩紀事初編卷八車萬育條淮海維揚一俊人。清詞麗句必爲鄰。

名垂萬古知何用。白水青山空復春。

康熙間。土人以王士禛從祀眞賞樓。雍正間。以金鎮及汪懋麟從祀。

揚州畫舫錄卷十六蜀岡康熙間土人以王文簡公從祀眞賞樓。雍正

間以金公及蛟門從祀。

附記 本稿は共同研究「江南文人の研究」(班長荒井健)にお

ける研究報告の一部である。